

7

13-C

41




71


~~7-13.C.41.~~

fo. 42 r









XX. 1. 28.

B. 4.

MARTINI MARTINII,
TRIDENTINI,
E SOCIETATE IESV,

SINICÆ
HISTORIÆ
DECAS PRIMA,

Res à gentis origine ad Christum natum
in extrema Asia, five Magno Sinarum
Imperio gestas complexa.



AMSTELÆDAMI,
Apud JOANNEM BLAEV.
M. DC. LIX.


UNIVERSITY OF CHICAGO
LIBRARY
500 EAST 57TH STREET
CHICAGO, ILL. 60637

ACQUISITION

RECEIVED

LIBRARY

UNIVERSITY OF CHICAGO
LIBRARY
500 EAST 57TH STREET
CHICAGO, ILL. 60637



UNIVERSITY OF CHICAGO
LIBRARY
500 EAST 57TH STREET
CHICAGO, ILL. 60637

AVGVSTISSIMO
IMPERATORI
LEOPOLDO I.

Hungariæ ac Bohemiæ

R E G I,

Archiduci Austriæ, &c.

Felicitatem.

AVGVSTISSIMO Parenti
FERDINANDO III.
destinata olim à Patre Marti-
no Martinio Sinensis Historia,
Augustissimo Filio LEO-
POLDO I. hereditario quodam jure
debetur : qui uti ditionum ac multo magis
virtutum paternarum heres , Romani quo-
que Imperii gubernacula felicibus auspiciis
nuper admodum suscepit ; ita neque hac
et si tenui accessione debebat esse maximo
Parente inferior. Ac videbatur aptè omni-
no congruere , ut MAIESTATI VE-
STRÆ , quæ prima LEOPOLDI
nomine Austriacæ familiæ Majestatem no-
bilitavit , primum quoque Sinensis Histo-
riæ, antehac Europæis, aut verius orbi uni-
verso ignotæ, opus inscriberetur. De qua

A 2

gente

DEDICATORIA. 5

post innumeros grati animi titulos novas causas habeat, hoc tenue munus, quod ex Orbe altero allatum P. Martinus nobis concedidit, MAIESTATI VESTRÆ dicandi.

DEUS ter Opt. Max. MAIESTATEM VESTRAM Orbi Christiano diutissime sospitem ac felicem servet: quod cum Collegio nostro Societas universa, & Sina omnis Catholica enixissime precatur: ut MAIESTAS VESTRA Parentis Augustissimi virtutes ac laudes affectu, vitæ regnique feliciter administrati diuturnitate longissime antecedit. Vivat LEOPOLDVS I. longaue serie hoc Augustum nomen ad felicem posteritatem per multos numeros ac sæcula transmittat: donec post Albertos, Carolos, Fridericos, Ferdinandos, Leopoldos, Maximilianos, Mathias, Rudolphos, quod ex Alphabeto superest, Austriacis nominibus faustissima successione serò tandem expleatur. Ita precatur

MAIESTATI VESTRÆ

Kal. Nov. 1658.

Devotissimum Collegium
Monacense S. I.

A 3

A D

AD LECTOREM.



Chronolo-
giæ Sinicæ
accuratio.

Nobilitas
Sinica tota
à studiis.

Extrema Asia sive magni Sinarum Imperii compendio & annorum ordine comprehensam Historiam, Europæis adhuc ignotam, tibi represento, amice Lector. Vetustiore, si sacram excipias, & si credendum Sinis, certiore orbis non habet; id quod legenti luce meridiana clarius patebit. Tradit enim à gentis origine ad Christum natum non modo magna temporum intervalla & Sinensium Imperatorum seriem; sed in quovis insuper temporum cyclo (quem Sina jam inde à primis retro initiis annorum sexaginta cursu definierunt) ostendit, quo anno Cycli tunc labentis Regum quilibet imperium adierit, quove anno res in omnem partem memorabiles gesserit. Accedunt siderum observationes ab orbe condito antiquissimæ non pauca, Dionysio, Eratosthene, Hipparcho priores; quæ in omni Chronologia pro temporum normâ semper habitæ, quippe bases & characteres temporum naturales, ideoque certæ. Ex quibus omnibus haud dubia annorum series contextitur. Et Sinica quidem Chronologiæ fides tantò est integrior, quòd Sina sibi solis ac sua tantùm scripserint, exterarum gentium aut ignari aut contemptores. Vtunque est, postquam nec externis placere, nec sese jactare studium fuit; mentiendi causas procul habuere. Idque tantò minùs, quòd à vetustate vel sanguinis vel temporis nulla sit apud hanc gentem nobilitas. Pauperrimo cuique per literas patet iter ad summa. Hinc nulla circa Sinensium historiam inter ipsos controversia, nulla de regiarum familiarum annorumque serie dissidia, quæ tamen apud nos ita fervent, ut Chronologorum ferè quilibet à quovis dissentiat.

Cum

Cum igitur in omni vita artiumque genere incredibilis utilitas ac delectatio sit historia veritate subnixæ; penitus confido me operam minime perditurum, quin potius iis, qui aut historia aut chronologia se tradunt, rem omnino gratam hoc opere me facturum. Hic enim reperient, qua cum temporum suorum ratione componant atque expendant. Deinde mirandos in remotissimo regno eventus ac mutationes rerum & fortune legent: id est, evanescentes tyrannorum technas, politicae & gubernationis modos diversos, imperiorum conservationem aut ruinas, una cum interitus causis, familias subito in sublime erectas aut everfas, heroum eximia facinora, singularum artium, virtutum ac vitiorum exempla deprehendent; è quibus seu fugiendis seu sequendis, recte vivendi documenta sumant.

Et hac omnia uno velut intuitu perlustrare in hac synopsi licebit; quam, uti dictum, ab origine Sinica gentis ad Christum usque natum, qua potui brevitate claritateque ex innumeris Sinica Historia libris studiose congeffi. Quorum voluminum Scriptores constanti non minus fide quam labore historiam ita prosecuti sunt, ut, etsi ea sit una atque perpetua, plurimos tamen habeat authores, alios aliis antiquiores; à quibus ordine congesta est. Neque enim Scriptori sequentium temporum licet historiam priorem corrigere vel in dubium vocare; sed id muneris habet, ut ex fide temporum suorum annales prioribus subtexat, eosque Imperatoris jussu continua serie prosequatur.

Historia
Sinica quo
pacto con-
tinuata.

In hoc itaque opere tam vasto Herculeum laborem exantlasse mihi videor. Ea est enim Sinensium literarum difficultas, ut earum cognitio humanas vires & atatem superare videatur. Continet characteres, aut verius hieroglyphica, supra sexagies mille, omnes figuræ & significatione diversos. Nec enim, ut nostrates, ex aliquo certo Alphabeti ordine vel methodo constant;

Characterum
Sinicorum
difficultas.

sed res qualibet figuram habet, qua exprimatur, ab aliis diversam, nulla arte vel norma compositam & velut casu subiecta rei attributam. Decem ipsos annos in hoc molestissimo studio ita consumpsi, ut prater libros, & quibus statas preces recitabam, alium quam Sinicum in manus non sumerem. Huic uni genti prodesse lingua tam operosa peritia tunc studebat animus, quod me nunquam rediturum in Europam, crederem. Postea vero quam reverti, Majorum auctoritate sum jussus; hoc opus aliaque secutura suscepi, ne meus reditus Europais non prodesset. Si laborem hunc meum intellexero legentibus gratum accidere; stimulo id mihi erit, reliquam à Christo Nato historiam ad hæc usque tempora pertexendi. Neque committam, ut alia bina decades diu desiderentur. Equidem nunquam hoc opus fuisset aggressus, nisi Atlanti Extrema Asia, quem paucis abhinc annis edidi, lucem apprime necessariam inde accessuram credidissem. Ex utroque enim Imperii Sinici, de quo tam varia tamque fabulosa circumferuntur, exacta pendet ac vera cognitio.

Ceterum, quemadmodum Europam olim deserui, ut Sinis ea, qua nobis divinitus affulsit, veritatis luce carentibus, ejusdem viam monstrarem; ita nunc Majorum jussu remissus in Europam, maximi Imperii notitiam toties desideratam Europais denegare nolui. Horum enim gratia hunc laborem in ipso reditu aggressus, longissimo duorum annorum & aliquot insuper mensium itinere ad finem adduxi, ut simul utilitatem, simul delectationem antiquissima historia novitate legentibus asferrem. Quod si sum consecuturus; non historia, sed bonorum omnium auctorem Deum lauda, cujus beneficio inter maritima profectionis molestias moramque ista lucubrare potui. Qua qui leget, facile discet Numinis omnia rite constituentis sapientiam; qua sibi semper similis in orbis totius & singulorum regno-

AD LECTOREM. ,

regnorum gubernatione , semper summa , semper adoranda est.

Quod ad vocabulorum pronunciationem attinet ; omnia quæ per ch scribo , more Hispanico sunt efferenda. Multa quoque per ng scribo , quæ alii per m expressere, uti Peking ; ubi alii Pekim posuere. Nam hæc litera m apud Sinas in fine syllabarum ore aperto , ut à Lusitanis efferri solet ; alioqui Sinica pronunciatio haudquaquam exprimeretur, quæ potius in ng , quam m finitur.



A P P R O B A T I O

R. P. P R O V I N C I A L I S.

EGo Georgius Muglinus Societatis Iesu per Germaniam superiorem præpositus Provincialis, pro potestate, quam ab Adm. Reverendo P. N. Goswino Nickel Societatis universæ præposito Generali accepi, permitto, ut Sinicæ Historiæ Decas prima, à P. Martino Martinio ejusdem Societatis Sacerdote conscripta, & à Patribus ad id deputatis lecta probataque, typis mandetur. Quorum fidem mea manu, & officii Sigillo confirmo. Augustæ 20 Junii Anno 1658.

G E O R G I U S M U G L I N U S.

M A R-

MARTINI MARTINII
 è Societate JESU,
 SINICÆ HISTORIÆ
 LIBER PRIMUS.



MINIMUM rerum quoddam initium Sinas plerosque statuisse, comperio. Sed in eo ipso explicando variaz sunt discrepantesque sententia. Alii, qui sunt è præcipuâ Philosophorum sectâ, omnia temere casuque extitisse arbitrantur; alii

Qua rerum initia ponant Sina.

ab his longe diversi, sed à vero æque abeuntes, mundum ab æterno conditum voluere. Qui error una cum idolorum cultu manavit in hanc gentem ex India anno post Christum natum sexagesimo quinto. De summo ac primo rerum authore mirum apud omnes silentium. Quippe in tam copiosa linguâ ne nomen quidem Deus habet. Sæpe tamen utuntur voce XANGTI, quâ summum cæli terræque gubernatorem indignant. Neque defunt sacrificia quaecunque numen placantibus: quanquam illorum præ eo, quod nunc fit, usus olim frequentior fuit. Ad hæc in suis libris non raro asserunt, sceleribus cruciatus, decreta virtuti præmia esse. Cui rei affinia tradunt multa de cælo. Quæ cum adspectabili & è materia constanti siderum orbi tribui non possint; verisimile admodum, supremum cæli rectorem eis dominumque hac appellatione signari. Et jam inde à Noëticiis temporibus Dei notionem Sinas primos habuisse crediderim, ut illâ ætate non multo posteriores, aut forsan etiam pares. De Angelis bonis & malis meminere passim; illos XIN, hos QVEI vocant. Nec pauca de tutelaribus reperio. Cujus rei argumentum, ut reliqua taceam, istud imprimis habeo, quod credant singulis civitatibus præesse singulos, CHINGHOANG à se dictos; quo nomine gubernationem aut imperium significant, urbiumve

Deum agnoscunt Sina.

Sina Noë coarct.

Angelos bonos & malos asserunt.

biumve tutelam. Ajunt enim, quemadmodum urbibus provinciisque dantur noti rectores, quos videmus; ita occultos esse alios, quos non videmus, quæ curæ sit, tueri rempublicam, ea item crimina sive magistratus, sive populi, quæ homines latent, ulcisci. His tutoribus in quavis urbe magnifica templa exstruunt; in quibus magistratus, cum provinciam suam adeunt, solenni se execratione devinciunt, spiritu civitatis præside in testem & vindicem vocato, nihil contra jus esse facturos. Nullum in iis templis antiquitus idolum visebatur; sed simplex tabella, in qua, Sinensi linguâ literis aureis exaratum erat, *Spiritualis custodis urbis sedes*. At non multo abhinc tempore tabellæ loco substituerunt idola, quæ genii tutelaris personam representarent, quo plus terroris incuterent jurantibus.

Sina diluvium affirmat.

De diluvio multa est apud Sinicos Scriptores mentio: de illius origine causaque, nulla. Quod proinde Noëticumne fuerit, an aliud Sinis peculiare, quale Ogygium olim in Attica, in Thessalia Deucalionium, nondum liquet. Illud pro certo compertum, Sinensem de Diluvio historiam non multum à Noëtico abesse, quippe quæ ter mille circiter annis vulgarem Christi epocham prægreditur. Ante *Fohium* quidem Imperatorem constituta annalium suorum initia Sinæ ipsi pro suspectis habent, ut quæ falsa & ridicula quam plurima complectantur. Quod in ista gente tunc temporis ferme necessum, cum nulla exstarent literarum monumenta, & homines nullis legibus mitigati, ferarum potius quam hominum ritu viverent. Ab illo tamen tempore certissima Sinis habentur, ea maxime, quæ ad annorum supputandam rationem spectant: qua in re mirabile Sinarum semper studium emicuit. Hinc est illa continua temporum & fide optimâ deducta series, etiam ante, quam annorum cyclo utebantur. Quæ causa mihi fuit, uti temporibus *Fohii* dicendis non cyclum sexagenarium, sed epocham annorum, qui Christum natum antecessere, sim secutus. Cyclorum enim epocham tum ordiar, cum ad eum Imperatorem, sub quo illius est epochæ repertus usus, me historia deducit. Vnde parebit, annis

annis ante vulgarem Christi epocham ter mille admodum exstitisse *Fohium*; id quod è Sinicis historiis mihi promptum, ostendere. At enim fides penes illas esto; ego in re tanti momenti esse arbiter nolum, qui cum his Chronologorum nostrorum opinionem pugnare sciam, lapsum à Noëtica eluvie tempus haud paullo arctiori spatio definientium. Tamen nec Sinensium videtur usquequaque repudianda sententia. Favent ei ex Europâ Chronologi non omnino nulli; favent septuaginta interpretes, Samosatrenus, alii; nec Romanum Martyrologium aut computatio Græcorum longe dissentiunt.

*Chronologia
Sinica nova
Europæorum
repugnat.*

Porro primum hominem, quem agnoscunt Sinæ, *Puoncium* nominant. Eum dicunt è chao tanquam ex ovo natum, hujus testam sen corticem in cælum, albumen in aërem, vitellum in terram abiisse, idque media nocte sub illud tempus, quo astra per cælum penetrantia solstitiali brumalique revocatione vertuntur. Primo tamen loco cælos perfectos; stabilitam deinde terram; tum spiritus, postremo homines exstitisse. Ut jam nemo miretur, si etiam in Phœnicia ovum, ut imago mundi, religiosissime in Orgiis Bacchi colebatur. Alii tamen, quod Sinensium notat historia, *Puoncium* ajunt è deserto quodam prodiisse, natalium ignoracionem ultro fassi. Vtut est, insigni Mathematicarum rerum scientia valuit. Vnde credibile est, ortam fabulam, quæ de illius ortu & ovi naralis partitione apud Sinas invaluit. Quo autem magistro didicerit *Puoncius* eam doctrinam, qua Sinæ nullam habent antiquiorem, obscurum est atque adeo ignotum.

*Primi apud
Sinæ homi-
nis ac ducis
origo.*

*Mathesis
apud Sinas
antiquissima
scientia.*

De horis mira tradit liber quidam Sinicus, qui de Natura inscribitur. In eo, Sinico more, plena atque perfecta dies, quam naturalem dicimus, tribuitur in horas duodecim; ex his orbis universi ortus & interitus conficitur, ut horis singulis assignentur anni decies mille & octingenti. Si pro annis menses totidem substituerent, à vero fortasse minus aberrarent. Ceterum idem liber asserit, cælum hora duodecimâ, id est, media nocte factum; terræ natalem in horam à media nocte primam incidisse; hominem deinceps
hora

*De horis
mira Sina-
rum opinio.*







hora secunda conditum, ac demum *Yau* nominatissimum apud Sinas Imperatorem hora sexta seu meridiana nostrate natum. Quæ temporum ratio si veritate subuiteretur, Sinensium se orgines ultra Ægyptiorum retro Chaldaeorumque ambitiosam vetustatem porrigerent. Neque desunt, qui dicant, ab orbe condito ad *Cumfucium* Philosophum annos ter millies ducenties sexagies septies mille fluxisse. Qua opinione superârint etiam calculum eorum, qui Orientem accolunt, mundi finem post annos à primordio septingenties mille, nescio quâ authoritate decernentium.

*Mundi finis
è Sinarum
opinione.*


*Orbis interi-
sum admit-
tunt.*

Idem liber de Natura inscriptus addit, horâ nonâ, quæ nobis à meridie sexta, in orbe universo magnam rerum atque ordinum omnium perturbationem, ingentia bella, regnorum seditiones, & hinc publicas calamitates fore; donec tandem omnia ad suum chaos, unde exierant, revertantur. Nostrum hoc, quod agitur ævum ajunt horam post meridiem primam esse, vel paullo quid amplius. Sed nos præterito de Natura libro, ad nostra redeamus.

*Mira de re-
rum ortu o-
pinio.*

Minus absurdè philosophantur, qui saniorum Sinarum philosophiam secuti, chaos rerum omnium initium faciunt & principium, ex quo materiæ expers seu spiritale summum procreavit id quod materiâ constat. Sed hoc ipsum adstruunt in duas divisum esse qualitates, quas *Yn* & *Yang* vocant. *Yn* occultum seu imperfectum sonat; *Yang* vero patens sive perfectum. Nos duo principia dicemus. Ex his autem in se ductis imagines sive signa quatuor, inde octo formas aut symbola prodiisse. Per imagines ego quidem elementa seu quatuor principes qualitates notari putem. Sinæ verò patens aliud perfectum, aliud imperfectum; occultum itidem aliud perfectum, imperfectum aliud nominant. Ex octo formis qualibet peculiarem sibi modum habet, quo pingitur; & generales quasdam res significat, ex quibus omnium singularium generatio pendet atque corruptio. Ex porro ita pinguntur. Prima  cælum, secunda  terram, tertia  fulmina. quarta  montes, quinta  ignem, sexta  nubes, septima

ma \equiv aquas, octava \equiv ventum significat. Hæ forma ut recte atque ordine conjungentur, sciendum, Sinas occultum perfectum duplicatis duabus lineis scribere hac figurâ \equiv ; imperfectum vero unica lineâ divisâ, ut hîc vides, \equiv ; contra patens perfectum unicâ lineâ continuâ in hunc modum, \equiv ; imperfectum duplici continuâ item lineâ parallelâ, ut sequitur, \equiv . Ex his ergo duobus principiis conjugatis octo illæ figuræ prodire, quibus in se multiplicatis, quatuor constituuntur & sexaginta symbola sive imagines, qui numerus cujusdam universitatis est.



Hinc dicunt ex iis qualitatibus, quas *Yn* & *Yang* paulo supra vocari monuimus, formas quatuor; ex his per *Yn* & *Yang* multiplicatis figuras octo; ex istis demum in se ductis amœnam rerum omnium varietatem effloruisse. Visum est autem ex eorum libris sexaginta quatuor symbola hîc apponere, prout ab ipsis pinguntur, quorum singula nomen habent singulare. Iis tamen recensendis consilio supersedeo, ne ignotis nominibus paginam impleam. Cujusmodi quælibet figura

gura vim habeat, subjecta tabula considerantibus pro campo curiosi laboris esto.

Antiquissimus Sinarum liber.

Habent Sinæ librum *Teking* dictum, qui totus in his figuris explicandis est; magni apud eos pretii obres arcanas, quas illic latere sibi persuadent. Mihi quædam philosophia mystica videtur esse Pythagoricæque perlimilis, etsi multis seculis prior; quippe quæ initium habuit à *Fohio*, de quo dicemus infra. Multa sunt in eo libro de generatione & corruptione, de fato, de astrologiâ judiciariâ, de quibusdam principiis naturalibus. Sed ea jejune disputantur & exiliter, absque causis ac definitione rerum, quas asserunt, ad adstruendam fidem allatis; quales reliqui omnes Sinarum sunt libri. Idem liber numeros & figuras ante adscriptas ad rectam reipublicæ administrationem & morum disciplinam adhibet. Eo tamen ut plurimum utuntur hodie ad divinationes & sortilegia, genuino illius sensu aut neglecto aut ignorato. Mirum quantum ei tribuant ex hoc etiam capite, quod ex illius intelligentiâ rerum abstrusarum eventuumque omnium prænotionem sibi promittant.

Sina numeris arcana tribuunt.

Neque solum in lineis, sed & in numeris explicant harum arcana figurarum, ita ut unum sit, primum *Yang*; duo, primum *Yn*, & sic deinceps; novem vero summum & perfectissimum *Yang*, decem maxime imperfectum *Yn* continere dicatur. Ajunt itaque cæli numerum esse unum, tria, quinque, septem, novem; terræ duo, quatuor, sex, octo, decem. Cælo quidem numeros assignant impares, qui viginti quinque constituunt, numerum cæli perfectum; terræ autem numeros quinque pares adscribunt, qui juncti triginta efficiunt, numerum terræ imperfectum. Multa in eam rem alia continet liber *Teking*; quæ, ne sim æquo longior, visum est omittere.

Secundus Sinarum Dux.

Puoncuo mortuo Sinas rexit *Thienhoangus*, & post illum successores tredecim unius omnes familiæ. De hujus Ducis ævo ita Sinensis Historicus loquitur. *Tunc temporis celestis spiritus ubique discurrens, paulatim urbano*

banos mores induxit, & absque magno labore mortales, alioqui disciplina capaces, ad humanitatem informavit, præcipue magno illo dracone (fortasse ad Leviathan patientis Iobi alludit) occiso, qui mundum omnem turbavit calum terra miscendo. Eo enim peremto, suum res quæque gradum ac dignitatem obtinuit.

Hic Thienhoangus adinvenit primus duplex illud genus literarum, è quibus postea Cyclum suum sexagenarium efformarunt Sinæ. Inde constat scientiam primam apud Sinas Mathematicam fuisse, atque à Noë ad posteros quasi per manus propagatam. Indidem licet conjicere, omissis argumentis aliis, Puoncium & socios à cessatione diluvii, imo ante turris Babylonice molitionem ad Sinas venisse. Cui quidem conjecturæ hactenus faverim, si qui revera tunc homines in Sinis fuere, & non ab Historicis potius suppositi. His autem primis temporibus usque ad Imperatores, per familiarum capita homines regebantur, sicut de Abrahamo & Lotho sacris etiam literis proditum. Quare ubi Author Sinicus tredecim Principes ex eadem familia nominat; non videntur aliis successisse mortuis, sed eodem tempore diversarum familiarum rectores vixisse. Ita infra usque ad Imperatores intelligendum. Nos ad duplices illas literas redeamus.

Mathematica scientia apud Sinas prima.

Primi ordinis literæ sunt decem, quas *Can* vocant; quæ sunt, *Kia*, *Y*, *Ping*, *Ting*, *Vu*, *Ki*, *Ken*, *Sin*, *Seng*, *Guei*. Secundus literarum ordo continet duodecim diei horas, quas Sinæ non per numeros, sed per characteres peculiare expriment atque indigetant. Et quoniam à media nocte incipiunt; duodecima medix noctis *Esu* dicitur, secunda post mediam noctem *Chen*, quarta *Yn*, sexta *Mao*, octava *Chin*, decima *Su*, duodecima *V*. Secunda à meridie *Vi*, quarta *Xin*, sexta *Yen*, octava *Sio*, decima *Hai* appellatur. Ex his ergo literis, inter se coagmentatis, efformant Cyclum suum, primam cum prima, secundam cum secunda copulando, donec iterum ad calcem redeant, quod sexaginta demum absolutis annis iterum contingit. Ex iisdem harum literarum conjugationibus non so-

Horarum apud Sinas ratio.

lum anni nomen & qualitatem, sed etiam totius anni & singulorum dierum arcanos è cælo in hæc inferiora innotus, & rerum naturalium proprietates scire se putant. Nam, ut illi quidem ajunt, ita hi characteres sunt ordinati, ut nunquam fallente circuitu & siderum cursus, & elementorum qualitates ex ipso solum ordine pendeant. Addunt hominibus deinceps præfuisse *Tihoangum* quendam; quem cæli siderumque cursus perite observantem, diem noctemque suis nominibus insignivisse, mensem quoque triginta dierum spatio terminasse. Hunc undecim alios fuisse insecutos tradunt; de quibus nihil memoria dignum, ne nomen quidem invenio.

*Aureum se-
culum.*

His *Ginboangus* cum novem aliis è familia sua successit; qui terras ita divisit, ut novem partes constituerent. Earum una ad habitandum mortalibus contributa, reliquas octo agriculturæ atque annonæ destinavit. Ita vagos homines ac dispersos in unam sedem coëgit; quod Græci *Phoroneo* apud *Argivos* tribuunt. Hoc gubernante aureum seculum fluxisse affirmant. Terra namque modico labore culta, sponte propemodum fruges tulit; & quilibet rerum ordo, ut cum Sinica historia loquar, suam dignitatem obtinebat. Rex plus quam paterna charitate populos complectebatur; qui eum vicissim ut patrem obsequen- tissimi filii colebant. Ille regis nomen, hi subjecto- rum civium munus pulchre explebant. Omnia tunc erant communia, liberi omnes, maximoque inter se omnes amore connexi. Ab hac vero agrorum divi- sione Geometriam initium reperisse credibile est.

*Geometria
initium.*

Sequitur *Yesus*, qui mortales in montium antris & speluncis in hoc usque tempus habitantes, mapalia & casas è ligno ædificare docuit, ut à se ferarum injurias defenderent. Fuit autem iis temporibus magna humanorum commodorum inscitia. Neque enim aut agri colendi præcepta idonea, aut ignis è filice ad parandos cibos fovendaque corpora eliciendi usum callebant. Herbis & fructibus sponte nascentibus, crudisque ferarum carnibus vescabantur, epoto etiam earundem sanguine, cum urgebat sitis. Animalium pel-
libus

libus nullo artificio paratis, ad tegenda corpora ita utebantur, ut tamen maximam partem nudi incederent.

Hoc vita functo *Sujus* regnare cœpit. Is mirifice in *Elementa* Astronomia excelluit. Ex astroquin, ut & orbis nostri contemplatione primus è Sinica Philosophia quinque elementa esse docuit, metallum, lignum, aquam, terram, & ignem; quorum postreimum esse in aëreprehendit. Ligno quoque lignum atterendo primus ignem elicuit, ut nos è silice solemus; ac velut alter Prometheus flammæ radices & originem aperuit. Eam ignis extundendi artem etiamnum Sinæ in usu habent, & pro varia tempestate anni ligna varia deligunt id temporis ad præbendum ignem aptiora. Et si neque alterum compendium ignorent, chalybe ignem è silice petendi. Idem *Sujus* characterum & literarum loco, funium nodos ad memoriam levandam primus invenit, & in scholis modum iis rite utendi edocuit. Nulla tunc pecunia, nec auri fames fuit. Nundinas tamen instituit, ut rerum permutationibus idoneas. Ad quæ talia feliciter constituenda quatuor præstantium virorum, quos ditionibus præfecerat, opera & consilio adjutus fuit.

Verum ne Sinas, quod inter elementa lignum quoque & metalla numerent, tanquam à vero nimium aberrantes rideamus; eorum hic de elementis philosophiam breviter apponere visum est ex libro, quem *Xuking* nominant. Quinque, ait, sunt elementa; aqua, ignis, lignum, metallum, terra. Aqua irrigat & descendit, ignis siccatur & ascendit; lignum erectum & distortum vocatur, metallum ductile, lævitasque patiens; terra semina capit, affertque fructus. Irrigans & descendens dat salum; siccum & ascendens dat amarum; rectum & distortum facit acidum; ductile & polituræ idoneum mordax facit sive acre; accipiens semina & dans fructus dulce gignit. Hæ sunt quinque elementorum qualitates, seu sapor. Atque in his elementis explicandis nihil ex meo; à Sinis omnia desumpti, quæ dijudicanda lectori relinquo.

Præterea hæc eadem elementa Planetis applicant;

B 2

Saturno

*Planetis
quinque ele-
menta appli-
cant.*

Saturno terram, Iovi lignum, ignem Marti, aquam Mercurio, Veneri metallum. Quæ stellæ ad hæc usque tempora iisdem, quæis elementa, nominibus explicantur. Saturnum enim dicunt terræ stellam, Iovem ligni, Martem ignis, metalli Venerem, aquæ Mercurium.

Sed hætenus annos & tempora non adscripsi: quippe Sinis quoque, nec injuria, dubitata. Et sane multa insunt ridicula Sinicis annalibus, sive hominum ætatem consideres, sive annos regnantium. Si enim fidem illorum scriptoribus haberemus, ætas orbis universi multis annorum millibus ante diluvium extenderetur; quod paullo supra quoque monuimus.

*Historia Si-
nica qua di-
ligentia con-
tinuata.*

Nunc quæ sequuntur, ab ipsis pro indubitatis habentur, ea præcipue, quæ ad annorum rationem spectant; qua cura non ullam facile nationem Sinis in orbe reliquo parem invenias. Fuit enim & est etiamnum genti huic usitatum, ut doctissimis aliquot Philosophis Imperatoris defuncti res gestæ conscribendæ à successore mandentur, fucis & adulatione omni remota. Quod munus apud ipsos cumprimis est honorificum, & à summis quibusque viris expectitur. Hinc historia Sinica ita sibi semper similis continuatur, ut, quanquam ab alio sit atque alio succedentibus annis adaucta, unius tamen authoris esse opus videatur. Et omnino unicum est, non ab alio quam regio scriptore unquam tentata, magnisque & plurimis voluminibus contenta. Inde sibi Sinæ pro memoriæ subsidio epitomen conficiunt, qualem his ipsis libris præsentio; etsi passim, quo omnia sint ad cognoscendum apertiora, paullo longius excurram. Totam autem historiam perscribere, multorum annorum labor foret.

*Compendium
Sinica histo-
ria.*

*Quid du-
bium in Si-
nica histo-
ria?*

Illud velim animadverti, in historia Sinensi rem unam duntaxat esse dubiam, à Sinicis etiam scriptoribus observatam, quo tempore natus sit Imperator, qui proxime sequitur. Alii namque annis septuaginta & uno citius, alii totidem annis serius ejus natalem asseruere. Vnde ex posteriori opinione vigesimo quarto ætatis anno; at ex priori, nonagesimo sexto imperium

perium adiit. Nos priorem sequemur, ne justo longius historiam extendamus. De anno autem, quo imperii habenas cepit, nihil apud Sinas ambigitur.

Quæ hæcenus dicta sunt, ea, si per me stet, ad tempora diluvio priora retulerim; quando ipsi quoque Sinæ de annis antecedentibus dubitant, nec certi quicquam habent. Hanc enim, qua de scribo, extremam Asiam ante diluvium habitatam fuisse pro certo habeo. Verum quo pacto fuerit rerum servata memoria, humano genere omni, si à Noëtica familia discesseris, penitus deleta; mihi non liquet. Nisi forte de rebus diluvio antiquioribus obscura in posteris fama, per manus tradita remansit, quam scriptores deinceps ignoratione veri conjecturisve magis obscurarent; aut suæ gentis amore, studioque illius initia ad ignotam originem revocandi, commentis ac fabulis corrumperent. Sed hæc in lectorum arbitrio sunto; nos certiora sequamur.


I. IMP. FOHIUS.

Regnavit annis c x v.

Hic ergo primus est, quem Sinæ Imperatorem, seu cæli filium vocant. *Thiensu* enim hoc sonat. Quod nomen Imperatoribus suis tribuunt, non quod eos credant, à cælo genitos, vel inde originem duxisse; sed quia putant à cælo effusus amatos, qui aliis mortalibus prætermisiss, ob egregias naturæ dotes ad tantam sint fortunam evecti. Hunc *Fohium* è matre absque patre natum memorant. Illam enim forte ad ripam lacus, à quo *Lanthien*, urbs in provincia *Xensi*, alluitur, deambulantem, ingens hominis vestigium in arena impressum calcasse, inde ab iride circumdatam concepisse, in eademque provincia *Fohium* enixam esse. Is auno autem vulgarem Christi epocham, quod supra indicatum, bis millesimo, nongentesimo, quinquagesimo secundo imperium auspicatus in eadem provincia, quam natalem habuit, regiam constituit. Ex quo conjici potest, qui primi mortalium apud Sinas fuere, à regionibus, quæ magis ad Occi-

Ante vulgarem Christi Epocham 2952.

Fabula Sinica.



dentem vergunt , paulatim ad Orientem progressos , vel ante conditam Babylonem , vel postquam commercio sermonis , turrisque altius moliendæ spe sublata , terrarum orbis frequentari cœperunt.

Hic Imperator magnis virtutibus eluxit ; & astrologiæ cum primis peritus , cœlestium juxta humanarumque rerum curam exacte habuit. Nam in cœlo quidem siderum motus intuitus , magnos eorum orbis aliasque è Matheſeos norma figuras primus in tabulis descripsit. In regno leges & statuta excogitavit , quibus , ut & mœnibus , primus mortales munivit , nominaque familiis facilius distinguendis imposuit. Primus itidem sexaginta quatuor illas figuras supra positas , earumque usum docuit , quas in draconis è lacu prodeuntis dorso se observasse ajebat. Quod eum finxisse credibile est , ut noviter inventis artibus à prodigio pretium faceret , quemadmodum multi legum conditores ad Deos authores nova jura referebant. Draconi autem ed fidentius novam artem tribuit , quod id animal maximum felicitatis omen putent. Quam etiam ob causam Sinici Imperatores draconem non secus atque Romani aquilam in insignibus ostentant. Illud tamen admiratione dignum , in regii Draconis pedibus digitos quinos pingi à Sinis : si qui alii eo symbolo utantur , nefas & capitis pœna cautum est , nequis plures in pede ungues effingat quam quaternos. Sed infra plura de Sinarum circa Draconem superstitione dicam.

*Draconis insi-
gne imperii.*

*Characte-
rum initium
& figura.*

Idem Imperator Sinicos characteres reperit , quos loco nodorum adhibuit , sed ipsis nodis intricatiores. In quolibet enim caractere sunt observanda sex ; Figura , Sonus , Vsus , Significatio , Compositio , Explicatio. Literæ tamen illæ à *Fohio* inventæ , ab his , quæ nunc in usu versantur , olim diversæ , ad Ægyptiaca hieroglyphica accedebant , ut figura rem significandam ipso adſpectu exhiberet. Ut exemplis res magis in aperto sit , hæc litera , 1. quæ montem significat , olim ita , 2. pingebatur. Sic solem eo modo exprimebant , quo Mathematicis hodie circulo medioque puncto , 3. describitur ; nunc ista forma , 4. effingunt. Draconis hæc , 5. olim figura erat ; hodie ira , 6. forma-



6. formatur. Regis litera, seu nomen sceptrum cum oculo, 7. referebat; nunc ita, 8. pingunt. Volucrum, gallinam, vel gallum, sua, hoc est, nativa specie, 9. 11. repræsentabant; nunc his ductibus, 10. 12. explicantur. Habeo penes me librum literis Sinicis ad sex diversos modos conscriptum, opus antiquissimum & rarum, Sinis ob vetustatem raritatemque magno semper in pretio habitum. In eo libro antiquæ lite-

ræ formam utcumque referunt earum, quas Romæ in obeliscis sæpe me videre memini. Et hæc de literis Sinarum; nunc cetera persequamur.

Ad hoc usque temporis, mares inter ac feminas nullum erat apud Sinas in moribus ac veste discrimen, nulla connubia lege firmata; sed belluarum more temere & vaga libidine jungebantur. Vtrunque *Fobius* discrimen inuexit. Nam & viros à feminis cultu distinxit, & conjugia instituit, tanta etiam propinquitatis reverentia, ut lege vetuerit ejusdem cognominis puellam domum ducere; quæ lex hodieque religiose servatur. Ad demulcendos dein hominum animos atque affectus, ut & honestam oblectationem musicum instrumentum adinvenit triginta sex chordis instru-

*Connubia
capta.*

*Musicum
instrumen-
tum excogi-
tatum.*

ctum. Adeo jam tum præstabilis putabatur musica ;
tanquam siue concentu Sinæ non potuerint in civilem
consensum coalescere.

II. IMP. XINNUNGUS:

Regnavit annis cxxxx.

*Ante vul-
garem Chri-
sti Epocham
2837.*

*Aratri &
agricultura
inventor.*

Fobio extincto *Xinnungum* insignis pietas & amœ-
nitas morum ad imperium evexit ; quod annis cen-
tum & quadragiuta tenuit. Sub hoc tempus , cum in-
gens hominum multitudo toto disseminata regno ,
carnibus tantum & herbis sponte nascentibus vescere-
tur ; feris prope omnibus absumtis , vix alimenta dein-
ceps suppetebant sustentandæ vitæ necessaria. In ea
rerum penuria Imperator naturam fereudis ultro fru-
gibus ad mortalium alimoniam non suffecturam arte
cultuque jovit , aratro & reliqua rusticationi apta su-
pellectili primitus inventa. Ita terra ferro subacta
quinque frugum genera , triticum , oryzam , milium ,
frumentum Indicum , quod hodie Turcicum vocamus ,
& legumina progeuuit. Hinc illi *Xinnungi* , quod spi-
ritalem agricolam sonat , nomen inditum. Herbarum
quoque omnium vires iu expellendis morbis expertus ,
non iu alieno , ut multi solent , sed in suomet corpore
periculum fecit , quid in stomacho ad concoquendos
cibos aliisque iu membris aut morbis efficerent ; cui
malo creando vel extinguendo sufficerent. Et hoc tanta
solertia successuque fecit , ut eum vulgo oculis plus-
quam lynceis crederent omnia hominum corporum-
que arcana perspicere. Fama est , eum uiuius diei spa-
tio ad sexagiuta-venenatarum herbarum genera cum
totidem earum antidotis distinxisse ; quem iccirco
medicorum principem & authorem nominauit. Ad hæc
usque tempora certè simplicium medicamentorum
usum , & vires exinde callent , ab optimis eam iu rem
libris ita instructi , ut Dioscoride vel Matthioli non
indigeant ; & ne pictore quidem alienigena , quando
iisdem libris plantæ ac radices omnes nativis colori-
bus ac figuris adumbratur. Hæc pacis & œconomix
studia , ut nihil in rebus humanis diuturnum , impor-
tuna

*Medicorum
Princeps.
Libri herba-
rum apud
Sinæ anti-
quissimi.*

tuna seditio contaminavit. *Soxatius* dynasta quidam tributarius ad defectionem spectabat, *Kivenium* præfectum à concepto scelere amica oratione dehortantem ausus è medio tollere. De perfidia edoctus Imperator nec arma in illum, neque ultionem paravit; sed optimam vincendi rationem in clementia reponens, si reus intelligeret suum scelus dominantis virtute superatum, hominem venia donavit. Prorsus raro Principum exemplo, qui ad veniam quandoque difficiles majestatem putant solo ferro defendi. Neque *Xinnungus* in hunc unum adeo humanus fuit, sed, ut erat mitis ingenii, gloriam boni principis in æquitate populique charitate posuit. Quibus rebus id effecit, ut ipsimet *Soxatii* cives acerbè ferentes tanta Imperatoris virtute regulum suum adeo turpiter abuti, *Soxatio* interemto tam pio Imperatori ultro se subjicerent. Nec dubitavere, qui rebellis dynastæ ignovisset, in dedititios clementem fore. Nimirum est quandoque, cum ad initiandum obsequio populum plus virtus, quam vis & arma valent. Exinde diuturna fuit imperii tranquillitas, imperantis moderatione stabilita. Postea vero, quam centum & quadraginta regnavit annis; ab alio regulo, qui ei deinde in imperio successit, bello petitus & victus occubuit. Ista clades in monte Fano accidit eo loco, ubi nunc *Yeking*, provinciæ, cui nomen *Peking*, civitas est sita; penes quam gentem ad hæc usque tempora primi hujus, ut putatur, in orbe belli memoria servatur.

Pietas arma domat.

Primum in orbe bellum.

III. IMP. HOANGTIUS:

Regnavit annis c.

Hoangtius igitur perduellione, vi & armis imperium occupavit; de cetero virtute nulli secundus, eleganti etiam forma & statura ultra modum procera. Et ab hoc demum Imperatore, tametsi binum illum antecesserint, Sinae Cyclum suum sexaginta annis descriptum inchoant, quippe ab eo ipso inventum. Unde nos quoque auctores Sinicos studiose secuti,

Ante Christum 2697. Cyclo 1. anno 1.

B 5

hanc

hanc Cyclorum epocham assumimus ; ita tamen , ut simul annum ante Christum natum ex vulgari ejusdem epocha signemus.

Primus exercitus.


Sinici imperii antiqui terminus.

Hic *Hoangtius* republica statutis ac legibus aucta, mensuras itidem & rerum pondera ad libram examinanda instituit. Primus omnium exercitum aluit ; cujus armis & metu jussa facere detrectantes in officio continuit. Neque aliud ei criminofum fuit , quam quod perduellis pessimo exemplo iisdem copiis esset ad legitimi Imperatoris injuriam abusus. Veruntamen regnum per scelus obtentum probe administravit, civium amans & patriæ ; quam ut commeantium bono apertam accessamque faceret , montium juga & latera excidit , publicasque vias aperuit , limitibus etiam imperii propagatis. Nam versus Ortum illius fines extendit ad mare id , quod vos Eoum dicemus. Quod enim in hanc diem Eoum mare dictum fuit, istius est ignorance factum. Ad Boream , veterem Tartariam , ad Austrum , magnum illum fluvium , quem maris filium vocant , limites posuit. Is fluvius vulgo *Kiang* dictus , omnem Sinam , ut nunc est , ab occasu ad ortum fluens , in Boream & Australem dividit , istius quondam regni terminus. Sed de hoc in nostro Atlante extremæ Asiæ plura. Porro etsi Imperator in provincia , quæ *Yen* olim vocabatur , hodie *Peking* , ubi nunc *Paoting* urbs est sita , regiam sedem fixerat ; nullo tamen loco diu substitit , motis identidem castris eo spectans , ut exercitum haberet militari disciplinæ suoque nutui assuetum , ac simul novas res inolientium conatus vel præverteret , vel certe opprimeret. Quis eum non miretur , qui , ut prospiceret patriæ ac regni quieti , ipse vagus , solis instar immotam terram obeuntis , tot curis inquietabatur , dum principum alibi stertentium causa tota regna fatigantur ?

Cycli Sinicorum anno-rum inventor.

Inter alios regni ministros , senos habuit Præfectos , quorum opera rempublicam administravit. Primus fuit *Tanassus* , qui cyclum solis , quo Sinæ in hunc etiamnum diem utuntur , perfecit anno ante vulgarem Christi epocham bis millesimo sexcentesimo septuagesimo,

gesimo, cycli primi, ut & hujus Imperatoris vigesimo octavo. Alter *Yumchinus* polum & stellas illi proprias primus observavit, & instrumento quopiam, cujus formam scriptores non tradunt, sphaera utique caeli orbem repræsentante, caelestis orbis figuram imitatus est; multa præterea usu expertus, è quibus aëris ac caeli inferioris mutationes deprehendi queant. At *Lixens* arithmeticae Sinensis author facili methodo sex genera numeros tractandi complexus, Algebrae arcana, regulas falsi aut societatis non attingit. Ea supputandi ratio globulis constat filo ferreo insertis, cujus quindenæ vel vicenæ series è summa tabula deorsum æquali intervallo factæ, per medium ducta tabella ita dividuntur, ut in superiori ordine singula fila duos globulos capiant, quorum singuli quinarium valent; inferiori vero, cujus spatium laxius in altitudinem paret, singula quinos habeant, non ejusdem æstimationis.



Quævis enim sphaerula pro monade tantum putatur. Numerus autem apud Sinas quoque sinistram versus more nostro in numeris crescit. His ergo globulis huc illuc, sursum deorsumque, sicut usus postulat, permu-
tatis,

tatis, magna facilitate dexteritateque rationes suas expediunt. Quem computandi modum perquam expeditum, in calculo præsertim sexagenario, non semel optimo successu ipsemet usurpavi, tantoque magis probavi, quod absque calamo & chartarum lituris omnia, non aspernando compendio, possunt ad calculum revocari.

Quartus è Præfectis *Limlunius* leges civiles, reique publicæ rite gubernandæ præcepta scripsit. *Tumhisus* autem duodecim vasa pro totidem anni mensium numero ex ære cyprio, mirabili artificio, fudisse dicitur. Istorum enim unumquodque nescio, quo pulvere sic opplevit, ut sub finem mensis vasi suo attributi, in ipsa luminarium conjunctione, sponte sua in nihilum vanesceret. Hanc artem etiamnum adhibent, tunc præcipue cum observant, quo momento Sol gradum Aquarii decimum quintum ingrediatur. Verum non ultro pulvis iste, sed incidente lapide excitatus agitur; in cujus lapsu simul attendunt, in quam orbis partem pulvis feratur. Inde de futura totius anni tempestate recte se ominari arbitrantur. Reipsa plebeculæ hac impostura illuditur. Lapis enim ad arbitrium illorum præstigiatorum decedit, sive, unde pendet, ad lentum ignem in eum temporis articulum paulatim adusto, in quo cupiunt pulverem lapidis casu excitari. Quod si ortum versus nubes pulvereæ feratur, tunc enimvero res secundas annumque felicem sibi pollicentur, ignari ab aura temere moveri, quod agi aliquo fato aut numine putant. Postremus horum musicam invenit; quam olim fuisse apud Sinas præstantem libri docent illius laude pleni. Hodiernam nec ipsi magnates æstimant, eamque extra comœdias vix adhibent. Hanc vero artem interiisse, deplorant ipsi, eoque acerbius, quo effusius laudatam sciunt à *Confucio* Philosopho, cujus existimatio eis sanctissima, negante absque musica bene geri rempublicam posse. Hanc tamen jacturam solantur instrumentis musicis variis è varia materia constantibus. In his usitatæ sunt fides, è bysso, ferro, aut ære compositæ. Ex ære item ad conciliandum sonum opera efficiunt

Pulvis qui docet luminarium conjunctionem.

Et creditur anni tempestatem portendere.

Musica inventa.

Instrumenta musica.

ciunt alia, ut sunt campanæ varia forma & sono, pro magnitudinis modo, quorum concentus non inamœnus ac talis fere est, qualis è Belgarum turribus auditur ac templis. Præter hæc usurpant tintinnabula, cymbala & sonoras laminas è lapide, ut & tympana è pellibus, non admodum nostris dissimilia. E ligno quoque varias tabellas compingunt, quas laxius inter sese connexas ad numerum digitis impellunt. Inter ea vero, quæ spiritu ad concentum animantur, ut sunt tibiæ ac tubæ, organum præstat; forma, non item magnitudine, nostris utcumque par. Id enim parvum & è variis fistulis instar Syringis fistulæ, qualem Faunis appingimus, compactum, ore inflant ea gratia, ut illud tibiæ genus omnibus aliis fidium aut fistularum inventis antetulerim. Sed ad Imperatorem redeamus.

Is igitur primus diadema & alia ornamenta, quæ Imperatorem decerent, adscivit, veste cærulea usus & lutea, ut cæli ac terræ colores geminos velut gentilitios in cultu imitaretur. E florum intuitu artem usumque tingendi variis coloribus invenit, quos opulenti egentibusque voluit esse diversos. Figlinam & fabrillem artem cædendi dolandique ligna per suos Præfectos docuit; arboreseque in naviculæ formam excavatas ad flumina majora trajicienda, undis credidit, minoribus fluviis ponte junctis. Ad commercia deinde provehenda numos cudit ex ære; ad arcendam vero vim hostium, arma & bellicas artes non modo præceptis tradidit, sed in usum etiam perduxit. Ita pace belloque providens Imperator in utraque reipub. fortuna civium commodis ac saluti consuluit. Miraculi speciem habet, quod sequitur. In ejus palatii atrio herba crevisse fertur, cujus ea vis & ingenium, ut, si quis malus regiam ingrederetur, confestim in venientem, prona instar heliotropii, se obverteret. Quod germen si passim in hortis aut atriis magnatum cresceret, quanto plures aulis abstinerent, qui nunc latentium scelerum securi, hujusmodi proditores non timent?

*Variarum
rerum in-
ventor.*

*Herba ma-
lorum in-
dex.*

Ceterum *Hoangti*us mares genuit viginti quinque,

*Sina aliquos
homines im-
mortales esse
credunt.*

que, de quibus quatuordecim contracto matrimonio plures illi nepotes procrearunt, quos vivus aspexit. Sinae asserunt nunquam eum fuisse mortuum, sed in eorum cætum assumptum, quos *Xinsien* appellant. Hos in jugis montium summis voluptatibus vacare fingunt immortalitate donatos. At enim ut hæc de illius ad perpetuam vitam transitu fabulosa sint; certe nomen ejus adhuc ob præclara facinora immortale fuit. Ab eo enim omnes Sinarum reges *Hoangti* communi appellatione, quemadmodum apud nos à primo Cæsare Cæsares, dicuntur. Verum enim vero futurum operæ pretium arbitror, quoniam de Cyclo Sinico sexagenario his temporibus reperto iterum hoc loco mentionem feci, si paucis ejus rationem exposuero.

*Cyclos anno-
rum Sinen-
sium qualis?*

Cyclos ergo sexaginta annorum ambitus est; quo spatio decurso idem anni nomen redit. Et licet non eodem tempore fiat luminarium conjunctio, sed trium fere dierum sit diversitas; nulla tamen intercalatione, neque cyclo nostro novemdecennali opus habent. Nam planetarum motus in annos singulos denuo computant, interque se componunt. Non enim habent, neque adeo tolerant perpetuas ephemerides, sed annis singulis novas cudunt in singulos dies, easque typis datas, magnis impensis in universi regni fines differunt. Vnde unius horæ & minutorum aliquot anticipatio, quæ aureo nostro numero novilunia inserit, ipsis in annua computatione reponitur. Annum vero jam inde à tauto tempore Lunæ solarem habent. Menses item admittunt abundantes, deficientes, atque communes. Admittunt menses embolismos, ita tamen, ut non mensem aliquem certum intercalare soleant, ut olim Iudæi secundum semper ad id seposuere; sed usitato sibi calculo inveniunt, quem faciant intercalarem. Nam duodecim signa Zodiaci sic ordinata sunt, ut Pisces semper in primum mensem, Aries in secundum, alia signa deinceps in alios menses incident; ita ut nullus à proprio sibi signo vacuus abire possit. Quia vero altero quoque vel tertio contingit, ut mensis aliquis à signo sibi attributo excidat; hinc

*Mensis in-
tercalaris
pulchrum
invenitur.*

hinc mensis ille ea ratione intercalatur, ut nomen ab antecedenti mense capiat, ex quo dein signum subsequens in debitum mensem cadit. Totus cyclus annos embolismos viginti duos continet; reliqui sunt vel communes, vel deficientes, vel abundantes.

Vnius autem cuiusque anni nomen non per numeros, sed per geminas literas explicant; quarum altera è decem *Can*, altera è duodecim horarum characteribus desumta, ut supra fuit expositum. Dies quoque singulos totius anni eisdem sexaginta nominibus continuata serie insigniunt, eorumque vim & effectus declarant per literam, unum è quinque Sinarum elementis, seu, quod idem est, è quinque planetis significantem. Decem autem illæ literæ *Can* dictæ ita sunt distributæ, ut uni semper elemento duæ respondeant. Hinc Christiani nostrates, etsi forte ob tanta locorum intervalla ephemerides annuas, sive Kalendarium Romanum quorannis imprimi à nobis solitum non accipiant, nunquam tamen in cognoscenda Dominica die falluntur. Habent enim ubique Sinicum Kalendarium, ex quo, si methodum ac normam à nobis vulgatam sequi velint, haud eis operosum festos Divorum ac mobiles dies dignoscere.

Demum addunt duodecim alias literas, quæ planetarum horas referant, è quibus omnibus inter se coagmentatis recteque & ordine dispositis Astrologicas prædictiones deducunt. Non ausim tamen asserere, ut nihil est natum simul & perfectum, Sinas jam tum hæc omnia omnibus suis partibus expleta tenuisse, cum sæpe deinceps Kalendarii sit adhibita correctio. Illud tantum affirmare habeo, pleraque hoc Imperatore inventa quidem fuisse, at initio non ad eam perfectionem adducta, quam post habuere. Ex quo conjici potest, hac gente nullam in ejusmodi rebus inveniendi priorem fuisse. Nunc ad seriem Imperatorum redeamus.

Annorum nomina per literas, non per nomina.

Kalendarium sapius emendatum.

IV. IMP. XAOHAUUS.

Regnavit annis LXXXIV.

*Cyclo 2. an.
41. ante
Christum
3597.*

*Præfectorum
insignia.*

*Avis solis
bonum
amen.*

*Magus fa-
mosus.*

Hic Imperator omni virtutum genere & præclara indole insignis, ab *Hoangtio* patre imperium per manus accepit. Primus ex Imperatoribus, Præfectorum gradus & dignitates per varia volucrum genera & colores distinxit. Quippe semper ita habitum est apud hanc gentem, muneris, quod obit, gradum in veste ostendere. Hinc ante & retro volucrum aut aliud sibi proprium insigne auro byssoque acu phrygia pictum thoraci assuunt, cujus aspectu obviis quisque moneatur, quem è novem honorum gradibus magistratum obtinent. Neque una omnibus suorum symbolorum materies fuit. Ii enim, queis præfecturæ civiles obtigerant, quos nuncupant Philosophos, pro insignibus semper aves habuere; militares vero præfecti ac tribuni volucrum loco, dracones, leones, tigrides & alias ejusmodi ferociam militarem innuentes belluas sibi affinxisse, pulchrius putabant. Omnes tamen eodem spectant, ut ex hoc habitu non gradus modo, sed etiam conditio ac dignitatis genus in quoque noscatur. Aves autem *Xaohauus* ceteris animantibus idcirco prætulit, quod sub initium imperii Solis avis apparuit, cujus adventu felicitatem regno portendi vulgo existimant. Quod si hæc avis diu non sit visa, Imperatoriæ familiæ interitum & futuros bellorum motus ominantur. Quænam vero sit hæc avis, non liquet. Est forma, qua eam pingunt, aquilam crederes, nisi plumarum mira & discolor varietas obstaret. Phœnicem ut esse suspicer, ejus raritas persuadet, Sinæ *Fughoang* vocant.

Postquam imperium multis annis sanctissime habuit, cum jam ob decrepitam ætatem regni rebus minus providere posset; *Kieulius* impostor magicis artibus & lemnium spectrorumque terrore à veritatis tramite ad infanda sacrificia incautam plebem adduxit, omnium fere animis fœda superstitione imbutis. Hinc iratum cælum magnis in eam gentem calamitatibus

tibus detonuit, regnumque omne concussit. Ita Sinarum memorant historiae. Quae fuerit illa, quove spectarit superstitio, haud equidem scio: crediderim tamen *Kieulium* idololatriam & greges deorum invehere conatum, uti alicubi sectarum turbas sub specie religionis inducunt. Atqui nihil interest ad exitium, in numero an cultu aberres, cum de Deo agitur.

V. IMP: CHUENHIOUS.

Regnavit annis LXXVIII.

H *Oangii* fuit ex fratre nepos, & ob insignem caelestium rerum scientiam ad imperii fastigium ascendit. Omnium primo, labefactatam priorum annorum fato religionem restituit, instaurata majorum pietate, ut unum omnes supremum caeli Imperatorem stans sacrorum ritibus colerent. Additum, ne cui alteri quam Imperatori sacris fas esset operari. Tanti faciebant sua sacrificia, ut sacerdotalem dignitatem, quae ipsis summa habebatur, nonnisi cum scepro vellent esse conjunctam. Initio regni regiam in urbe, ubi nunc *Paoting* est, ejus provinciae, quam *Peking* diximus, postmodum vero ad *Poyang* transtulit. Tradunt, ab eo Kalendarium toto regno publicatum receptumque. Scripsit etiam ephemerides quinque planetarum, quos, dum imperabat, omnes in caelo conjunctos vidit eo die, quo est observata Solis & Lunae conjunctio. Et hunc diem primum illius anni esse voluit, prout auctor Sinicarum rerum in constellatione *Xe* dicta indicat; quae nunc circa gradum decimum octavum Piscium incipiens, ad quartum usque Arietis extenditur. Fortassis haec est illa planetarum celebris in uno signo conjunctio, quam asserunt Europaei Chronologi Noëtica aetate fuisse. Quid ad haec illi, qui annos retro pauciores ad diluvium Noëticum numerant, dicturi sint, nescio. Quid ego sentiam, tum docebo, cum res ab *Tao* Imperatore gestae dicendae erunt, ubi de diluvio agetur prolixius. Interea nolim arrogare tantam Sinicis Scriptoribus fidem, quae nos cogat opinionem illam mutare, quae breviorē diluvii

Cyclo 4. anno 5. ante Christ. 2513.

Imperator simul sacerdos.

Kalendarium primum publicatum. Mira omnium planetarum conjunctio.

historiam facit. Ajo tamen hanc omnino primam esse stellarum observationem; de qua quidem conveniat inter authores. Quid ad hæc Europæi nostri? ego sancte assevero me in Historia Sinica hanc, de qua dixi, observationem in istius Imperatoris actis invenisse. Et hanc gentem adhuc barbaram vocabimus, quæ jam tum adeo fuit exulta, cum nondum Europæ nomen exstaret?

Ephemeridum author.

Cur anni initium sit circa medium Aquarii.

Initium anni Sinis varium fuit.

Hic ergo Imperator primum anni diem, & mensem illum deinceps haberi voluit, quo luminarium conjunctio decimo quinto gradui Aquarii proxima fieret, quod etiamnum observatur à Sinis. Eam ob causam hic Imperator merito author & parens Ephemeridum nominatur. Hoc vero porius tempore quam alio, annum ordiuntur, quod, ubi Sol circa medium Aquarii versatur, ut ipsi dicunt, tunc primum aquæ frigore concretæ solvantur, vermiculi & bombyces resurgant. Nam & cælum tunc mitius vires in hæc inferiora denovo exferere; tunc terram herbis floribusque amoenam; exhilarari homines, animantiaque cetera ad stirpis suæ propagationem incitari; denique novum orbi quasi reflorescenti nitorem gratiamque accedere.

Non negaverim, apud Sinas non idem anni fuisse semper initium, sed pro variorum Imperatorum voluntate varium; tria tamen universe illius initia agnovere. Tria namque præcipue puncta in horarum circulo pro illustrioribus habent. Mediam noctem, in qua cælum; primam à media nocte horam, in qua terram; secundam denique à noctis medio, in qua hominem natum memorant. Mediæ nocti Caprum assignant, primæ Amphoram, secundæ Piscem, ita tamen, ut una hora Sinica duas nostrates complectatur. Circulum enim horarum fixum cogitatione depingunt in cælis, quemadmodum nos circulum semper apparentium maximum, quem in duodecim æquas partes secant horasque totidem; quas, quia circulum effingunt immobilem, semper eodem modo consistere necesse est. Iisdem horis zodiaci signa eo, quem supra notavimus, ordine assignant, quamvis alio atque apud nos nomine insignita.

Quanta

Quanta vero pompa, quantoque sumptu Kalendarium quotaunis in hoc imperio publicetur, vix credi potest. Postquam enim à rerum caelestium peritis, quorum in urbe regia magnus numerus, id perfectum est, summo Matheseos praefecto tradunt examinandum; qui si probarit, magno rituum praesidi transmittit. Tum ille multis exemplaribus transcriptum Regi offert. Rex autem statuta die magno apparatu ac splendore, praesentibus totius regiae magistratibus, post solitos ritus exemplar ad singulas regni provincias per publicos cursores mittit; ubi supremus tributorum magistratus non parvis impensis illud impressum publici juris facit. Sub gravi poena insuper sancitum, ne quis in eo quicquam vel addendo, vel demendo corrigat. Quin etiam privatis typis vulgatum ejus exemplar, etsi cum autographo usquequaque consentiens, poena par manet, salutari more constituta; ut omnes intelligant, id unius Imperatoris esse beneficium, neve, quod plerumque fit, ullum in anni totius observatione discrimen alicubi subrepat. Et haec aequalitas, cen concordiae parens, non in ephemeridum usu tantum, sed in rerum omnium tractatione servatur. Omnes enim iisdem domi forisque moribus, omnes iisdem literis, & eodem corporis cultu in universo, quà patet, imperio etiam hodie utuntur. Vnde conjectari potest, quanta sit animorum in iis conjunctio, qui adeo nulla in re sunt inter se diversi.

*Qua pompa
& sumptu
Kalendarium publicetur.*

*Cultus ac
morum
aequalitas.*

VI. IMP. COUS.

Regnavit annis LXX.

X Aobavi nepos hic fuit, Caus, quod summum significat, ob summam virtutem dictus. Omnes enim optimi Imperatoris partes explevisse scribitur. Initio regni urbem regiam in Roman amoenissimam provinciam, ubi nunc Yensu civitas est, loci commoditatem secutus, transtulit. Quatuor uxorum conjugio novo exemplo illigatus, totidem ex iis filios suscepit. Harum una concepso voto à supremo calii Imperatore Cienum filium impetravit. Altera

*Cyclo 5. anni
no 23. ante
Christum
2435.*

Kium enixa est, quem, itidem precibus à *Xangti*, quem pro deo coli supra indicavimus, matri antehac sterili concessum ajunt. Tertia decimo quarto post conceptum mense, viso prius in somnis rubro dracone, quod magnæ felicitatis argumentum Sinis est, *Yaum* peperit. Quarta *Cheum* filium habuit. Hunc annis procedentibus præ reliquis pater ad imperium assumpsit; optimæ indolis indicia in id usque tempus præ se ferentem. At in eo fortunæ gradu non diu stetit. Nam ubi solus ab obitu parentis regnum obtinuit, cito modestiam dedit. Inde in licentiam vivendi nimiam prolapsus, vivus adhuc, quod nemini priorum obtigerat, imperio exiit. Ebrietati enim ac mulierum illecebris ita se totum permisit, ut nullam imperii curam haberet. Cumque à regulis suæ ditionis non raro sed nequicquam officii admoneretur; gens probis in hunc diem regibus assueta, eique, cui ratio non imperaret, parere indignum rata, nono imperii anno, è fastigio in exilium detrudit fratre illius *Yao* in ejus locum subrogato. Hic regiam fixit, ubi nunc *Cinchen* civitas est. Quos autem hoc loco regulos appello, erant ii dynastæ beneficiarii, quibus Imperatores vel ob eorum merita, vel ob consanguinitatem partem ditionis, clientelæ jure tradebant, ad eum fere modum, quo in Europa Duces vel Comites ab Imperatoribus, aut Regibus provincias accipiunt. Horum erat, Imperatorem adversus hostes tueri, & bello ingruente cum certo militum numero auxilium ferre.

Primus imperio privatus.

VII. IMP. YAUS.

Regnavit annis xc.

*Cyclo 6. an.
41. ante
Christum
2357.
Yaus exi-
mus Impe-
rator.*

HVnc omnes libri Sinici passim sanctissimum piissimumque prædicant. Et sane si res ab eo gestas recte expendas, omnes non modo Sinenses, sed orbis fere totius optimos quosque reges virtute pariter & gloria vel vicit, vel æquavit. Ejus laudes liber *Xi* dictus, & imperante *Yao* editus celebrat hoc brevi quidem, sed insigni elogio. *Yai merita implere totum*

tum

tum orbem. Magna erat in eo diligentia; omnes debito honore prosequabatur. Intelligens, compositis & perspicax; omnia virtute atque indole quadam sibi congenitâ exsequabatur. Multa dein alia illius encomia sequuntur, quæ consulto præterimus. Referemus autem ea, quæ Author, quem præcipue sequimur, de eodem commemorat, Sinicâ, quoad ejus fieri potest, servatâ phrasi. Cælesti, ait, pietate Yaus & eximiâ, (quam Xim, hoc est, Angelicam Sinæ vocant,) prudentia erat præditus. Advenientem omnes ceu solem excipiebant; ab omnibus tanto expectabatur desiderio, quanto aridissimi campi nubes & pluvias expectant. Potens quidem erat, sed solum iusta agens; nobilis & dives, sed non superbus; moderatus in vestibus, equis & curribus: cibum & potum obviæ capiebat. Simpliciter etiam in salutationibus titulisque amabat. Proprium illi, pretiosam suppellectilem flocci aestimare, gemmas & uniones non admittere, veneretas cantilenas nec aure dignas ducere, ornatas & laqueatas domos non habitare, laneis vestibus corpus tegere, & cervinis pellibus frigus arceve. Hæc Sinicus author; quæ de religioso potius viro, quam ethnico Imperatore dicta putes.

Ejus laudes
ac virtutes.

Illud non prætermittendum, quod Confutius & reliqui Philosophi hunc & sequentem Imperatorem pro exemplo ac normâ proponant, in quam ceteri reges intueantur. Certe ab horum gubernatione Sinicam philosophiam & illius axiomata principium habuisse indubitatum est. Nam & hac ætate sapientes ad fidem suis opinionibus aut præceptis faciendam, eorum acta & modum gubernandi pro argumento indubitatio identidem citant.

Imp. i. a. n. s.
res suere nor-
ma Sinica
Philosophia.

Per hæc tempora diebus decem non occidisse solem, orbemque conflagraturum mortales timuisse scribunt. Magna enim incendia exarserant, ejus fortasse modi, cujus illud Phaëtonte rege, ad Eridanum fuit. Varia insuper monstra serpentum nata affirmant. His malis consuetâ pietate inmaximæque curâ, pari civium bono ivit obviam Yaus, ut nihil in ullo bene de suis medendi genere sit passus in se desiderari.

Sol decem
dies non oc-
cidit.

Yaus Impe-
rat.
Mathematicus.

Idem fiderum contemplatione se cum primis oblectans,

Etans, anni dimensionem nonnullis erroribus obnoxiam restituit; mensē quoque intercalarem & abundantes ad debitum ordinem redegit. Ad quod efficiendum duorum virorum operā usus est in eā facultate præstantium; quorum unus *Hius*, alter *Hous* nominabatur. Eos ad assiduam magni cæli venerationem cohortatus, iussit varia ad mathesin opportuna instrumenta conficere; lunæ quoque stellarumque motus diligenter observare; agriculturæ rite exercendæ præcepta inde ad vulgi usum eruere; ac demum summā accuratatione hiemale solstitium notare. Intererat enim illam solis conversionem à rege non ignorari, quod eo die cuncta officia ministris distribuere consuēssent. Interea conjugis partes erant, bombycum educationem, byssi ac serici conficiendi rationem reliquas mulieres docere. Ersi enim bombycum soboles & opificium Sinis ante non erant ignota; ars tamen eorum telam pertexendi ut ferè in rerum omnium initiis contingit, adhuc rudis, & sine arte fuit. Illud Sinis honorificum & fidei consentaneum est, ab iis in Asiam & Europam id genus opificii, ut à fonte dimanasse. Vt vero ad solstitium redeamus, ajunt Sinici scriptores, illud iis temporibus circa primum gradum constellationis *Hiu* observatum, quæ modo initium circa decimum octavum gradum Aquarii sumit. Quæ ratio si est approbanda, solstitium ultra quadraginta & octo gradus ab ortu suo interea deflexisse necessum. Certe quidam ex iis qui librum *Xuking* interpretati sunt, affirmare non dubitat, imperante *Chinamgo* è Sungæ familia, anno post Christum natum millesimo quinto solstitium à superiori observatione jam quadraginta duobus gradibus ab annis ter mille, trecentis quadraginta duobus mutasse. Prima enim illius observatio fuit annis ante Christum bis mille trecentis triginta septem. Notandum autem, Sinas longitudinem per polos mundi definire, circulumque maximum in trecentos sexaginta quinque gradus & viginti quinque minuta dividere, quorum minorum centena unum gradum constituunt.

*Bombycum
& serici anti-
quitas.*

*Supercilia
vario colore
tincta.*

•Ceterum *Yanum* supercilia vario tincta colore atque

in Iridis modum micantia habuisse, invenio. Pacis quidem toto imperio stabiliendæ perpetuum ei primumque studium fuit. Nec à studio dissentiebat publica tranquillitas, æquitate illius ac pietate maximè constituta. Hinc cum mortale genus illis præsertim locis mirum quantum augetur; vicinæ gentes famâ tantæ virtutis excitæ, atque sub tam laudato Principe victuræ, ad ejus ditionem velut paternum sinum confluxerant eâ frequentiâ, ut jam vix regnum Sinense iis capiendis sufficeret. Aquis enim terra magnam sui partem castigata, succedentibus advenis angustior esse cœpit. Eas author Sinicus ait diluvio invecas. Ego malim credere, à Noëticâ inundatione superstites in extremæ hujus Asiæ planitie, locisque depressioribus resedisse; aut peculiari eluvie Sinas inundatos. Nisi forte à diluvio Noëtico aquarum impetu rupti fluviorum alvei, aut aggesto sabulo repleti, stagnandi legem aquis imposuere, cujus impatientes, extraque litora sua effusæ, omni ex parte Sinarum plana mergerent. Vtuncque sit, Imperator ad eas in mare derivandas vel certe ripis & aggeribus coërcendas *Quenium* cum ampla potestate præfecit. Is postquam novem ipsis annis nihil effecit, vel quod parum esset harum rerum peritus, vel quod illi negotio impares vires suas duceret; imperatoris jussu capite negligentia pœnas dedit. Inde alium operi præfecit qui & peritior, & alterius malo ad dicto parendum intentior, tandem aquis exitum aut alvenum fecit. Et quoniam hoc Imperatore de aquarum corrivatione offertur mentio, quas Sinica historia diluvium vocat, & Europæi Chronologi ex certiori opinione ad hujus Imperatoris tempora Noëticum diluvium reducant; facile concesserim, omnem gentis historiam ad hæc usque tempora vel confictam fuisse, vel ea narrare, quæ ante Noëticam eluviem contingere, quorum in arcâ fortasse servata memoria. Nam & alia plura, quæ ad nostra etiam sacra spectant, ab oblivione & interitu inibi vindicata fuisse, doctorum virorum est opinio. Verum Sinis hæc talia persuasa vellem, temerarium foret, scriptorum suorum fidem oraculi vicem tuentibus & ab eo, quod semel credidere, non

Diluvium in Sinis.

dimovendis. Mihi vero religiosum non sit, *Yauu* hunc nostrum eundem cum Iano dicere, ita nominum & temporum affinitate suadente; qui Ianus multis Noë fuisse creditur. Quanquam multa dein à vero procul remota Sinæ supposuere. Fatentur enim, suæ gentis historiam *Xuno* post *Yauu* imperante, uti & librum *Xuking* dictum, primum inchoatam, nec tum typo, sed stylo ferreo foliis incisam. Nondum enim vel sub *Xuno*, vel proximis Imperatoribus typographiæ usus exstabat. Sed hæc omnia in aliorum iudiciis relinquo.

Post hæc ad meliorem formam, imo novam *Yaus* revocavit reipublicam Sinicam, sex tribunalibus cum supremâ potestate institutis. Horum unum *Lypu* vocant, cuius est, magistratuum fidem vel errata cognoscere, & pro cuiusque merito aut ad ampliorem dignitatem provehere, aut male usurpatâ omnino exuere. Alterum est *Pingpu*, id est, militum supremum tribunal, cuius eadem de militiæ præfectis cura, quæ prioris de literatis. Tertium *Lipu* est (Rituum seu ceremoniarum tribunal diceretur) in quo de templis, sacrificiis, exterarumque gentium legatis & aliis huiusmodi negotiis agitur. Quartum *Hupu* dicitur, quod regiam gazam & tributa curat. Quintum *Cumpu* dictum, operum publicorum rationem habet, ut regii palatii, mœnium, fluminum, regiarum navium & itinerum publicorum, necubi ad ornatum & securitatem aliquid desideretur. Sextum *Hingpu* capitalium rerum & criminum causas cognoscit fontibusque pœnas decernit. Hæc sena tribunalia jam inde ab *Yao* initium habent; à quibus tanquam capitibus univrsum Sinicum imperium è regia ordine gubernatur. Præter Imperatorem & Colaum agnoscunt superiorem neminem. Colaum vero illum appellant, qui si nominis etymon spectes, à nobis Imperatoris auxiliator; si muneris dignitatem, summus regni Præfectus diceretur.

Rebus ita constitutis, quemadmodum *Yaus* imperium summâ æquitate tenuit, sic pari modestiâ eâque geminâ, vivus alteri sponte cessit; celsio illône forti-

ter

Sex tribuna-
lia inven-
tio & offi-
cia.

ter contempto, an iuste & legitime administrato magis laudandus. In ipsa quoque abdicatione publicam utilitatem potius quam suorum amorem in consilio habuit. Quippe filiis suis, etsi nec degeneres, nec vulgo ingrati essent, ultro præteritis, imperium homini detulit, in quo nihil regium præter virtutem suspiceret. Forte cum magnatum uno collocutus, sollicitum se aiebat, quem in tantâ negotiorum mole fortunæque varietate summiæ rerum atque gubernaculo præficeret. Cui alter *Fangius* nomine, *In regia*, inquit, *& stirpe tuâ est, quem Sinus imponas. Filius tuus natu major Chus bona indolis, prudentiâ non modicâ, ingenio perspicaci, te siue patrem, siue Imperatorem non dedecet. In eo gens universa præter virtutes tuas in filio tralucen-* *Disium Tai*
laude di-
gnum.
tes etiam sanguinem tuum amabit. Neque si me au-
dis, alteri imperium trades. At Yaus loquentem inter-
pellans, an ignoras, subiecit, æque miki malorum
laudes atque bonorum calumnias displicere? Natus meus
loquax & contentiosus est; neque facta di&is illius re-
spondent; foris doctus bonum se simulare, intus à ra-
tione aberrat. Ita purpuratum sugillata sibi adulan-
di vanitate à se dimisit, abdicationis consilio in alium
diem dilato. Tantum potest apud bonum Principem
patriæ amor, qui cum sincerus est, publicas civium
utilitates solum respicit, cæcus in privatis. Nec mul-
to post, cum jam annis septuaginta imperasset, ar-
cessitum ad se Sungoum, fidissimum & maximæ au-
thoritatis præfectum alloquens: in te inquit, trans-
ferre sceptrum cogito, cui ferendo te unum parem prudentiâ
& probitate video. Tum Sungous fastigium illud
serio deprecatus, negat se iis virtutibus adorna-
tum, quæ majestatem decent; neque honorem istum
se promeruisse, pudori suo gravem; neque humeros
afferre tantæ moli pares. Yaus hominis in respuen-
do imperio constantiam admiratus, quod alii ul-
tro ac per vim invadunt; rogat, si gravetur regnum
adire, quem igitur alium honore illo dignum judi-
cet? Hic Sungous in omnium magistratuum præfecto-
rumque coronâ ita Imperatorem alloquitur. Quan-
do ita me de idoneo regni successore compellas, qualem

Delatum
Imperium
Sangous re-
spondit.

Xuni agricola
virtus di-
gna imperio
visa.

me fore nec quidquam tibi persuaseras ; non equidem diffemulabo , quod è re tua regniq[ue] futurum existimo. Est ita tua ditione agricola , conjugii adhuc expertus , homo omniurn sermone probus , quem ob pietatem ac morum gratiam omnis agrestium vicinia veneratur & amat , agris etiam suis ac domibus ad ipsius commoda usumque sponte oblatiis. Ab ejusdem nutu & ore ob conceptam de illius integritate opinionem ita pendent , ut ejus in eventis omnibus consilium sequantur. Huic nomen Xunus est. Pater illi Cuseus , homo stolidus ; mater ultra innatam feminis garrulitatem singulari vitio loquax ; fratres superbi ac perveraces. Hos tamen obsequio & submissione inter tam diversa studia ita continuit , ut non modo secum ipsis , verum etiam cum virtute tandem redirent in gratiam. Neque contentus alios facere meliores , seipsum quoque in dies magis castigans ad virtutis culmen enititur , juratus prava societatis osor. Hæc Sungoi oratio fuit. Addunt Sinæ hunc ipsum Xunum toto tempore , quo ruri stivam ac deinceps in regia imperium rexit , nunquam defuisse , singulorum virtutes , etiam suas facere. Xuni vero patrem antiqui Cuseum , quo nomine cæcum & mutum significant , ed dixere , ut parentum illius nequitiam exprimerent. Pater enim Xunum filium noverca instigante sæpius è medio tollere parabat , nisi filii mansuetudini parentum cessisset improbitas ; qua perdomita , tota denique familia se correxit ad frugem. Atque ab hujus Xuni exemplo erudita Sinensium philosophia geminum documentum posterorum bono eruit. Primum , nullum patrem adeo posse iniquum esse , cui filius obsequium non debeat ; deinde neminem esse tam sceleratum , quin virtute ac beneficiis flecti possit in melius. Imperator audito Sungoo , experiar , inquit hominem. Nec diutius factum , & duas filias jam nobiles , quas deinde matrimonio sibi junxit , ac novem filios ad Xunum in ejus obsequio & potestate futuros mittit ; ipsi provincie præfecturam tantisper commisit : ut ejus in minori potentia virtutem exploret. Vbi ea se animi moderatione præbuit , ut omnibus admirationi esset , præcipue Tao. Qui tam bono successore lætus , elapso triennio eum

eum imperii consortem fecit, ipsi omni gubernatione commissa. Quo munere ille vivente *Yao* ipsos viginti & octo annos magno reip. bono perfunctus est. Atque ita, etiam regnum duos capere potest, si virtus utrique sit comes.

VIII IMP. XUNUS.

Regnavit annis xxxiii.

HOc anno cum jam ad ultimam senectutem *Yaus* pervenisset, moriens ita *Xunum* ad imperium legitime tenendum hortatur. Ades, *Xune*; satis superque tuam fidem expertus sum. Dictis tuis ex æquo facta respondent. Age igitur, sceptrum capeffe; virtuti ac meritis tuis debitum. Cura, ut civibus tibi subjectis patrem te exhibeas; & memineris non tibi à populo, sed à te populo serviendum. Rex enim idcirco super omnes eminet, ut unus prospiciat omnibus. His dictis moritur *Yaus*; quem *Xunus* haud aliter, atque filius optimum parentem, luxit. Et ut dolori suo litare posset liberius, rebus imperii subinde Præfectorum curæ demandatis, ipse toto triennio ab *Yai* sepulchro nunquam discessit.

*Cyclo 8. an.
20. ante
Christum
2258.*

*Rex qualis
esse debeat.*

Hanc in parentes pietatem mira observantia etiamnum apud Sinas liberi tuentur. Tribus enim annis ita patris mortem lugent, ut semper se domi contineant, relicto quamprimum quocunque publico munere vel magistratu, quo tuncungebantur. Locum quoque, cibos & supellectilem cum vilioribus permutant; nec nisi in humili scamno sedent. Nihil vini, nihil obsonii admittunt, solis oleribus contenti. Vestes rudissimæ sunt, è crassa tela consutæ. Cubili quoque incommodiore utantur. Quin & ipsa loquendi ratio & phrasis est alia; & ad luctum composita. Neque adeo antiqua jam est appellatio, alio nomine vocari volentibus. Ipse, qui in luctu est, non aliud quam in obsequentis & ingrati filii nomen sibi tribuit, ut qui nesciverit obsequio curaque debitâ parentum vitam propagare, sed isdem mortem pluribus offensis accelerarit. Nec sermo tantum, sed etiam charta mutatur & scri-

*Sinarum
luctus in morte
parentum.*

& scribendi modus non rubrica, non papyrus minio imbuta scriptioni adhibetur. Lætioris autem coloris vicem flavus subit vel cæruleus. Vestes candidæ, non ut inter Europæos, hilaritatis, sed mœroris argumentum. Mira proctus hæc Sinarum in parentes defunctos pietas, & imitatores alibi vix repertura, eatenus præsertim, quod cum vident ætate provectis magis necessaria esse obsequia sua, multi è magistratu ejus relinquendi potestatem flagitent, haud aliud causantes; quam quod fractis senio parentibus omni, quæ possint, ope subvenire debeant. Nec facile quis ab Imperatore in ea re fert repulsam, gnaro, in ea pietate nihil ambitionis latere.

*Cur tribus
annis lu-
geant.*

Quod autem triennium in eo luctu ponant, causam è Sinica philosophia non omnino inanem afferunt. Æquum enim esse, qui in primo vitæ triennio, sui adhuc impotes, parentum in se charitatem sint inprimis experti, tantundem temporis post eorum obitum ad molestias, quas eisdem fecissent, velut expiandas lamentis & mœrori à filiis impendi. Vnde non mirum, à Sinis in maximæ infelicitatis loco deputari, si prole careant. Intelligunt enim, neminem se habituros, à quo vel in declivi vita obsequium, vel post mortem possint solennem luctum sperare.

*Sphæra mi-
randa à
Xuno confi-
citur.*

Absolutis ergo tribus incæroris annis Xunus in demortuorum Imperatorum aula inspecto regio thesauro ac gemmis, septem planetarum sphæram ex illis fabrefecit, è cujusque geminæ ingenio planetis singulis aptam attribuens; aliamque terræ loco in medio statuit. Fuit Xunus eximie prudens, moribus perquam compositis, & omnibus charus; quod sua vicissim eaque summa in cives charitate promeruit. Enitebat in eo non umbratilis virtus, sed solida & in utraque fortuna constans. Ferunt eum in quovis oculo geminam pupillam habuisse; quod inde in Physiognomia Sinica, cui gens hæc impensè dedita, bene magna de ea habet volumina, variis vultuum linearumque figuris referta, inusitatæ felicitatis argumentum haberi cœpit. Neque hoc mirandum. Vidi ipse puerulum in oculo dextro duas pupillas habentem. Quæ res pa-
rentes

*Pupilla ocu-
lorum du-
plex.
Sine Physio-
gnomia de-
diti.*

rentes ejus singulari gaudio affecit, reputantes eum congenitam futuræ prosperitatis tesseram in oculis ferre. Nec vani auguris fuere. Filius namque cum familia universa Christianis sacris imbutus, non alio nomine quam isto potuit esse felicior.

Porro Xunus reimp. novis variisque ordinibus civium ac inunerum distinctam, ritibus insuper ac legibus multum adauxit. Sex quoque tribunalia sub Yno instituta in meliorem formam redegit, adlectis multis, qui magistratui jus dicenti partim affiderent, partim Præfectorum vices communicata potestate subirent. Ditionem deinde universam in provincias duodecim partitus, omnes ipse quotannis coram obibat. Tum annos quatuor in excipiendis Regulis beneficiariis explorandaque illorum fide consumpsit; quos poenis aut præmiis, ut erant cujusque merita, affecit. Viros doctos & sapientes præ ceteris fovit. Præfectis per omnes provincias imperavit, ne agriculturam impedirent unquam, alio laborum genere vexando agricolas; ut largam ubique annonam procurarent, hospites peregre procul adventantes benigne exciperent, munia probis tantum & idoneis mandarent, virtutem præmiis excitarent, bonis fidem haberent, malos dimitterent. Quinque suppliciorum genera constituit, quibus criminum reos vel naso, vel talo pedis, vel manu, vel capite, vel denique acerbiori quopiam mortis genere plecterent. Sin ambigerent judices de supplicio in consilium adhibere jubebantur clementiam, & mitius irasci. Exilii tres gradus pro scelere magnitudine statuit. Gravissimum fuit, toto Sinarum regno extorrem ad Barbaros amandari. Proximum, à patria ultra mille Sinica stadia exesse. Tercium ac mitissimum erat, regni duntaxat finibus proscribi, nulla mera longinquitatis præfixa. Sed inter omnia Xuni imperia illud mihi palmam teneat, quo vetuit, nequis idcirco pareret, quod Imperator, sed quod æqua juberet. Hinc forte Præfectos suos allocutus, Tum demum, inquit, moram mihi gerite, cum, quod bonum & æquum erit, imperavero.

Sex tribunalia reformat.

Leges Xuni perutilis.

Supplicia quinque à Xuno inventa.

Exilium triplex.

Xuni dictum memorabile.

Inter

*Tartarorum
prima in Si-
nas irruptio.*

Inter hæc Tartari, de quibus prima hæc apud Sinas est mentio, in Sinicam ditionem infusi, prædas agebant. Nec deinceps unquam destitere Sinarum terras infestare, uti suis locis docebimus. At *Xunus*, cui suorum salus cordi esset, in tempore ivit obviam per Præfectos suos grassanti maleficio, patriæque tranquillitatem in præsens restituit.

*Aquarum
operosa de-
ductiones.*

Sub eadem tempora sollicitus, quem aggerem objiceret aquis planiora Sinarum inundantibus; *Tuo Quenii*, ob hoc ipsum negotium male curatum occisi, filio munus hoc mandat. Is patris exemplo sapiens, trêdecim annorum spatio tanta diligentia curavit negotium, uti tandem maximo incolarum bono ingens opus ad finem adduceret. Ajunt eum hoc annorum decursu sæpe suas ædes prætergressum, nunquam illic divertisse, nequid temporis sibi deperiret, exsequi regia jussa festinanti. Opus omnino stupendum, & cui, nescio, an in toto terrarum orbe par esse credam. Exstant etiamnum illius apud Sinas vestigia. Ingentia enim & navium capacia flumina per alveos pares derivata; montes integri perfossi; alibi lacus & paludes exsiccatae; alibi egestis aggeribus aquæ in lacum coactæ; fluvii majores in duos tresve amnes divisi, aut in mare deducti; unde ingens terrarum planities longe lateque diffusa emicuit.

*Xunus ne-
glectis filiis
Tuo impe-
rium tradit.*

Hoc labore, uti & eximiis virtutibus, quibus *Tunus* excellebat, adeo sibi *Xunum* deinervit, ut suismet filiis posthabitis illum in imperii societatem adsciverit. Hoc, quod rarum est, annos septendecim concordî potestate tenere. Nimirum facile duos capit regnum, quod capere virtutem potest.

Multa quidem alia de hoc Imperatore dici à me possent; sed, quia brevitati consulo, prætermisiss ceteris unum referre non abs re mihi visum est. *Xunus* adhuc domi versantis è noverca frater maxima in illum mala perpetuo machinabatur, parente utroque ad id instigante. Inter alias ejus injurias præcipua fuit, quod *Xunus* puteum purgare jussus, cum eo descendisset, minimo minus absuit, quin lapidibus à fratre de super injectis obrueretur. Effugit tamen, meatus subterranei

terranei forte reperti beneficio, domumque reuersus, restudinem, strato insidens, pulsare coepit. Adest subinde frater, animo ejus bona invadendi, quem à se perentum nihil ambigebat. At ubi domum ingressus, eum fides pulsantem reperit, obstupuit scilicet, conceptumque scelus successu carere videns, vocem non inuenit. Tum *Xunus* comiter illum affatus, *Frater*, inquit, *qua causa tui adventus? tantisper hic mecum confide.* Hac humanitate recreatus ille, jamque recepta voce, venisse se ait, ut fratrem inviseret, quem à multo tempore non vidisset. Ita *Xunus*, etsi sciret se cum conscio loqui, oblatum parricidium nec verbo ultus, calo solum gratias egit, quod à familiarium suorum insidiis, quæ miræ, quæ multæ fuere, toties esset liberatus. Tandem, ut supra diximus, parentes cum fratre, monitis & exemplis *Xuni* resipuerunt. Tanta moderati animi vis erat. Iam, ne simus aquo longiores, reliqua persequamur.

SINICÆ HISTORIÆ LIBER SECVNDVS

De prima imperante familia HIAA.

I. I M P. Y U U S.

Solus imperavit annos x.



Mortuo *Xuno* ejus filius *Yuus* sibi prælatum indigne ferens, cum natura imperium sibi deberi crederet, armis illud ivit assertum. Sed nec consilium, nec tentata vis quicquam profuere. *Yuus* quidem, etsi divisa paullo ante potentia fessus, profugerat è regia. Sed fugientis modestiam sceptrum sequebantur; desertoque ab omnibus *Xuni* filio retractus est ad culmen, omnino dignus, qui imperaret, quippe qui nulli tunc vel rebus gestis, vel ingenii magnitudine secundus habebatur. Sinensis tamen scripto-

*Cyclo 9. an.
11. ante
Christum
2207.*

*Yuus regnum
fugit, cui
alius imminet.*

*Cui Yuis rex
non impera-
tor vocetur.*

*Electio Im-
peratoris in
successionem
transiit.*

*Sina ali-
quam Dei
noticiam
habuere.*

scriptores hactenus obtreclarunt ejus laudibus, ut regem tantum, non imperatorem vocarent. Suspicio erat in illum tanquam filiorum nepotumque suorum plus æquo amantem & sollicitum, ut uni traditum imperium ad ceteros deinceps prodiret. Hinc familia *Hiaa* apud Sinas prima hereditaria dignitate imperium in posteris propagavit. Atqui non patris ambitio filium, sed suamet cum virtus rebus præposuit. Ab hac jam tum ubique charus, ab omnibus expetebatur. *Yuis* quidem successorem sibi elegerat *Yeum* quendam, jam ante in imperii societatem adscitum; at ubi diadema morte illius vacuum fuit, omnium ordinum consensu, *Yeo* spreto, ad *Yui* filium delatum est, utriusque merita spectantium. Ita eligendi mos, siue jus in hereditariam successionem transiit. Hæc familia *Hiaa* duravit annis quadringentis quadraginta & uno, septemdecim Imperatorum successionem continua rerum apud Sinas posita. Ego enim Imperatores eos deinceps vocabo, ut à regibus & regulis beneficiariis distinguantur. Hinc patet, quod paullo ante monui, ad hoc usque tempus imperatoriam potestatem sacerdotio annexam ab eligentium voluntate pependisse. Ac licet post hunc Imperatorem electionis ritus abolitus sit; sacrificii tamen haud perinde. Nam hodie quoque soli Sinarum Imperatori concessum est, *Xangti*, hoc est, supremo Imperatori sacrificare, capitis pœna constituta iis, quibus id agere non esset religio. Nostro ævo nunc quoddam colunt, quod, quale sit, plane ignorant; olim vero, quin verum Deum agnoverint, ex doctrina à Noë tradita dubium nobis nullum est. Imo credimus, quamplurimos olim in primæva naturæ lege salutem post mortem consecutos. Talia enim tantæque sunt, quæ de illorum virtutibus ac pietate sunt ab antiquis scriptoribus prodita memoriæ, ut hoc perquam credibile efficiant. Faxit Deus, ut opera Societatis nostræ, quæ adhuc non sine ubere fructu in Sinarum cultura defudavit, amplissimum hoc imperium tandem intelligat, quem veneretur! Mihi videtur verisimile, per summum Imperatorem, *Xangti* dictum, Sinas olim Deum optimum maximum intellexisse.

Huic

Huic enim ut supremo numini sacra faciebant; fundebantque preces; nullis ad religionem exciendam simulacris aut statuis nisi; quippe qui numen ubique præsens venerantes, illud extra sensus omnes positum, nulla crederent imagine posse mortalium oculis representari. In montibus tamen ferè templa illi struxere, ubi preces eidem adhibebant. Et sane duæ illæ syllabæ *Xangsi* supremum Imperatorem significare videntur, sicut è contrario Imperatorem suum in terris jura dantem *Sinx Hoangti* vocant.

Xangti
quid?

Intelligendum est autem, ut plus lucis habeat in annalibus nostris. ratio temporum, Imperatorum annuos omnes eorum gubernationi attributos, quocunque mense moriantur, pro completis haberi. Quamvis enim *Sinx* mox eodem anno, quo quis ex Imperatoribus diem obiit, alium in vicem substituant; ista tamen honor demortuo usque ad finem anni fatalis habetur, ut ejus nomine omnia gerantur, diplomatis quoque literisque publicis velut viventis adhuc auctoritate signatis. Successor autem initium sequentis anni suo demum insignit nomine; nisi transferatur imperium in aliam familiam. Tunc enim quo die imperium auspicatur, nomen suum anno tribuit.

Yuu itaque anno supra notato solus regnasse dicitur, etsi statim à *Xuni* excessu, qui in superiore annum incidit, regnare cepit. Fuit is *Hoangti*, præstantis illius Imperatoris, quarto loco nominati nepos. Gaudebat maxime colore nigro; quem idcirco in omnibus vexillis suis voluit esse. Victimis tamen, quæ summo Imperatori faciebat, croceas sive luteas malebat. Imperii ditionem, quæ omnis erat à *Xuno* divisa in provincias duodecim, in novenas coërcuit. Mira de modo agrum cujuslibet tractus utiliter colendi, serendique conscripsit. Quippe glebam, fertilitatem, situm cujusque soli penitus per spectum habebat, cum suapte industria, tum aquarum deductione. Hinc multa & miranda de agricultura & stercoratione præcepta; quæ pro terræ, quæ aratur, ingenio sunt diversa. Fimur usurpant variū. Alibi bovino, alibi equino aut humano excremento saturant agros, aliis locis contusa

Maxima
Agricultura
paritio apud
Sinas.

vaccarum ossa, gallinarum plumas, cineres, porcorum fetas, & similes quisquilias pro latamine glebæ inspergunt. Ita nihil apud Sinas, in tanta pretiosarum rerum copia, quantumvis vile, deperit nihil, quod usum non habeat, maximo regni totius emolumento. Ex hac autem *Yui* solertia pater, eum geometriam juxta & geographiam calluisse. Nam totam Sinarum terram non modo apte divisit, sed ita dimensus est, ut, qua altior, qua depressior esset, illum scire necessarium fuerit ad aquas sine noxa derivandas. Soli vero & glebæ cujusque naturam habuisse cumprimis exploratum liber *Xuking*, unde ista desumsi, pluribus testatur.

Tuus geometra.

Vasa novem geographica magna astinationis.

Exinde pro novem provinciarum numero totidem vasa è cyprio ære fudit provincias referentia; quarum geographica descriptio inibi erat expressa. Opus fuit omnino stupendum, maximique semper à regibus fieri solitum, non artis tantum admiratione, sed etiam omnis melioris gratia. Quisquis enim penes se vasa illa servaret, is demum Imperator habebatur; in earumque accurata custodia regni stabilitatem esse sitam crediderè. Cunctas insuper imperii terras, sub quarum caelestium constellationum essent dominio, studiose observavit. Ejus in hac re judicium apud Sinas etiam nunc viget, vocaturque *Yui* divisio. Constellationes autem Sinæ numerant viginti octo; quas nostris Lunæ mansionibus pari numero definitis olim respondisse arbitror. Nam singulæ quosdam in cælo gradus occupant, inæqualiter tamen, itaque, ut simul totum circulum compleant gradus trecenti & sexaginta; licet à Sinis totus circulus dividatur in gradus trecentos & sexaginta quinque, minuta viginti quinque, ad motum nimirum Solis annum. Has viginti octo constellationes nostro modo ad calculum vocatas, ad annum millesimum, sexcentesium, vigesimum octavum hic ponere visum est. Pro reliquis annis illarum longitudo facile per motum stellarum fixarum eruetur. Terras vero illis subjectas non adscribo, quod in Atlante extremæ Asiæ satis id superque præstiterim.

Tuus astrologus.

Constellationes viginti octo, seu lunæ mansiones.

Nomen.

LIBER SECVNDVS.

51

Nomen.	Longit.	Gradus.	Signa.
Kio 𠄎	198. 39.	18. 39.	♈
Kang 𠄎	209. 14.	29. 14.	♈
Ti 𠄎	219. 54.	9. 54.	♈
Fang 〇	237. 48.	27. 48.	♈
Sin 〇	242. 34.	2. 34.	♈
Vi 𠄎	250. 7.	20. 7.	♈
Ki 𠄎	265. 43.	25. 43.	♈
Teu 𠄎	275. 3.	5. 3.	♈
Nieu 𠄎	298. 54.	28. 54.	♈
Niu 𠄎	306. 35.	6. 35.	♈
Hiu 〇	318. 14.	18. 14.	♈
Guei 〇	328. 13.	28. 13.	♈
Xe 𠄎	346. 20.	18. 20.	♈
Pi 𠄎	4. 1.	4. 1.	♈
Quei 𠄎	15. 32.	15. 32.	♈
Leu 𠄎	28. 46.	26. 46.	♈
Guei 𠄎	41. 46.	11. 46.	♈
Mao 〇	53. 37.	23. 37.	♈
Pie 〇	63. 16.	3. 16.	♈
Sang 𠄎	77. 14.	17. 14.	♈
Cn 𠄎	78. 35.	18. 35.	♈
Cing 𠄎	90. 8.	0. 8.	♈
Quei 𠄎	120. 33.	0. 33.	♈
Lieu 𠄎	125. 9.	5. 9.	♈
Sing 〇	142. 9.	22. 9.	♈
Chang 〇	150. 32.	0. 32.	♈
Ye 𠄎	168. 36.	18. 36.	♈
Chin 𠄎	185. 36.	5. 36.	♈

Quod de hoc Imperatore subjungam, rarum omnino & fortasse inauditum aequissimi Principis exemplum

Imperator reprehendit

*vult & mo-
nentes audit.*

plum est. Eos qui officii sui admonitum reprehende-
bant, non minori facilitate audivit, quam, ut Sinica
phrasi utar, aqua deorsum fluit. Hinc ante fores pala-
tium campanam, tympanum, tabellam lapideam, fer-
ream & plumbeam appendi iussit, addito edicto, quo
doctis ac probis viris, qui de re aliqua monendum
Imperatorem ducerent, potestas fiebat ex his instru-
mentis illud pulsandi, quod cuique causarum generi
esset destinatum. Qui iustitiæ consultum ibant, ære
campano; qui legibus ac religioni, tympano edebant
sonum. Si regni negotia forent, tabellam plumbeam;
si injuriæ à magistratibus illatæ; lapideam; si de car-
cere ac vinculis querelæ, ferream pulsabant. Vtilia
suadenti inclinato corpore magnaque honoris signifi-
catione gratias agebat. Memorant uno die bis è men-
sa surrexisse, ut campanam impellenti aures daret;
alio die ter balneum reliquisse, quod toties ex ipso in-
strumenta pulsari à monitoribus audiret. Fuit tamen,
ut primario cuidam Præfecto irasceretur hanc ob cau-
sam. Ille Imperatoris facilitate abusus, aliis regni
proceribus coram adstantibus, eum acerbius justo er-
rati arguit. Qua licentia offensus, confestim in pala-
tium se proripuit, iraque intumescens, monitorem
importunum statuit è medio tollere. Sed præcipiti
consilio Imperatrix festive atque in tempore interces-
sit. Cognita enim irarum causa, regio cultu, quo po-
tuit exquisitissimo induta, per occasionem maritum
adiit. Is insolentem conjugis elegantiam habitumque
demiratus, rogat, ecquid sibi vestium nitor alieno
tempore quæsitus velit? Cui illa, *Magnas uterque
gratulandi nobis causas habemus, ob quas merito hunc,
quem vides, cultum assumsi lætitiæ meæ testem. Præda-
re sæpe nobiscum agitur, quibus ii proceres & ministri
obtingere, qui adulationis omnis expertes vera nobis loqui
non timent. Pars maxima regis felicitatis est, habere, à
quo verum discas, cujus libertas sæpe meum offensa sub-
stringitur.* Hac sapienti conjugis oratione astuque Im-
peratoris ira deferbuit.

*Rara in re-
gibus exem-
pla.*

*Imperatrix
mira arte
maritum
placat.*

*Yvius animi
commiseratione infusa
guit.*

Erat animo ad commiserationem proclivi. Hinc si
forte prætervehens reum videret in iudiciuin rapi, è
curru

curru mox defiliens, seque ipsum incosans, *Me miserum!* lacrimans aiebat. Sub Yao & Xuno gens erat ad regum suorum natum facta; nunc me regnante, nescio quo meo fato aut culpa, cives in deteriora prolapsi, spre-
ta jubentis autoritate ac doctrina, suis cupiditatibus obsequuntur. Nec injuria doleo, principatu meo malos repe-
riri, quos priorum regum pietas aut abolevit, aut melio-
res effecit. At meo vitio scelestos me vivo inter bonos gra-
sari, quis mihi persuadeat non esse dolendum? Impera-
torem ita se aliquando incosantem purpuratorum qui-
dam interpellans, *Pœna*, inquit, *aque regibus ac præ-
mia*, sunt ad coercendos cives necessaria. Cui Impera-
tor nihilo sibi placatior, Scio, subjicit; sed me impe-
perante malis locum & animum peccandi esse, cum unica
Imperatorum antecedentium virtus eadem opera bonis ad-
probitatem calcar, & malis à noxa retrahendis frenum
esset, hoc est, quod doleo. Cum aliquando imperii sui di-
tiones ex more lustraret; navim, qua per Kiang va-
stum fluvium vehebatur, subito piscis draconi non ab-
similis, ita suo dorso impulit; ut evertenda crederet-
ur. Quo in discrimine ceteris metu propemodum
exanimatis, intrepidus Imperator, coloris & animi
retinens, *Calum*, exclamat, *imperium mihi dedit, ut* *Præclara*
gentem mihi subiectam justitia regerem. Id facere mihi *Yui dicta.*
*semper propositum sanctumque fuit; ut causas non ha-
beam mortem cœi neglecti juris vindicem timendi. Si me
mori necesse; scio equidem, mortalem me & peregrinum
esse, cui diu commorari non licet in hospitio. Extra patriam
dego, dum vivo; cujus aditum si mihi mors aperiat, quid
mori formidèxi? Hoc monstrum, quod navem invasit,
claudendo vitam, domui meæ, hoc est, sepulchro me resti-
tuet; cujus si me facit inquilinum, finito tandem exitio,
gaudii potius, quam mœoris materiem præbet.* His dictis
bellua subducto tergo quo navim jactabat, evanuit; na-
vigantibus nihil incommodi præter mali metum passis.

Multa alia præclare dixit, ac fecit hic Imperator,
quæ liber *Xuking* complectitur. Eximia vero docu-
menta & gnomas, quæ ad rectam gubernationem, di-
videnda munera, tributa imperanda pertinent ibidem-
que laudantur, enumerare longum foret; nos pau-

*Axiomata
regia.*

ca libemus. Rex, dictitabat, perpetuo timeat, & velut per glaciem inambulans caute agat, ne à recti tramite aberraret. Regnare quippe difficilis & periculi plena provincia est. Præcepta & leges ne negligat. Voluptati ne immoretur; curetque, ne in ejus usu sit nimius. Agendi finem honestum statuatur, & quod rationi consentaneum. Voluntatis suæ adversus populi sententiam ne sit tenax. Intra se ne pigrescat, sed animum honeste atque utiliter occupet. Quæ faciendæ sunt, perficere ne cunctetur. Regiam habuit in provincia Xensi, ubi Pingyang civitas est, ab ipso nec constitutam. Hoc dominante toto triduo auri arenam pluisse tradunt. Sub hoc etiam tempus celebris ille Sinensium potus confici primo ex oryza cœptus est; cuius authorem *Illeum* nominant. Id nectar postquam Imperator degustavit: Quanta exclamat, hæc potio damna regno inferet! male ominor me quoque stirpi perniciem & imperii jacturam hoc dulci veneno paratum iri. Vatem in utroque *Xuum* fuisse postmodum exitus comprobavit, ut suo loco dicemus. Inventor deinde novæ voluptatis pœnas exilio persolvit; gravi supplicio in eos decreto, qui se vivente ausi exinde fuissent id genus vini conficere. Verum utcumque novi liquoris artificem patria exesse jussit; ejus certe parandi artificium semel vulgatum abolere non potuit. Hoc succi genus etiam pui toto Sinensi regno in gulæ & mensarum deliciis habetur. Adeo malæ artes in remp. illatæ, citius in authore plectuntur, quam desinunt.

*Aurum
pluit.
Vini seu po-
tus ex oryza
invelti in-
ventor.*

*In exilium
mittitur.*

II. IMP. KHIUS.

Imperavit annis IX.

*Cyclo 9. an.
21 ante
Christum
2197.
Matris in-
stitutio
præbæ.*

KHIUS ab *Xuo* patre imperium hereditate accepit omnium ordinum assensu ac voto. Multum ad hoc ei profuit matris feminae sapientissimæ institutio. Illa enim, quæ Principis, quæ subditorum partes essent, à puero filium addocuit, paternæ potissimum exempla inculcans. Quæ *Khius* ad vivum imitatus, ita patrem patriæque dotes repræsentavit suis moribus, ut *Xui* desiderium in subditorum animis olim in-
index-

inextinctum, jam aut frigidius esset aut nullum. Tan-
 rum potest bona institutio, cum in indolem incidit
 virtutis capacem simul & studiosam. Sub initium
 regni *Khius* acri bello petebatur ab regulo, cui *Hus*
 nomen, beneficiario, homine nequam & per sum-
 mum scelus augere fortunas ac dignitatem, civium
 injuriis moliente. Sed impios conatus Imperator in
 tempore compescuit; collectoque magno exercitu
 & sex aliis regulis in auxilium evocatis; post variam
 belli fortunam tandem ad terras Canias prælio fu-
 dit, delevitque. Ab eo tempore pacatum habuit im-
 perium, sed non diuturnum. Nam post novennium
 quam regnare cœperat, excessit è vita. Fratres quin-
 que superstites reliquit, quos totidem munitissimis
 arcibus præfecerat, honore regulorum ornatos, &
 iis opibus instructos, quæ regiam conditionem dece-
 rent; hætenus tamen, ut nihil ex imperandi jure sibi
 arrogarent.

III. IMP. TAIKANGUS.

Imperavit annis x x i x.

T*Aikangus* otium ab hoste nactus, cum feris bel-
 lum gessit, ultra, quam decebat, venationi de-
 ditus; cujus causa turpius inter feras quam hostes re-
 gnium amisit. Virtutis paternæ avitæque contemtor,
 moræque diuturna regnandi seipso deterior, impe-
 rium plane pessumdedit; nisi à suismet Præfectis
 eo fuisset exutus. Baccho Venerique addictus, sei-
 psam vino, pellicibus regiam impleverat. Venandi
 studio insaniens, longissimo tempore inter montes &
 agros degebat, nulla publici boni cura. Agricola-
 rum segetes totis venatorum canumque gregibus pro-
 terebat, ut leporem vel corvum insectaretur, ingenti
 rei plebisque rusticæ injuriæ. Hinc populi passim
 in illum jactatæ criminationes; adeoque tandem re-
 ducta res est, ut, dum *Taikangus* montes oberrat, ex-
 cutiendis ferarum latibulis ac stragi intentus, impe-
 rio exueretur. Quippe præcipuus è purpuratis, *Ys* di-
 ctus, precibus populi opem adversus tyrannidem im-

*Cyclo 9. an-
 no 30 ante
 Christum
 2188.*

plorantis commotus, accedente magnatum ceterorum auxilio, *Chungkangum* fratrem Imperatoris natu minorem ad imperium provexit, *Taikango* in exilium ejecto. Nec postea, quod in hujusmodi casu rarum, quicquam tumultuatum est. Desolatus igitur ac desertus ab omnibus nec unum quidem habuit, qui sequi causam ipsius aut juvare vellet. In tantum illo ævo regum vitiis populus irascebatur, amabatque virtutem. Exulem regnoque jam spoliatum, matre comitante, quinque fratres adiere, simul consolationem qualemcunque allature, simul exprobraturi vecordiam. Horum singuli Sinico sunt eum carmine allocuti; exstantque illa metra in antiquissimo libro, quem *Xuking* dici supra meminimus, quorum sententiam visum est hic adscribere.

In hunc ergo modum primus exorsus est. *Ab Yuo* avo nostro hac est imperanti dicta lex, *Populum amandum, non spernendum, aut opprimendum.* Hunc enim regni radicem esse, cuius robore & constantia regni quoque firmitatem niti. *Auriga similem esse, qui aliis præest; qui vero sex equos putri fune colligat, an non ei caute agendum?*

Alterius carmen hoc erat. *Domi ardes libidine, foris venatione, nepotaris utrinque. Gaudes obscœna musica, tecta calo minantia substruis civium sanguine.* Hac qui faciat, eum ego putem, tamesi nolis, sua sponte ac volentem in exitium ruere.

Tum tertius, iam inde, inquit, *ab Yai* temporibus ad nos usque anni virtutum genere floruit regia; tu primus à majorum vestigiis digressus es. In quibus eorum gubernatio feliciter consistebat; illa cum tu verteris omnia, quid mirum, te quoque cecidisse?

Quartus in hanc sententiam lamentabatur. *Claros! ô claros parentes nostros! qui vel mille regnorum potienti sanctissimis legibus ac præceptis lucem ad bene regnandum aperuere.* Hac tibi nobisque relicta, *heu!* quantum doleo spreta tibi uni fuisse! Merito regno excidisti, qui ne posterii succederent, primus inorcessisti.

Quintus denique ita dolorem suum explicuit. *Heu! quo pacto domum redibimus? maxor animum exedit,*
ac con-

ac conficit meum. Taikangus, frater noster, est odium publicum populi. Ego quò me veriam? ad cuius opem supplex confugiam? altius descendit in pectus meum tristitia, quam ut illam queam concoquere. Angor intimis sensibus; vultus pudore obstupescit, contabescitque cor meum. Sed meo merito hac patior, qui à recti tramite deflexerim, nec virtutem ducem secutus sim. At enim dolendi stendique tempus nimis serum est, quod prateriit.

IV. IMP. CHUMKANGUS.

Imperavit annis xii.

Hic postquam procerum studiis fratri in imperio suffectus est, et si obtentam dignitatem iis acceptam ferret; veritus tamen, ne *Ys* semel suas vires in imperio fratri abrogando expertus, in suum quoque exitium fieret potentior, ei putavit non tantum fidei, quantum gratiæ debere. Autoritate præterea populi favore Imperatori vix imparem suspectabat. Prudens juvenis, ac præ quam ab illa ætate speres. Eum proinde per singularis amicitia speciem, & ut suis negotiis domi necessarium continet in regia, imperio militari, quod *Ys* in Imperatoris copias adhuc exercebat, in *Cheum* exploratæ fidei hominem transmoto. *Ys*, licet sagacis ingenii, tam specioso tamen carcere non intellexit ante se teneri, quam alieni à se animi signa in Imperatore deprehendit. Quem ne magis exacerbarer, necessitati ac tempori obsecutus, altissimo silentio dissimulavit, quicquam à se injuriæ loco haberri; clam autem totius *Hiaa* familiæ interitum machinabatur. Et primo quidem magistratuum voluntates, quæ potest obsequiis conciliare sibi allaborat. Inde Imperatori variis lenociniis imminet, quem sciebat in imperio successurum patri. Ne vero scelus vindictæ cupidine conceptum quamprimum exsequeretur; *Chei*, qui ejus loco exercitui præerat, fides ac vires obstabant. Omnem igitur lapidem mover, ut eum apud Imperatorem in invidiam & suspicionem vocet; quo factor facilis & expedita patebat ei ad iram explendam

Cyclo 9. anno
59. ante
Christum
2159

Prudentia
juvenis Im-
peratoris.

dam via. Nam quibus artibus impetrasset, ut *Cheus* magistratu exueretur; iisdem effecturum sperabat, ut alius qui suarum esset partium substitueretur. Verum Imperator ejus technas subodoratus, nec invidiose laudantem nec palam calumniantem audivit. Iterum deinde clandestinam cædem in *Cheum* molitus, ubi nihil procedit totus in demerendo Imperatoris filio fuit. Nec consilio defuit fortuna. *Chungkangus* enim immatura morte decedens, filio imperium reliquit; quem *Ys* jam ante sibi obnoxium adulando fecerat.

Eclipsis solis.

Mathematici ob errorem occisi.

Et occidi soliti.

Superstitii circa eclipses.

Memorabilis eclipsis imperante *Chungkango* accidit, dum sol sidus aut constellationem *Fang* dictam obtineret, quæ nunc temporis circa vigesimum octavum gradum scorpii est. Eam quod Astrologi regii per incuriam non prædixerant, morte multati sunt. Annum hujus eclipsis non eundem apud omnes reperio. Alii asserunt eam altero anno hujus Imperatoris ante Christum bis millesimo centesimo quinquagesimo octavo contigisse; alii in sextum ejusdem annum referunt, qui foret ante Christum bis millesimus centesimus quinquagesimus quartus. Ceterum Mathematicos alii putant necatos, quod *Ysi* clam faverent. Vt cunque est, quod de futurâ eclipsi præmonere neglexerint; nemini causa mortis insolens apud Sinas videri debet. Est enim vel hodie illic in more positum, ut regius Mathematicus, si forte in munere suo ejusmodi errores admittat, capite luat. Quippe Sinæ grande piaculum credunt, laboranti tunc soli aut lunæ, neve canis aut draco sese devoret, metuenti, solennibus sacrificiis, ritibus, & imprimis ingenti strepitu, clangore non in tempore succurrisse. Vnde postquam Imperator de imminente eclipsi fuit à siderum peritis commonefactus, mox per cursores cunctæ imperii civitates de die & hora illius edocentur. Quo tempore Præfecti ac cives ubivis locorum eam horam solícite expectant, tympanis ac pelvibus æreis instructi, ut imminens alterutri periculum eâ complo- sione avertant.

V. IMP. SIANGVS.

Imperavit annis xxvii.

Siangus à patre imperium, non item consilium accepit. Incautus enim adolescens obsequiis ac blanditiis *Ysi* jam diu irretitus exautorato Cheo, exercitui eum denuo præfecit. Qui tamen, ut infida est omnis potestas adulatione quæsitæ, paullo post ingratus ac perduellis vires in exitum Imperatoris convertit. Conciliatis ergo sibi militum studiis primo ad regia imperia obstinate cunctatur. Dein multa in ipsum nefarie machinatus, tandem cogit è regia profugere. Aliquamdiu exul duorum regulorum sanguine sibi junctorum *Chinquonii* & *Chinsini* hospitio usus est.

*Cyclo 10. an.
12 ante Christum
2146.
Gratia abus.*

Interea *Ys* homo versutus nondum palam in Imperatorem insurgit, fidem quorundam regulorum veritus, quos sciebat à *Siango* nulla arte dimovendos. Quare ætati Imperatoris nondum à ficta adulatione vera obsequia dignoscentis iterum illudit, simulans illius causam & regnum se tueri. Quod è regia fugerit, id magno suo dolore factum. Rediret modo; & quem fugerit, ex obsequiis porro suis ac fide agnosceret. Inter hæc tamen fidissimos Imperatoris ministros confectis criminibus in ejus odium adductos aut è medio tolli, aut regno ejici jubet, suarum partium studiosis in eorum locum subrogatis. Nec multo post, ubi omnia sibi ad imperium prona vidit, palam se pro Imperatore jactavit.

Sed, ut plerumque fieri solet, partam scelere felicitatem insperata calamitas oppressit. Erat *Hanzous* ex iis, quos *Ys* ad magistratus evexerat, facile primo apud tyrannum loco, arcanorum ante alios conficius. Hunc præcipuis muneribus excultum, copiarum denique ducem constituit. Multiplex ingenium ei ac tortuosum erat; qui ut tunc solus imperaret, duos imperatores necavit, alterum *Siangum* legitimum, alterum per tyrannidem sceptrum usurpantem *Ysim*, uno utrinque consilio, scelere diverso, in uno ingratus, in altero parricida. Primus ejus ar-

*Perduellis
perduellem
decipit.*

tibus

tibus *Ys* succubuit, fide amici, ut putabat, hominis fretus sui que securus, omnes imperii per nefas obtenti curas & negotia *Hanzoo* reliquit. Ipse licentiæ se totum permittens, venationem præ ceteris voluptatibus sectabatur; arte sagittandi antecellens omnibus. Inter hæc *Ysi* feras agitante *Hanzous* militem suum velut à *Siango* emissum in perduellem, clam subornat, ut *Ysim* in silva oberrantem, nihilque metuentem confestim opprimant atque obruncant; fama interim quaquaversum didita, *Siangi* Imperatoris jussu eos hoc facinus aggressos. Nec destinata fefellit eventus. *Ys* enim velut talionis lege punitus, ut olim *Taikan-go* venanti eripnerat imperium, ita illud una cum vita venando amisit. *Ysis* peritiam in jaciendis sagittis inter memoranda ponunt *Sinæ*, ut & ingens nervorum brachiorumque robur, tam certa contentiosaque manu sagittas librantis, ut aliquando novem aves jaculis totidem uno impetu evibratis confixerit; rara dexteritate ac prorsus admiranda.

Pœna talionis.
Sagittandi peritia & robur.

Post *Ysim* in hunc modum sublatum *Hanzous Siangum* quoque ambitioni suæ victimam destinat, ut amotis ænulis imperium ipse unus absque metu exerceat. Erant *Ysi* duo filii, quorum natu major *Kiaus* appellabatur, animi corporisque robore patre non inferior. Navim quidem, qua vehebatur, ferunt solum trahere per continentem ad alterius fluminis litus potuisse, si exscendendum, alioque in fluvio navigandum esset. Hunc submissa clanculum parte copiarum in Imperatorem armat *Hanzous*, atque ad expetendas paterni sanguinis pœnas excitat, Imperatore simul ac duobus regulis è medio sublati. *Kiaus* tam ardore animi, quam pietate ultro ad vindictam & arma promptus, mox conscribit exercitum, quem cum *Hanzoi* copiis junctum perquam numerosum effecerat. Nec minori contentione, quanto potuit exercitu coacto *Siangus* vim vi parat repellere, adjutus regulorum, quos dixi, auxiliari manu. Ita demum ad pugnam ventum est; in qua victor *Kiaus* Imperatorem & utrumque regulum sua manu, vindictæ avidus, interfecit. Neque ista clade hostium contentus, totam

totam stirpem *Siangi* radicitus excissum ivit, eoque felici conatū sola ut reginatum pręgnans fuga elapsa inter montes, & pastorum mapalia latitaret. Ita vacuum imperium *Hanzous* invasit, & ipsos quadraginta annos obtinuit. *Kiam*, cujus periculo ac nomine pugnaverat, laudatum regulis adnumeravit, exigua regni portione beneficii loco ei attributa, cujus felicitati totum debebat.

VI. IMP. XAOKANGUS.

Imperavit annis **XXII.**

X *Aokangus* hoc demum anno paternum imperium restauravit, tot annis amissum; quod ita evenit. *Siangi* uxor, quę sola fugiendo perduellium furorem evalerat, intra montium latibula *Xaokangum* enixa, summo natalium silentio ibidem enutrivit. *Hanzous* tamen ea re nescio quo indicio tandem patefacta, quamprimum homines ablegavit, qui inter pastores latentem ad se pertraherent. At *Xaokangus* de periculo admonitus, relictis silvis in dynastę cujusdam *In* dicti territorium aufugit, eique aliquamdiu ignotus pro coquo serviit. Dynasta hominis mores curiose observans, ex agendi loquendique gratia deprehendit, ejus indolem esse pastoris & coqui conditione nobiliorem. Quare *Xaokangum* aliquando aggreffus de genere ac fortuna illius varia percontatur; ab eoque de majorum suorum, nec non diuturnę calamitatis serię cuncta cognoscit. Tum non jam ut coquum, sed ut Imperatoris filium amplexatus, absterse cūlitę cultusque vilioris indore filiam ei suam in matrimonium dedit, adjecta ditionis parte, unde pro dignitate alere familiam posset, ac simul speciem daret, qualis in imperio ampliori esset aliquando futurus. Et mox apparuit eum regendi artes non a pastoribus, sed a regia indole hausisse. Domini enim moderate suis imperabat; neque intermiserit artes militares in umbra & pace addiscere. Inde foceri beneficio & opera illius nomen apud

Cycle II. anno 19. ante Christum 2058.

Imperator coquus.

Præfe-

Præfectos regni, qui olim in parentis fide rebus etiam adversis perstabant, sensim innotuit. Quem statim pro *Siangi* filio agnitum & ob exploratam subinde ipsius indolem charum, collectis undique copiis juverunt, populo universo legitimum regni heredem sibi reddi exoptante. Ita in perduelles & *Hanzoum* parricidam ducto exercitu, vario eventu inirid pugnatum, sed postremo prælio tyrannus acie victus, captusque meritis tantorum scelerum poenas luit. Quo casu *Xaokangus* paterno sceptro potitus *Kium* quoque, ut *Hanzoi* scelera dictantis ministrum bello petit, missis in eam expeditionem Præfectis; qui casu *Kiai* exercitu ipsum captum obtruncarunt. Fratris necem ulturus minor natus, dum arma in Imperatorem jam victorius assuetum mover, nihilo meliore successu à *Chuo* filio superatus interimitur. Ita trium proditorum interitu *Hiaa* familia propemodum extincta, sed postminio recreata. *Xaokangus* deinceps rebus omni ex parte tranquillis regnum gubernavit.

VII IMP. CHUUS.

Imperavit annis XVII.

Cyclo II. anno 41. ante Christum 2057.

Post superiora bella feliciter confecta, annos complures imperium Sinicum sub auspiciis *Hiaa* gentis, quæ plures ex ordine imperatores dedit, alta pace fruebatur. *Chuus* autem jam ante imperium bellica gloria insignis, & ubi regnum adiit, virtutis & rerum gestarum æstimatione non minus quam armorum metu omnes facile in officio continuit, patriæ quiete nullis unquam post hæc bellis tentata.

VIII IMP. HOAIUS.

Imperavit annis XXVI.

Cyclo II. anno 58. ante Christum 2040.

Hinc *Hoaius* à *Chuo* patre pacatum ac florentissimum accepit imperium. Sed longa pacis segnitie luxuriare coepit Sinica felicitas, pessimo inducto more, Sinis regibus hodieque recepto æque ac pernicioso.

nicioſo. Quippe *Hoius* imperii curis in miniſtro-
rum fidem contraditis, ipſe totum ſe deliciis inter
feminarum ſpadonumque greges permiſit. Hinc li-
cet apud Sinas omnia negotia per ſupplices libellos
ad Imperatores referantur; illi tamen è gynæceo vix
unquam egrediuntur in publicum. Verbo Imperato-
res, re autem vera voluptatis mancipia diceres. Quan-
quam in tanto dominantium luxu Imperatores quan-
doque Sinæ habuere optimis comparandos; ut dein-
ceps patebit.

*Vita deſes
imperii cor-
ruptela.*

Hujus Imperatoris ævum tam felix admiratæ gen-
tes exteræ Sinis finitimæ, otioque ſimul tam beato &
ordinata regni gubernatione allectæ, ultro ſe tributa-
rios allatis muneribus profeſſi ſunt. Quas inter inſu-
larum Orientem ſpectantium populi numerantur,
quorum mentionem primam ſub *Yuo* Imperatore liber
Xuking facit. Hæ inſulæ fuerintne *Iaponia*, an *Carea*
peninſula, an aliæ minores Sinicæ continenti vici-
niores, incertum eſt. Neque enim è Sinico ſcriptore
certi aliquid eruere licet, nomen inſularum tacente.
Illud tamen certum, navibus vectos advenſiſſe; unde
jam tum à Sinis navigatum fuiſſe indubitatum eſt. Sed
de Sinenſium antiquiſſimis navigationibus per hoc
Indicum mare infra dabitur loquendi locus. Eos epim
claiſſibus totam hanc Aſiam penetrariſſe, & ad inſulam,
quæ hodie à S. Laurentio nomen habet, perveniſſe,
antiqua paſſim Sinenſium monumenta teſtantur, de
quibus infra.

IX. IMP. MANGUS.

Imperavit annis XVIII.

Mangus patrem imperio, ut in imperandi ratione
per omnia ſecutus, in hoc uno ab eo diſceſſit,
quod regiam urbem in locum commodiorem à re-
gione occidenti magis objecta ad Croceum fluvium
tranſtulerit. Hoc nomen fluvio, quem Sinæ *Hoangho*
vocant, ob croceum ſeu luteum colorem datum eſt,
ab argilla, per quam volvitur, flaveſcenti. A mon-
tibus *Amalæis*, quos *Quenlung* Sinæ vocant, per
quingen-

*Cyclo 12. an-
no 24. ante
Chriſtum
2014.*

quingentas leucas & amplius ingenti aquarum mole illam orbis plagam versus procurrit, quæ media inter Orientem & Septentrionem est. Inde paulatim ortum petit, Sinas Boream inter & Occidentem alluens; ac per desertum *Caracatayo*, seu *Lop* oberrans, denique cursu in Austrum flexo quinque Sinarum provincias irrigat, & murum illum famam celebrem, qui Tartarorum irruptionibus obicitur, subingressus, tandem in provincia *Nanking* prope *Hougan* in mare magna vi aquarum se exonerat, semper crocæ, quem vehit limo turbidus. Argilla enim, quæ nomen & colorem fluvio conciliat, non, ut in limpidis aquis, ex imo trahitur, sed undarum violento cursu identidem excitata torrentium more, pluviis intumescentium, totum flumen tingit, uti multiplici experimento compertum est. Aqua enim inde vasa excepta ubi aliquamdiu conquievit, minutissimus limus tanta copia in fundum subsidit, ut tertiam fere partem constituat, quod mihi aliquoties experiri placuit. Certe cum primitus ingens hoc flumen vidi, paludem aut fluidum limum intueri me credebam; sed summa, qua fluit, rapacitas aliter de ipso sentire me docuit. Mirum, unde tanta vis argillæ proveniat: neque enim clarescere ac limpidus fieri unquam visus est. Hinc proverbium natum Sinis, res ceu nunquam futuras explodentibus: tunc nempe quidpiam eventurum, quando Crocæ fluvius clarescet. Qui plura de hoc fluvio scire desiderat, nostrum Atlantem extremæ Asiæ consulat.

X. I M P. I S.

Imperavit annis XVI.

Cyclo 12. anno 42. ante Christum 1996.

Reguli Sinarum clientes.

Fuit *Is Mangi* filius, cui exteræ circumjacentes nationes non modo tributa pendebant, sed earum quoque reges imperiorum suorum possessionem sibi ab eo conferri gloriosum ducebant; æquitaris ac justitiæ fama, nec non altissima pace provocati, cujus fructum se quoque laturos ac tantæ gentis amicitia contra finitimos

timos hostes deinceps fore defensos iudicant. Ea consuetudo ditiorum suam auspicio Sinenſis Imperatoris adeundi, etiamnum apud multos manet; quibusdam tamen, ut sunt *Iapones & Cochincina*, intermiſſa, aliis commercii potius, quam ſubmiſſionis cauſa id facientibus. Cum enim Sina ſit exteris ita clauſa ut ingreſſus non facile ulli quam legatis pateat; Turce, Laoſii, Samarcandæ, Mogores, & Tibetani peſtreſ itinere, Siones vero & Camboji navibus adveſti, Sinas ingrediuntur, ubi per ſpeciem legationis tractant privata mercimonia. Neque hi Principum, quos ſibi quiſque ſungunt, ſimulati oratores munera ſuo ſumtu parata gratis apud Imperatorem profundunt. Nam longe plura reſeſſuri accipiunt, quam dederant; illo turpe ſibi futurum exiſtimante, ſi munerum opulencia cuiquam concedat. Quin legati omnes dum inibi commorantur, cum toto comitatu aluntur è publico, eorumque merces regio ſumtu in regiam uſque deportantur, eas quoquoverſum diſtrahendi aut novas coëmendi facta poteſtate. Vbi regno iterum excedunt, pari liberalitate ad Sinarum fines nulla ſua impenſa deducuntur, vecturis regio juffu & ære procuratis. Id legationis genus exteris plurimum lucri affert, alieno ſumtu rem ſuam augentibus. Interea ſplendide Imperatores decepti legatorum commento à regibus ſalutantur, qui neque regnum aliquando neque vitam habuere.

Filſa ad Sinaſ legationes.

XI. IMP. PUKIANGUS.

Imperavit annis LIX.

Sub hæc tempora inteſtina diſcordia domus regia laboravit. Imperatorum fratribus ac filiis inter ſe diſſidentibus, cum utraque factio traheret ad ſe imperium. Sed Pukiangus Imperatore proxime deſuncto genitus cauſam & regnum obtinuit. De quo plura non exſtant, niſi annis eum plurimis probe Sinas gubernaffe; hoc uno infelicem, quod rebus filii non ita provident, ut eum regni heredem relinqueret. Eo enim mortuo ipſius frater imperium invaſit, Cungkia Pukiangi filio è ſucceſſionis jure per vim depulſo.

Cyclo 12. anno 58. ante Chriſtum 1980.

XII. IMP. KUNGUS.

Imperavit annis XXI.

Cyclo 13.
anno 57. ante
Christum
1821.

Kungus Pukiangi frater continuata, quam frater in nepotem exercuit, injuria, & ipse regnum invaluit, Cunkia iterum semoto; qui ne seram quidem spem haberet, posthabito nepote filius à Kungo ad imperium destinatur. Aliud nihil ab eo actum memoria dignum.

XIII. IMP. KINUS.

Imperavit annis XXI.

Cyclo 14.
anno 18. ante
Christum
1800.

Paternos annos, hoc est, unum & viginti in imperio assecutus est, tranquillo admodum & felici. Neque de hoc quidquam memorabile habetur, nisi quod regnum non optima fide acceptum bonis artibus retinuit. Paternæ tamen virtutis commendatio nihil filio ad spem regni ac successionem profuit. Eo enim post parentis obitum præterito, ad justum heredem postliminio regnandi ordo rediit.

XIV. IMP. CUNGKIA.

Imperavit annis XXXI.

Cyclo 14.
anno 39. ante
Christum
1769.

Tandem imperium bis debitum totiesque præceptum Cungkia, ut Pukiangi filius, obtinuit. Sed post tam diuturnam moram adhuc tamen citius, quam reipublicæ utilitas ferebat, regnare cœpit. Mox enim ut se in eo fastigio collocatum circumspexit, modestiam & frugalitatem penitus dediscens, voluptati se in ipso imperii aditu totum mancipavit, femineo nomini factis etiam consentientibus. Ergo neglecta boni publici ac virtutis cura, negotia regis ministris, se vero totum luxui & seminarum amoribus permisit. Neque pensi quicquam habuit, quales essent, boni an mali, quorum consuetudine gaudebat, contra quam ab ejus majoribus factitatum; sed cujusque merita ex adulandi artificio æstimans, eos habuit aliis chariores,

res, qui assentando ipsius flagitia honestis nominibus tegebant. Hinc præcipua munia penes adulatorès fuerunt. Quibus viriis ad suæ stirpis à regno deinceps demovendæ perniciem viam aperuit. Nam plurimi è regulis beneficiariis eo contempto tanquam indigno, cui parent, palam in eum obsequium extirare cœperunt. Neque sic è veterno expurgiscens, nullo remedio conatus est eos in officio continere, voluptatum pertinax, tot annorum femina verius quam Imperator. Tandem flagitiis finem mors imposuit. Filium habuit *Caum* nomine, tam vitiorum, quam regni heredem.

XV. IMP. CAUS.

Imperavit annis XI.

Causa ergo mali corvi malum ovum, patris mores imitatus, florenti adhuc ætate seipsum deliciis ac nimia venere ante diem confecit, relicto titubantis imperii successore *Fauo*.

Cyclo 15.
anno 10. ante
Christum
1848.

XVI. IMP. FAUUS.

Imperavit annis XIX.

Faus nulla re alia fuit memorabilis, quam perditissimi filii *Kiei* successione, nemini posthac ex ea gente continuanda. Ejus enim scelere imperium tanto tempore in eadem familia retentum in aliam translatus est, uti dicemus. Vnde enim imperia nisi virtute subsistant? cui, ut sua initia debent, ita non aliis rationibus servari queunt, quam quibus inchoata sunt.

Cyclo 15.
anno 21. ante
Christum
1838.

XVII. IMP. KIEUS.

Imperavit annis LII.

Habuerunt Sinae in *Kieo* Neronem suum tot seculis ante, quam Roma suum execraretur; aut si quod aliud monstrum ulla gens aluit. Hinc Sinae si hominem omnino perditum vivis coloribus volunt descri-

Cyclo 15. anni
no 40. ante
Christum
1818.

Robur corporis.

describere, *Kieum* appellant. Corporis robur in eo rarum fuit; animi non item. Ajunt eum facili nisu densum funem rupisse, hamumque ferreum trium digitorum crassitie, utraque manu arreptum in rectum extendisse. Vxor ei erat *Vibia* nomine; à qua ad omne scelus flectebatur. Insaniens ejus amore, offensamque veritus, omnia illius arbitrio facere. Cujus rei non ignara *Vibia*, quidquid libido aut superbia dictabat, à *Kieo* amantium jure quasi pro imperio exigebat. Nec iste cunctantior in annuendo, quam illa in petendo fuit; unius mulierculæ amor omnia totius imperii commoda postponens. Hinc perpetuis tributis exhaustæ populi universi opes; hinc anrata palatia, sumtuosa theatra & stagna marmoreo ambitu fossilque clausa impendebantur ejus libidini. Memorabilis imprimis fuit ille luxus & inanditum in eum diem voluptatis genus, cum ingens terræ spatium in stagni modum excavatum naviumque capax jussere vino impleri; cujus in ripa tria hominum millia per circuitum prono ore canum instar procumbentium è lacu ad satietatem & vertiginem usque se ingurgitarent. Ita poti ad silvam proximam, quam Carneam dixere, titubant, ut vino jam madidi epulis quoque se infercirent. Ex ejus enim nemoris arboribus quotidie boves, apri, cervi, aliaque id genus animalia jam assata pendebant eorum gulæ parata, qui è lacu bibissent. Alterum spectaculum longe nocentius excogitarunt, palatio, quod secretum vocabatur, in eam rem magnifice exstructo, ut ex utroque sexu juvenes forma præstantes undique conquisiti, veste & pudore posito nudi promiscuè habitarent; cujus sceleratissimæ consuetudinis arbitri & laudatores regii conjuges aliena voluptate se oblectabant. Nec magis impudica, quam crudelis hæc mulier humanas carnes in deliciis habebat; quas, & maximè siccas ossium medullas nescio qua arte medicatas ad acnendam suam & Imperatoris libidinem adhibebat. Hæc *Vibia* *Kieo* in manum ita convenerat, Regulus quidam antehac rebellis simulate criminis veniam petiit, veteres tamen inimicitias adhuc animose exercens. Sed ut ad Imperato-

Mala femina quovis hoste nocentior.

ris clementiam molliret aditum sibi; *Vihiam* præstantissimæ tunc formæ puellam obrulit ei per speciem obsequii, non dubitans hac una procaci puella majorem se cladem *Kiei* rebus quam toto exercitu illaturum. Nec eum opinio fefellit. Nam *Vihia* in causa fuit, ut Imperator ejus artibus everfus, post etiam regnum amitteret, non suo tantum, sed totius *Hiaa* familiæ interitu. Et adhuc miser intestinum hostem, ut suas delicias fovebat, ad omnes cohortantium voces præterquam ad Sirenis hujus perniciosæ cantilenam surdus. Tantam tyrannidem exercet femina semel viri potens.

Ergo reguli licentia Imperatoris offensi, passim deficiunt; & quod antehac regibus nondum ad omnia scelera prolapsis factitarant, spreto jam tum illorum imperio, queis virtutem, ut regis dominationis tesseram, deesse videbant, in hoc omnibus vitiis oppleto longe liberius ausi sunt. Neque jam odia tantum Imperator, sed & arma omnium in se converterat, si Præfectos aliosque magistratus excipias. Haud enim defuere, qui boni publici & Imperatoris amantes, leniora prius remedia malo adhibenda censerent. Ii variis rationibus & quodam commonendi artificio studuerunt *Kieum* ad regni & sui adeo curam excitare. Sed ubi nihil profectum, *Qualungus* inter purpuratorum præcipuos animo sumpto intrepide in illum ita detonuit. Meminisse te oportet, Imperatoris præcipuum decus modestiam esse, qua præditus pro cuiusque conditione tuis honorem & charitatem exhibeas. Non secus incives pius, quam pater in filios; & fide tam integra, quam vicissim ab iisdem exis. Principis enim boni est, suis recte vivendi legem non tantum dare, sed esse, si solida paco velis cum sibi subjectis frui. Tu vero penitus horum oblitus, homines tibi commissos pecudum instar non ut pastor gubernas; sed, ut latro fortunis omnibus exspoliatos, etiam vita privas. Cave, ne sero te facili pœniteat! postquam, tui cives nefarie occisos ad vitam reducere non potes; ita nec superstites à te alienatos est in manus tua revocare ad obsequium. Quare te hortor atque oro, ut rebus nondum plane desperatis mature ad frugem & Imperatoris officium

*Libertas
magistra-
tum in
Sinis.*

officium redeas. Incensus hac oratione Imperator, & in hoc etiam degenet à virtute majorum, qui veri adhuc patientes in illa rerum inclinatione fuere, *Qualungum* occidi è vestigio, se præsentem, jubet. Tanti sæpe stetit apud principes à vero alienos loquendi libertas. Ea cædes *Tangum* regulum è nobilissima *Hoangtii* familia superstitem graviter affecit; maxime vero, cum audisset, inhumatum absque lamenti sollemnibus sepulturæ expertem, quæ ambo apud Sinas summæ infelicitatis loco habentur. Is igitur homines certos constituit, qui cadavere sepulturæ decenter mandato, defuncti manibus ritu luctuque patrio parentarent. Ob id obsequium Imperator, quem ea res latere non potuit, *Tango* graviter iratus, eum comprehendendi tradique carceri mandavit. Quem tamen paulo post libertate donatum ditioni suæ restituit; postquam nemo alius eum suorum scelerum admonuit.

Modus idoneus admonendi Imperatorem.

Subinde cum Imperator excussa bene consulentium importunitate, in pejus quotidie rueret; procures omnes tantæ fæditatis ad extremum impatientes, quotquot aderant, simul Imperatorem adeunt, eique tabulam offerunt omnia ejus facinora graphice continentem. Tum lacrimis perfusi rogant, ut tandem injustis cædibus ac rapinis modum ponat. At is, ut erat à flagitiis ferox & superbus, contempta iterum hortatorum oratione, deteriora præteritis moliebatur, præcipuos magistratus, quæis ob fidem tam constantem alia omnia debebat, ut factionis capita insectans. Quæ res illi postremo exitium attulit. Nam procures indignati se suæque consilia ludibrio esse, omnes simul in ejus interitum conjurant, atque ut tyrannum regio nomine & fastigio indignum cum ignominia imperio deturbant, advocato in auxilium *Tango* laudatæ virtutis regulo, quem supra diximus *Qualungi* ob admonendi libertatem occisi funus curasse. Eum jubent in *Kieum* arina sumere, coque devicto belli jure imperium sibi vindicare. At negat *Tangus* hoc sibi jus esse, si *Kieus* facti poenitens spem de se frugis exinde melioris faciat: nec aliter arma se, nisi ut ægrotanti necessariam medicinam capturum. Eo consilio exercitum conscribit,

bit, omnibus ad id audendum animos & vires addentibus. In eo discrimine *Kieus* plus animi, quam anxii aut fortunæ habuit. Etsi enim & ipse copias undique ad defendendum bellum contrahere nitebatur; raros tamen è toto imperio milites collegit, plerisque castra illius ut virtuti & publico bono inimica detestantibus. Desertus igitur à suis, externo præsidio res suas domi pene collapsas fulcire parat. Tartaris ad opem sibi ferendam excitis ingentia præmia militiæ pollicitur, si adversus cives, ut ipse aiebat, rebelles tempestive succurrerent. Sed & Tartari negarunt malo Imperatori se militaturos. Vsq̃ adeo vel inter barbaros est odio nequitia. Itaque *Kieus* jam ab omnibus desertus, ubi res suas ita in angusto videt; tantisper pœnitentiam simulat, *Tangum* quæsitis verbis, uti vitam sibi condonet, obtestans. Qui ea specie respicientis motus, non modo longioris vitæ gratiam fecit; sed plus etiam, quam sperare audebat supplex, hoc est, imperium restituit. Ipse ut rebus ex animi sententia confectis curaque belli deposita domum rediit; raro moderati animi exemplo. Sed & *Kieus* simul ad imperium, simul ad ingenium rediit. Mox enim cum recollectis nescio unde viribus, *Tangum* velut perduellem laceffit armis. Iamque in conspectu erat uterque exercitus; cum primo statim congressu *Kieus* à suis deseritur, qui abjectis armis omnes *Tangum* ut Imperatorem amplectuntur. Is *Kieum* fugientem eousque insequitur, dum extra fines regni Sinensis ejectum cogit in exilio vitæ reliquum exigere. Illic mortuus, ignobili exitu secum tot scelera sepeliit, unaque stirpem suam; quæ prima regnare post ejus exilium in Sinis desiit, à vino & venere extincta. Dignum est observatu, Scriptores Sinicos *Kieum* nunquam Imperatoris nomine dignari; sed quoties illius mentio recurrit, latronem vocitare. Nec sine causa. Quid enim non latronis habeat, quem insontum civium cruor impiavit?

*Kieus in
exilio mori-
tur.*

SINICÆ HISTORIÆ LIBER TERTIUS

De secunda imperiali familia XANGA.

I. IMP. TANGUS.

Imperavit annis x i i i.

Cyclo 16. an-
no 32 ante
Christum
1766.



Odem, quo *Kieus* eiectus est, anno apud Sinas *Tangus* regnare cœpit, is qui primus familiam in *Xangam* Imperatoris nomen intulit, à sua olim dynastia, cum regulus esset, attributum. Hunc etiam annum Sineses historici *Tangi* nomine & imperio insigniunt, more majorum, quoties in novam stirpem regnum transfertur, id observantium. Ut enim bono Imperatori honos ille habetur, ut annum, quo ex hac vita decessit, ei velut adhuc viventis, ascribant, qui demortuo succedunt; ita sequitur illum infamia, qui suo scelere jus regnandi à posteris alienavit. Memorant hunc Imperatorem tanto omnium applausu lætitiæque, cum ob suam probitatem, tum ob *Kiei* odium, exceptum fuisse, ut, ad quancunque se regni plagam conferret, alii alia Sinarum in ditione positi, interea grave sibi ducerent, ejus cen sideris benigni adventu se adspectuque fraudari. Quacunque incedebat, omnes extremis digitis pedum, ut Sinica phrasi utar, insistentes, erectisque capitibus venientem præstolabantur. Exercitus ejus tanta modestia huc illucque commeabat, ut amicos potius mercatores, quam milites rapinis assuetos diceret. Hinc studia populi promeriti, quacunque transibant, obvios passim civium, ac præcipue puerorum greges habuere, oryzam & ceteram annonam ultra gratisque offerentium, & in militem tam amicum, tam abstinentem obsequiis certantium. In tanta rerum tranquillitate unus *Lopeus* ausus est in *Tangum* arma movere, nulla alia causa, quam regnandi cupidine. At enim

Modestia
militum
grata.

enim levi prælio victus captusque, bonorum omnium & vitæ ipsius jactura, temeritatis pœnas dedit. Rebus ita compositis nihil optimum Imperatorem gravius affecit, quam metus, ne apud posteros affectati regni notam incurreret, tanquam inde legitimo ejus herede per scelus ejecto. Qua de re sæpe cum proceribus colloquens, ter volebat se abdicare imperio. Sed nuspiam regiæ modestiæ relictus est locus. In sententia nihilo secius perseverantem, è præcipuis purpuratorum unus denique consolans, Calum, inquit, homines ita creavit, ut propriam cuique agendi, quæ luberet, libertatem indiderit. In qua animorum diversitate si nemo sit, cuius nutu omnes intelligant se gubernandos; totum orbem perpetuis dissidentium inter se bellis & opinionibus turbari necesse est. Huic malo ut Calum provideret, reges nobis dedit sapientia & usu rerum eximios, qui mortalium libidines, odia, contentionesque compeſcant. Etiamnum Kieus regnaret, si virtuti apud eum locus fuisset. Nunc ubi privatæ potius voluptati, quam publicis regni commodis operam dedit, iniquus populi vexator, quem variis tormentis eneſtum aqua & igni delevit, nullius culpæ reum; Cælo placuit, illo sublato, te virum fortem, prudentem, patriæque amantem rebus præficere, cujus virtute speramus regna omnia ad frugem revocanda, præsertim cum nemo ignoret, Yui ducis optimi præcepta, mores, ac documenta te sequi. Noli itaque hoc decus abjicere, non à te quaſitum, sed à nobis Cælo jubente tibi renuenti obtrusum. Quod si ad gentis tibi subiecta utilitatem converteris; causam non habebis, cur famam iniqui regis in posteris formides, qui ut tuas virtutes, ita prioris vitia ex iisdem annalibus discant. Plura in hanc rem addidit, quæ liber Xuking habet; ego studio brevitatis omitto.

*Tangus præ
modestia
vult se regno
abdicare.*

At necdum Imperator de veteri sententia demotus respondit in hunc fere modum. Est hæc à cali supremo Imperatore generi humano imposita atque iniusta lex, ut, qui ad naturam vivit, in ejusque conquiescit instinctu, is demum capeſſat ſceptrum reliquisque præſit. Ego quod Kieum è fastigio dejecerim, id Cælo jubente factum, cui refragari nefas duxi. Nunc ejus imperii religione exſolutus, ad alterum, qui me ſit melior,

E s

reſpiciatis

respiciatis censeo. Ego mea sorte finibusque contentus, vel idcirco ab hoc honore abhorreo, quod ei populo imperandum intelligam, in quo mali multi sunt inter paucos bonos. Regnum est instar agri triticei, in quo frumentum multo lolio & avenâ corrumpitur, aut oriza plurimis paleis immista. Igitur tanta multitudini regenda me imparem sentiens, ne in calum offendam, vereor, si provinciâ me illâ supra vires onerem. Ad imperii nomen haud secus atque ad ingentis precipitii conspectum exhorresco. His auditis Præfecti & magistratus omnes eum denuo consolari, atque adeo non alium Imperatorem sibi destinatuos religiose affirmare; simul omnem operam opeinque polliceri. Pertinaci pietate victus denique Tangus imperium tyranno ereptum accepit virtute ac modestia imperantem perpetuo sequentibus. Hinc summis infimisque charus, æquitate, liberalitate, comitate omnes sibi devinxerat. In quibus illud palmarium, quod aurifodinas in montibus, quos *Heng* appellant, qui *Peking* à provinciâ *Xansi* separant, repertas promiscue populo utendas sine tributo concessit, nullo inde quæstu in ararium suum redundante. Proxima cura fuit, sanguinarias *Kiei* leges abolere, sufficereque alias, quas etiam amarent subditi. Quo factum est, ut non hi modo, sed & reguli omnes ea æquitatis fama commoti una cum suis se illi ultro subicerent. Habuit *Tangus* inter ministros *Iynium* nomine, supremum militiæ Præfectum, qui armis juxta consiliisque juvans Imperatorem, magnitudine animi & fortitudine, prudentia item, & in illum fide apud *Sinas* eximius habebatur. Quæ de singulis nec ea pauca, memorare possem; consulto prætereo. Porro *Tangus* initium anni Lunam primam solstitio hiemali viciniorem deinceps esse voluit. Ut sibi suisque identidem essent & è re natâ præsto in palatio documenta melioris vitæ, in vasis utensilibus gnomas ad eam rem appositae insculpi jussit. In eâ supellectili ante alia pelvis erat, quam ipse ad abluendam aqua calida, ut *Sinæ* solent, faciem adhibebat; in qua hæc epigraphe legebatur, omni hominum ordini amplectenda, in dies te renova, & iterum eodem die te renova.

Mos lavandi
vultum.

Sed

Sed ejus pietas erga subditos in unâ re omnium maxime enituit. Cum enim ingens esset toto septennio terræ siccitas, nullâ interim de cælo aquâ veniente; itum è superstitione gentis ad sortem. Ea sic decrevit, ut unius hominis precibus ac morte cælum omnium vicem placaretur & remollesceret. Quod ubi ad *Tangum* relatum est, *Pluvia*, inquit, ut commune bonum populo, cui præsum, à cælo datur. Eam si fata jubent ab uno pro cunctis exorari; me potissimum instans calamitas manet. Locum omnium tenenti convenit, omnium causam agere. Qui prodesse debet omnibus, nocere nemini potest. In me igitur incumbit culpa factorum; quorum idum si fas non est vitare, honestum erit pro publica salute vitam meam impendere. Sub hæc jejunium sibi indicit, cæsarie ungubusque, quos promittere apud Sinas non leve nobilitatis signum & ornamentum est, præcis, nudis pedibus corporeque cinere terraque consperso, hac prece se cælo piacularem victimam devovit. *Insitiam aut scelus meum, obsecro te supreme cæli Imperator, ne populus luat. Mihi te iratum habeam, modo parcas innocentem patriæ. At si ego forte male meos guberno, si domi mea luxum splendoremque justo majorem tolero, si adulatoribus alienamque famam obsecrantibus aurem nimis patientem commodo; meum id crimen est, me cælum ad pœnas deponat.* In hunc fere modum sexies cæli dominum obtestabatur, cum repente ingentibus procellis effusus imber longe lateque terras summa omnium lætitiâ rigare coepit. Scires *Tangi* pietate factum, ut in imperio penes *Tangianam* exinde familiam esset tam diuturna successio. Annis namque sexcentis & quadraginta tribus eum non intermissa serie sunt è sua stirpe secuti septem omnino & viginti, vitiis ac virtutibus promiscue insignes, prout cuique voluptas aut respublica magis cordi sunt.

*Tangi pietas
in cævet.*

II. IMP. TAIKIAUS.

Imperavit annis xxxiii.

Magni illius *Tangi* è filio nepos hic fuit: initio regni avo virtutibus longe dispar, ejus doctrina

*Insignis fides
in Imperato-
rem.*

menta leges, & gubernandi rationem vel ignoravit, vel neglexit. Vtut est, *Iynius*, cujus opera in belli pacisque negotiis Tanguum fuisse usum, supra diximus, vir summæ autoritatis, ut incertum juvenem ad bonam frugem traduceret, sæpe hujusmodi verbis usus est *Fortuna caloque non semper fidendum; nec uni eisdemque concessum perpetuo imperium. Id, ubi virtus abest, corrumpere necesse; at illa comite, quieta Imperatori erunt omnia. virtute collapsa ut plurimum ruunt imperia.* Hæc, inquam, & similia liber *Xuking* nobis suppeditavit, ne quis conficta suspicetur. Sed ad irritum cecidit hæc philosophia, obstinato ad meliora juvene. Tum consilium cepit *Iynius*, in quo audaciamne magis mirer, an summam fidem, nescio. Quippe veritus, ne unius socordia toti imperio perniciem afferret; prope avi sepulchrum in domo ad id exstructa Imperatorem velut captivum includit, ipse tutelæ nomine imperium gubernat. Res mira dictu! juvenem fortunæ suæ securum, & quicquid liberet, pro licito judicantem, ipso triennio eoque amplius ibi detentum, & assidue ad avitæ virtutis imitationem incitatum, adeo demum fregit, uti prioris vitæ poenitens, avo jam moribus esset similior quam sibiipsi. Raro prorsus exemplo. pauci enim fiunt imperando meliores, peccandi licentia à virtutis amore abducti. Multo pronius est privatæ vitæ modestiam in nova dignitate dediscere. At *Iynius* nulla non laude dignus, calcata dominandi libidine, cui si obsequeretur, facile potuisset sibi regnum ex toto vindicare, Imperatori optima de se promittenti, imperium restituit, in regiam postliminio, applausu omnium ordinum, deducto. Ibi tantum absuit, ut ultionem peteret ex *Iynio*, ut eum summis etiam honoribus excultum, patris exinde loco diligeret. Magna dein omnium approbatione imperium habuit nusquam ab avi vestigiis deflectens; regulis etiam, qui ejus licentias offensi secesserant, ad officium sua sponte redeuntibus, postquam didicerunt *Taikieum* novo invento resipuisse. In hunc modum restitutam publicam quietem longa felicitas excepit, *Iynio* cum primis adjuvante, cujus consilio Imperator omnia moderabatur.

III. IMP. VOTINGVS.

Imperavit annis xxix.

Hic superioris filius nec patri virtutibus impar, ubi vidit *lynium* decrepita jam ætate esse; ne nihil de tanto viro post ejus obitum superesset *Kientanum* amplæ ditionis Præfectum ei committit iisdem artibus imbuendum, quibus ipse in eum usque diem Imperatoribus bello ac pace tantopere profuisset. Nec spes *Votingum* nec metus fefellit. Nam & *lynius* octavo post illius inaugurationem anno diem obiit supremum, veris Imperatoris populiq; totius lacrymis deploratus; & *Kientanus* peritiam rerum gerendarum adeptus, felici successione defuncti desiderium mitigavit. Magno quidem usui *Votingo* fuit; omnia cum domi, tum foris recte atque ordine agebantur. Tantum unius viri virtus valet, si in Principem inciderit, veri capacem.

Cyclo 17. anni
no 18. ante
Christum
1720.

IV. IMP. TAIKENGUS.

Imperavit annis xxv.

Tres deinceps Imperatores sequuntur, de quibus nihil memoria dignum reperio, quæ præter annum, quo quisque cœpit imperare, quoque desiit. Primus *Taikengus Votingi* filius videtur sine prole mortuus, quippe cui defuncto frater natu minor successisse scribitur.

Cyclo 17. anni
no 47. ante
Christum
1691.

V. IMP. SIAOKIAUS.

Imperavit annis xvii.

T*Aikengi* frater fuit; neque aliud de ipso exstat.

Cyclo 18. anni
no 12. ante
Christum
1666.

VI. IMP. IUNGIEUS.

Imperavit annis xii.

Et hic antecedentis frater, deficiente Sobole sceptri hæres fuit, ex alia tamen matre natus.

Cyclo 18. anni
no 29. ante
Christum
1659.

VII. IMP.

VII. IMP. TAIUUS.

Imperavit annis LXXV.

Cyclo 18. an-
no 41. ante
Christum
1641.

Hic Tungyei frater germanus fuit, cujus exordia Imperii ostentis præsignia fuere. In ipsa enim regia morus & triticum sponte tantaque celeritate sunt enata, ut septem dierum spatio & morus in arborem adulta fructus proferret, & frumentum jam maturum spicas exhiberet. Præterea putei etiam altissimi præter naturæ legem simul exundavere. Territus ea rerum facie Imperator, ut proni sunt Sinis ad superstitionem animi, verensque, ne quid sinistri portenderetur, è Præfectis quemdam *Cheum* nomine, jubet ex iis prodigiis in futurum conjicere. Ille prudentissime, nihil contra veram virtutem portenta posse respondit. *Si gentem tibi subjektam ex aquo bonoque gubernaveris,* inquit, *nihil erit, quod labefactet felicitatem tuam.* Digna Imperatore, digna cordato consiliario responsio. Nec in irritum cecidit. Quippe salutare consilium secutus *Taius*, totus in virtutem incubuit, & insigni probitatis ac prudentiæ laude majorum suorum quorumcunque famam ad decus adæquavit. Illud inter ejus facinora non ultimo loco celebratur, quod ad sustentandam panperculæ plebis senectutem in singulis urbibus certam de publico annonam constituit. Unde morem illum ad hæc usque tempora fluxisse putem, ut in qualibet civitate Xenodochium exstet, in quo certus senum numerus publico sumtu alatur. Iustitia in primis ei curis erat. Quotidiè summo mane faciles aures dare ad se venientibus; neque prius è tribunali surgere, quam omnibus, qui se conventum vellent, copiam fecisset sui. Quæ res tenuiorum præcipue fortunis & innocentia profuit, quæ non raro à potentioribus obteritur; & simul prætorum æquitatem intendit ab Imperatore vindicari timentium. Ita cum à paucis timeretur, non amorem omnium promerebatur. Et, ut Principum exempla in familiares dimanant, eximios aliquot ac præstantes ministros habuit, quorum auxilio ipsos septuaginta quinque annos imperium

perium perpetuo pacatum obtinuit. Nihil portentis in regiam virtutem audentibus; qua nullum est potentius adversus omnium terrores amuletum.

VIII. IMP. CHUNGTINGUS.

Imperavit annis XIII.

HÆc Imperatorum familia regiam hucusque sedem in loco, cui *Mao* nomen in provincia *Xamsi* habuit. Exin ob crebras fluminis *Crocei* exundationes ac damna ei urbi toties illata, in provinciam *Honan* facta migratione in urbe *Hiao*, ubi nunc *Gao-cam* civitas est, confedit. Neque tamen à *Croceo*, qui tunc *Hiao* præterfluebat, discedere placuit, navigationis commodis retento. Et regni quidem initio ad portus muniendos ejusque modi opera alia otium ei non defuit. Pacatissimum à Patre imperium acceperat. Ad ultimum tamen, ut nihil est inter homines perpetuum, bellum, sed breve, sumere coactus est; accolis ad Austrum circa *Kiang* fluvium, latronum more, provincias Sinicas invadentibus. Inter ingentes prædæ multi etiam hominum abripiebantur. Quæ res cum semel atque iterum eis processisset, ulterioris prædæ spe accensam cupidinem stimulante, latrocinia ac rapinam continuant. Tum vero *Chungtingus* ad bonum publicum respiciens, & tantæ licentiæ obviam eundum ratus, missis cum milite Præfectis, impetum prædonum ira repressit, ut multo dein tempore nihil tentare sint ausi.

Cyclo 19. anno
no 56. ante
Christum
1562.

IX. IMP. VAIGNIUS.

Imperavit annis xv.

Vaignius *Chungtingi* frater, quindecim annos rerum potiebatur, nulla re memorabili gesta, nisi quod omnibus charus acceptusque fuit.

Cyclo 20. anno
no 8. ante
Christum
1549.

X. IMP.

X. IMP. HOTANKIAUS.

Imperavit annis IX.

Cycle 20. an-
no 24. ante
Christum
1534.

Hic *Vaignii* frater natu minor sceptum adeptus, quod ille sine prole extinctus esset immatura adhuc ætate; ob *Crocei* fluminis inundationes denuo sedem regiam mutavit, loco editiore delecto ad *Siang*, quæ *Honana* provinciæ olim civitas, hodie *Kingse* appellatur. Neque hic quidquam memoria dignum gessit; uno tantum filio, quem optimum reliquit, imperii successore felix.

XI. IMP. ZUIEUS.

Imperavit annis XIX.

Cycle 20. an-
no 33. ante
Christum
1525.

Is *Zuyeus* fuit, cui post obitum *Pacifici* cognomen *Ladhælit*, subjectam gentem, quoad vixit, in profundissima pace continenti. Qua in re magno illo adjumento *Colaï* summi Præfecti virtus fuit. Hoc enim nomine *Colaum*, quod adiutorem seu privatum significat, *Sinæ* vocant. Qua voce nos etiam utemur deinceps, ut eum à ceteris summis item tribunaliū Præfectis discernamus. Hujus ergo *Colaï*, cui nomen *Hienius*, virtute ac prudentia effectum, ut reguli beneficiarii, omnes, nec pauci dynastæ summo consensu & amore pari *Zuyeu* ut Imperatorem amplecterentur; promptissimi semper ad reverentiam obsequii.

Si vero jam supra de regulis ac dynastis illata mentio est, quales fuerint & unde, hoc tamen loco denuo notari velim, eos omnes ex imperatoria stirpe vel filios, vel nepotes fuisse. Nam una in familia penes unum duntaxat suprema potestas erat; reliqui dignitate regulorum insigniebantur attributa ditione & vectigalibus, quæ splendorem generis non offuscarent. Sed deinceps nonnullos dicemus, quos huic ordini merita sua extra ordinem inferuere. Id adeo sub hoc Imperatore factum, qui *Hienium* hac dignitate primum donavit; nunquam tamen à se abire passus, quo carere non potuerat, suoque regno ante omnes fidei.

XII. IMP.

XII. IMP. ZUSINIUS.

Imperavit annis xvi.

Zusinius Zuyei filius in aditu imperii jurgiorum materies fuit; &, nisi obviam esset itum in tempore, jamjam in bellum gliscentium. Magna patruos inter ac nepotes pro regno contentio fuit. Illi tanquam ætate priores affectabant imperium; hi paternam successionem jure naturæ fulciebant. Litem diremit *Hienius* usu rerum & auctoritate pollens, & à *Zusinio*, factione utraque omiſſa pronunciavit. Sed his paria, imo pejora ſuis quæque locis referentur, ab una dominandi libidine, quæ nec ſanguine junctis parcit, & omnia pro utilitate diſpenſat, orta. Hujus tamen imperium, ubi cognatorum lites conſenuere, perpetua pace floruit.

*Cyelo 20. anno
52. ante
Chriſtum
1506.*

XIII. IMP. VOKIAUS.

Imperavit annis xxv.

Hic per vim illatis contra nepotem armis imperium obtinuit, injuſtum quidem illud, diuturnum tamen & felix. Ejus filium quem ſibi ſucceſſorem deſtinaverat, ſpei & ambitionis irritum nepos ejecit, ut ei præcluſa eſſet in præſens omnis ad imperium via.

*Cyelo 21. anno
8. ante
Chriſtum
1490.*

XIV. IMP. ZUTINGUS.

Imperavit annis xxxii.

Zusinii Imperatoris filius ſecundo genitus. *Vokiai* nepos, cum patruo regnante ſe præbuit, ut ab ipſomet quamvis ſine ſpe mutuæ pietatis, & præcepto per vim imperio haud dubie inſenſus adhuc ipſi, tamen diligeretur. Tanta vis eſt virtutis, ut etiam hoſtes, qui, cum diſſimulantur injuriæ, ſæpe pejores ſiunt, alliciat ad diligendum. Solers & ad futura proſpicienda ſagax, ita ſuis rebus moderabatur, ut patris mortuo mollis ei eſſet ad imperium acceſſus, ſine vi, ſine armis ſolo, uti dictum, filio ejus excluſo. Illud qua prudentia

*Cyelo 21. anno
33. ante
Chriſtum
1464.*

tia est adeptus, eadem ad finem usque retinuit; summae moderationis exemplum posteritati relinquens. Nam cum filio dare aditum posset ad successionem; procerum iudicio permisit, facerent, quod è republ. ducerent esse. Quo illi præterito *Nankengum Vokiæ* filium ad imperium ab exilio arcessivere.

XV. IMP. NANKENGUS.

Imperavit annis xxv.

Cyclo 22. anno 5. ante Christum 1433.

Q Vanquam non carnis turbis ea successio; cum magistratus *Nankengum* retinerent, præfecti ex adverso *Nankengi* filium mallent. Et discordia in bellum exiit; in quo factio, quæ pro *Nankengo* decernebat, superior fuit.

XVI. IMP. YANGKIAUS.

Imperavit annis vii.

Cyclo 22. anno 30. ante Christum 1408.

Y Angkiaus *Nankengi* frater per vim & ipse imperium invasit, eliminatis nepotibus. Hac dominandi libido & inter patruos ac nepotes rixæ, parum absuit, quin agnatam huic familiæ successionem extinguerent. Quippe belli dissidio à se invicem distracti totum miscebant imperium. Magistratus Præfectique in factiones discesserant; rem suam quisque gerere, atque ad eorum causam acclinare se, à quibus opes honoresque sperabant. Regulis quoque beneficiis fluxa fides, cum priscam Imperatorum simplicitatem desiderarent, imperium primo timidius, mox palam aspernantibus. Pari licentia tributa, quæ quotannis ferre soliti erant, jam recusare andebant. Quare imperio in varios quasi potentatus, qui sui juris essent, distracto, in pejus omnia ruebant. Actum fuisset de Imperatrice domo, deque imperio universo, nisi fluentem rempubl. restituisset Imperator, quo de nunc dicendum.

XVII. IMP. PUONKENGUS.

Imperavit annis XXVII.

Puonkengus igitur Yangkiai frater, ubi gubernacula imperii tractare ccepit, rempublicam cognatorum maximè ambitione perculsam atque afflictam excitare aggreditur. In ambienda potestate à se quoque peccatum non diffitebatur, laeso nepotum jure; ne tamen exemplum suum prodiret ad alios, cavebat diligenter. Principio igitur imperii nihil prius quam de legibus actum. A Tango ejus proavo quondam latæ postquam alibi constituta regia, & ipsæ simul translata, velut in peregrino & ignoto solo elanguerunt. Ea igitur ad Mao denuo reducta, cives, quo pronius hanc mutationem acciperent, tum scripto, tum coram hortabatur. Deinde imperatoriam familiam antiquato Xanga nomine Yniam indigetavit, à provincia, è qua prodierat ad fastigium. Præterea totus in eo fuit, ut optimos quosque amplissimis officiis quâ domi, quâ foris excoleret. Seditiosis nusquam locus erat. Denique huc maxime incubuit, ut gubernandi ratio, qua usus erat Tangus, ejusque mores imitatione reviviscerent. His conatibus prolixè fortuna favit. Nam & ad pristinum statum familia, & reguli beneficiarii dynastæque omnes ad obsequium atque comitia publica rediere; non alia re magis eos quam virtute Imperatoris invitante. Salutare decretum, quo cavebat in posterum, ut Imperatorum filii succederent, discordiis tandem finiendis, è quibus tot exstiterant mala, successu caruit. Cum enim ipse nullum suscepisset heredem, imperium fratri morte cessit.

Cyclo 22. anno 37. ante Christum
1401.

XVIII. IMP. SIAOSINIUS.

Imperavit annis XXI.

Siaosinius Puonkengi frater nulla re par illi vel conferendus, per locordiam rursus imperii statum jam meliorem tantum non pessumdedir. Mollis & volutarius, quo loco esset respublica, quidque à Præfectis

Cyclo 23. anno 5. ante Christum
1373.

F 2

agere.

ageretur, adeo pensi nihil habuit, ut ne audire quidem veller; unis voluptatibus obediens. Quibus ne à quoquam intercederetur, summam rerum assentatoribus crediderat.

XIX. IMP. SIAOYEUS.

Imperavit annis XVIII.

Cyclo 23. anno 26. ante Christum 1352.

H Vic Siao sinus pater imperium una cum luxu, discordia atque desidia quasi per manus tradidit. Liberali quidem præceptorum disciplina educatus est à puero; sed ut primum ab iis liber & sui juris, rei Sinicæ arbitrium obtinuit; salutaria monita oblitus, & tanquam laxatis libertatis habenis, vestigia patris ingressus purpuratis insuper assentando virtutis nondum adultæ nervos elidentibus, libidine, inertia, levitate insignis fuit. Usque adeo in malum proni sumus, metu soluti; maxime si mali laudatores accesserint. Hujus memoriam illustravit utcunque filius imperii ab eo relictus heres; quo fortasse meliorem admirabilioremve Sinæ non habuere. Id adeo nunc videamus.

XX. IMP. UUTINGUS.

Imperavit annis LIX.

Cyclo 23. anno 54. ante Christum 1324. Pietas in defunctum duxit.

A Dolefcens patrem morte amisit; quam insolita tristitia ac dolore luit, nullum signum gratæ voluntatis in eum omittens. Pietas enim, ut supra ostendimus, præcipue adversus parentes mortuos Sinis semper sanctissima fuit. Uutingus ergo, ut palam faceret omnibus, qua esset erga demortuum parentem observantia, Canpuono Colao suo seu adjutori tradidit imperium. Ipse prope sepulchrum paternum exstructa ædícula toto triennio delitescens, non inerti tamen otio interim marcebat; sed quæ optima gubernandi ratio, quæ virtutes ad eam maxime necessariae, secreta æstimatione pensabat. Silentio, quod mirere, tam severe addictus, ut ne verbum quidem eo tempore cum quoquam loqueretur. Omnis ei sermo cum Cælo

Regis diuturnum silentium.

Cælo solo fuit, præter virtutem ab eo nihil optanti. Sed nec soluto luctus obsequio in palatium reversus loquebatur. Cujus silentii pertinaciam demirati ordines atque magistratus denique alloquendum censuerunt. Adeunt igitur ad illum una omnes; è quibus unus omnium loco hac oratione usus, *Sapientes*, inquit, & *alta quadam mente præditos*, virtute velut *humana vite regula* cumprimis decet, aliis rectè vivendi speciem esse. Quod eo magis, *Imperator*, tibi faciendum, quo altiore solio emines, virtute ac sapientia singulari, & à Cælo data conspicuus, optimo publico, summa tui nominis commendatione. Sed hanc laudem factis adhuc, non perinde dictis implevisti. Loqui te oportet, quod unum deest laudibus tuis. Qui præest omnibus, quomodo dicto audientem habebit populum, si tacet ipse semper, & cuncta dissimulat? Facta tua quamvis usquequaque clara, nisi animentur voce, nec vim nec imitationem habent. Ergo tandem loquere; ab ore tuo pendemus omnes, & optamus simul, ut, quemadmodum factis adhuc, ita in posterum dictis exemplum nobis fias.

His auditis Imperator conticuit. Non quasi offenderetur; sed quia morem suum sequebatur, ut scripto responderet. Illud autem erat hujusmodi. Scio meas partes esse, ut recte atque ordine omnia dispensem ac disponam. At veritus, ne imbecillitas mea longe deflexisset à majorum meorum virtute; simul & scientia recti, obstinatio fui ad silentium. Interea cum à supremo Imperatore supplex contenderem, ut ea suggereret mihi, quæ ad rempub. bene administrandam sunt necessaria; obsecrationem meam haud aspernari visus est, oblata per somnum specie hujusmodi. Videbam enim hominem forma stata, cujus imago tam fideliter animo infixæ hæret, ut si quem similia lineamenta gerentem obviam habeam, facili agnitus sim. Illum supremum Præfectum cooptare monitus, eoque indixi silentium mihi, quoad eum invenero. En ejus figuram in tabella depictam eo prorsus modo, quo à cælo est objecta mihi, vobis repræsentō. Ite, ac certos homines, qui eum conquisite vestigent, quoquo versum dimittite. Dictum factum. Denique repertus in pago quodam Fu dicto faber cæmentarius *Yeus* nomine, pictam faci-

ciem ad vivum exhibuit. Hic ergo ad Imperatorem adductus, & in experimentum prudentiæ variis quaestionibus tentatus statim ostendit, quam longe corporis habitum animi bona superarent. Nihil vulgare, nihil medium in eo cerneret. Iussus enim aliquid pro publico dicere, de bene morato & bene constituto imperio, de negotiorum ac munerum diversitate, de Regis & civium officiis mutuis diserte perquam atque enucleate disputavit. Quibus magna cum voluptate auditis Imperator illum assatur in hunc modum. *Euge, quod bene vertat, Yee inter omnes praefectos & magistratus meos tu primus esto. Accipe dignitatem, quæ manifesto Calijudicio & favore contigit tibi. Præceptoris loco mihi eris, nec à meo unquam latere discedes. Hortare, doce, quoties opportunum tibi videbitur; discipulum mane, vespere, hoc est, semper, dicto audientem habebis, semper majores in virtute progressus optantem. Speculum crede me, continenter abs te poliendum. In profundo flumine periculose me titubantem puta; tu navis, tu nauclerus esto. Ego sum instar siccantis agri; tu instar opportuna pluvia pectoris tui fontes aperi, & salutaribus præceptis animum meum humecta. Medicinam, ubi erit necesse, quamvis amaram adhibe. Non proficiunt ad satietatem medicamenta, è quibus voluptas quaritur. quare peccanti ne parce; & adhibita Præfectorum reliquorum ope sic tecum age, ut exemplum perfecta cumulataque virtutis, quæ in TANGO avo meo effulsit, in me renoveas. Xeus imperatorem sub hæc dicta veneratus è more gentis, Scire, ait, quid rectum sit, haud est difficile; sed facere, quod rectum scias, difficillimum. Nam, ut arbor novella directe in altum surgit, si ad aliquod adminiculum adnitetur; ita si rex aure secunda excipiat, quæ à fidis ministris monetur, facile nominis sui sanctitatem tuebitur, habebitque intentos simul ac promptos ad nutum omnes. Sed nimis longum faciam, utique supra compendii modum, si memorem omnia, quæ de Yeo traduntur. Illud tamen hinc licet obiter discas, sub vili lacerna ingentem nonnunquam animum, magnamque sapientiam latere. Hoc igitur adjutore in imperio multis annis pax fuit tranquilla. Accidit inter hæc res parva quidem, memoria tamen haud*

hand indigna. Forte Imperator in avorum suorum aula sacris operabatur; cum gallina silvestris superfluous ansam vasis, quod ad incendendos odores præstot erat, feritatis oblita, impavide singultire cœpit. Id in triste omen acceptum ab illo, nequid forte à se violatum esset atque commissum, metuente Quare diligenter in seipsum quæsit, si quâ tenuisset iter à virtute devium; recte statuens, ubi causa publicæ calamitatis consistit in persona principis, medicationem à capite ordiendam. Hunc talem cum se præberet Imperator; pietatis suæ fama ad longinqua etiam loca manante, in omnium animos inflexit. Dynastæ quidem, qui ad fines Sinæ occidentalis colebant, ultro seque suasque ditioes sub ejus imperium subjungere, constrictis Sinico more capillis venientes cum interpretibus, amplissimisque donis. Quos omnes Imperator amice acceptos hortabatur, ut in Sinarum mores atque instituta & immigrarent ipsi, & in suas ditioes inducerent. Id si fecissent, gratius sibi fore, quam si sua omnia ei addicerent.

Ita diutissime prosperis rebus, ne felicitas esset perpetua, intercessit impotens aliunde dominatio. *Tieyus* quidam è regulorum grege, præcipua crudelitate imbutus, potestati suæ obnoxios tyrannice habuit. Eorum sortem miseratus Imperator, monito primum, sed ad legitimum imperium contumaci, per Præfectos suos indixit bellum. Id annos omnino tres varia fortuna & ancipiti Marte tenuit, donec tandem ad justitiam causæ respexit victoria. Victum regulum ad se venire iussit Imperator; optimisque præceptis traductum in melius, in integrum restituit; bello ac pace victor, sed majore in ista, quam illo gloria.

XXI. IMP. ZUKENGUS.

Imperavit annis **V I I.**

ITa tranquillatum à patre imperium *Zukengus* per manus accepit, tenuitque, licet paternæ felicitati, ut & virtuti longe impar. Nec aliud de eo, quod addam, habeo.

*Cyclo 24. a. c.
no 53. ante
Christum
1265.*

XXII. IMP. ZUKIAUS.

Imperavit annis xxxiii.

Cyclo 24. an-
no 6 ante
Christum
1258.

Hic Zukengi frater fuit, & ab hoc & à patre multò magis degener, superbia, qua præ se despiciebat omnes; tum libidine vaga & inconstanti, ut cum Sinis loquar, insignis. Quibus maxime vitiis istius familiæ robur concussit, ad imperii reliquias penitus subruendas relicto filio, patrem malis artibus non æquante solum, sed etiam superante.

XXIII. IMP. LINSINUS.

Imperavit annis v.

Cyclo 25. an-
no 53 ante
Christum
1225.

EO enim mortuo, ut voluptatibus se dederet impensius, imperii negotia præfectorum commisit arbitrio, nihil pensi habens, quicquid agerent. Nec mirum. Ipse, quid ageret, ignorabat libidinis mancipium; qua ita captus erat, ut in ætatis flore nimia vendere sibi mortem accelerarit. Sine prole decessit, imperio ad fratrem devoluto.

XXIV. IMP. KENGTINGUS.

Imperavit annis xxi.

Cyclo 25. an-
no 39 ante
Christum
1219.

Penes hunc potestas unum & viginti annos fuit. Quomodo eam habuerit, aut quid egerit, nil proditum invenio.

XXV. IMP. UUYEUS.

Imperavit annis xv.

Cyclo 25. an-
no 60 ante
Christum
1198.

Uyens Kengtingi filius, homo scelestissimus & sacrilegus idololatriam invehere voluit, & homines, ut numen, adorari. Forte hominem quendam ignotum perinde ac vanum obviam habuit; à quo nescio quibus præstigiis delusus, ab omnibus eum velut deum sive spiritum haberi jubet, variis artibus ad gloriam ei conciliandam usus. Inter alias hac etiam indoctæ

indoctræ multitudini imposuit. Homines aliquot ei convivere iussit, ac de re magica exquisitis rationibus cum eo certare, ut illius offuciis victi & divinum aliquid in homine suspicientes, nomen ipsius ubique celebrarent. At sæpe risum potius præstigiator quam laudem tulit. Quippe non modo nihil divinum; sed nec mediocris in eo sagacitas erat. Identidem igitur à vero deerrans & victus ipse, Imperatori stomachum movit, tam longe à destinatione sua se lapsum frementi. Nec diu factum; qua levitate hominem deum putarat, eadem abjectum, & probris omnibus maledictisque vexatum interfecit. Iram deinde in cælum vertit ut à deo suo aversum; sagittis ipsum petens. Atque ut fauciasse crederetur spiritus celestes, saccos tres penetrabiles rubro liquore plenos suspendit in aëre, qui specie cruoris inde rorantis, essent indicio, deum ac spiritus esse revera peremptos. Sed qui stolidè Cælum atque sacrilege petiit, è cælo, dum esset in venatione, non bruto ictus fulmine interiit. A Sinis omnium flagitiorum postremus & exlex inde dictus, ita animum inducentibus, nonnisi sceleratos & perditissimos percuti de cælo, bonos innoxios esse. Tradunt etiam idcirco superis infestum fuisse, quod fortuna nonnunquam suis rebus obstante uteretur. Hinc in ultionem ainsens excanduit, & Cælo se imperare posse credens, qui in homines dominaretur.

Cælum sagittis petitum,

Eodem tempore, quæ ad Orientem vergunt insulæ perquam frequenter habitari cœptæ à Sinis, eo colonias ducentibus,

XXVI. IMP. TAITINGUS.

Imperavit annis III.

Taitingo Uugei filio continens cum Yene regulo intercessit bellum; quod morte præoccupatus, non confecit. Ceterum Yen regnum erat, ubi Peking hædie, in eadem nempe provincia,

Cyclo 26. anno 4. ante Christum 1194.

XXVII. IMP. TIYEUS.

Imperavit annis XXXVII.

Cylo 26. an-
no 7. ante
Christum
1191.

T *Iyeus Taisingi* filius imperium una cum bello propagando per manus accepit. Quia & novum subinde natum, ut ipsi felix sic *Yeni* exitiale fuit. *Kiliens* enim *Taisingi* legatus bello strenuus, hostilibus copiis, quæ tres exercitus æquabant, deletis, captis totidem eorum ducibus, regnoque *Yenis* occupato, exutum potestate regem in ordinem redegit. Qua victoria lætus Imperator, collaudatum *Kiliem* Reguli beneficiarii dignitate exornat, ignarus, quantam familiæ suæ pestem arcesceret, nec in impetu gaudii futura prospiciens. Eam dignitatem *Kiliens* septennium tenuit. In cujus demortui locum *Changus* ejus filius subrogatus, postquam egregia ejus virtus enituit in bello, & Imperatori probata; regnum perpetuæ successionis fiducia sibi ab eo traditum, promovit ad posteros. In his primum anno quam imperare *Tiyeus* cœpit, tertio & vigesimo *Faum* genuit, quo de multa infra, ubi de proximo Imperatore dicam.

At *Tiyeus* tres sustulit filios; è concubina duos, è regina, hoc est, legitima, unum. Huic tamen ad successionis prærogativam tori sanctitas primo nil proffit. Imperator enim morti jam vicinus, consentiente Regina, quod est inauditum in Sinica muliere exemplum, legitimo posthabito spurium natu majorem destinabat imperio. Non amore, aut odio alterutrius patris; sed quia legitimi terrebat eum æras, sceptris adhuc immatura. Præfecti tamen uno omnes consensu intercessere, negantes alium succedere passuros, quamdiu esset, quem leges subrogarent. Sed hi quoque nesciebant, quantam imperio, quantam sibi contumacibus suffragiis perniciem struerent. Quanto namque melior & innocentior *Vicius* è concubina genitus, tanto nequior improbiusque *Chens* legitimus postea fuit. In rem præsentem veniamus.

XXVIII. IMP. CHEUS.

Imperavit annis XXXIII.

Cheus invitis parentibus protractus ad culmen est; ingenio præceps, & cui non minor vanitas inerat quam vecordia. In verbis plus astutiæ, quam prudentiæ; quæ scires ad hominum vitandas reprehensiones sceleraque tegenda virtutis colore, composita. Corpus robustum ac supra ceterorum hominum modum. Videndi audiendique vis exacuta; in primis deliciis, inermi manu feras capere. His artibus sibi placebat unice, alto supercilio despiciens alios, & præ se nihili ducens. Ad hoc usque tempus regia luxuriæ ignara, inter virtutes frugalitas reponebatur. Hic ad augendum splendorem majestatis, vasa eburnea ministrandis cibis; bacillos item, quæ Sinæ, cum accumbunt, hodieque utuntur, ex eadem materia factos primus adhibuit. Quo audito Kicius illius patruus dixisse fertur. *Qui gloriam captat ex ebore, lutea vasa sine dubio aspernatus optabit magis pretiosa. Qui vero gaudet his pretiosis; non vivet oleribus, nec amictum lineum & humilem, neque casam amabit tectam stramine. Ni malo incipienti obviam eatur in tempore, luxum hiantem nec totius orbis explebunt opes.*

Cyclo 26. anno 44. ante Christum 1154.

Vxorem habuit Takiam, omnium pene malorum vel authorem, vel administram. Ea ut formæ ceteras mulieres: ita nequitia anteibat omnes. In cujus gratiam cum nihil non faceret rex mulierosus; ex illius arbitrio Præfecti alii officio dejiciebantur, alii necabantur. Totius opes imperii superbia luxuque unius mulieris minores fuisse scribunt Sinenfes Historici. Hinc acerbissima exactione pressa gens gemebat. Inter alia fuit exstructa turris, cui nomen à cervis inditum, è pretioso marmore rubro Kiung dicto. Portæ lucebant jaspide, quam Yu vocant, achatæ nostro non absimilem, multi apud Sinas pretii. Altitudo turris erat cubitorum mille, latitudo milliariis Italici; septem annorum opus. Sape suis

Ingens & pretiosa turris.

cen-

centum & viginti dierum epulum dedit; Assuero in pompa paullo quidem minore, sed frequentiore, quasi præludens. Neque nox iustitiam faciebat luxui; ob eam causam Changye, sive nox larga dicta. Palatium, alioqui Sinis severe clausum & sacrosanctum, paruit omnibus, adeo impune, ut in eo non secus atque in foro mercatus instituerent. Hinc non merces modo, sed etiam abominanda quæque scelera eo inuenta, nonnullis civitatibus Regulisque beneficiariis locum ad defectionem aperuere. Sed hoc malum, quia inali principes suorum civium turbas imputant temporis, non sibi, primo non repressum, in scædam sævitiam intumuit. *Takis* namque, ut erat avidissima dominationis, Imperatoris aures continuo pulsare importunis questibus; causam rebellionis à torpore suppliciorum arcessere; suadere atque incitare, ut ea intenderet; ipsa denique maritum docere, quorum metu potissimum omnes ubique in officio continerentur.

Crudelis supplicii genus.

Iussit ergo vas quoddam & columnam æneam parari. Hanc adipe oblitam atque candentem, quos morti destinaverat, amplecti coëgit; illud autem ignitum ac ferale rubens manibus sublatum tenere, dum caro solveretur. Quo incestissimum spectaculo regina cum Imperatore in cachinnum diffusa prolixè oblectabatur.

Ille porro anno imperii undecimo summos Præfectos tres legit, magna valentes autoritate, sibi que præsto futuros *Changum*, illum qui ab hujus patre Reguli dignitatem acceperat; *Kieum*, & *Coum*. *Kieus* homo varius & in appetendis honoribus, quo præ ceteris gratia floreret apud Imperatorem, cuius animum probe norat, nihil pensi habens, qua via id assequeretur; filiam, quam habebat forma & ætatis flore spectandam, ei offert ad stuprum. A quo cum abhorrentem puellam videret Imperator (nam cum pulchritudine castimonia quædam naturalis consenserat, quæ gentis virtutum omnium feracis tum felicitas erat) indignatus puellæ constantiam, & amore in odium verfo, suis eam ipse manibus necat, & in frusta sectam

Crudelo epulis.

fectam patri particulatim comedendam obrudat. *Cous* è tribus Præfectis unus indignitate rei motus & de hoc eum acriter objurgans, oris libertatem è vestigio morte luit. At *Changus* pari excidii periculo nequaquam territus, officium *Coi* prosequitur, insigni animi robore damnans nefandam feritatem. Hic tamen nescio qua de causa mitius habitus, in carcerem conditur. *Kieus* qui malis artibus favorem quæsierat, cum filia potestatem insuper amisit; documento aulicis, ut, dum vitijis Principum serviendo, imminet gratiæ, timeant, ne amittant.

Cognito *Changum* esse in carcere, nihil intentatum reliquere cives sui, ut eum eriperent, cujus charitate flagrabant. Itaque Imperatori pro ejus libertate puellam miræ pulchritudinis, discolorem ac prævalentem equum, currus novem, cum suis equis & ornamentis, aliaque offerunt, quæ Imperatori magni sciebant esse. Quibus ille visis primam contemplationem in puellam injecit, eamque digito designans, *Hæc una*, inquit, *sufficere ad Changum liberandum potest; nunc ubi alia tam multa tantique pretij accedunt, quid attinet ingrata mora gratiam corrumpere?* Et cum dicto emissum è custodia ditioni suæ restituit. adjunctis privilegiis nec paucis, nec vulgaribus, quæ ad cultum & dignitatem ejus spectabant. In eis hoc etiam fuit, ut iter facienti liceret cum sagittariis, securisque & oblongos enses ferentibus incedere. His rebus auctus in dynastiam suam rediit incolumis, cui juste ac legitime, ut ante præfuit. Lætus potissimum, quod è carcere; sed magis, quod ex aula tam iniqua evaserat.

Post hæc Imperator cupiditates palam solvit. Quem *Vicius* ejus frater causæ, ob quam sceptrum acceperat, admonens roganque, ut modum statueret licentiæ; posteaquam nihil retulit præter contumelias, relicta regia urbe ad suas ditiones regreditur. Idem *Kieus* Imperatoris patruus tentare cœpit, at æque incassum; imo parum abfuit quin exitio suo. Imperator enim correctionis jam non patiens, nec aliquem irasci vitijis, usû quasi legitimo magis magisque valescentibus,
insidias

insidias in ejus vitam composuit. Quare ab amicis admonitus Kicius, ut subduceret se Imperatoris iræ; *Recte vos quidem*, inquit. *Nam frustra niti, neque aliud monendo, quam exitium quarere, manifesta dementia est.* Cujus, *essi adhuc ita egerim, ut me reum non diffitear*; fuga tamen consilium non placet in praesens. *Dandum est aliquid reipotis insania*; neu fugiendo, populi gratiam sequi videar; & Imperatoris famam majori dedecori atque odio exponam, cunctis fuga causam sciscitanti-
bus. At ubi cognovit de necandi sui periculo, ut discrimen evitaret, mente se captum simulabat, neque tamen sic in tuto fuit. Imperator enim fraudem suspi-
cans, misit eum in carcerem; sed quia fatui personam ad veritatis speciem supra quam dici potest repræsen-
tabat, mortem evasit.

*Fida & cor-
data com-
monitio.*

Pecanium alter Imperatoris patruus, postquam inandit è regia discessisse Vicium, Kiciumque cap-
tum; ingressus ad eum in carcerem, *Neque regi suo fidum dixerim, neque fortem*, inquit, *illum, qui metu mortis ea taceat, qua loqui convenit.* *Macte ani-
mi, heros! si, quia monuisti errantem, mors te manet, felicitatis verticem attigisti.* Hæc ubi dixit, in even-
tum quemcunque durans animum, intrepide regiam ingreditur; triduo Imperatorem interpellans. Ille primo ejus vitare conspectum; at, postquam adeo constantem videt, ira in rabiem versa, ita locutus est. *Sapientibus ajunt septem esse meatus in pectore; ju-
vat experiri, num in Pecanii pectore sint meatus totidem; constantia sua se utique sapientem ostentantis.* Nec plura; & Pecanium necari jubet, extractumque cor crudelissima curiositate per risum jocumque rimatur. Illud autem de septem meatibus est vetus Sinarum dictum, ingenii magni capacitatem per eos explicantium.

*Male com-
pensata.*

Neque rabies in patrui cæde consenuit. Vidisse mu-
lierem prægnantem erat occidisse; neque paucis ute-
rum, naturæ partus penitus inspiciendæ, una cum uxore secare sustinuit. Prorsus alter Nero, nisi tot annis præcepisset facinus, seculis omnibus abominan-
dum. Cum eadem forte quâdam è solario prospicie-
bat

*Crudelis cu-
riositas.*

bat transeuntes vadum. Inter alios duo potissimum, alter senex, juvenis alter, eorum oculos tenuere. Aqua erat perfrigida; quam quidem senex celeriter transiit, juvene metum frigoris haud obscure professo delicato gradu sequente. Cum admiraretur Imperator, contra fieri debuisse judicans; profligatissima mulier hoc inde provenire respondit, quia senex jam exsanguis & effectus esset ac natura sic ferente frigidus. Juvenem vero abundantem sanguine & calidum reciprocante conflictu frigoris insolentiam ferre mollius. Ejusque rei experimentum sumere maritum jubet. Proclive ac pronum erat id persuadere, cruoris non minus quam uxoris amanti. Vocatur ergo & necatur uterque; insanæ curiositatis inspecta etiam ossium vacuitate, victimæ. His talibus factis ingens in se odium civium concitavit. Sed ille nihili æstimans homines insensos sibi, stolide jactabat se à Cælo electum, Cælo se curæ esse, nec alium ab eo sibi præferendum.

A *Taquia* præterea, quod etiamnum est apud Sinas in usu primæ absolutæque pulchritudinis censura manavit, ut ea demum habeatur pro pulchra, cui parvi sunt pedes. Illa cum hoc vitio laboraret quam quæ maxime, ceterum incredibili venustate esset; illi tegendo pedes fasciis obligavit. Exemplum secutæ mulieres reliquæ, pulchritudinem deinde in crurum gracilitate tanquam in basi posuere. Quæ opinio ad hæc usque tempora sic invaluit, ut, licet Helenam ostendas, quamprimum grandiores pedes apparere, monstri loco spernatur. Iniquissimo naturæ convitio ac pessimo publico, à quo reges etiam ridiculis in rebus cavere debent, quando exemplo, quod descendit à capite, nihil est pestilentius. Alii dicunt non feminam, sed dæmonem sub humana specie latentem *Taquiam* fuisse, affectis caprinis pedibus, quos proinde fasciis tectos nunquam nudaverit. Et hoc est hodieque in more positum, ut perpetuo sint recti feminarum pedes. Sin aliter accidat, in summo probro ponitur. Calcei vero, quæ Sinicæ mulieres utuntur, adeo parvi sunt; ut, si sint ad mensuram redacti, earum pedes vix caprinos excedant magnitudine. Verum,

*Feminarum
Sinenſium
decus in
parvis pedi-
bus unde na-
tum?*

rum, ut ad *Changum* redeamus, quem è carcere dimissum, ad suam se dynastiam recepisse paullo supra diximus; fuit ea in provincia *Xensi*, *Cheua* dicta. Hic jam pridem à *Kilio* patre, qua via virtutem sequeretur, edoctus, modeste in suos, quanquam paucos, dominabatur; legum & juris tenax, pius, majorum natu reverens, justitia & æquitate omnes continebat in officio.

Quid Iustitia & pietas apud Sinas?

Sed quia sæpe jam incidit de Sinarum justitia & pietate mentio; quid eis utraque virtus significet, visum est hinc leviter & in transitu attingere. Iustitiæ nomen non arctant ad illam virtutem, quæ est voluntas constans & perpetua suum cuiq; tribuendi; sed ita laxant, ut eo significetur omnis actio rationi consentanea. Recte proinde, quod rationi consentaneum, idem & justum dixeris. Pietatis autem nomine non intelligunt solum amorem in Deum, vel in parentes, vel in seipsum; sed in omnes homines universe. Nam, ut justitiam definiunt legem & convenientiam recte agendi; sic pietatem, rationem, sive modum bene amandi.

His igitur ac multis aliis virtutibus insignem *Changum* inemorant Sinenfes historici. Quas inter præcipue fulsit miseratio ac studium adversus juventutem, cujus edocendæ atque ad omnem morum elegantiam educandæ præcepta tradidit. Sapientes nunquam non magni fecit. In hos honorificus esse, his primas in omnibus dare; cibi etiam audiendâ eorum doctrinâ obliviscebatur. Quo factum, ut multi ejus ætatis philosophi eruditionis laude florentes, *Sinkia*; discipuli, hac ejus comitate allekti ad eum videndum venirent; quos inter *Peyus* & *Xocius* fratres nominantur. Reguli quoque omnes, quanti eum facerent, satis aperuere, ingenti gloria eum afficiendo, suarum controversiarum arbitrum seligendo, denique ipsum Imperatorem præ eo despiciendo. Hinc illi primus ad imperium gradus.

In ceteris duo reguli venerant è terris extra Sinam jacentibus, quâ *Suchuen* provincia cum *Xensi* est continuina. Hos à multo jam tempore de limitaneis agris

agris atrox controversia distraxerat, cum tandem inter eos ita convenit, ut ad *Changum* simul irent ambo tanquam ad arbitrum honorarium. Ingressis *Changianam* ditionem longe alia, quam cogitaverant, rerum est oblata facies. Ibi enim vident unum alteri agrum conferendum ultro cedere, in via forte sibimet occurrentes mutuis officiis certare, ab aliis amissa neminem humo tollere, in palatio Præfectos sese amice complecti, sine contentione, sine invidia suum quemque munus sedulo obire. Irrubere inusitato spectaculo, & *Quid*, inquirunt, *de iis rebus contendimus, de quibus pudori nobis erit coram Chango loqui? nec aliud inde quam dedecus relaturis? Quin ultro conciliamus gratiam?* Dictum, factum; neque hoc tantum, sed jam alter alteri cedere serio certabant. Tanta vis exempli aulaeque bene moratae fuit. Admirabilius est, quod subjungo; cui uescio, an par factum viderit gentilitas. *Peyus* & *Xocius*, de quibus jam meminimus, *Kinboi* cuiusdam reguli, filii erant. Is moriens minimum natu *Xocium* successorem nuncupavit. Mortuo parente inexpectata inter fratres orta contentio est, cum *Xocius Peyo*, ut natu maximo, cederet regnum, ille respueret, præcise negans quidquam se contra voluntatem patris facturum, quæ sibi multo esset antiquior, quam ætatis prærogativa. Hanc autem ipsam urgente *Xocio*, cum *Peyus* renitendo nil proficeret, quod alii per ignes ferrumque petunt, ipse fuga declinavit, ad discendam philosophiam acciuctus, quo studio unice delectabatur. At fratrem, addictus eidem studio *Xocius*, secutus, necessitatem subditis imposuit, ut tertium fratrem natu medium eligerent. Ergo liberi successioneis molestia Philosophiæ candidati fratres, audito, quam Philosophorum amans *Changus* esset, eodem tempore, diversis è locis ad eum conveniunt. Deinde *Fuo Changi* filio serviunt officiose, donec per vim occupavit imperium. Tunc enim indignum rati eum obsequio, qui ipse reverentiam ejus per summum scelus exuisset; ea de re in via publica, equi, quo *Changus* vehebatur, frenis injecta manu acriter increpitum, ubi se inanem operam sumere

Vis exempli,

*Mira su in-
ter fratres.*

*Admonitio
Imperator.*

vident, missum faciunt, & in montem *Xenyang* digressi voluntariam mortem occupant inedia. Adeo invisa eis erat violenta ambitio; culpandum quidem *Cheum* arbitrantibus, at non idcirco totam ejus familiam imperio spoliandam, ut illud sibi auferret.

Forte venatum *Changus* ibat, cum in via demortui hominis ossa temere sparsa videt. Is aspectus pium pectus commovit; eaque tumultu mandari, se spectante, jussit. Quæ res apud Sinas insolita, magnam ei pietatis famam conciliavit; ut jam Imperator ab omnibus palam expeteretur. Placuit aliquando fortitò ejicere, quam potissimum in venatione feram insectaretur. Monitus, ut non draconem, non cervum, non ursum, non vulpem, non tigridem, sed in obtinendo imperio adiutorem caperet; ad amnis *Guei* litus processit. Ibi *Liuxangum* Philosophum eximie virtutis obviam habuit; & cum eo loquens, explorata ipsius sapientia, ut cum maxime latus, *Accipio*, inquit, omen. *Audivi de patre meo, venturum olim hominem sanctitate præstantem in ditionem meam. Eum esse te, frons, oculi, oratio consentiunt. Ades diu expectate; ac fortunam, in quam tua te virtus vocat, amplectere.* Simul in navim exceptum atque deductum in regiam, toti regno moderatorem præfecit.

Sub hæc reguli beneficiarii quadraginta *Changum* sibi principem legunt. Ita multum authoritate, multum opibus auctus, sed haud diuturno potestatis fructu, moritur; herede regni *Fao* instituto, licet secundo genito. *Taipeum* enim primogenitum, ad quem jure transibat successio exheredaverat, renuentem sub arbitrio patris esse, invitantis una secum in Imperatorem consurgere. Negabat enim subditis hoc in suos reges licere. Non tamen iniquo animo tulit hanc exheredationem; nec, ut sæpe fit, injuriæ suæ blandiens, quicquam ea de re conquestus est, tantum ut patris parceret famæ; dilaudatus de hac animi magnitudine mirifice cum à *Confusio*, tum à reliquis gentis scriptoribus. Et merito. Nam qui maluit excidere jure regnandi, quam vel Imperatorem, vel patrem offendere; is enimvero prodidit exemplum, quod

Venatio Prin-
cipe digna.

Pietas *Taipei*
in Imperato-
rem,

Et patrem.

quod obstupescat & sequatur, qua licet, omnis posteritas, in Imperatorem fidei, in patrem pietatis, diversissimos inter se affectus pulcherrime concilians. Hic deinde fluvium maris filium transgressus, regiones circa *Hangeben* & *Suchem* habitare cœpit, duobus inibi regnis *Yue* & *V* constitutis, de quibus infra erit dicendi locus.

Faus ergo ad paterni regni gubernacula accessit anno vigesimo & altero, quam *Chems* imperare cœpit. Statum regni præclare *Changus* ordinaverat, ad inferendum Imperatori bellum magno, sed occulto militum & armorum paratu. Queis *Faus* apud se pensitatis, animum ad majora intendit, *Cheum* imperio pellere, vacuum ipse invadere cogitans; populi adversus Imperatorem fretus odio, & rei è sententia gerendæ occasione. Neque id Sinarum moribus nefas habetur, ubi dignitatem suam Imperator scœdavit flagitiis. Hinc plerumque in titulum defectionis prætexunt vitia dominantium; speciosum quidem magis, quam probabilem. Nunquam enim populis deerunt causæ, si hæc valeat, in suos principes insurgendi. At *Faus* etiam à reliquis regnulis instigabatur, omnem operam ei promittentibus. Qui primo specie recusantis negavit hoc licere sibi; causatus ad hoc, in incerto se habere, an volente Cælo rem tantam aggrederetur. Interea tamen omnia parat ad bellum necessaria; & postquam satis provisum videt; ipse regulis ultro jam invicem offert operam suam, minime ambiguam amplius esse Cæli voluntatem, ac tempus opportunum, quo iniquus Imperator fastigio moveretur, affirmans. Nec deerant portenta, quæ, quid Cælo fieri placeret, explicare videbantur. Cum enim flumen forte trajiceret, piscis miri candoris in navem insiluit; quo non sine omine sublato, Cælo sacrificavit. Superato flumine profiliens ignis è terra, regem antecedeat eoque, dum ad palatium rectà progressus, ibique nativo in atrum colorem verso, vocem edidit, quæ imperium illi ac tranquillitatem visa promittere. Quibus aliisque prodigiis erectus, ac præsertim testudinis haruspicio, militem in Imperatorem ipse ducit. Solenne

Omina imperii à pisce.

Igne loquente.

Testudine.

Sinis & olim fuit, & est hodieque, ad sortes & anguria adhibere testudinem; in qua colorum maculas motusque membrorum diligenter observant, atque etiam emortuæ ossa inspiciunt.

At Imperator ingenti cum exercitu ei occurrit. Septuaginta hominum millia fuisse ferunt. *Fahus* tantis copiis haud quaquam territus, cum jam utrinque in conspectu staret exercitus, ut suis animos adderet, eos in hunc modum alloquebatur. *Multa quidem milium millia Chaus habet, numero (fatebor enim) nobis sine dubio superior. Sed in magna multitudine majus est periculum discordiæ, ac facillima inter plurimas voluntates dissensio. Ego, commilitones, etsi vos paucos habeo; de prælii tamen eventu optime sperare me vosque jubet haud minor, quam fraterna unanimitas. Hostilem exercitum numero laborantem, obstantemque sibi metipsi non est, quod timeatis: non ignari, domui, in qua galli munus & cantum gallina occupat, ruinam impendere. Takiā noscitis? pessimo viro pejor femina gallum agit, & impotentissima dominatione jus populis, jus ipsi marito dicit, siquod jus tamen inesse potest in summo scelere. Agite, milites, & in hostem una mecum ruite. Non erit ardua nobis victoria in eo prælio, cui classicum ex hostili parte femina præcinit. His dictis descensum in aciem, signisque collatis non diu pugnatum, cum *Chei* milites multi abjectis armis ad *Faum* transeunt, multi, qui retinebant, in suos ea vertentes tantam edidere stragem, urgente præsertim ex alia parte *Fao*, ut ligna, quæ homini temere hac illac sparsa, in occisorum sanguine sex stadiorum spatio natarent. Hac victoria *Fao* quasi per otium parata, longe alia Imperatori mens erat. Quippe victus à suis finet, qui clam cum *Fao* conspiraverant, præcipiti fuga regiam urbem petens, cum primum pervenit in palatium, Imperatoris insignia circumdat sibi. Mox ignem subjiciens tectis, seipsum vivus exussit, ne in hostium veniret manus; digno sceleribus suis exitu, se quoque iudice, reperto. Iamque absumpta incendio erat pars regiae, quæ tota confedisset in cinerem, nisi esset ignis in tempore sopitus. Fuga Imperatoris audita *Faus* non tardiore impetu, quam ille*

Proverbium
Sinicum.

Ingens clades.

ille fugiebat, insequitur. Ingressi regiā omnium prima se offert *Takia*; quam sine mora obtruncavit gladio. Ita vacuum adeptus imperium, mox à regulis consensu denno electus, novam domum imperatricem constituit, quam tertiam vocant *Sinæ*. *Cheua*, quemadmodum prior, dicta Imperatores continua successione numeravit trecentos septuaginta & unum; una stirpe, quod de alia vix in omni legas historia, in annos omnino octingentos & septuaginta quinque propagata.

Hac familia etsi cognominis est proxime superiori; non est tamen eadem. Id adeo è Sinico caractere simul & significatione, quæ longe diversa, paret. Nam characteres quidem Sinis sunt multi; at voces non perinde. Hinc necessum, ut diversis characteribus expressæ, sæpe in eandem vocem incidant; quod monendum mihi visum hoc loco. Istud autem nomen à dynastia sua, quæ erat in regione *Chen* dicta provincie *Xensi*, retinuit.

SINICÆ HISTORIÆ LIBER QUARTUS.

De tertia familia CHEVA.

I. IMP. FAUS sive UUS dictus.

Imperavit annis **V I I**.

PRincipio imperii *Faus* nomen mutavit, *Uus* exinde dictus, quod bellicosum sonat. Et hinc morem illum manasse crediderim, ut Imperatorum nomina etiam nunc mutantur apud hanc gentem, cum summæ rerum præficiuntur; quemadmodum fere aliud nomen adsciscit, qui Romanus Pontifex eligitur.

Omnium primo senescentem ignaviâ *Chei* republ. in meliorem statum reducere aggressus est. *Uukengo* devicti à se Imperatoris filio antiquam familiæ *Xangæ* dyna-

Cyclo 27.
anno 16. ante Christum
1122.
Imperatores
in isto regno
nomen mutant.

dynastiam dedit, addito adjutore *Quonxoo* magnæ auctoritatis Præfecto. Ipse in occidentem transfert regiam in urbe, quæ hodie provinciæ *Xensi* princeps, *Sigan* dicta, constitutam. Cum regia mores quoque mutati. Captivi deinde omnes emissi è carcere, beneficium Imperatoris summa celebrantes lætitia. Erat inter eos *Kicius*, ille, quem supra diximus, insaniam fingentem, à *Cheo* in carcerem fuisse detrusum. Tum pecuniam è destructis theatris, palatiis, rebus aliis, quarum sumtus quam usus major, conflata sparsit in egentes, vel eos, quibus à *Cheo* per vim fuerat ablata; reliqua in novam regiam translata. Subinde *Kicius* ad se vocat, qui de Cælo, de elementis, de bona rerum publicarum rectione multa præclare disseruit, quæ referre longum esset. Doctrinæ merces *Corea* peninsula fuit, cui cum plena potestate regem illum imposuit, penitus immunem altioris imperii. Regnum illud ad hæc usque tempora est penes *Kici* posteros; quanquam, quoties novus rex eligendus, ad Sinarum Imperatorem legationem mittit approbationis & coronæ petendæ causa; Imperatoris amicum se, non subditum nominans.

Par honor habitus antiquis familiis omnibus, quarum posteris dignitate regulorum exculsi. Prima familia ex iis, quarum nomen exstat, *Xamungi* dicta, in Provincia *Xensi*, ubi *Hungnung* civitas, eo est honore aucta; proxima *Hoangti*, quod est in provincia, cui nomen *Huquam*, regnum *Zu* dictum. Tertia *Yai* olim Imperatoris eo loco, ubi *Su* quondam, nunc *Peking* est. Quarta vero familia *Xuni*, cui *Chin* urbs provinciæ *Honana* habitata, modo *Kaisung* dicitur, istius provinciæ caput, ad hunc honorem ascendit. Quam ibidem secuta est *Yui* quondam Imperatoris posteritas, pari donata clientela.

Haud minor officiorum erga Præfectos exstitit remuneratio. *Linxangum*, quem in venatione forte obviam habuit, *Ci*, *Cheucungum* vero ejus affinem *Lu*, regulos creavit. *Xosieno Yen*, quod est provinciæ, quæ hodie *Peking* dicitur, regnum, obtigit; alios præterea multos auxit honoribus, de quibus parum refert cognos-

cognoscere. Illos autem nominavi, quod inde major lux est accessura progredienti historiæ. E sua stirpe regulos beneficiarios quindecim instituit, Imperatori munimentum.

Hæc ab Uo præclare acta, cum ad circumjacentes barbaras gentes secundi rumores differrent, ad tributa denuo petenda, & accipiendas leges revocarunt. Anno imperii secundo Uus in gravem morbum delapsus est. *Cheucungus*, cui supremam Colai præfecturam mandaverat, de illius salute sollicitus, opem institit à Cælo petere. Sacrum enim in avorum aula faciens, ita precatus esse dicitur. *Vos ô quicumque in concilio Cælestium gratia valetis, calum exorate, ut Imperatorem terris commodet diutius, & ejus loco me suscipiat. Tantum parcat Imperatori, donec res communem utilitatem continentes ordinet, imperiumque pene collapsum constituat.* Non in cassum missæ preces. Altero enim die Imperator convaluit, & in rempublicam summo cum studio ad extremum usque spiritum incubuit. Nihil enim unquam ei quicquam populi cura erat antiquius. Neque vero efficere potuit, quin varia interim bella existerent, nonnullis rebellionem facientibus. Quos tamen omnes Præfectorum armis fractos domitosque coëgit ad obsequium redire. Quo autem pacto *Cheucungus* pro Imperatore victimam sese devoverit, ipse scriptum reliquit in sacris divinationum libris; quos arcæ aureæ inclusos, in avorum aula servabat, ejusque rei memoria pòst magno fuit usui, ut ostendemus paulò infrà.

Colai in Imperatorem pietas.

II. IMP. CHINGUS.

Imperavit annis **x x x v i i**.

Chingus ab Uo patre sceperi relictus heres, ætate nondum apta imperio, dum maturesceret, eximium interim adiutorem *Cheucungum* habuit. Hic namque cum huic familiæ cuperet, factumque vellet ex animo; Imperatorem adhuc puerum juxta demortui parentis sepulchrum exstructa domo inclusum cum præceptore, virtuti studere jubet; ipse rit-

Cylo 27. anno 23 ante Christum 1115.

Schola juxta sepulchrum.

Peccata discipuli Præceptor luit.

Præceptores in pretio Sinis.

tela officio rempubl. administrat. In quo tanta ejus prudentia atque moderatio eluxit, ut reguli beneficia-rii ad unum omnes, nulla prorsus invadendi ab eo imperii suspitione ultro venientes, in ejus tanquam Imperatoris fidem ac clientelam conferrent sese, sine armis, sine secessione. Illud dignum miratu, siquid delinqueret Imperator; *Pekinum* (id præceptorì erat nomen) verberibus exceptum spectante puero, simul ut ea poena se dignum agnosceret, simul ut in posterum ita se gereret, ne præceptorem suum subjiceret verberibus. Tanta est enim apud Sinas præceptorum veneratio, tantus amor, ut in hoc ante reliquas nationes videantur aliquid habere singulare. Nunquam discipulus adversa fronte præceptorì confidet, sed in loco humiliori. Et hoc non modo servatur, dum illi dat operam; sed etiam deinceps, quoad vixerit. Semper illum nominat præceptorem, qui titulus apud Sinas summus habetur; semper se discipulum; Ac licet discipulus superiorem teneat aliquando gradum dignitatis, quam præceptor; hunc tamen eadem illò veneratione, qua ante prosequitur. Similiter in consueta salutatione, quam non voce, sed scripto sibi mutuam more gentis, impertiunt, accepto, redditoque nomine, discipulum se scribit. Præceptor autem resalutans eum, non se præceptorem scribit (hoc enim esset summæ arrogantia;) sed amicum Estque inter eos tanta semper amoris conspiratio, ut mutuam operam in rebus omnibus constanti fide sibi tradant. Nec aliud, si à patre discesseris, est Sinis præceptore majus aut præstabilius. Hac igitur arte corrigebat Imperatorem *Cheucungus*, solerter cavens, ne unquam caderetur. Hic enim honor habetur regibus, ut eos velut sacrosanctos tangere sit nefas.

Sed *Cheucungus* licet talis esset ac tantus vir; invidiæ, quæ magnam virtutem sæpe, velut umbra corpus sequitur, haud expers fuit. Potentia ejus malis nimia, & quia voris suis obstare suspicabantur, invisa primum iniquis sermonibus materiam præbuit. Mox, ut fit, odio tumescente res eo evasit, ut Imperatoris quoque animum sinistra de eo cogitationes fauciarent. Quiritando

tando moram solitudinis inculcare, & ambitiose timere, ne tutelæ specie in se traheret imperium. *Cheucungus*, cognitis, quæ spargebantur, actutum excessit aula, bonis omnibus indignantibus. At lætus Imperator tanquam periculo & jam pridem molesta sibi pietate functus, gubernacula imperii tractare ipse occepit. Sed auspicio non satis felici; & rebus adversis vehementer jactatus, in antiquorum denique Imperatorum aula necessitate coactus, arcam auream aperuit. Procella namque reipubl. imminente, quid agendum esset, libri de divinatione, tunc solum legi soliti, consulebantur. Hos igitur forte aperienti, ecce prima se offert historia de *Cheucungo*, quem pro Uo ægrotante sese victimam obtulisse supra dictum. Qua perlecta, inusitatæ pietatis miraculo attonitus, illico damnat factum suum, tristis confususque lachrymis, absentem ipse quærit, & in pristinam Colai dignitatem restituit. Memorant scriptores Sinici, sub idem tempus, quo *Cheucungus* reducebatur, repente immoderata tempestate coorta, Cælo tantum imbrium effusum, ut arborum rami segetesque ad terram usque deprimerentur. Illo vero appropinquante adversum ventum ita spirasse, ut omnia resurgerent in priorem læticiam, velut gratabunda de illius reditu; quem quidem faustum consecuta eo anno rerum omnium ubertas asseruit.

*Arca aurea;
divinationes
contiens.*

Ventus erigens.

Hoc rerum statu, paterno se imperio exutum ægre ferens *Uukengus* regulus, cum *Quonxoo*, & aliis compluribus in Imperatorem insurgit, causam suam ferro acturus. Quos *Cheucungus* primo bonis verbis ad quietem hortatus, ubi nihil profecit, duorum annorum bello eos ad obsequium redegit. *Uukengum* & *Quonxoom* captos tanquam rebellionis duces & authores interfecit, reliquos Regulos Præfectosque in ordinem redactos multavit exilio. In eo bello miror impense, quod *Cheungus* ejus Ducem *Vicium* *Uukengi* patrum legit, nullam prævaricationis suspicionem trahens è sanguine. Qui quidem longe post fidem fuit *Vicio*, contra nepotem excellenti virtute pro novo Imperatore pugnanti. Victorem reguli dignitas secuta, *Sung* indigetata, provinciæ

Homana, ubi nunc *Queite* Civitas, raram ejus fidelitatem ad posteros propagavit. Quam haud paullo fecit illustriorem Imperatoris in eo fiducia. Tranquillatis enim rebus cum ei totius esset imperii commissa cura, & hujus occupandi sæpe fulgeret occasio; nihil unquam tentavit, rectè ac sapienter sceptris anteponebat fidem.

*Alba gallina
munus re-
gium.*

Sub hæc tempora prima legatio missa è *Cochinchina*, Sinis *Kiaochi* appellata, multis cum muneribus; inter quæ erat alba gallina silvestris, sive Phasiana. Legatus ab Imperatore causam adventus interrogatus, ita respondisse fertur. Triennium jam est, ex quo nobilissima fertilitatis est, eoque abundans omnium copia rerum nostra regio, Hanc felicitatem auget temporum summa tranquillitas, Calo, terra, marique perpetua pace ridentibus, nulla uspiam vel segetum, vel navium injuria. Regi nostro penitus persuasum est, hoc ex eo fieri, quia in Sinarum regnis degat quidam, cujus sanctitati vulgarem modum supergressa, tantum à Calo tribuatur. Auditus benigne legatus, adornansque jam reditum donatus est à *Cheucungo* machina summo artificio facta, quæ sua sponte respiciens austrum irrequieta lege certum monstrabat iter, sive terra illud, sive mari facientibus. Ea duabus syllabis *Chinan* appellabatur; iisdem omnino, quibus nunc Sinæ magnesiæ acum significant. Argumento haud dubio, ejus usum illo jam tempore apud Sinas inventum, ad alias inde nationes, mea quidem sententia, transisse. Hanc igitur machinam ducem secuti *Cochinchinenses*, unius anni spatio domum rediere. Imperator quintum imperii annum attigerat, studiorum puerilium nondum plane oblitus; cum aliquando eum incescit cupiditas ludendi. Ergo cum *Yo* fratre natu minore colludens, dato per jocum nescio quo codicillo, regulum eum facit. Tunc adstans morum Præfectus, Promissa Imperatoris inquit, etiam inter ludendum pondus habere debent. Quod modo fratri promissisti, eo standum est tibi. Cautos quidem oportet esse principes in loquendo; sed multo magis in præstando fidos. Ita vertit in serium jocus; & Imperator *Yo* ditionem *Tangum* dictam, ubi

*Lusus regum
serius.*

ubi nunc *Taiquen* Civitas, cum reguli potestate cessit. Undecimo imperii anno *Cheucungus* obiit, postquam præclare multa fecerat, multa etiam scripserat, pari utrinque laude; quæ Sinensium libris mandata, passim est legere. Corpus illius terræ reddidit, regio more prope sepulchrum patris; haud existimans fas esse; tantum virum, ut subditum tractari.

Ceterum cum agerentur aliquando imperii comitia; mirum quàm splendidam de vino & bene longam orationem Imperator ad regulos, atque Præfectos habuit. Inter alia liber *Xuking* refert hæc locutum. Vinum à Calo permissum hominibus ea lege, ut inter sacrificia duntaxat, quæ Calo fiunt, adhibeatur; malorum omnium, quæ in orbe terrarum fiant, causam ex ebrietate existere; nullam stirpem alia re quam nimio vini usu interisse. Sub hoc etiam Imperatore sortibus consultum referunt, de diuturnitate imperii; quarum favore successores ex eadem familia triginta in octingentesimum usque annum sperare jubebatur, nullo ex-tero intercedente.

Vini usus,
laus, damna.

III. IMP. KANGUS.

Imperavit annis xxvi.

Hic acceptis per manus à patre sceptris, imperium in profundissima pace domi forisque continuit. Quippe annis viginti duobus, quibus rerum potiebatur, neque in provinciis, neque foro vel armis est, vel legibus unquam certatum. Mores placidi, suaves, sine fastu, & generosa simplicitate lati. Sic fiebat, ut carus omnibus, summis æque ut infimis, acceptusque esset. Pax ei cumprimis cordi erat; *Kango*, quod quietum seu placidum significat, inde dicto. Nec minus musica delectabatur. Quanquam dicere solebat: Non idcirco reges ad culmen evectos, ut bene curent atatem suam, cum perturbatione civium, ac molestia; sed latis omnibus, tum vero ipsis quoque letandum. Et quoniam ab aliis rebus otium erat totum se agriculturæ dedit. Prima cura fuit per *Chaucungum* pre-

Cyclo 27. anno 27. ante Christum 1078.

Quando letandum Principi?

præfectum agorum inire mensuram, & cuique certum agri modum, limites item & vias, litibus rusticorum declinandis assignare. Tum ipse obire provincias, eadem præceptis simul & exemplis docens. *Chaocungus* jus dicebat rusticis sub falice; quam deinde religio fuit excindere, scriptis etiam carminibus memoria beneficiorum ab eo acceptorum ad posteros propagata. Res bombycina, seminationis & arationis fructuosæ facilitas mirifice aucta est ab Imperatore; apertæ quoque carcerum fores, ea conditione, ut inde emissi agris operam darent. Quibus rebus effecit, ut toto imperio effuse fruges atque divitiæ affluerent, re rustica ad summum adducta. Felicia tempora, quibus secura pax non ad otium, ut plerumque; sed ad laborem viam aperuit.

IV. IMP. CHAUS.

Imperavit annis L I.

Cyclo 27. anno 26 ante Christum 1556. Venationis mala.

Quantum *Kangus* hujus pater rei agrariæ profuit; tantum hic nimia venatione fere obfuit. Quippe longa pacis segnitie, majoresque imitandi studio torpens, neglecta republica totum se venatui dedit. Vnde in illum odium offensioque populi, & præcipue rusticorum, non modo injurias sibi à Præfecto, sed suis agris etiam à feris aut ab ipso potius illatas impune dilabi quiritantium. Demum eo adducta res est, ut ab rusticis, ira in rabiem versa, necaretur. Parricidii, præquam à talibus ingeniis expectares, hujusmodi erat molitio. Vsu non raro venerat, ut è venatione redeunti flumen *Hun* provinciam *Xensi* alluens, prope *Hanchung* urbem esset trajiciendum. Rustici, quibus naves ad transitum imperabantur, repetitæ toties operæ fastidio concepto, regiam navim tali artificio conglutinant, ut cum in alvei medium venisset, facile atque ad eorum arbitrium solveretur. Itaque hac navi exceptum Imperatorem, ubi provexerunt ad destinatum periculum, repente tabulas sublesto nexu cohæren-

hærentes reglntinant; quibus aquarum vi ac mole disiectis, ille cum purpuratis aliquot fluctibus hauftus interiit. Hunc exitum portenta quædam minari visa sunt. Nam & Lunæ lux longe solito clarior apparuit, oblongum præterea radium usque ad leonem (locum Lunæ non notat author) quatientis in Cometæ modum; & in palatio aqua ex pnteo super os abundavit cum omnium admiratione. Anno hujus Imperatoris quartodecimo *Fius Lu* Reguli frater *Teum* dynastam bello persecutus, acie victum contra jns falsque interfecit. Armorum quippe causa non alia *Fio*, quam illius dynastiæ ad ditionem suam adjiciendæ nefaria cupido erat. His malis Imperator per socordiam non tantum non obviam ivit, reprimendo *Fio*, quod erat facillimum; sed si arma poneret, præteritorum oblivionem, ut affini sponder, ereptæque dynastiæ injuriam ratam habet. Anno inde vigesimo septimo (erit is ante Christum natum millesimus vigesimus sextus) natum esse *Xancam* tradunt, Indiæ Philosophum, idolorum & transmigrationis ad Sinas authorem: de cujus placitis cum plura memorabo, cum res anni post Christum natum sexagesimi quinti venient explicandæ. Hujus enim anni mense decimo penetravit ad Sinas, ut initio historiæ jam ex parte diximus.

*Omina mor-
tis Impera-
toris.*

V. I M P. M O U S.

Imperavit annis LV.

Mous Chai filius, acceptum à patre imperium, magnis virtutibus illustravit. Immoderatius tamen aliquanto equos amabat, & currus. Nihil enim jucundius, quam sublimem equo, aut currum vehi. Vtrinque generis selecta undique copia, incessit eum cupido, equestrem juxta curulemque pompam toto imperio ostentandi: Quæ res ut haberet speciem curæ publicæ, placuit obire provincias. Anno imperii trigésimo quinto bellum indixit *Tartaris*, quos Sinæ *Taium* vocant, radices *Imai* sive montium *Amiseo-*rum, quo *Crocei* fluminis fons ad Sinas solem obven-

*Cyclo 29. an-
no 17. ante
Christum
1001.*

*Bellum cum
Tartari ge-
stum.*

tem

tem spectantes procurrit, accolentibus. *Cicungus*, qui Imperatorem sibi generum adjunxerat, hujuscemodi dictis enim à proposito conatur avertere. *Clara Imperatorum atque excelsa virtus pacem quam bellum amat. Arma non tractant nisi coacti; semper invisa, semper calamitosa sibi, populo, arario, denique non victis magis quam victoribus. Quam enim indignum, gloriam ei suorum perniciem querere? quam non humanum, hominem hominibus asferre mortem?* Ex quo intelligas, quam longe Christianorum consilia debeant abesse à bello non necessario; cum sanguis humanus execrandus belli color, tantæ sit reverentiæ Christum ignorantibus. Verum hæc facilius averseris, quam persuadeas. Nec enim illa *Cicungi* est ab Imperatore pronis auribus accepta oratio. Quare in *Tartarorum* fines exercitum ducit omnibus instructum auxiliis, præceptaque victoriæ spe jam prope triumphantem. Sed *Tartari* explorato hostium adventu, sive viribus sive animis impares salutem fuga quæsiere; omnibus, quæ poterant, secum asportatis, abactis armentis, tentoriis alibi positis, more gentis. Ita ne viso quidem hoste Imperator referre pedem coactus, multis suorum desideratis, quæ erant itinerum rerumque aliarum incommoda, cum ignominia & dedecore, omniumque odio domum rediit. Ibi bello in venationem translato, postquam homines non licuit, cum omni reliquo exercitu feras agitavit. Et hinc quidem ingentem prædam egit, at stipendio nequaquam parem. Hanc tamen infamiæ notam, quæcumque fuit, obliteravit eximia de cetero virtute insignis Imperator æqui & justitiæ pertinax imprimis. Vix dici potest, quanta eum subierit poenitentia spreti consilii, quod dederat *Cicungus*. Ab hoc temeritatis veniam petiit; in hujus potestate, siquid esset in posterum anchor, nunquam non futurum se promissit. In aliis ejus dictis hæc celebrantur. *Si aulici probi sunt; ajebat, & rex probus erit: sin assentatores; rex quidem bonum se credet, at non erit.* Boni Principis famam ut plurimum ab aulicorum virtute pendere prædicabat: hinc ab iis cavendum maxime, qui auribus solum & oculis serviunt.

Malo successu.

Bellum in venationem mutatum.

VI. IMP. CUNGUS.

Imperavit annis XII.

MoO vita defuncto *Cungus* ejus filius regiminis initia exitiabili scelere funestavit; *Mie* regione funditus deleta, cujus Præfectus tres eximie pulchritudinis puellas fugitivas ejus oculis subduxerat. Eas res causa malorum omnium fuit. Producebantur, cum ed per *King* lacum animi gratia veniret, in illius conspectum puellæ plures. In quibus cum tres illæ non amplius apparerent, libidine in iram versa, infontem populum velut secreti conscium indignissime delevit. Ad frugem tamen dein reversus, nomen inter optimos Imperatores meruit, raro in regibus exemplo, qui raro fiunt imperando meliores.

Cyclo 30. anno 12. ante Christum 946. Libido excidit causa.

VII. IMP. I S.

Imperavit annis xxv.

ID in ejus filio, quem habuit successorem, paruit; qui non modo nihil memoria dignum, sed ea multa indigna gessit. Vnde poetarum in se concitavit audaciam, docentium rectiora simul atque momentum. Multa existunt etiamnum ex eorum carminibus. Nam & ars poetica est apud Sinas antiquissima, & varia vario metro carmina complectitur. Ea omnia legitimo literarum numero constant, & quinque vocum ordine. Inter quinque carminum libros, è quibus doctrinam eorum, qui dignitates ambiunt in republ. periclitantur, unus in explicandis antiquorum Principum recte secusque factis ita versatur, ut malis terrorem addat, bonis calcar ad virtutem. De floribus etiam, de plantis, atque id genus rebus aliis vulgati versus, ea tamen religione, ne qua fabularum tormentis, ut nostrorum poetarum fert genius, in illa scriptura sit locus. Sunt enim in eo toti, ut eo congruentia rerum naturalium, morum venustatem doceant. Insunt iis quædam de

Cyclo 30. anno 24. ante Christum 934.

Pœsis Sinica.

Sine fabulis. Mores erudiens.

aman-

VIZ SINICÆ HISTORIÆ

amando, sed castitatem magis, quam nostrorum poetarum molliem spirantia, magna decori ubique cura.

VIII. IMP. HIAUS.

Imperavit annis xv.

Cyelo 30. anno 49. ante Christum 294. Equorum annos.

Hiaus *Isis* frater natus minor, exclusis nepotibus, per vim invasit imperium; in quo tamen administrando pariter atque obtinendo ars ejus & industria enituit. Equis porro mirifice delectabatur; optimos ubique conquiri jubens. *Ficium* ex infimo fortunæ gradu hominem ad amplios honores extulit, eò solum nomine, quod equos scire aleret, domandique & condocerendi peritus magister esset. Quin etiam cum eorum aliquando se oblectaret aspectu, præter morem generosos atque instructos videns, industriam *Ficii* dynastia, quæ ad regionem *Cin* dictam spectabat, in ea parte provinciæ *Xensi*, qua Occidenti obvertitur, muneravit. Ignarus quantum sub ea gratia inclusum lateret malum. Nam hujus *Ficii* posteritas, abstracto ab ejus familia imperio, ipsa successit, ut in tempore memorabo.

Ingens grando.

Memorant, hoc Imperatore, præcipiti gaudine desuper cadente, jumenta & homines communi ruina involutos atque oppressos fuisse; inusitato etiam gelu fluviis rigentibus.

IX. IMP. I S.

Imperavit annis xvi.

Cyelo 31. anno 4. ante Christum 896.

Quindecim violentæ potestatis annis exactis *Hiaus* moriens imperium ad filium *Isis* parvi nomen reterentem transmisit, longe sibi disparem, libidine ac levitate insignem; summa rerum ignorantia, ingenio adeo hebeti, ut quibus officiis excipiendi tractandique venientes essent, nunquam potuerit addiscere. Ita rustico pudore stupidus ac timens, nequid offenderet in publicum; nullos unquam vel legatos, vel regulos in conspectum suum admisit. At enim privata socordia
publici

publici rumoris facta, imperatoriam majestatem omnium ludibriis exposuit; quæ quantacunque, facile vilescit, ubi à virtute destituitur.

X. IMP. LIUS.

Imperavit annis xxxviii.

Lius Isis filius, imperium seque ipsum superbia; opum prodigentia & inprimis sævitia infamavit. Hinc ei crudeli, quem Sinæ *Li* vocant, nomen inditum. Nihil moderati, nihil pensî habuit, ut res cunque ferebantur, dummodo animo obsequeretur, imperio, populo, denique sibi exitiosus.

Cyclo 31. anno 20. ante Christum 878.

Initia imperii *Hoai-gan* Australem populum, quæ *Croceus* mari miscet undas suas, colentem, infestum habuere. Prædas passim agentem Imperator per Præfectos repressit quidem, at debellare non potuit: hostilem terram ingressus, at æque fortiter repulsus. Anno imperii trigésimo tertio jam senex palam sævire in suos cœpit. Avaritia potissimum stimulaute, quam profusa luxurie hiantem exhaustæ populi opes explere non poterant. Et cives quidem de barbara feritate questi, mox non paucis Præfectorum communi causæ faventibus, una cum his publice dictis scriptisque furentem furentes insectabantur. Sed jam ultra remedium processerat Imperatoris obstinatio; qui non modo non cessit minacibus querelis, sed iratior ipse contra, inquiri severe jussit in eos, qui de se sinistre loquerentur. Et quia neminem unum investigare potuit seditionis authorem, sævitiam in omnes exserere statuit; capite fanciens, ne quis quocunque loco vel tempore, quacunque de causa cum quoquam colloqueretur, ac ne mussitaret quidem; hac enim suspicionis calumnia perpetuo flagellabatur, omnium se figi maledictis; tormento domestico tyrannorum, semper, quod merentur, timentium. Ingens hominum multitudo jam è medio sublata, in regia urbe velut quoddam justitium indixit. Nulla vox, passim silentium, & ubi prodeundum in publicum; quasi muti defixis in terram oculis attonitorum more incedere, tanquam in totum sibi

Lij tyrannia.

Loquus vetat.

H

excidit.

excidissent. Quia vero nequissimi etiam reges circa se habent, à quibus vel iniqua iubentes audiantur, fuerunt in Præfectis aliqui, crudeliores Imperatore, atque in id unice intenti, ut quam maximam cædem facerent. *Chaotungus* tamen, qui magnæ autoritatis Præfectus habebatur, sæpe monitum increpitumque, sed incassum, denique inter alia hujusmodi verbis alloquitur. Difficilius est, Imperator, hominum ora, quam flumina compescere, hac quidem etsi castigata ripis, demum exundant tamen, & late stagnando vastant omnia; de clausis per vim hominum linguis pejora time. Ipsum triennium istius edicti atrocitas tenuit; cum tor injuriis oppressa plebs, effusi torrentis instar, in Imperatorem consurgit, regium palatium invadit, ipsum regem ad necem quærit. Sed is è subito tumultu vix elapsus, *Pingyang* urbem ex fuga tenuit. Reliqua ejus familia omnis est à furente populo occisione occisa; excepto parvo filio, cui effugienti fida *Chaocungi* domus ad salutem patuit. At ea res statim innotuit. Quare furentes ad *Chaocungi* domum advolant, circumfunduntur armis, & Principem superbis vocibus expostulant ad necem. *Chaocungus* iratam multitudinem mulcere nequidquam conatus, tamen & virtutis fama & præsentis autoritate vecordes hætenus coercuit, ne in domum irrumperent. Interim pertinaci clamore Princeps ad mortem exposcebatur. His angustis pressus *Chaocungus* fluctuantem periculi contemplatione animum spargebat in diversa; & lam hæc, inquit, omnia Imperatori prædixeram. Merito quidem incidit hæc illius rebus calamitas, quod nullus ab eo locus est relictus consiliis meis. At si filium fidem meam implorantem trado furentibus, nã ego infidus & Imperatori adeo inimicus audiam. Atqui non defugiunt pericula, qui sunt in regum obsequio: irascuntur malo Imperatori, ut sanent; sed cavent, ne noceant: neque dominum suum, sed ejus flagitiis execrantur. Quid filium meum substituiam, statura vultuque principi parem? quid si felici suspitione sub regii sanguinis reverentia servetur sanguis meus? Hæc secum confuse volvens, ut & populi placaret iram; & filium Imperatoris servaret; suum quem

Rara in Imperatorem
fides *Chaocungi*.

quem habebat domi filium, eis tradit. Quem Principem esse credentes, mox cruda feritate laniant innocentem victimam, atque concidunt, immoto patre spectante. Ita servatus est Princeps, inaudita Sinis ad eum diem subditi adversus improbum etiam Imperatorem fide. *Lius* à rebellatrici plebe nusquam repertus; exutusque imperio reliquam aetatem in obscuro, ac fugitivus egit. Illustre documentum, quid timendum regi, qui, dum sæviat, timeri mavult à suis, quam amari. Exinde annis aliquot interregnum fuit.

XI. IMP. SIUENIUS.

Imperavit annis, XLVI.

C*haocungus* interea summo studio adniti ad placandum populum, omnemque lapidem movere, ut Imperator reciperetur. Sed destituit vota successus. Ergo à patre curâ in filium translata populum per tempus admonet, *Siuenium* (hoc *Lii* filio nomen erat) in patris locum assumerent; imperio quidem adhuc immaturum, de cetero insignem indole, in majorum virtutes adolescentem, & quod palmarium, non tam à se, quam à Cælo servatum sceptris. His aliisque rationibus flexi, eam in sententiam frequentes iere, ut *Siuenius* subrogaretur. Per cujus aetatem ne quid detrimenti caperet respublica, *Chaocungus* & *Chencungus*, summa uterque fide, & autoritate, adiutores additi, qui res imperii nomine tutelæ ordinarent. Tenuit ipsos quindecim annos hæc tutela. Tum inito demum principatu, majestatis decus ac nomen dignis virtutibus illustravit; è disciplina Præfectorum majorumque imitatione tantus Imperator, ut jam nemo *Uum*, nemo *Tangum* desideraret. Ad justum & legitimum imperium præcipue Patris exemplo incitabatur. Philosophos probitatis & doctrinæ gloria florentes invitabat undique; & tractabat omnes comiter atque magnifice. Vnde non mirum, si quamplurimi advenerint ex iis, quos Imperatorum priorum nequitia vel domi continuit, vel in montes ac saltus exegit, utrobique honestius philosophaturos. Illa quippe tem-

Cyclo 32. anno
no 11. ante
Christum
827.

pestate philosophi, ne malis Imperatoribus, nulla emendationis spe affulgente, servire cogerentur (hoc enim è Sinicæ Philosophiæ decretis, sapiente indignum putatur) abdebant sese in sola loca, mutato etiam habitu, ne noscerentur. Sed de his exempla dabimus, ubi de *Confutio* loquemur.

His rebus id effecit Imperator, ut tranquillo ubicunque terrarum imperio redirent omnes ad obsequium, à quo patris ob tyrannidem recesserant. Quos inter & reguli ad foedus postliminio icendum affuere; qui jam inde à *Moo* Imperatore nunquam paruerant. Sæpe nimirum plus virtute quam armis proferuntur imperia. Sed armorum tamen materiam suffecisse visi *Hoaigan* & *Huquang* populi; quorum pars maxima colebat ultra fluvium maris filium: quæ regiones nondum parebant Sinis. Hos igitur, cum suis viventes legibus insolescerent, Imperator per Præfectos suos non modo repressit, sed etiam debellatos ad jura legesque Sinicas subeundas adegit.

*Imperator à
conjugē revo-
catus ad fru-
gem.*

Anno imperii trigésimo tertio cum in profunda pace Imperator hebesceret, ac langueret, à regina perquam prudenti femina frugi factus est hac arte. Postquam enim totum se voluptati permisit; quo factum, ut Imperator serius, quam ejus consuetudo ferebat, ad Præfectos audiendos, negotiaque tractanda, surgeret è lecto; regina & ipsum & rempublicam miserata, clam ad parentes ex aula se proripuit. Inde feminam mittit ad maritum cum his mandatis, ut ei significet causam fugæ suæ fuisse metum, ne poenas Imperator expeteret à se, cujus negligentia magis ipse jam Veneret, quam virtute gauderet. Hujus culpæ ipsum habere fatentem ream. Imperator facile intelligens quo collinearet; *Hoc enim vero crimen, si quod est, inquit, meum est; ad reginam nulla ex parte spectat.* Majori deinde cura tractavit res imperii, ut solitus erat ante, in voluptatibus moderatior.

*Insignis ami-
ci fides.*

Sub ejus imperii finem veræ amicitiae exemplum prodiderunt aeterna cum laude *Tapens* & *Zogius*; quos inter se tam concors animorum devinxerat æqualitas, ut alter pro altero non dubitaret emori. Imperator

injecta

injecta rei nescio cujus suspicione, *Tapeum* nec certi sceleris accusatum, nec auditum indicta causa capite damnavit. Id *Zogius* minime ferens, & amici calamitate motus, apertio se discrimini objecit pro eo; novies ob id magna libertate Imperatorem increpans. Qui denique incensus ira, nã tu, inquit, aperte prodis, te perduellem fore, qui regis offensam non times, ut amico faveas. Quam calumniam, ut dilueret *Zogius*, nihil trepidans: *Falleris, ô Imperator!* subjecit. *Qui servat amico fidem, servabit Imperatori.* Nec enim insonem amicum deserere, est imperatori fidelem esse. Morti addixisti amicum meum, innocentem, nullius criminis compertum, contra leges, contra bonorum regum consuetudinem. Hunc quia cupio servatum, in suspicionem perduellii venio. *Qua autem tanto flagitio cum fide, cum pietate, cum amore cognatio? causam amici tueor, ne tu injuste, ne tyrannice agas; utrique fidus, sed magis tibi.* Num & qui servat innocentem, benefacit, & qui corrigit errantem, melius. Tum vero furore præcepit Imperator; *Aut garrere desines, inquit, aut cum socio moriere.* Cui *Zogius*: Non est probi viri, jus fasque deserere, ut vivat diutius; nec quæ rationi consentanea semel dixerit, aliquando refutare fas est, ut mortem fugiat. *Qua dixi, eo spectant, ut videas iniquissimam Tapeo te offerre mortem.* Nam ubi nulla culpa, poena locum non habet. Infremuit hac constantia percussus Imperator; & utrumque continuo necari jubet, haud intelligens, pro amicitia perire magis esse gloriosum, quam deserta fide vitæ suæ parcere.

XII. IMP. JEUS.

Imperavit annis x i.

INsignis hic nãvus *Siuonii* gloriam obscuravit quidem, sed *Ieus* illius filius multo magis; ad quem imperium, non item paternæ virtutes transiere. Mira de istius Imperatoris concubina referuntur ab Historicis *Sinensibus*; quæ quo ad intelligendum prona magis atque in aperto sint, juvat ea paucis repetere, quæ supra de dracone attigimus. Huic nihil est ferme; quod non tribuant *Sinæ*. Hunc non modo felicitatem

Cyclo 32. anno 57 ante Christum 781.

Draco Sinit in veneratione.

cujusque, sed imbres etiam, nimbos, grandinem, tonitrua & fulgura, ceterasque tempestates habere in potestate credunt. Mirum sane, tam cultam aliquam gentem & ingeniis felicem, in hujusmodi rebus adeo delirare. Subter terram quoque draconem esse putant, & infra montes maxime. Inde est, ut magno studio, sumtuque pari venas draconis vestigent in sepulchris parandis. Nam è soli bonitate totius familiæ opes atque fortunas metiuntur; astrologorum instar, è vario siderum concursu varie de futuris mentientium. Nec raro Deo permittente, cacodæmon superstitiosæ opinionis fidei adstruit præstigiis, ut sub hoc etiam Imperatore contigisse referunt. De puella, quæ erat in gynæceo, fabulam reperio hujusmodi.

Spuma draconis sacra, & fabulosa.

Iam inde ab *Hiaæ* familiæ temporibus draconem visum esse tradunt, qui relicta in terris spuma, ex oculis evanuerit. Hanc, quia draconis erat, ut rem pretiosam, imo enimvero sacram summa veneratione collectam, in arca aurea repositam, atque ad *Sine-nii* Imperatoris usque tempora servatam esse. Is, incertum qua de causa, cum iussisset aperiri arcam tum spuma repente, non secus ac si viveret, exsiliit, & per totum palatium discurrens, neque se cohiberi passa, demum interius gynæceum subiens, Virginis adolescentulæ ventrem penetravit. Hinc natam puellam ferunt. Mater stupri notam & Imperatoris iram verita, infantem exposuit. Quam duo conjuges illac forte prætereuntes audito vagitu sublatam domi suæ (*Pao* est loco nomen, à quo dein *Paosua* dicta) velut filiam aluere. Anno istius Imperatoris tertio, puella jam nubili, accidit, ut ejus nutrix, nescio cujus criminis insimulata mitteretur in carcerem. Illa puellam haud credibili pulchritudine insignem pro libertate offerens Imperatori, cum donis non paucis dimissa domum rediit. At hic puellæ specie captus, ejusque amore insaniens, eo denique processit, ut jam regina legitima conjuge filioque ex ea genito repudiatis, *Paosuam* tori sociam in illius *Pesoum* *Paosua* filium regni successorem in hujus locum eligeret; Præfectis multum contra nitentibus. *Ikiens* filius legiti-

snus atrocitate injuriæ exulceratus, relicto patre profugiens, ad *Xinum* regulum patrum suum intendit iter, qua *Xensi* provincia spectat austrum, ubi nunc *Nanyang* civitas est sita. *Paosua* interim imperatori in deliciis erat; unam rem in ea tantum ægrius ferenti, quod nunquam rideret. Itaque nihil intentatum relinquit, ut monstrosæ mulieri risum moveat. Erat enim tum temporis forte bellum cum *Tartaris* ad Occidentem propius colentibus: & militi signum bellicum ignem dederat, quo conspecto ad arma & Imperatoris custodiam concurrerent. Hoc signo ad eliciendum amariæ risum aliquoties fulgere jussu, adfunt de more milites, arma & ordines parant, ingenti, ut fit, strepitu concursuque terribiles. Quos semper delusos videns *Paosua*, in risum denique diffusa, magno simul gaudio Imperatorem complevit. Sed hic risus imperio & vita postmodum ei sterit. Delectabat ante alia *Paosuam* strepitus, quem concepta per vim holoserica edere solent. Imperator igitur, qui ad illam exhilarandam nihil non faceret, ad ejus arbitrium libinemque factus, assiduo in dilacerandis holosericis, illa præfente versabatur.

Paosua nunquam ridere dita ridendi causa.

Delectata est lacerato holoserico.

Inter hæc ludicra mittit ad *Xinum*, qui filium retraherent è fuga. Quo negante, daturum se Principem, nisi ut regni heres agnosceretur; iratus Imperator arma in eum movet. *Xinus* impar viribus, at consilio superior, coita cum *Tartaris* societate, noctu repente advolat ad Imperatoris castra. Datur de more signum. Milites visa flamma Imperatorem lusu se, ut ante oblectare cum regina, rati, nec periculi quicquam suspicantes, nullæ resistendi cura omisissis armis prope dormientes in hostium venêre potestatem. Ita ludibundus Imperator à fratre filioque oppressus, lusu in serium verso, occiditur. Sub hanc victoriam *Tartari* occidentales *Sinæ* terras aggressi velut armorum præmium, maxima ex parte primo impetu in suam potestatem redigunt imperiique partem auxilii specie depopulantur. *Xinus* autem & *Ikienus*, quod illis obsisti jam non posset amplius, pejora metuentes aufugiunt, *Sinas* ad ortum vergentes petituri, ubi

Iorus versus in seriam cladem.

Sigan urbs eis sedes lecta. *Tartaris* in hunc modum occidentis partes vexantibus, Reguli Præfectique orientis *Xinum* conveniunt, electoque in Imperatorem *Ikio*, parant obviam ire hostium conatibus. At ubi se impares vident, iis ex occidente pellendis; omne armorum studium ad tuendas orientis *Sinæ* partes convertunt, eodem quoque translata sede imperii, magna quidem ex parte jam accisi, at integra tamen penes eandem familiam dignitate.

Interea reguli quidam occidentales, ubi nullum ab Imperatore auxilium; ipsi se parant ad resistendum, amissa recuperaturi. *Tartaris* ergo bellum inferunt. Inter quos duorum præcipue regnorum virtus enituit. Alter erat *Siangcungus*, cui *Cin*; alter *Vucungus*; cui *Guei* regnum obnoxium. At hinc atrox orta seditio, uno imperio in duo distracto. Ejectis quippe *Tartaris* victores reguli, quæ quisque obtinuit, sibi retinere, & Imperatorem in oriente agentem, ut ab eo destituti, audebant contemnere. Pettimo id quidem exemplo; regulis innox aliis sequentibus. Quo factum, ut, quia dominum unum non agnoscerent, imperium in varia capita scissum, à nullo regeretur. Quæ res multorum materia jurgiorum atque bellorum fuit, ut infra videbimus. Ex hoc autem bello maxime omnium emerfit *Cina* familia, quam à *Ficio* equorum pastore descendisse supra monui. Hæc paulatim ad id fastigii prodivit, ut totum occuparet imperium, initio è *Xensi* provincia usque ducto. Familia vero, quæ *Guei* a ditioni dominabatur, sedem habuit, in *Honana* provincia, una ex iis quindecim, quas *Uus* ad regnorum dignitatem provexerat ex affinibus. Ea traxit originem à *Kamxorio* Uis Imperatoris fratre. Quæ ad faciliorem sequentium rerum intelligentiam placuit hic apponere.

XIII. IMP. PINGUS.

Imperavit annis LI.

Cyclo 33.
anno 8. ante
Christum
770.

Pingus Iei filius, occisi parentis calamitate doctus, mutata in periculo vitando regiam relinquens;
Sigan,

Sigan, atque in Anstrum procedens ad *Co* provinciae *Honanae* fluvium in hujus extremæ Asiæ medietullo fere constituit. Ita *Tartarorum* quidem vim effugit; sed inagnam imperii partem amisit, plus timens sibi, quod est præposterum, quam reipublicæ. Nam discessus ejus omnem Sinici imperii statum ita miscuit, ut prorsus esset nova reipublicæ forma. Reguli enim; qui adhuc Imperatori paruerant, *Siangungi* & *Uucungi* exemplum secuti, eo ex parte deserto, fiduciaras olim regiones sibi vindicantes, omne prorsus abnuebant imperium, in defectionis titulum fuga Imperatoris prætexta. Tres inde reges in ceteris eminuere. Primus *Ci* dictus, in maximam partem Boream provinciae *Xangtung* appellatæ occupavit; oriundus è familia *Linxangü*, de cujus initis supra diximus. Alter rex *Zu* nomine, duas inprimis celebres provincias *Hu-quang*, & *Kiangsi* suo subjecit imperio. Sinicis paulo ante legibus obnoxias, hoc est, sub *Chingo* secundo istius familiae Imperatore, qui, uti dictum *Hoangti* successores in his terris regnos creavit, habuitque ratum beneficium, quod ab *Uo jain* acceperant. Tertius rex *Cyn* permagna *Xansi* provinciae parte capta, *Taiquen* urbem sibi pro sede legit, à *Kangxoo* descendens, & Imperatorum sanguis. *Kangxous* enim ab Imperatore fratre fiduciam locorum istorum acceperat, & quidem per lulum, ut diximus in *Chingi* principatu.

Hi tales ergo, deserto Imperatore, nullius imperii timentes, non diu quievire. Cunque deesset hostis externus, dominatum est bellum, latius regnandi cupidine accensis, & eam ob causam ferro inter se decernentibus; cum arctatis alterius finibus suum quisque regnum proferre studet. Nec Imperatoris eos auctoritas in officio continuit. *Confutius* Philosophus librum suum *Chuncien*, sive de regum correctione inscriptum ab his regibus orditur. Nam hæc bella ad ejus aetatem usque processerant. In eo libro illud maxime secutus est, ut reges omnes ad obedientiam allecti, antiquas Sinici imperii leges denuo acciperent. Enarrat earum præstantiam & commoda; execratur mala, quæ nascuntur è discordiis; enumerans ea nomi-

natim, quæ à regibus perperam facta ex eo tempore, quo Imperatorem deseruere.

Anno hujus Imperatoris vigesimo primo, *Siancungo* vita functo *Vencungus* ejus filius devictis ingenti prælio *Tartari*, occupatisque fere omnibus, quæ spectant occidentem, ad *Xansi* provinciæ fines ultra *Fungiang*, urbem pervenit. Ibi *Ki* montem regni sui limitem fecit, quasque ultra hunc montem orientem versus eodem victoriæ impetu regiones occupat, quæ multæ fuerunt, eas Imperatori gratis restituit, omni fere *Xensi* provincia in potestatem redacta contentus.

XIV. IMP. UONUS.

Imperavit annis **xxiii.**

Cyclo 33 anno
59. ante
Christum
719.

Uonus *Pingi* ex filio nepos ad fastigium euectus, nihil prius habuit, quam ut restituta imperio dignitate regulos revocaret ad obsequium. Quod ubi consilio non potuit obtinere, armis tentavit, sed æque irritò successu. Nam primo statim prælio à *Chingo* Regulo fusus, acceptoque vulnere, terras imperio subjectas recuperandi spem abjecit; tantummodo sollicitus, qui relicta rueretur. Nec aliud memoria dignum de illo invenio. *Chingus* erat ex imperatoria familia *Cheva*, *Siuenni* Imperatoris patruus. Ita dominandi libido consanguineos etiam in se mutuo armavit.

XV. IMP. CHUANGUS.

Imperavit annis **xv.**

Cyclo 34 anno
22. ante
Christum
696.

Chuangus contra patris Præfectorumque plurimorum voluntatem imperium natura sibi debitum obtinuit. Uonus, enim *Keum* è concubina filium, quem amabat maxime, legitimo præferebat. *Simpes* autem unus è Præfectis, æquitatis amans, ex eodem ordine quidam alii non minori auctoritate sese vehementer opposuere; quod præviderent, si filius legitimus jure suo privaretur, totius inde jam labantis imperii timendum interitum esse. Nec enim dubitabant fu-

turum

turum, ut dissociatis animis fratrum, alii *Keianis*, alii *Chuangianis* faventes partibus, intestino bello subjicerent faces. His tandem rationibus effectum, ut *Chuangus* eligeretur. Cujus fortunam continuo secuta invidia, tertio imperii anno nil suspicantem præsenti vitæ periculo admovit. Nam qui *Kei* partes sequebantur, occisi Imperatoris sanguine viam illi signatum ibant ad imperium. Parricidio patrando destinatus *Mekienus* factionis caput. At insidiæ fuerunt à *Sinpeo* detectæ, Imperatorem jubente cautum esse. Vt autem sine turbis, quarum idem *Mekienus*, Præfectus multum autoritate valens, materiam minabatur, consensesceret proditio; *Sinpeus* author est Imperatori, ut se simul & *Mekienum* invitet in regiam, sub obtentu solita imperii negotia conficiendi. Et favit consilio successus. *Mekienus* solus à subornato milite occisus; *Keus* ut fraudem detectam, & *Mekieni* eadem inaudit, in tutum se recepit, ad *Yen* regem aufugiens.

Anno sequenti denuo inter duos alios fratres domesticum malum intervenit, invidia & reguandi libido. Alter erat *Zukieus*, alter *Sinopeus*, aut alio nomine *Voncungus*, *Siangcungi Ci* regis filii. Vterque à patre profugerat, cujus præceps ingenium & nequitiam ferre non poterant; nec à morte securi, ubi exarsisset iracundia. *Zukieus* in *Lu* regione, *Voncungus* in *Kiu* salutem invenit. Sed hoc periculum paulo post patris cæde dissipatum: Cædis author nunquam innotuit. Hi duo ergo, postquam ab occiso patre securitas erat, acriter inter se depugnare pro regno. Vnum *Lu*, alterum *Kiu*, reguli fovebant. Ipsum etiam *Ci* regnum discessit in factiones. *Zukieum* duo è prima nobilitate Præfecti *Xaohoeus*, & *Quonchungus* sequebantur. Aliquot præliis vario Marte pugnatum, donec in *Voncungum* inclinavit victoria, non usquequaque felicem: quippe ultimo in prælio à *Quonchungo* sagitta vulneratus prope absuit à morte. *Zukieus* toto exercitum amisso, ne in offensi fratris potestatem veniret, simul spe regni obtinendi, ad *Lu* regem iterum cum *Quonchungo* & *Xaohoeo* fugit.

fugit. Quos Uonkungus per Praefectos infecutus, in Lu regnum superfudit suas copias, ibique captum Zukieum necavit. Xaohoeus, ut hostium manus effugeret, voluntariam mortem occupavit. Quonchungus vero vivus in manus hostium devenit; quem confecto bello victor exercitus captivum ad regem adduxit. Quonchungus Philosophus rerum naturalium scientia, vitæ integritate, ac præcipue prudentia insignis, illius ævi confessione ferebatur. Omnes illum venerari & colere, dictaque ejus pro oraculis habere. Nec ab his facta dissentiebant; queis in tantum excelluit, ut Confutii ætate, qui sub hæc tempora floruit, ut videbimus, multi dubitarent, num ad istius virtutem pervenisset, quod apud Sinas in summa laude ponitur. Uonchungus igitur, ubi eum esse in sua potestate videt, acceptum ab eo vulnus ipsius morte vindicare statuit. A quo consilio Paoxous, & Praefectis unus multum abhorrens ei magnopere restitit. Ego vero, tantum abest, inquit, ut hoc ei crimini vertendum putem, ut etiam virtutis nomine honestare non dubitem. Amor fuit ac fides in dominum, cujus salutem alieno incommodo sancire pulchrum haud injuria credebat. Te ipsum, ô rex, consule, quales in tali fortuna tuos in te optares esse. Laudares enim vero fidem, agnosceres officium pro tua visa sanguinem hostilem haurientium. Quare non modo nulla poena afficiendum, sed ut insontem dimittendum censeo. Beneficio flectetur hostis; quemque odisti adhuc tanquam injurium, posthac magis tanquam gratum amabis. Paruit salubria suadenti Uonchungus, missumque Quonchungum fecit. Qui cum in Lu regnum se recepisset, ab rege pro fugitivo habitus, iterumque captus & catenis vinctus ad Uonchungum remittitur; non amore reipublicæ, sed quia illius arma sibi formidolosa erant. Is nunciato reditu officiose homini procedit obviam, & indignum tanta virtute habitum averfatus, continuo demi vincula jubet, ac velut amicum assidere sibi. Ibi rogatus de populorum gubernatione, de regni ditandi modis, de regulorum animis sibi adjungendis, in quo totius imperii vis erat atq; auctoritas, multa præclare disseruit. Quibus auditis Uonchungus mirum

Vita hosti servata.

Servanti præfuit.

mirum in modum exhilaratus, præfectura tunc donatum, post ob egregias naturæ dotes, pariaque in rempublicam merita, suum Colaum fecit. Erat omnino *Quonchungus* magni & animi & consilii, sed in multis antiquas Sinarum rationes non sequebatur, in suum regnique commodum callidius intentus, quam viro bono convenit. Vnde postmodum à *Confusio* dictus est haud ex hominis probi norma quævisse, inno arte atque astutia superasse virtutem, qua debuisset alia omnia inferiora ducere. Philosophorum enim esse, germanæ virtuti primas in rebus omnibus dare. Verum quocunque hæc modo se habuerint, rex *Ci* ad magna pervenit hujus Colai industria, regulis quamplurimis uno ejus consilio sub imperium regis abeuntibus. Cujus felicitas eodem authore atque adjutore non paulo surrexit altius. Nam mortuo Imperatore *Quonchungus* ita suffragia disposuit, ut *Ci* regis affinis in Imperatorem eligeretur. *Lius* ei nomen erat, ex Imperatoria quidem stirpe, sed non recta descendenti. Quæ tamen intercessio non abstulit stirpi titulum cognominem sive imperatorium.

XVI. IMP. LIUS.

Imperavit annis v.

Igitur *Lio* ex regum *Ci* prosapia ad culmen erecto
 Exclufis *Chuangi* filiis ex fratribus, non fuit difficile, stabilire res imperii, præsertim à rege *Ci* adjuto. Sic enim regulos beneficiarios ex Orientis regionibus, magno numero, experta & felici *Quonchungi* industria adjunxit sibi. Vnus imperium abnuere visus est, *Sui* regulus; cui tanquam rebelli *Uonchungus* Imperatoris nomine bellum indixit, prælioque devictum necavit. Amici necem indigne ferens rex *Li*, *Ci* regem armis persequitur eatenus, ut hic *Sui* regionem cogeretur restituere. Sed qui aliena propugnatum ierat, ex parte perdidit etiam sua. Nam à *Ci* rege victus, invicem coactus est pacem petere, ea conditione, se nunquam amplius de terris *Sin* expostulaturum. At hæc victoria viam illi prope stravit ad interitum.

Cyclo 34. an.
 no 37. ante
 Christum
 631.

Etæ

Et si enim calentibus adhuc armis regiones aliquot *Lu* regis occupaverat, & bello, & pace victor, dum gloriose triumphans redit domum, à milite quodam *Zamoo* dicto in arctissima via, magna commilitonum manu comitante invaditur. Et hi quidem nihil movebant, tantum si opus foret, ad certamen accincti; ac *Zamoo* stricto ense minax & in *Uoncingum* versus: *Aut moriendum*, ait, *est tibi*, aut *Lu regi restituendum*, quod abstulisti. *Uoncingus* ut præsentem mortem evaderet, non modo promisit, quod petebatur; sed etiam impunitatem *Zamoo*, quanquam impie ferocienti. Tum *Zamoo* abjecto ferro regem adorare more subditi, eique de promissis gratias agere. Porro reverentia, quam adhibent adversus reges suos *Sinæ*, est hujusmodi, ut pronis corporibus testentur obsequium versa ad Boream facie. Ajunt enim, reges suos semper Austrum respicere. Eademque ratione porta palatii præcipua cubiculorum item & aularum valvæ omnes ad Australem plagam vergentes, fecere locum proverbio, *Sinas etiam distantes*, perpetuo venerari reges suos, cum fueris cereimoniis hospites excipiunt. In hunc igitur modum *Zamoo* *Ci* regem venerabatur.

*Fides etiam
hosti ser-
vanda.*

Uoncingus ubi periculum evasit, standum promissis haud existimans, *Zamoom* morti addicit, tanquam perduellionis reum. Quo cognito *Uoncingus*, regem alloquens, *In fide non manere*, ait, & hominem, Rex, cui gratiam feceris noxa, damnare capite; omnino res est indigna regibus, & exile vindicta gaudium. Putasne hoc emendum auctoritatis tua fideique jactura? Quis enim ex regulis, quis ex omnibus impostorum promissa tua non habebit suspecta? Fides imperii basis est; quæ convulsa illud necesse est corruiere: sta igitur in eo, quod promissisti, & sanctum habe. Sic enim, quod tua permagni refert, & dictis tuis in futurum asseres fidem, & simul efficies, si *Lu* regi terras haud sane amplas restituveris, ne aliena concupiscere videare. Hæc ille secundis auribus accipiens, *Zamoo* dimisso, *Lu* quoque regi terras suas restituit. Qua re tantam sibi laudem apud reliquos regulos comparavit, ut omnes eum tanquam regu-

regulorum caput, qui Sinis *Pa* vocatur agnoscerent, Tantum datæ fidei constantia, & exigua terrarum portionis spreta cupiditas potest.

XVII. IMP. HOEIUS.

Imperavit annis xxv.

Hoejus *Lii* filius traditum ab eo imperium sex annis tenuit in otio: cum *Tie*, gens in *Xanfi* provincia, qua *Boream* spectat, habitans, ubi nunc *Taitung* urbs ultra murum magnum, qui quidem hoc tempore nondum erat exstructus, obversa *Tartaria*, Sinas ingressi *Hing* orbem obsident. Sed non diuturna ea obsidio fuit, Imperatoris nomine arma opponente *Uoncungo* & hostem inde vi ejiciente. Quem deinde fugientium specie magis, quam obsidionem solventium in *Guei* regnum infesta signa transferentem *Iuungus* *Quei* rex fortiter excepit, obviam ei procedens cum exercitu. Iamque in conspectu utraque acies erat, intenta in signum prælii, & rex *Quei* opportunior ad pugnandum locum occupaverat, cum ei victoriam à manibus prope extorsit stultissima superstitio. Infederant fortè suorum aliquot militum hastis aves; quas ut erat earum ineptissime amans, abigere religio fuit, eo prælio se inde superatum iri auguranti. Omissa igitur pugna, *Tie* exercitus recedendi occasione usus, captoque ad pugnandum loco commodiore, cum *Iuungo* acie congressus, eo victo necatoque augurii sortem, vel elusit vel implevit. Reliquæ exercitus filio regis nato majore in regem electo, ad Australem regni partem, inter *Ci* *Croscum*que flumina, contendunt. *Uoncungus* in omnem rei bene gerendæ occasionem intentus, desertas *Quei* oras invadit, *Tie* exercitum delet, ac ne alienas ambire terras videretur, alterum *Iuungi* filium regem creat, occupatis à se locis precario impositum, vocatumque suo nomine *Uoncungum*. Ita *Quei* regnum in duas partes distractum est; cujus conjunctæ vires *Ci* regi timebantur. Qui subinde victoriis & potentia ferox *Zu* regi bellum indixit, æque, ut ipse erat, poten-

Cyclo 34. anno 42. ante Christum 676.

*Superstitio-
ne amissa
victoria.*

potentissimo. Postquam vario utrinque Marte pugnatum; tandem bello fessi ambo ad pacem respexere, cni conficiendæ in montem Chaolin colloquium inditum. Nihil aliud sub hoc Imperatore accidit memorabile, nisi quod ipse quidem nomine Imperator, re autem vera *Uonchungus* esset. Huic aderant vires, imo & animus imperii capiendi, nisi omnium aliorum regulorum in se unum timuisset arma convertere. Nam cum eidem imminerent omnes, altero alterius ambitioni obstante, nullus obtinuit.

XVIII. IMP. SIANGUS.

Imperavit annis xxxiii.

Cyclo 35. anno
7. ante
Christum
651.

Siangus *Hoeio* successit; jam à puero suspicione nimia penes *Ci* regem potentia imbutus. Postquam igitur ad gubernacula reipublicæ accessit, undique facultatem coepit quærere vel *Uonchungum* deprimendi; vel aliorum regulorum animos sibi conciliandi, quo imperatoriam Majestatem pristino splendori restitueret. Quam quidem ad rem ei duplicem viam fortuna patefecit.

Ci rex *Quonchungi* industriâ, beneficiariis regulis omnibus conventum indixerat. Quem ut imperii turbandi materiam timens Imperator, quia impedire non poterat, *Uonchungum* saltem in invidiam apud regulos adducere, velut se una cum illis Imperatorem agnosceret, statuit efficere. Ergo ubi convenerant, mittit ad eos legatum *Zaicungum* virum prudentissimum cum literis publicis, eique mandat, ut illas permittat à ceteris consueto ritu excipi, siquidem velent; à *Ci* autem rege, si detrectaret obsequium, nequaquam exigit. Est autem hoc apud Sinas in more positum, ut Imperatoris litteras ac diplomata non prius legant, quam ea mensæ ad hoc adornatæ imposita venerentur eodem honore, quo ipsum Imperatorem solent. Adest ergo *Zaicungus* cum diplomatis, quæ ab omnibus solemni ritu sunt excepta; solus *Ci* rex abnuebat obsequium. *Quonchungus* contra gravibus eum verbis avocans à pervicacia, *Si rex*, inquit,

irquit, negligens est officii, si subditi exemplum regis sui sequentes, ut nihil pronius est, quam morbum à capite in membra descendere; nec ipsi subditorum partes explent; omnia necesse est converti ac misceri. Cœgisti regulos, quibuscum agis, ut regulus; laudo. At istud quis laudabit, quod cum Imperatoris legato agis, tanquam esses Imperator ipse? An non in mentem tibi venit, regulos ex hoc facto de animi tui fallacia iudicatuos? nec te aliud manere, quam summam apud eos invidiam? Cede modo tempore; & quando faciendum est, quod vitari sine incommodo non potest, ostende Imperatorem abs te dominum tuum agnosci? Valuit hæc apud Uonchungum oratio, secutusque regulos, diplomatis volens nolens ceremoniam adhibuit, omisso in præsens imperii potiundi consilio, quæ una comitiorum causa fuerat. Et prodiit hoc exemplum longius quam optabat. Quippe reguli omnes, non qua mente, sed quam obedienter fecisset, reputantes, ad Imperatoris obsequium rediere.

Hanc Imperii felicitatem Xotaus Imperatoris filius violavit, deserto patre ad rem Ci transfugiens. Is Quonchungo misso, ut filium apud patrem in gratiam reponeret, quod optabat, obtinuit. At Quonchungus de legatione redux mortem obiit, anno istius Imperatoris septimo. Quam continuo atrox secuta contentio tres præcipuos Præfectorum collisit, Colai dignitatem inter se ambientium. Uonchungus provecta jam ætate inanes iras sedare vel contempsit, vel non potuit; biennio post, id est, eodem ferme tempore extinctus, relictis filiis jam adultis quinque, singulis ad se sceptrum rapere nitentibus. E præfectis & populo, alii huius, alii alius partes sequebantur. Ita regnum, quod finibus suis non contentum, ad imperii magnitudinem nimis superba spe ferebatur, fratrum discordia, prope ad nihilum est redactum.

His inter se pugnantibus dynasta quidam eodem, quo Imperator, nomine Siangus, cui Sung regio parebat, in occidentali parte provinciæ, quam Nanking vocant, dominanti, potens inprimis habebatur. Is in eo totus erat, ut reguli suarum fierent partium; belli gloria & virtute illustris, armisque suis pluri-

Dolus in bello neglectus nocuit.

mum confidens. Cujus audaciæ cum Zu rex iret obviam; dynasta contra eum copias suas educens, spatium & inconditum sine ordine Zu militem opprimere potuit è vestigio, si occasione uteretur. At ille à ducibus suis idiplum monitus, ut erat generosus, respondit in hunc modum: *Egregius miles non arte dolove fallit hostem, aut interficit, sed fortitudine. Video Zu regis exercitum à me deleri posse; sed malo, me cum compositis & instructis pugnantem vinci quam negligenter & incomposite venientes occidere, atque astu potius quam virtute, latronum more vincere.* Itaque prorsus, ut dixerat, factum. Nam ubi Zu militibus aciem distinctè & ordinatè disponendi spatium fuit, Siango victoria excidit è manibus, devictusque prælio, vix vivus evasit. Magnum Alexandrum diceres, si, ut fortiter egit ac generose, ita voluisset vincere.

Anno imperii decimo quinto, Ching è Xanfi provincia regulus palam ausus est in Imperatorem confurgere. Contra quem ille stipendiis invitato è vicinis Tie populis missoque in hostem exercitu victor fere omnem ejus ditionem Lie dictam, in suam redegit potestatem, reliqua provinciæ parte permessa regulo, rebellionis veniam petenti. Ut autem Tie populos servaret amicos sibi, eorumque opera securius uteretur ad majora, quæ machinabatur; illorum ducis filiam uxorem duxit. Cyn præterea regem nomine regis, quod ante tantum usurpaverat, donavit, dummodo Tie populis transitum daret. Sed cum paulo post Ducis filiam, ut barbaram & externam repudiasset; Dux ad id vehementer excanduit, injuriæque dolore accensus, quo se commodius ulcisceretur; Xotaurum Imperatoris filium, juvenem turbulentum & inquietum regnandique avidum ad se invitat, imperium venienti pollicitus. Adest Xotaus, iterum patris jam non defector modo, sed etiam hostis. Tie namque copiis auctus arma movet in patrem; quem in eas conclusit angustias, ut regia denique relicta ad Ching regulum, paulo ante rebellem, at nunc amicum se reciperet, non ignarus, illum Tie populis inimicum; & hinc consociatis armis ei obsisti posse credebatur, Xotap interim

rim invadente regiam. Ita eodem tempore duos vidit extrema Asia Imperatores, patrem & filium, sed inimicos; ut constet dominandi libidinē nihil habere sancti.

Siangus apud *Ching* agens, aliorum quoque regulorum implorat fidem. Adfuere primi *Cin* & *Cijn* potentissimi reges, aliique inferioris notæ. Itaque collectum ingentem exercitum, in duas divisum partes, per *Cijn* regem regiarum urbi, quam tenebar filius, admovit. Qua brevi capta necatoque filio, per *Cinum* deinde regem in *Tie* populos processit; eisque in fugam dissipatis, ipse victor in regiam postliminio reversus, tranquillato imperio diu fruebatur. Regulos, qui plus opibus, armis, potentia valerent, beneficiis interea sibi magis ac magis obstringens. Atque hæc altera illa, de qua supra memini, fuit occasio, qua multis incommodis depressa Majestas resurgeret ad pristinam dignitatem.

XIX. IMP. HIANGUS.

Imperavit annis VI.

TAli ergo statu imperii, potestas à *Siango* patre ad *Hiangum* devoluta, habitaque perquam moderate: quippe Imperator erat exemplum innocentiae, bonus in primis & sapiens. Hinc accurata illa cautio, uti de eo scriptum invenio, in agendo, ne qua deerraret à recto, aut aliquid inconcinnum admitteret. Subditis gratus, & charus omnibus, omnes, quæ Imperatorem decent, virtutum titulos implevit.

Cyclo 35. anno
no 40. ante
Christum
618.

XX. IMP. QUANGUS.

Imperavit annis VI.

Q*Vangus* in imperium simul, ac virtutes *Siangi* patris successit; Sinis in dictis factisque fidus magnanimus ac generosus dictus. Vnde illi *Quango* nomen, quod clarissimum sive splendidum significat.

Ultimum ejus annum *Chaoxunius* Præfectus *Lingcungi* cæde funestavit. Rex *Cin* erat; cui *Siangcungus* regis proxime superioris frater ex Imperatoris, cui serviebat,

Cyclo 35. anno
no 46. ante
Christum
612.

*Amor ci-
vium & ju-
stitia vitam
Imperatoris
servat.*

viebat, accitus aula, subrogatus est. *Lincungum* me-
morant initio principatus nequissimum, & inde odium
publicum populi fuisse; sine dubio male providentem
regno, & cui nulla subditorum cura. Qua de re mo-
nitus à dynasta quodam affine suo, tantum absuit, ut
flecteret se, ut etiam necem bene suadenti strneret
impatiens consilii. Facinori patrando missus *Mitius*,
quibulvis promptus ausis, ad affinem invisendi specie.
Qui palatium summo mane ingressus ad quærendam
cædis occasionem, ubi venit in aulam principem; ec-
ce tibi! regem jam in throno sedentem videt, subdi-
torum causas cogniturum. Hic attonitus rei novitate
atque audacia in venerationem versa subsistens hæc se-
cum. *Huic enim vero cura sunt subditorum commoda,*
huic sceptrum merito commissum, qui eis non ad luxum, ut
multi, sed ad civium salutem moderatur. Egone optimi
hominis cruore impias manus imbuam? egone perduellis
fiam? nam quo pacto huius criminis infamiam à me a-
vertam optimo rege occiso? At si regis mei non exequor
imperium; audacia, quæ adhuc in honore fuit, muliebris
pavoris probro vapulabit: mihi certum regis odium para-
tum, ut infido, ut inobsequenti. Horum enim duorum al-
terum effugere non possum, ut non aut impius sim, aut non
parendo infidus. In tam ancipiti rerum articulo quo me
vertam? præstat omnino non vivere, quam aut impietatis,
aut perfidia nota maculari. Simul his egressus & in
acutum falicis palum ex destinato insiliens, eoque
transfixus finem vitæ suæ imposuit. *Lincungus* autem
etsi mores suos paululum mutavit in melius; ob anti-
qua tamen scelera cecidit à suomet Præfecto, ut est
expositum.

XXI. IMP. TINGUS.

Imperavit annis xxi.

*Cyelo 35. an-
no 52. ante
Christum
606.*

Tingus *Quangi* frater abhorruit à bellis, & conten-
tionibus quam qui maxime; in populorum re-
ctionem, curamque legum imprimis intentus. *Tingus*
inde appellatus, quod constantem solidumque sonat.
Hoc imperante *Zinus* rex conscripto ingenti exercitu,
specie

specie *Loboëniūm* Cuo regionis dynastam, ut Imperatori rebellem, armis petendi, revera ut hac occasione oppressum Imperatorem pellat è regno, ad confinia usque regię urbis pervenit. Ad eum salutandum Imperator legatum mittit *Summonium* cum mandatis, ut dimisso exercitu domum redeat. Erat *Summonius* vir constans inprimis & imperterritus. Hunc ergo venientem, tanquam Imperatoris legatum *Zuus* magno exceptum honore, quo solertius tegeter animum suum, inter colloquendum forte de Imperatoris vasis, eorum mensura ac magnitudine interrogat. Erant fusa, ut diximus, ab *To* Imperatore vasa novem; in quibus totius Sinę descriptio continebatur, imperii mensuras ac pondera simul referentibus; quę tanti fiebant, ut ille demum, penes quem essent, Imperator haberetur. *Summonius* ex hac interrogatione facile perspecto illius animo solita libertate regi respondet, *Imperium non in vasis, sed in vera & inconcussa virtute consistere. Hęc si absit, ait, & præcipue in dominum tuum fidelitas, etsi forte vasa vi & armis obtineas, non idcirco perduellis infamiam evitabis. Cujusmodi vasa illa sint, scire non est tuum; illud magis tibi sit cordi, ne fiducia virium elatus, agas injuste. Nondum adeo despexere fata familiam Chevam, ut ei minentur interitum; nondum calo tam est invisā, ut stirpis convellatur. Omittite igitur de invadendo imperio consilium, quod non aliunde quam à calo datur. Zuus deprehensum se videns, dicentisque libertate juxta & ingenti pudore confusus, re infecta copias suas reduxit domum. Adeo nonnullam plus virium, quam ingens exercitus, habet cordata viri constantis oratio.*

*Legatus
prudenti
oratione per-
duellionem
tollit.*

Anno hujus Imperatoris tertio natus *Laotanus* in regno *Zu* nominatus Philosophus, apud Sinas Epicurę sectę author exstitit. Post mortem enim nihil nostri superesse asseruit, finem hominis voluptatem statuens. In eo autem toti sunt illius sectatores, ut vitam producant quam longissime, quo voluptatibus effusius servire possint. In utramque rem varios tradunt atque nefandos modos, queis summos etiam magistratus dementant: pollicentes denique immortalitatem

*Epicuræ
ante Epicu-
rum:*

*Tres prae-
cipua Sina-
rum secta.*

tatem in hac vita mortalibus. Et hæc est una è tribus sectis, quas amant & persequuntur Sinæ. Prima enim Philosophorum, seu literatorum est, *Iukiao*; altera idololatrarum, *Foekiao*; tertia qua de loquimur, immortalium *Taokiao* dicta. Quamvis autem *Laotanius* summum bonum voluptatem statuatur; mentem tamen unam eamque summam agnovisse, videtur mihi admodum verisimile. Sunt enim hæc ejus verba. *Tao sive magna ratio non habet nomen. Cælum creavit ac terram; expers figura; sidera movens, ipsa immota. Hujus quia nomen ignoro, Tao, sive summam sine figura rationem dixerim.* Idem Philosophus in alio loco se à cælo creatum profitetur.

*Fabula de
origine Lao-
tani Philoso-
phi.*

Supra fidem est, quod de illo scribunt, aut verius fabulantur Sinæ, annis octoginta & uno in ventre matris latentem, deinde per latus dextrum in lucem prodiiisse. Argumentum fabulæ sufficit numerus novenarius, quem perfectissimum dicunt, qui novies in se ductus octoginta collegit & unum; quo numero notatur ipsis, quidquid numeris est omnibus absolutum. Cum igitur *Laotanius* ingenio esset atque indole supra vulgarem modum excellenti; tanquam natura laborasset tot annis in eo perficiendo, hunc numerum excogitavere.

XXII. IMP. KIENUS.

Imperavit annis xiv.

*Cyelo 36. an-
no 13 ante
Christum
585.*

Kienus *Tingi* filius imperatoriam dignitatem ac decus utcumque sustinuit. Sed antequam progrediar longius, monere visum est, quæ hæcenus de Sinico imperio dicta sunt, non ita esse accipienda, quasi universam Sinam illis temporibus, ut nunc, complecteretur. Vix enim in modicam præsentis magnitudinis partem tunc patebat. Quemadmodum enim primi Sinarum ab occasu profecti, provinciam *Xensi*, qua maxime vergit ad occidentem, habitare cœperunt; ita variarum familiarum capita paulatim novas inde sedes quærivere. Nam post provinciam *Xensi* proximè *Hanan*, *Peking*, *Xantung* colli cœptæ; quæ provin-

ciæ

ciæ jam inde constituto in Sinis imperio, ab uno omnes regebantur. Forma imperii legitimi erat, omnibus provinciis, quæ magnum *Kiang* fluvium, Boream versus accolunt, unum Imperatorem agnoscentibus, ejusque virtuti atque imperio sese ultro subjicientibus. Sub *Yo* vero omnium etiam, quæ ad Austrum jacent, notitia erat. Ille enim singularum geographica descriptione facta, quibus stellis essent plurimæ subjectæ, annotavit. Nondum tamen populi admodum frequentes erant, nec Sinico imperio parebant. Postea vero quam Imperatores sæpe plures susceperunt filios; excepto illo, cui tradebatur imperium, reliqui vel reguli creabantur, vel ipsi novas terras quærentes, Australes oras coluere, deductis subinde coloniis. Sic nova regna constituta, sic gentes regnantium virtute, humanarum artium institutione, agricultura præcipue, atque id genus aliis ad obedientiam mitigatæ. Hinc Sina paulatim universa, ut nunc longe lateque habitari cœpta, demum in unum imperii corpus formamque coaluit, ut deinceps docebimus.

Sub hoc igitur imperatore fit prima mentio regni *U*, cujus parens *Taipeius*; de quo infra non pauca. Situm hoc regnum, quæ *Kiang* flumen oritur, ubi nunc *Suchen* & *Xanking* urbes, ingentes illos tractus, ad mare usque ortum versus è Japoniæ regione porrectos complectebatur. Fit autem hoc loco de eo mentio, quod *Kieno* rerum potente, *Taipeius* junctæ cum *Ci* rege amicitia, communibus armis in *Zu* regem iverit, imperio imminentem. His turbis initium inconsulta libido dedit. Id porro processit in hunc modum.

Erat in villa *Ching* dicta *Zu* regno attributa nobilissima puella, ex *Hia* familia oriunda, Imperatorum sanguis, specie singulari. Hanc *Zu* rex conjugem optabat. Sed *Uuchinus* præfectus intercessit, negans id more fieri, quo vetantur Sina uxorem ejusdem cognominis accipere, tametsi nulla se cognatione contingant. Haud multo post præfecto cuidam eandem in uxorem petenti, objecto nescio quo impedimento, matrimonium istud etiam idem *Uuchinus*

Puella belli occasio.

disturbavit. Qui subinde ad *Ciinum* regem legatus, pacis cum eo confirmandæ causa, cum ei per *Ching* villam esset iter, visa puella, subito in ejus amorem exardescens concubinam duxit. Hoc audito Præfectus ille, cujus votis *Uuchinius* offererat, de fraude monuit regem suum, & apud furentem repulsæ dolore, tantum valuit, ut ejus jussu funditus *Uuchinii* familia deleteretur. Ejusque rei perfacilis erat molitio; quod ista familia sedem habebat in terris, in quas ipse cum potestate præfecti tenebat imperium. Id ubi nunciatum est *Uuchinio*; vindicta stimulante, non jam *Ciinum* regem ad pacem, sed ad bellum contra *Zuum* continuandum hortatur, ad hoc suam etiam & amicorum operam pollicitus. Effecturum quoque se, ut *U* rex insuper contra *Zuum* bellum sumat. Hisce promissis lætus *Ciin* rex, eum ad *U* regem cum muneribus mittit, ejus amicitiam, sociæque arma contra *Zuum* petiturum. Et ex voto cessit legatio; quæcunque volebat obtinuit omnia *Uuchinius*. Qui *Uum* armorum ac præcipue currum usu minus peritum, per idoneos homines militarem disciplinam ita docuit, ut in totum inde regnum didita strenuos bello multos protulerit. Communibus itaque armis *Ciin* & *U*, *Zuum* aggressi, variis proeliis afflixere, donec coactus est pacem petere. Quæ quidem ita convenit, ut parte ditioris amissa *Zuus*, omni præterea imperii captundi spe, quod maxime his temporibus spectabat, excideret.

XXIII. IMP. L I N G U S.

Imperavit annis xxvii.

*Cyelo 29.
anno 27. ante
Christum
571.
Barbatus in-
fans.*

*Amica fra-
trum pugna,
uter accipiat
regnum.*

Lingus *Kien* filius cæsarie barbaque promissa in lucem editus esse fertur; spiritualis sive intelligens ex merito dictus. Et si enim eo imperante multa inter reges bella exarserint, remque publicam variè miscuerint; virtute tamen ac prudentia ita imperii statum composuit, ut nihil de imperatoria majestate, nihil de provinciis decederet.

Anno hujus Imperatoris undecimo mortuus est rex *U Xeunengius*, cui *Chufanus* ejus filius invictus atque coactus

coactus successit. Quippe sceptrum omni contentione recusavit, cupiens illud in *Lichaum* fratrem natu minorem transmovere. Sed hoc ille natura sibi non debitum causatus eadem constantia rejecit, qua offerebatur raro stupendoque potentiae contemptu, quæ plebisque per ignes ferrumque appetitur. Quid inde factum? ô certamen Christianis dignum! *Chufanus* fratrem pervicaciter fastidientem regnum, per viam in regiam introducit, & regiae vestis insignibus adornatum regem salutat. Sed *Lichaum* & regno & patria deserta fugiens in agris delituit & rusticatu, plus aratro gaudens, quam scepro. *Chufanus* ergo, postquam nulla tergiversandi amplius patebat via, in subditorum denique potestate fuit, prorsus invitum ac nolentem quasi jure suo regnare jubentium. Ut nesciam in sceptrisne speris, an ita captis major insit gloria.

Vigesimo primo quam *Lingus* imperavit, anno, qui ante vulgarem Christi epocham erat quingentesimus quinquagesimus primus, natus traditur in provincia; cui *Xangtung* nomen, magnus ille Sinarum Philosophus, *Confutius*, nunquam à suis satis laudatus; instaurator & explicator literatorum sectæ, quæ una de tribus est apud Sinas nobilior. Sed de hoc ejusque doctrina multa dicemus infra.

Confutius
natus, Sinarum
Plato.

Quod autem supra regnum *Ci* à fratribus turbatum diximus, ii omnes variis bellis ac bellorum inclinationibus interiere: in quibus nonnulli è præfecturis nullius favore fulti, ad regnum prodierant, varia & inconstante fortuna. Vnum tamen excipio è *Ci* regis stirpe, ad quem sub initia hujus Imperatoris regnum quidem rediit, sed imminutum, multisque partibus labefactatum. Vigesimo autem ejus anno *Choangus* regnabat. Is nondum penitus extincta perduellium audacia, ab eisdem interit, ministro cædis *Ciocho* illius Præfecto, regnum occupante. Historicum regium quod illius proditioes in annales retulerat, necari iussit; eandemque ob causam duo illius fratres morte multari. Oprabat perduellis in memoriam sui facinoris posterorum subtrahi notitiæ; sed contra accidit. Non enim defuere, qui eodem tempore non proditiois modo,

Historicus ob
veritatem
necatus.

verum etiam tyrannidis ipsius historiam contexerent. Hinc in scriptorum cadibus inanem operam sumere se videns, imo crimen suum augere; illos persequi desit.

XXIV. IMP. KINGUS.

Imperavit annis xxv.

*Cyclo 36. anno
54 ante
Christum
544.*

*Musica nomine
leges
appellata.*

Kingo Lingi filio imperante U rex Anstralis, cum optaret penitus subicere se imperio Sinico, ejusque leges ac gubernandi rationem cognitam habere; in *Xantung* ad *Lu* regem legatos mittit, qui studerent inibi familiæ *Cheva* musicam pernoscere. Nomine musicæ, quæ penes reges & familias imperatrices esse dicitur, intelligunt Sinæ gubernandi leges, ac modum, qui tum bene se habet, cum omnia, velut in bona musica, inter se congruunt; sed & ipsos modulos, quos coram rege decantare soliti, musicæ vocabulo designant. Illis enim leges & statuta continebantur, ut vel inter cantandum reges, quæ sui muneris, addicerent. Nam quia non facile studiis ac labori se dant; à Sinis ita docebantur, ut etiam abhorrentes eos delectaret discere, quo pacto suos cives gubernare deberent. Et sane nihil magis in rebus humanis optandum, quam bona subditorum gubernatio; propter quam solam reges sunt, vel esse debent. Causa vero missæ legationis ad *Lu* potius, quam ad alios; erat, quia nusquam sub id tempus respublica diligentius, severiusque gerebatur; tum quod erat è familia *Chea* oriundus, illiusque statuta habebat; & una cum subditis suis exsequebatur. Ipsum Imperatorem convenire non est è re visum, & remissius agentem in imperio, & ne jam tum abire sub jugum videretur.

Anno imperii secundo *Ching* regulus, qui provinciae *Xansi* ex parte præerat, videns bellis superioribus disciplinam lapsam esse; ad eam restituendam *Sunkiaum* Præfectum, virum justissimum simul ac prudentissimum suæ ditioni præposuit, qui rem summa fide, consilioque pari administrans, omnium primo

in

in palatio, reformatis & correctis ipsius regis ac totius aulae moribus, censuram agere coepit. Tum ad externa versus, vitia usu ipso, ut fit, semper longius procedentia legibus coërcuit, antiqua Imperatorum optimorum statuta docuit, in eorumque observantiam omni studio incubuit. Deinde rem agrariam instaurans, agros, camposque tanta æquitate, tanta prudentia divisit inter cives, ut nec divites conquererentur de accisis, & pauperes de attributis bonis gauderent, omnes ex æquo diribitorum sublati ac complois manibus effusissime laudarent. Ut autem noscantur in vectæ leges de agrorum divisione, visum est eas hoc loco ponere. Quanquam non à *Sunkiao* inventæ, sed jam olim apud bonos Imperatores in usu fuere. Sunt autem istæ.

Ex agris nona pars in regium tributum cedito. Præfecti inopia cogente subditorum bonis insidientur, certos eorumque dignitati pares redditus habent. Piscatio, etiam in lacunis, permissa omnibus esto. Filius aut uxor, patris aut mariti delictum ne luito. Sed regum præfectorumque pietas eminebat maxime adversus quatuor hominum ex omnibus miserrimorum genera; viduos, viduas, senes absque liberis, pupillos. Hi enim tales omnium habentur miserrimi; quod etiam carmine celebratur huiusmodi. Si bonorum regum pietas erga divites, quanto magis erga hosce miseros est adhibenda? Erat autem agrorum talis divisio, ut omnibus agri portio æqualis obtingeret, nec una familia plus haberet altera. Agri omnes dividebantur in portiones, sive quadrata majora; hæc vero in novem minora, quæ singula singulis colendacederent; medium autem quadratum regium erat, quod in regium tributum ab octo agrorum dominis simul colebatur. Octo quadrata, particularia vocabantur, medium vero commune seu tributum, quo inculto sua colere nemini fas erat.

Leges quædam Sinicae.

Anno Imperatoris decimo tertio *Confutius* ætatis decimum nonum attigerat, cum in regno quod *Sum* dictum, ubi pater illius præfecturam obtrinebat, uxorem ducit. Ex ea primo anno filium suscepit; una illa contentus, & nefas credens, more gentis concubinas superinducere. Quin & hanc postmodum nescio qua de causa

causa repudiavit , vitam vivens calibem , procul alia uxore. Quod eum fecisse dicunt ideo Sine, quo liberius posset ac longius proficere Philosophiam suam , Sinas obeundo. nec uxore nec liberis eum domi retinentibus.

Anno vigesimo tertio cum jam penitus percepisset Philosophiam Sinicam; audita *Lantani* Philosophi apud Imperatorem commorantis fama , ad eum accessit , & de ritibus ac legibus disputantem audivit.

Ritus Sinarum duplicis generis.

Ritus apud Sinas sunt duplicis generis; quorum quinque præcipui felicitas , bellum , hospitalitas , domus sive familia , in quibus quomodo se quisque gerere debeat , ne in transversum agatur , docent. Minores autem ritus sunt sex , adolescentia , matrimonium , sepultura , senum & doctorum hominum veneratio , amicorumque nos visitantium tractatio. De quibus omnibus in Philosophia Sinica optima præcepta & documenta exstant ad mores pertinentia.

Confutii discipuli quot?

Notat historicus Sinensis , anno hujus Imperatoris vigesima natum *Yenhoeium* Confutii discipulum , amorem ejus atque delictum , ob insignem morum elegantiam , intelligentiamque Philosophiæ suæ singularem. Tria millia discipulorum habuisse scribunt ; ex his septuaginta duos exquisitissimæ doctrinæ ; duodecim vero lectissimos Philosophos , id est omnibus doctrinis instructissimos , inter quos familiam ducebat *Yenhoeius* , ab ea re maxime atque ante alios omnes dilectus Confutio.

Filius in patrem rebellis.

Interim *Kienus* regis *Zu* filius , regnandi libidine raptus , ac more impatiens , sollicitatis civium animis insurgit in patrem. Hic ut filii cederet furori , deserto regno ad *Sum* regem confugit. *Kienus* ubi patrem evasisse videt , ira in fidiissimos ei Præfectos quosque diversa , necavit omnes. In iis etiam *Colaum* , extincta cum eo familia universa. *Nyuxeus* vocabatur , è cujus filiis unus *Giyuenus* nomine , quaesitus etiam ad mortem à *Kieo* , fuga salutem apud *U* regem invenit ; orsus ingentem inibi tragediam , ut infra videbimus.

Biennio post Imperatori *Menguenus* filius subrogatur. Sed ejus imperium vix mensem tenuit ; nato tamen

tamen interim in successionem filio. Is in cunis etiam-
num jacens ingenti controversiæ atque adeo belli civi-
lis materies fuit. *Caius* enim *Mengueni* frater in pro-
vincia nunc agens à regionum Præfectis Imperator
eligitur, immaturam & incertam ætatem causantibus.
At qui erant in regia, infantem destinant imperio, de-
signatis, qui dum adolesceret princeps, illud tutelæ
nomine gubernarent. Sed cum neutra pars alteri cede-
ret, ad arma ventum. Vrbs regia, vi atque impressione
capta, *Caio* viam ad solum stravit; *Kingo* etiam de-
mortui fratris nomine, appellato. Quod etsi superiori
videtur esse geminum, apud Sinas tamen longe diver-
sus est character, longe diversa significatio.

XXV. IMP. KINGUS.

Imperavit annis XLIV.

O Misso igitur *Mengueno*, quod uno tantum mense
regnavit, *Kingus* vigesimus sextus occupatum
armis imperium, multis annis satis pacatum te-
nuit.

*Cyclo 37. an-
no 19. ante
Christum
519.*

Quod paulo supra cœpi de *Guyueno* ad *U* regem
profugiente dicere, id est huiusmodi. Habuit in fuga
obviam *Paossum*, quo utebatur intimè; à quo amice,
quorsum tenderet, interrogatus, respondit. *Iter, aut
fuga verius ad U regem est mihi, tyrannum, id est Zu
regem fugienti. Contra hunc illius arma sollicitabo, & ex-
puli regis & occisi patris familieque mea, funditus extin-
cta, poenas regni Zu totius eversione expetiturus. Cui
Paosius, Tu quidem regnum Zu evertes; at ego faciam,
ut illud non multo post suo regi restituatur. Nec enim ha-
Etenus, opinor, amicitia lex procedit, ut præcipitis vindicta
impetum probare debeam, cui omnia suo rege regnoque
sunt merito posteriora.*

*Amicus us-
que ad aras.*

Guyuenus postquam ad *Uum* pervenit, facile tra-
duxit in suam sententiam, regno *Zu* jam ante offen-
sum & nunc inferendi belli occasione gaudentem.
Igitur promisit *Guyuenus* suam & amicorum operam
adhuc in regno *Zu* morantium, nunc oblatum il-
lius regni obtinendi tempus esse affirmans, quando
maxima

maxima illius pars *Pingo* regi indignaretur ob ejectionem patris crimen; & tantum occasionem illum ejiciendi opperiri. Quod certo futurum, si *U* potentissimi regis arma fulgentia tantum oculis contingerent. His motus *U* rex militum præfecturam ei mandat; ac simul ut specie regis *Zu* restituendi sibi regnum occupet.

Cadaver ca-
sum.

Inter hæc *Pingus* moritur, brevi tyrannidis usu; cui tamen *Chaus* ejus filius successit è suffragiis. Hunc ergo bello devictum postquam ejecit è regno; *Pingi* regis sepulchrum aperiri jubet, extractumque corpus trecentis excipi verberibus, ut vel sic patris ac familiæ excidium ulcisceretur; in mortuum non minus impius ac perduellis, quam in vivum regem, & suum. Cetera fortis & animosus, magnoque vir consilio, ut memorabitur suo loco.

Paozius, ubi regnum *Zu* perturbatum undique regesque pulsos accepit; ad *Cin* regem contendit, rogat, ut *Zuo* ferat suppetias, antequam totum ab *Uo* regnum occupetur. Id ex ipsius quoque re maxime futurum, si obstaret *Ui* regis potentia magis magisque surgenti. Non dubitare se, quin exinde, tot terribis poritus, ad subigendum imperium universum sit animum viresque conversurus. Sed cum *Cinus* primo respueret consilium; *Paozius*, qua erat in regem fide, aliquot dies intra palatium, neque capto interea cibo nec potu, se continuit, continuo regni vicem deplorans, pietatemque ostentans in regem. Flexit animum *Cini* tanta constantia & fides; atque ad *Zuum* restituendum, expellendumque *Uum*, tandem exercitum, cui *Paozius* præerat, summisit. Ita duo quondam amicissimi, *Paozius* & *Guyuenus*, manus conferuere, donec tandem à meliore causa, quam *Paozius* sequebatur, stetit victoria; qui pulsus vi copiis *Chaum* ab exilio revocatum, ita ut prædixerat, in regnum restituit.

Confutii ma-
gisterium &
labores.

Anno hujus Imperatoris decimo nono *Confutius* in natali solo regni *Lu* magister factus, publicum illud munus tanta cura diligentiaque gessit, ut regni mores brevi commutarit in melius. Plurimos abusus & hominum sese mutuo fraudantium artes, præcipue vero merca-

mercatorum sustulit. Pondera ac mensuras æquales fecit. Alendi sepeliendique parentum obsequium docuit. Maribus persuasit, ut animi candorem, fidelitatem in omnibus, eximiaque virtutes alias, feminis autem, ut simplicitatem, placidos mores, & castitatem sectarentur. In viâ reperta uisi, qui ea amisisset, nemo tollebat. Quibus aliisque rebus effecit, ut totum regnum uouens familia tua, concors & mutuis obsequiis intenta videretur. Eisdemque mores exemplo suo in regua vicina quædam iuduxit; anno Imperatoris vigesimo multis meritis ad Colai regii dignitatem protractus.

Sub hæc tempora *Chingus Ci* regni Præfectus, occiso rege, regnum occupauit. *Confutius* factum non ferens, à *Lu* rege petiit, ut liceret perduellem punire, securus exemplum: simul bellum moliebatur. At rege salutare consilium aspernante; quia reliquis Præfectis displicuerat, dixisse *Confutium* memorant. *Ego muneris meo non defui; Ci rex audire me noluit, culpa proin, quantacunque in hac lenitate inest, procul exortem.*

Ceterum *Ci* rex modis omnibus amicitiam *Lu* regis ambiebat. Nam & illius vires ipsi formidolosæ, & suorum fides suspecta erat. Quippe tot jam bella pertæxi secessionem meditabantur; *Lu* regno cupientes se subicere; in quo regimeu perquam moderatum, & secura tranquillitas his temporibus maxime vigeat. Hujus igitur regis ut serualet amicitiam, ac simul virtutem infringeret; occupatas olim à *Ci* regibus illius regiones ultro restituit. Pacem præterea petens, subornatam cantatricem, eximia forma puellam mittit muneris loco, quæ regem amore dementatum à virtute auerteret. Raro enim virtus & *Venus* sociantur. Hic omnem movere lapidem iussit *Confutius*, ut rex puellam admitteret. Sed vicit virtutem libido; eaque in concubinam accepta, paulatim amoribus indulgens, mox puellæ artibus longius protractus, denique palam cupiditates solvit. Tum vero regni curam ponere, tum subditorum causas negligere, tum Præfectorum admonitiones insuper habere; plus uni mulierculæ obsequens, quam ceteris omnibus. *Confutius* indignitate rei

*Puella ex-
tiale donum.*

rei motus, magistratu relicto, discessit è regno; indecorum sibi ducens, libidinoso regi servire; ne, cum res male procederent, imputaretur sibi, cum luculenta jactura existimationis suæ, quam ipsi summam summi Philosophi nomen fecerat.

*Confutius
philosophia
contemta.*

Scires Philosophos eo tempore viles esse. *Confutius* quidem variis regibus ostentavit seque suamque philosophiam, exploraturus, num eorum aliquis veller adorare decreta sua. At miser, unde plausum pensabat, probrum tulit; dictus ab illius seculi hominibus per ludibrium errabundus canis, qui nescit domum suam. Inciderat in tristia tempora, queis omnia bello ardebant, regibus, qui ab Imperatore desciverant, in armis jus suum qualecunque quærentibus. Hinc nullus philosophicæ quietis amor; hinc fastidium *Confutius*, cum se operam inibi perdere videret, eam ad discipulos transferenti, scribentique libros, queis dogmata sua complexus, posteritati nobilem se clarumque fecit.

Nec solus *Confutius* à regibus & palatiis demigravit: exemplum ejus alii multi ea ætate Philosophi secuti sunt. Quorum non pauci in agris & montibus rusticationis causa latebant; alii etiam se dementes simulabant, ne improbis regibus servire cogerentur, & inde male audirent. Sed ejus rei unum aut alterum exemplum apponere visum est.

*Simulata
stultitia au-
la odio.*

Accidit, ut, cum regnum *Zu* currum vectus ingrederetur *Confutius*; quidam *Sieyus* nomine ab omnibus pro stulto habitus, illius currum transiens ira caneret. O *Phœnix*! ô *Phœnix*! ô quantum nunc est deformata virtus! reprehendi non possunt, qua adhuc egisti; vide, ut in posterum quoque præclare agas omnia. Exi ab aula, exi. Qui magnos quarunt honores in aula, magna quarunt pericula. Erat hic unus è Philosophis malos reges fugiens, cum videret eos in gubernando præcepta philosophiæ negligere. Cogitabat his dictis *Confutium* in suam sectam trahere: sed, cum descendisset è curru, *Sieyus* optantem cum eo colloqui, ocysus deseruit.

Paulo post in duos rusticos, prope amnem terram colentes incidit; alteri *Changcius*, alteri *Kienius* erat nomen.

erat nomen. *Confutius* ignarus, quā vado transire posset; *Zuluus* unum è discipulis, ut de transitu percontaretur, inquit. *Changcius* vicissim, ecquis curru veheretur, interrogans, ubi cognovit esse *Confutium*; *non est ignotum*, ait Confucio, *qua sibi transeundum*. Innuens his verbis, ut omissa jam philosophia publica, lateret in occulto. Quod Sinica phrasi dictum emphasim habet maiorem, quam latine queat explicari. Tum *Zuluus* ad *Kienium* versus, eodem modo de transitu amnis interrogat. Ille nomen à *Zuluo* sciscitatus, *Orbis totus*, inquit, *in praeceptis abis*; *quis enim retinebit, aut corrigit?* tu vero quando Philosopho das operam, homines perditos quarenti; potius nos sequere, qui & homines & pravos seculi mores fugimus. His dictis semina terrae mandare perrexerit. De quibus *Zuluo* se admonenti *Confutius*, *Homo sum*, inquit, *hominum consortio carere non possum*, & me sociare cum bestiis. Interim quantum in me erit faciam obnixi, ut eos ad virtutem alliciam. In hac posita sunt omnia: quam si amplecteretur orbis, si bonas leges atque correctionem admitteret, nec Philosophorum aliorum indigeret, nec mea philosophia institutus.

Iisdem diebus *Zuluus* *Confutium* sublequebatur; sed lentius, quam ut assequeretur. Progredienti venit obviam senex, canistrum ac scipionem ferens. Interrogatus, num viderit *Confutium*; Vos vero, qui *Confucium* auditis, inquit, *inertissima segnitia*, ac nullius laboris, etiam frugum quas consumitis, nomen ignoratis, similes magistro discipuli. Cui *Zuluus*, *Parcius ista*, senex, ac magis sobrie: si non sint Philosophi, doctique homines, actum est de iustitia, actum de omni virtute; regnorum ac reipublicae recta gubernatio interit. Itane vero? Respondet senex; Vos adeo reipublicae necessarii? Quid est ergo, dic sodes, quod vos primi publicam pacem ignava fuga proditis? & non potius Regum ac Praefectorum discordes animos jungitis? Hic, hic este Philosophi; sine quibus scilicet iustitia, virtus, & ipsa denique respublica stare non potest. At aliud est, quod vos in fugam coniecit. Infamiam odistis, euge! philosophice! ac enimvero commoda vestra plus amatis. Qui profugiunt, cum debent, ac possunt republicam prolapsam restitu-

Objurgatio
Philosopho-
rum.

restituere, infames sunt, ac desinunt esse boni, si fuere. Si mali tantum apud reges manserint, quomodo rectos in regnis mores sperabimus? His similia possem afferre multa; sed hæc sufficiant ad notandam illorum temporum calamitatem, queis antiqua Sinarum simplicitas, & iusti regiminis amor penitus refrixerat. Hinc reges qui ab Imperatoribus defecerant, nihil nisi contentiones ac bella machinabantur. Quibus malis, cum remedium non iuvenirent Philosophi, eorum impense multi, simul homines ac regna fugiebant, status melioris desperatione.

Anno Imperatoris quarto & vigesimo magnum & augeps bellum inter U & Yue reges exarsit. Yue Chekiang provinciam, qua respicit ad Austrum, obtinebat. Duravit autem hoc bellum, donec U regnum funditus exscinderetur, etsi variâ sæpe fortunâ pugnatum fuit. Holius U rex primo statim proelio victus, occisusque Fuchao filio bellum perquam iniquum reliquit; petitam tamen ab Yue pacem, postquam ditioris partem amiserat, certis conditionibus impetranti. Verum occisi patris injuria perpetuo eum ulcerabat; imo jurejurando se obstrinxit eam ulciscendi. Quare homini cuidam in palatio id muneris dedit, ut, quotiescunque se videret, toties exclamaret. Num oblitus es, ô rex, patrem tuum ab Yue necatum? Cui rex, Quo pacto tantum nefas in patrem meum perpetrare ausim, ut hoc obliviscar? Viudictæ igitur triennio imminens, ducibus interea & selectissimo milite collectis, misso cum summa potestate Guyueno, Yue regi bellum intulit. Apud Suchen civitatem ad arma ventum. Ingens commissa pugna; donec tandem Yue cedere coactus, maxima exercitus parte amissa fugam salutem quaesivit. Guyuenus eodem impetu & victoriam & fugientes strenue persecutus, magnum Yue regni tractum occupavit. Ksuciensem Yue regem reliquias fugati exercitus colligentem Guyueni prævertit festinatio. Quare se viribus imparem videns, Chungum hominem facundum legatum mittit ad Fuchoum, præteritorum veniam petiturum, ac pacem; quam & æquis conditionibus impetravit; multum licet contra nitente Guyueno.

Vitioris inculcata memoria.

Guyueno. Huic enim placuerat victoriam prosequi & usquequaque debellare Yue regnum. Itaque sententiam suam exponit regi epistola huiusmodi. *Si rex volebat esse pius, & clementiam in hostes exercere; occisi patris vindicta erat post bellum ponenda. Nulla enim res est, qua magis virtutem augeat & ornet, quam accepta iniuria contentus. Sin animus est omnino vindictam sumere atque explere odium; cur in medio sistis cursu? ad finem usque procedendum, ut conquiescat ira. Posse ac nolle obtinere hostile regnum; id enim vero est contra fatum ire, felicitatem odisse, indulgentiam Cali negligere, inimicos augere. Vereor magnopere, ô rex, ne te tam leniti consilii postea, sed nequidquam, poeniteat. His aliisque rationibus Guyuenus regem suum ad persequendum bellum hortabatur. Sed ille in mitiore sententia perseveravit. Quo cognito Guyuenus ut erat acer & perspicax ingenio, regem præfagio territurus; Quandoquidem ergo, inquit, me non audis, ô rex; scias velim non intercessuros viginti annos, cum Yerex teque ac tuo regno faciet, quod ei tu facere nunc nullo negotio potuisses. In annum huius Imperatoris quadragesimum primum incidit mors Confutii philosophi, postquam tres & septuaginta vixit annos. De cujus dogmatibus atque doctrina, quæ adhuc est apud Sinas in veneratione usuque, pauca dicenda duxi. E prima primi libri sententia totius philosophiæ fundamentum eruitur. Ea sic habet. Magna, siue magnorum virorum doctrina in eo posita est, ut, cum quisque seipsum perfecit, alios quoque perficiat, sic ut omnes unum, hoc est, summum bonum consequantur. Sed sui ipsius perfectio in eo consistit, ut quisque lumen naturale in se accendat clarumque reddat, ita, ut à lege naturæ præceptisve à natura institis nunquam exeret. Quod quia sine vera rerum cognitione scientiaque fieri non potest; inde philosophia danda est opera, per quam, quæ agenda, quæque fugienda sunt, scientiam habeamus. Hac scientia consilia nostra dirigimus; hac voluntatem, hoc est, utriusque actiones perficimus, ut nihil sentiamus, nihil velimus, nisi quod est rationi consentaneum. Exinde corporis etiam existit sensuumque perfectio & in omnibus externis actionibus apta ex*

*Confutii
doctrina.*

Triplex
scientia.

virtute constitutio ; qua nunquam proventura est , si non è bona mente , velut è fecunda terra , efflorescit . Quia vero tria ponit ceteris magis præcipua , Cælum , hominem , terram ; hinc triplicem quoque scientiam facit , cælestem , humanam , terrestrem . In cælo terraque noscenda scientia naturalis occupatur . Hinc Sinæ Philosophi de spirituum bonorum ac malorum natura , de rerum principiis , de generatione & corruptione , de cælorum siderumque motibus , de quatuor temporum varietate , de agris eorumque situ , aptaque ad culturam divisione , deque aliis multis multa disputant . In homine autem instituendo tota est moralis scientia . Illi quæ societatis est appetens , assignant gradus quinque , de quibus agunt fusissime . Primum patris & filii ; alterum viri & uxoris ; tertium regis & subditi ; quartum amicorum , ubi tractant de amicitia ; quintum denique fratrum faciunt . Hos quinque gradus vocant magnos , & cardines aliorum . Agunt dein' de parvis gradibus , qui ad visitantes , tractandosque hospites , morum item civilitatem atque modestiam , ac totius adeo corporis decentem compositionem pertinent . Horum autem graduum tria millia esse affirmant .

Pietatis nomine quid
Sinæ intelligant ?

Præterea tractant de tribus virtutibus præcipuis , prudentiâ , pietate , ac fortitudine . Ait autem *Confutius* , prudentia ritus omnes sciri atque cognosci ; fortitudine exerceri atque expleri ; pietate denique nos illis conjungi ac velut inferi . Sed pietatis nomine non intelligunt Sinæ solum amorem in Deum , parentesque ac seipsum ; verum in omnes homines . Et hinc est , quod virtutem cordis eam definiant , & regulam amoris , qua de omnibus bene merendo , eos decenter tractemus . Multa insuper est philosophia Sinica in explicanda justitia , fidelitate , atque illa virtute , qua alterius animum metimur . Hinc frequens illud *Confutius* totidem fere verbis : *Ne facias ullis , quod pati nolis* . Et in hoc summam perfectionem constituit . Qua de vindicta disserit , inimicis benefaciendi studium nec probat , nec improbat . Idque non aliqua animi ab heroica virtute abhorrentis mollitie ; sed ut appareret magis in modo amicos inimicosque tractandi

standi differentia, his nihil mali faciendo, illis multum boni. Addidit tamen, æquo animo ferendas injurias esse hætenus quidem, ut nulli faciam male, quia ab illo offensus fuerim; sed ut eodem modo sim erga amicum atque inimicum affectus. Quod ego *Confutium* in eam partem dixisse autumo; si forte par esset contra reipublicæ aliasve leges utriusque crimen.

Deum verum agnovisse perquam est verisimile. Nam eo tempore nec erant apud Sinas idola, nec eorum cultores; unum Cælum venerabantur; ipse quoque rationem à Cælo nobis infusam, quodque in Cælo est, esse sine figura perfectissimum ac summum, asseruit. Adhæc à Cælo puniri malos, & se, si male ageret, ab eodem puniendum confitebatur. Nec probabiliter dici potest, materia constans Cælum intelligi voluisse; sed eum, qui Cælum à se conditum sedem sibi legerit, ubi singulari atque augustiore modo fulgeret ejus majestas. Nemo enim Philosophus admiserit à Cælo aspectabili naturam rationalem nobis infundi.

Multa alia eaque præclara ex *Confutii* libris asferre possem; sed non sunt hujus loci. Vnum tamen omittere non debeo quod mihi Philosophus quidam Sinensis, & ille Christianus, ex ultima sententia libri *Chien-tien* à *Confutio* scripti probavit magna mea voluptate atque admiratione; *Confutium*, prævidisse verbum carnem futurum, idque non dubia spe præcepisse, quin & annum in Cyclo Sinico, quo futurum esset, cognovisse. Id autem ex hac historia, quæ in eo, quem dixi, libro extremo refertur, sic mihi ostendit. Anno hujus Imperatoris trigesimo nono, qui fuit Cycli trigesimi septimi quinquagesimus septimus *Kengxin* dictus, forte *Lu* regis venatores exportam urbis occidentalem, animal rarum *Kilin* nomine, sed hoc solo notum apud Sinas, captum occiderant. Constanti fama celebrabatur, cum visum esset animal ejusce prodigii, successurum magnæ sanctitatis heroem, summæ, quæ posset orbi contingere felicitatis nuncium. Id ergo ubi nunciatum est *Confutio*, ingenti suspicio pectus concutiens, *Quis te advenisse Kilin dixit? quis te advenisse Kilin dixit?* ingemina-

*Confutius
Christum fu-
turum ho-
minem præ-
vidisse vide-
tur.*

vit. *Iamjam doctrina mea extremum spectat, jam finem habet, cum tu advenies.* Hæc ubi dixit, averſo ad parietem vultu effuſiſſime flevit.

*Kilin quale
animal,*

Notandum vero *Kilin* Sinis appellari placidiſſimum ac manſuetiſſimum animal, quod neminem lædat, nemini malum inferat, imo nec mortem offerentibus noceat. Hinc ille Chriſtianus affirmabat, geminum vocabulum, quo nobis Agnus Dei ſignificatur, per *Kilin* Sinice explicari poſſe. Nam Agni nomen Sinarum ſuboffendit aures, quod in eorum lingua nulla ſit Agnum inter & hædum diſtinctio. Ex eo igitur, quod illi ipſi characteres anni, quo *Kilin* occiſus eſt, annique nomen *Xengxin*, cum eo, quo Servator noſter poſt annos quadringentos & ſeptuaginta quinque natus eſt, prout conſentiant; hinc iſtum annum *Confutius* cognitum eſſe conjiciebat. Quod autem fleverit, id animi gaudio abundantis, quo in adventu Sancti ſanctorum per *Kilin* ſignificati afficiebatur, impetum fuiſſe. Quod exinde nihil ſcripſerit, librumque de regum correctione affectum, nondum plane conſectum hic finierit, & ſuam doctrinam ceſſare dixerit; ſignificabat adveſſiſſe verum legiſlatorem, qui bella, qui turbas omnes componeret, cui omnes Philoſophi ſectæque cederent. Quod denique *Kilin* occiſus, ex eo fortasſe Servatoris necem conjeciſſe; præſertim cum occiſus ſit ad portam occidentalem, extra quam *Ieſus Chriſtus*, ſicut ovis ad immolandum ductus eſt, cruci pro ſalute generis humani affixus, immerita morte occubuit. Hæc mihi Sinenſis Philoſophus, ego lectori iudicanda relinquo.

*Magna Con-
futii exiſti-
mitio.*

Quanti vero æſtimatus apud Sinas *Confutius*, quantæ authoritatis fuerint ejus libri, ex eo intelligas, quod aliquid eorum, quæ dixit, quæque ſcripſit, in dubium revocare, vel immutare ſit neſas. Illum ut abſolutiſſimum Philoſophum habent; illum totius imperii magiſtrum atque doctorem venerantur; illius libri tantum deferunt, ut duobus verbis, ipſe dixit, omnia è contrario diſputantium argumenta cedant. In ſingulis civitatibus magnificam illius honori exſtrunne Academiã; ſed unam duntaxat; intra mœnia. In quo

quo ab Idolorum templis discernitur, quæ & plurima, & multis in locis ædificantur. Statuam illi non efformant, sed solum nomen literis aureis exaratum Academiae fronti superimponunt; cui honores habentur, qui vivis magistris solent. Ad eam nec semper patet accessus, nec omnibus; literatorum est hæc prærogativa, nec nisi statis diebus. Contra idolorum sana semper sunt & cuilibet aperta. Vnde prona est conjectura, *Confutium* ab eis non coli numinis loco, sed observantia, quantum ipsius virtus & eruditio meruisse visæ, neve ipsi adversus eum, ut unicum totius regni præceptorem ingrati esse videantur.

Principem familiæ *Confutianæ*, quæ adhuc floret, continuo reguli dignitas velut hereditario jure sequitur, Imperatorum tamen beneficio. Præterea civitatis ejus, in qua natus est *Confutius*, summus Præfectus ex illius stirpe semper est arcessendus. Denique omnes ipsius posterī gaudent privilegiis magnis & singularibus, eo solum nomine, quod sint oriundi è *Confutio*, maximique fiunt ab omnibus. At licet tot jam seculis, inclinante se ex alio in aliud fortuna, magna sit rerum facta commutatio; istius tamen familiæ privilegia sunt accisa nunquam. Tanta est Sinis referendæ gratiæ cura erga illum, à quo doctrinæ atque philosophiæ præcepta acceperunt majores sui. Patendum est quidem, Sinensibus Philosophis nostros longe antecellere scientia, præsertim ea, quæ in solius cognitionis voluptate quiescit; huic tamen uni major honos apud Sinas, major etiam privata utilitas provenit ab eruditione, quam fortasse apud nos literatis omnibus. Ex quo intelligitur, cum illius doctrina fuerit infinitis propemodum partibus inferior atque abjectior, quam istius seculi; Europæos tamen erga præceptores esse magis ingratos quam Sinas. Dicas fortasse hunc solum apud eos Philosophum extitisse; unde non mirum tantis honoribus ornatum esse. Non est ita. Nam nec alii quamplurimi defuere, nec desunt adhuc; nullus tamen unquam eo felicitatis processit. Addam hoc loco brevem panegyricum paulo post mortem ejus à discipulo quodam scriptum, & ad

Honor Confutii posthumus.

verbum, qua licuit, translatum, ut styli etiam Sinici energiam videamus. *Tenyuenius* ille fuit, qui cum de magistro suo loqueretur, suspirans gemenſque dixit. *Quanto altius attollebamus oculos, tanto longius aberat Confutii virtus; quanto magis eam penetrabamus, tanto erat solidior atque impenetrabilior. Primo aspectu æſtimantibus communis ac vicina videbatur; at repente longiſſime à noſtra diſtantiem cognoſcebamus. Magiſter noſter pulchre atque ordine homines docebat; noſtram ſcientiam continuo minorem reddebat; compendiarie ritus omnes tradebat. Optabam ſæpe ab illius doctrina diſcedere, nec poteram; omnes ingenii nervos intendeſbam, ut aliqua intelligerem, aut optans longius progredi viam. Nemo enim pervenire ad Confutii virtutem poteſt, uti nec adnota qualicunque ſcala calum aſcendere. Multa brevitatis gratia prætereo, ut ad noſtros Imperatores redeamus.*

XXVI. IMP. YUENUS.

Imperavit annis **VII.**

*Cyelo 38. anno
3 ante
Chriſtum
475.*

YUenus acceptum à *Kingo* patre imperium ſanctiſſime adminiſtravit, & avitis legibus uſquequaque conſentaneè. Inſigni pietate, benignitateque in populum pari, à ſubditis juxta ac regulis amabatur. Hinc ex iſtis plerique omnes ultro ad obſequium rediere; præcipue qui Orientem verſus imperitabant. Vnde imperatoriam maiestatem utcunque ſuo ſplendori reſtituit; & ſi diuturnius obſiſſet imperium, ſpes erat, fore, ut jacentem rempublicam Sinicam denuo excitaret. Sed magna raro ſeneſcunt. E regulis omnibus, de quibus modo dictum, unus rex *Lu* reſtoreſcentis imperii fortunam inſegit, renuens Imperatoris clientem ſe profiteri. Quare tanquam rebellem proſcripſit, inaudito in eum diem exemplo. Imperatoris cauſam non ſegniter adjuvit *Kius Lu* regis Præfectus, qui adverſus ſuum regem rebellis multis proeliis ac proditiōe tandem *Lu* regnum pene totum occupavit. Hic miſſis legatis ac muneribus petens ab Imperatore, ut, quod vi obtinuerat, jure poſſidere fas eſſet; id facile accepta fiducia impetravit. Neque hic Imperatoris ſterit

*Prima reguli
in Sinis proſcriptio.*

stetit felicitas. Nam paulo post U & Yue regna fiduciaræ quoque possessionis esse cœperunt. Ea res acta in hunc modum.

Kiucienus Yue rex impetrata, ut diximus, ab U rege pace, ad reliquas sibi terras iuste atque legitime regendas animum applicuit; in eo totus, ut afflictas bello vires recuperaret. Itaque veteranis militibus novos addere, contentaque & assidua disciplina utroque habens, ipse armorum tractationi veluti gregarius assuescere. Ita non paucos annos consumserat, cum affertur nuncius, *Guyuenum* ab U rege rei militari præfectum obiisse. Iamque rem suam eo loci esse videns, ut U regi bello par esset; collatis cum eo signis, amissas primo terras recuperat. Altero deinde conflictu iterum victor, ipsum regem fuga elapsum in urbe *Sucheu* obsidet. Hic *Uus*, ubi se captum magis quam obsessum vidit esse, per legatum pacem petit. Nec abhorrebat ab ea *Kiucienus*; natura propentus ad misericordiam, & olim ab illo, cum in iisdem esset angustiis, impetratæ pacis memor. At conditionibus *Fanlius* obsticit egregius bello dux, & armorum felicitatem prosequendam ratus, *Paucis abhinc annis*, inquit, *favente Calo tuum regnum erat in U regis potestate, si voluisses esse felix. Nunc, ubi bonitatem illius neglexit, in has angustias inclusus est. Cave sis, ne & tu Calum offendas; quod dat, accipe, regnumque de manibus elabi ne sine: Mutatus his & aliis rationibus rex, & abjecto pacis consilio, arctiori obsidione Uum premit. Qui proinde omni spe abscissa, cum effugium non videret, ne vivus in hostium veniret manus, mortem voluntariam sibi concivit. Ergo Kiucienus occupata urbe, Fanlio ad totum regnum debellandum, & in suam potestatem redigendum summæ rerum illic præposito, ipse Kiang Cæruleumque flumen trajectus, ad Imperatorem videndum triumphantis specie contendit. Apud *Stucheu* civitatem Cs & Cyn reges obviam ei procedebant; à quibus exceptus Imperatoris nomine, ut in ejus fidem se clientelamque conferret, invitabatur. Nec ille cunctatus, sub imperio *Youni* se obedienter fore promisit. A quo benigne simul ac magnifice*

acceptus, clarisque titulis & honorum insignibus ex-
cultus ad suum regnum revertitur, leges Sinicas se-
cum atque instituta deportans. Itaque *Kiucienus* pri-
mus fuit, qui ingentes illos terræ tractus, qua se *Che-*
kiana provincia diffundit, & *Nanking* Sinico Impe-
ratori tributarios fecit.

*Fortuna fa-
ventis excel-
lens fuga,*

*qua tamen
fugientem
insequitur.*

*Iterum repu-
diata fortu-
na.*

*Ejus in a-
lium savi-
ties.*

Interea rem strenue gerit *Fanlius*, totam regionem occupando, & qui erant ab *Ui* exercitu reliqui, ad internecionem cædendo. Verum nunquam fortior vi-
sus, quam cum se vicit ipsum; quippe fortunam sibi minime faventem suspectans & exosus, illam sibi lu-
dendam prius putavit, quam ab ea ipse luderetur; exemplum vel in *Christiano*, nedum in *Ethnico* pro-
fus obstupescendum. Videbat se apud *Yue* regem fa-
ma supra modum, opibusque crevisse; reputansque secum prudentissime, non posse se stare sine casu, col-
lectis, quæ poterat, in regnum *Ci* fugam intendit. Ibi latere se posse rebatur, mutatoque nomine reli-
quam vitam privatum & in quiete transigere. Sed enim virtus ubique seipsam vel invita prodit. Agni-
tus enim à rege, atque in regiam invitatus, summam præfecturam, multum licet obluçtans, sumere co-
actus est; toto regno tantum sibi hominem gratulan-
te, nuo ipso in communi lætitia mœstum silentium tenente. Scio, inquit, fortunam nec diu nec uni pro-
nam comitari. Id ego quoque malo meo experior, quem re-
rum omnium ipsiusque patria fastidientem, in exterum regnum contumaci favore prosequitur, jactans ad honores,
quos si me intemerato amaret, eripere debebas. Nunc pro-
fecto tristis aliquis me casus manet, nimia felicitate labo-
rantem, & in tanta fama celebritate parentem invidia.
Has ob causas ordinatis rebus quam secreto potuit, capta denuo fuga, & adscito alio nomine, in agro
apud figulum delituit, securus fortunæ, rotæque ipsius, in figuli rota bene ac sapienter irridens.

Non ita sapuit *Chungus* ejusdem *Yue* regis Præfe-
ctus, qui proximum à *Fanlio* dignitatis gradum te-
nebat; ille inquam, cujus consilio ac prudentia vi-
ctus *Yue* rex ab *Uo* pacem impetraverat. Nam post-
quam ad summam gloriam venerat, nescio cujus cri-
minis

minis reus, à rege iussus est sibi ipsi ferro iudicare. Paruit, ambitiosa morte defunctus. Quippe Sinarum reges hoc habent in usu, jam olim frequentatum, ut, cum aliquem Præfectum morti addicendum putant; honoris ergo tribuant ei, ut sua sibi manu viam afferat, ne cadat aliena: quod in probro extimatur. Mittunt igitur gladium vel funem aurea capsula sigillo regio munita inclusum reo, cum mandato, ut suspendat se, vel feriat; contestantes, id in honoris gratiæque singularis argumentum illi exhiberi.

*Tristis bonæ
ultronea
mortis.*

XXVII. IMP. CHINTINGUS.

Imperavit annis XXVII.

Chintingus à patre imperium, imperioque pene restitutam dignitatem per manus accepit; pulcherrimo cognomento castus Imperator dictus, quod mortuæ conjugis servata fide permanserit in cœlibatu. Mirum rarumque factum. Nam apud hanc gentem Magnates regesque nullam libidinem respiciunt; in tantis divitiis & honoribus unas voluptates ad beatitatis apicem sibi deesse rati. Sunt enim utplurimum Athei, & quia post hanc vitam nullum iudicem timent, omni scelere cooperti; unde nullus eis pudor sanctus, nullus torus illibatus, nulla libido execrabilis; cujus extimulati furii, ad eam explendam omnem lapidem movent.

*Cyclo 38. anno 10. ante
Christum
468.
Castus Imperator.*

Iisdem annis regnum Cyn Præfectis in regem insurgentibus prope funditus eversum est. A sex autoribus orta primum rebellio, in tantas angustias coniecit regem, ut regno una cum anima tandem amisso, tota insuper ejus familia cognatioque sit extincta. Inde coorta inter sex rebellionis duces de obtinendo toto regno contentio in bellum exarsit; quod vario eventu gestum, totam fere Xansî provinciam & Peking ex parte, qua occidenti adversa, excidio dedit, duobus etiam perduellium omnino sublati è medio. Quatuor reliqui regionem inter se partiti, eam quisque partem, in qua cum exercitu erant, tenere. Hinc quatuor facti

Rebellio regiam familiam excindit.

re-

reges; primus *Chipeus*, secundus *Han*, tertius *Chao*, quartus *Quei*, de quibus multa in loco.

Fratres hostes.

Moritur interea Imperator, relictis filiis jam adultis tribus *Kincio*, *Xocio*, *Queio*. Isti non tam fratres, quam hostes fuere; cupidine dominandi alium adversus alios armante. Nec aliter jurgia sunt quam parricidiis sopita. *Kincius* enim ætatis prærogativa primo electus, tertio post mense à *Xocio* trucidatus; hic imperium evadens, cum inauguraretur, *Sus* dictus, parricidii poenas brevi dedit. Nam quinto tyrannidis mense à *Queio* fratre victus bello, necatusque, quantum facinus admisisset in majorem natu debuit à minore discere; magna imperii parte hujus sequente fortunam. Ita imperium fuso duorum fratrum sanguine devolutum est ad *Queium*, qui ubi sceptrum cepit, appellatus est *Caus*, mihi trigessimus familiæ Imperator, quod ab octavo & vigesimo duo fratres intercesserint.

XXX. IMP. CAUS.

Imperavit annis xv.

Cyelo 38. anno 38. ante Christum 440.

CAUS igitur occupato per parricidium imperio, Cæjæ majestatem multum imminuit, regulis non paucis obsequium rumpentibus. Et est notatu dignum, quod Sinici scriptores referunt sub hæc tempora Martem ad constellationem *Sin* dictam pervenisse, quæ nostro seculo à tertio gradu Sagittarii usque ad gradum vigesimum ac paulo amplius extenditur. Et quoniam in *Yui* Imperatoris divisione terris, quas *Sung* rex habebat, dominabatur hæc constellatio, *King-cungus* ibi terrarum tunc rex, quam qui maxime de tali conjuratione sollicitus, astrologos consulit, quidnam portenderet. Illi respondent vel *Colao* malum aliquod, vel toti populo calamitatem annumve sterilem promitti. Tum rex ingemiscens, *In meam perniciem*, inquit, *si quod imminet Colao, redundabit malum. Hic adjutor meus, hic monitor fuit: hoc fulcro innixa respublica adhuc stetit. Si vero populus calamitatem accipiet; illius ego quoniam modo expers ero, cum pro-*

Pietas regis in plebem.

probus rex fortunam subditorum suam existimare debeat? si denique annonâ charitas impendat, qui ero auxilio fame tabescentibus? qui tuebor nomen regis, si meus nequeo dextram porrigere? Præclara & plena pietatis oratio; qua Astrologus audita, Cælum quidem, ait, altum est & longissime disjunctum à nobis; nihilo tamen secius audit humilia. Istâ tua pietate, rex, profecto efficies, ut hæc tempestas in caput tuum promissa, moderante Cælo vertat in melius. Simul his Martis circulum observans, ubi tribus gradibus mutatum vidit, hoc regia pietate factum asseruit. Ita regem ab inani timore, à vanitate suum vaticinium liberavit.

*Martis fidus
in gratiam
regis retro-
cedit.*

Paulo ante hæc tempora *Lingcungus* regni *Quei* rex mortua conjuge ad secundas nuptias processit, ducta in matrimonium improbiſſimæ libidinis femina: de qua mihi tacendum arbitror, ne inhonestâ narratione castæ aures feriantur. *Queius* certe *Lincungi* è priore filius, turpitudinis impatiens, necem ei moliebatur. Illa contra novercali armata odio, falsis criminibus privignum apud regem arcessere, atque eousque urgere, ut profugere coactus sit, *Cheio* parvo filio in regia relicto. Interea mortuo regi nepotem populus substituit; promptam bello materiam. Nam *Queius* à filio præreptum sibi regnum indigne ferens, jus suum armata manu prosequi statuit. Et faciebat spem certam victoriæ tum causa, tum multorum auxilia, quos inter & *Zuluus* olim *Confutii* discipulus erat. Ergo ingenti collecto exercitu regnum invadit. Occurrit illi armata manu filius; multisque commissis proeliis tandem à filio pater vincitur, tanta clade affectus, ut ejus vix nuncius superesset. *Queio* dein etiam extincto, *Zuluus* desperatis rebus, seipsum interfecit. Quod ei *Confutius* sæpe prædixerat, violenta scilicet morte decessurum; & hujus rei capiebat omen ex illius audacia ingenique violenti fervore.

*Noverca
odia.*

*Bellum pa-
tri cum filio.*

Aliter aliam novercam *Minzakienus* & ipse *Confutii* discipulus sibi demeruit. Obsequio promptus, odiumque novercale doctus etiam in amore flectere. Pro dunt historici Sinenses eum admodum iniqua domi noverca usum esse; cui de filiis suis unica erat cura,

*Amor no-
verca tole-
rantia pro-
curatus.*

cura, de privigno nulla. Hunc pater, sicut mos illorum temporum ferebat, ad currum, quo vehebatur, regendum admoverat. Forte accidit, ut hieme ob magnitudinem frigorum habenas tractare non posset, interrogatus causam à patre, ne se purgando novercam accusaret, obtulit. Ille tamen advertit implicitum aptumque tempori responsum. Reversusque domum, & uxoris filios concinnè vestitos videns, repudium meditabatur. Et jam domo eam ejicere parabat, cum *Minzukienus* patrem sagaci dicto interpellans, *Compesce, pater, hunc impetum*, inquit. *Si enim hac ejecta tertiam duxeris; non unum tunc, sed tres domi filios habebis pereuntes frigore.* Hac ratione non parris modo, verum etiam novercæ amorem sibi conciliavit.

Argute ac moderate dictum.

Iisdem temporibus regno *Ci* nova belli tempestas incubuit, multorum adversus regem rebellione. Sæpe nec segniter regem inter ac perduelles pugnatum, donec tandem familia regia una cum rege deleta, intrusus est alienus. Inter perduelles eminebat integra familia *Tien* dicta, quam adfirmant authores innumerablem pene filiorum ac nepotum turba, nec minus divitiis pollentem, quin imo ipso rege istis superiorem fuisse. His animos hominum sollicitare, petentibus alimenta & fruges, quantacunque mensura vellent, mutuas dare, ac sine molesta exactione recipere. Sic populi, præcipue vero egentium benevolentia sibi obnoxia, in tantum crevit, ut omnes tam proluxe meritum de publico regem optarent. Ingeus enim, etiam ad obtinenda regna, momentum est, benefecisse. Hinc audacia tumens animisque hæc familia, in regem velut importunum insurgit, necatque. Perduellionis aurem ut à se dimoveret infamiam; regis occisi filium fastigio imponit, addito, qui *Colai* munere fungeretur, ejusdem filio, quo speciosius fallerent. Nam præcipuis præfecturis per filios suos ac nepotes occupatis, ipsa totum mox regnum invalit, solo nomine regi relicto.

SINICÆ HISTORIÆ
LIBER. QVINTVS.

XXXI. IMP. GUEILIEVS.

Imperavit annis xxiv.



Vi sequuntur anni ferme trecenti, quæ imperium penes familiam *Chenam* fuit, historicis Sinensibus tristi appellatione *Anni Bellorum*, sive Regulorum contentio insigniuntur. Hi namque atrocius quam unquam alias inter se depugnare; cum quisque nullo æqui & iniqui discrimine sibi palam imperium armis ambiret. Nulla fidei, nulla Imperatoris amplius habebatur ratio; cui præter nomen nihil erat relictum. Amisissis enim paulatim provinciis, hæc familia funditus interiit; alia introducta: nova quoque multis in rebus forma reipubl. constituta est; ut videbimus.

Gueiliens ergo *Chai* filius postquam obtinuit imperium; novem illa vasa ab *Tuo* Imperatore fusa è cupro, arcana quadam vi contremuere: quod imperii collabascantis omen habitum.

Sed *Chao* adhuc imperante res accidit hoc loco non prætereunda. *Kienzius* regulus jam senex, utrum è duobus filiis successorem destinaret, ambignus, utriusque indolem inspexit hoc experimento. Binos libellos optimis præceptis refertos describi iusserat ejusdem prorsus exempli. Singulis unum partitus mandavit, ut sedulo volverent traderentque memoriæ. Lapso præfixi temporis spatio ambos ad se vocat. Interrogatus primo *Pelius* (hoc erat filio natu majori nomen) de libello deque contentis in eo sententiis, hand sane pulchre stetit. Nam & librum amiserat, nec unam ex eo sententiam memoriæ mandaverat. Tum pater ad *Unsioum* filium minorem versus, eodem modo interrogat, Hic & librum, quem diligenter

Cyclo 38. anno 53. ante Christum 425.

Anni bellorum.

Omen à vasis novem tremantibus.

Explorata filiorum indoles à patre.

genter servarat, ostendit; & omnes sententias enumeravit. Mox, ne in fratris veniret inanus, inflammavit libellum, quod diceret suam sibi memoriam sufficere. Atque hoc vel in parentem obsequio vel discendi studio successionis jns fratri præripuit. Hunc enim regni successorem pater, omisso majore filio velut inobsequente, declaravit.

*Factus regis
repressus.*

Ex iis quatuor, qui regnum *Cin* armis subactum sunt inter se partiti; *Chipeus*, audax & inquietus animo, nec non multiplici victoria insolens, postquam multas occupavit terras; elatus, tres reliquos impune spernebat. Totum proinde regnum in deditionem redacturus, inferre bellum parabat unus omnibus; nisi mors interveniens destinata dissipavisset. Reliquit tamen *Chisiangum* mali corvi malum ovum, quod ajunt. Hic truculentius etiam se, quam pater gerebat ac superbior, omnes alios præ se despiciens. Forte *Kang-tius Hengtiusque*, ille *Han*, iste *Quei*, reges, & una ipse convivium inierant ad regni confinia; cum inibi supra superbiam & audaciam vino calens, probris *Han* regulum ac *Tuonqueium* summum ejus Præfectum procacibus verberare coepit. Indignantibus cunctis solutoque convivio, *Chisiungum* domum reversum *Chiqueus* illius affinis objurgandum ratus, Si, qui præest aliis, inquit, observantiam nihil ad se pertinere modestiamque credit; na is magnopere decipitur, eumque damna ingentia calamitatesque manent. Tum superbe atque adeo stolidè *Chisiangus*, *Damna*, quæ minaris ac calamitates ex me uno pendent. Si damnum ego ipse mihi non intulero, quis audeat inferre? *Chiqueus* contra, Si princeps parvis etiam in rebus caute atque circumspicte agit; parum quidem capiet detrimenti. Nunc, o rex, ubi temere nullaque causa probabili & in regem, & in summum ejus Præfectum contumeliosus fuisti; absone sane res est prudentia tua: pariaque metuas necesse est. Hic ille multo quam ante superbius & abscesse? Ain' tu? timenda mihi talio? timendus regulus? timendus Præfectus? ego vero neque hos neque illam timeo; abstineat ille, per me licet, ab eorum offensa, qui timeret.

Neque

Neque hactenus ejus intemperantia stetit. Tanquam Kangtium regem obnoxium sibi fecisset injuria; legatum misit, qui suo nomine peteret oppidum ditioni suæ vicinum, non alio jure subnixus, sed quærens undique materiam belli movendi. Cunctantem jus suum adeo iniquo exactori cedere, Tuonqueius adhortans, *Prudent consilium Tuonqueii.* Satius est, inquit, ac pio justoque rege dignum, homini turbulentiſſimo unum oppidum dari, quam populum vexari bellis; nec, ut partem retineas, totum regnum subijci periculo. Bellum hoc oppido redimes, & ejus jactura satiabis avarum animum; cujus alioquin est, nunquam satiari. Nec enim dubitandum, quin, ubi voluntate tua potietur hoc oppido, aliis quoque regibus, incubitura sit importuna cupiditas; cui vel obsequendum erit, vel habendum bellum. Tum tu aliena calamitatis eventum ex alio prospicies securus, & prout tempus feret, rebus tuis ac regno providebis. Valuit apud Kangtium Præfecti non tantum consiliantis, sed etiam vaticinantis oratio. Vix enim traditum erat oppidum Chisiango; cum aliud ab Hengtio Quæi regulo per legatum petiit. Huic *Item alterius.* jam decretum erat, negare, quod petebatur; sed à Ginchangio Præfecto salubriora doctus, animum flexit. Equidem inficias ire non possum, aiebat ille, si tam recordi sis animo, ut sine causa cedas alteri, qua tua sunt, è re tua vel dignitate nequaquam fore. Si tamen jus tuum ab homine truculento nonnihil accidi patièrè; duo potissimum efficies, è quibus haud mediocre tuis rebus emolumentum accessurum esse spero. Primum enim Chisiangus omnium subibit odium, intolerabilem fastum, & ad se aliena rapientis proterviam execrantium. Tu contra, quod alterum est, tuis Præfectis, tu populo rex pius, rex justus, rex sapiens salutabere; tu amor eris omnium, qui minui ditionem tuam malueris, quam populum formidare bellum. Ita concordibus animis juncti, cum feret usus, à tam pio rege stabunt omnes; ita tibi loca cetera belli securiora erunt.

Posteaquam ergo Chisiangus & hoc oppidum obtinuit; lætus quidem potentia, cui omnia tam erant prona, sed quod nulla dum belli fulgeret occasio, inquietus, quod à duobus jam extorserat, exposulavit

*Conspiratio
in Chifian-
gum.*

Proverbium.

à tertio. Is erat *Unsiou* rex *Chaus*; juvenis prudens & animo forti; cumque de fama sua videret agi, si priorum regum sequeretur exemplum, legatos infecta re dimisit. Simul ad bellum se comparat. *Chifiangus* ex adverso, quod mireris, in auxilium *Changtio Hengtio*que vocatis in *Unsioum* movet. Is animose primo reges tres excepit; dein vero gnatus duos regulos ab alienatis animis esse à *Chifiang*o, statuit non manu, sed consilio vincere. Ad urbem ergo *Cinyang* cum exercitu se recepit, quam gaudio antonæ copia, omni-que armorum genere munitam adeo pugnaciter tuebatur, ut nunquam impressionem facere sit ausus *Chifiangus*. Quare fluvio deducto tentat eam aquis mergere, sitam in humili loco, consilioque præsentis opportuam. Atenim ea de re commonefacto à duobus regulis *Unsiou* expeditum fuit urbem ab aquis incolumem servare, civium ac militum suorum industria & labore ductis fossis ingruentem fluminis vim alio divertentium. Tum ad regulos, hoc magis obnoxios sibi, quod coacti sequerentur *Chifiangum*, eique hoc etiam nomine offensi essent; *Changmengtanum* Præfectum fidum inprimis hominem mittit. Qui cum non sine vitæ discrimine, concubia nocte, nataudo flumen superasset; ad regulos eadem nocte admissus, quæ habebat in mandatis; exposuit. *Nostis*, inquit, *vetus dictum*, *præcis labiis dentes obrigescere*. Sic vobis futurum creditote, si auxilio vestro rex meus à *Chifiang*o vincetur, haud mitius in vos consulturo, quam in illum. Hæc aliaque prolocutus consilia cum eis agitat de modo ac die, quo eum perditum irent. Quis constitutis oppido lætus, quæ venerat, ad regem suum natando rediit. Vbi ergo præstituta dies illuxit, *Unsiou* delectam militum manum ex condicto emittit in custodes aggerum, quis flumen erat in urbem derivandum. Transitum ad ulteriorem ripam reguli jam per collusionem straverant. Quo cum primum evasere; custodibus obtruncatis dejiciunt aggeres, aliisque fossis flumen magno impetu aquarum in hostilem exercitum haud sane robustum deducunt. Hic milites, *Chifingiangi*, malo inopinato oppressi, confu-

sisque

sisque ordinibus, dum eluvionem certatim effugere contendunt, à duorum regulorum copiis, & *Uusianis* insuper erumpentibus ex urbe, tanta strage lacerati sunt, ut nec nuncius illius superesset. Ipse quoque *Chisiangus* intolerandæ superbiæ suo interitum pœnas dedit. At non unius tyranni sanguine parentaverat *Uusius* iracundiæ suæ; sed calentem adhuc victoriam urgens, omnem *Chisiangi* ditionem suæ potestatis fecit, eique consanguinitate propinquos omnes undique conquisitos exstinxit. *Chisiangi* cranium pretioso illo *Sinen*si glutine, quod & rebus nitorem affert, & à corruptione defendit, illitum adhibuit pro poculo; quod extremæ vindictæ signum est apud *Sinas*.

Cranium hostile pro poculo.

Verum quia mortalium etiam pessimi suos fautores habent; nunc è *Chisiangi* Præfectis *Yuiangus* nomine, cranium sui regis versum in poculum vehementer indignatus, *Uusioi* morte factum vindicare decrevit. Nec diu cunctatus immistisque famulitio palatino, famulum & ipse simulat; occultansque sub veste pugionem, ubique animum intendit in occasionem, incautum regem ferendi. Prius tamen, quam conficeret scelus, agnitus, fuga sibi consuluit. Postea vero, quam in eum ubique inquirebatnr; totum corpus nescio quo glutine oblinens, elephantiacum comeloque carbone mntum se finxit, ne denuo agnosceretur, interim sedulo regem observans ad necem. At ne sic quidem satis tuta fraus fuit. Et si enim plerosque ac suam adeo conjugem fefellerat, à vetere tamen amico agnitus est. Quem is, ubi tam informem videt, motus commiseratione sic affatur. Quo dementia processisti, o amice, paulo ante summis honoribus potens & gratiosus? An ignoras ab *Uusio* te in pari statu collocandum, postquam ei servire in animum induxeris? Et si quidem, ut ais, in occisum regem tuum pietas te huc adigit; an non satius erit, ut nunc obvia fortuna beneficio usus tum denique adversus illum amoris fideique exemplum edas, cum pronior obsequetur occasio? flecte mentem! dilapsæque felicitatis perfidiam sperne; ne te te ipsum eas perditum, cave! Talia suadentem excipiens *Yuiangus*,

Vindicta studium.

gus, Si apud alium, inquit, hac diceret, cui nihil præter honores dulce; pondus habere quæat oratio tua. Mihi vero quid persuasurum putas, dignitates & honores omnes fastidienti? Et fuit, & est adhuc certum mihi Ulsioum e medio tollere; ecquonam pacto in illius esse servitute sustineam? Enimvero duorum cordium homo (quo quid Sinis ab honestate remotius?) talis tamen audiam, si tantum concipiam dedecus; eroque mulieris instar nubentis duobus viris. Quam adhuc rem tentavi, non equidem parvas in angustias me adduxit; sed consilium quo pulcherrimum facinus aggressus sum, magno me opere solatur, reputantem præsertim, hoc exemplum proditurum ad posteros, ut pudeat alteri servire, ab uno domino digressum. Dum hæc cum amico loqueretur; ecce tibi Ulsious adest animum relaxaturus equitando. Dirigit subito metu Yuiangus, & sub pontem, quem transiturus erat rex, subreplit; nihilo tamen secius intentus ex occulto in prætereuntem, parato jam pugione confodiendum. Iamque pontem adibat rex; cum equus, quo vehebatur, nec hortatibus nec stimulis obsequens, pervicaxque continet gradum. Id in omen impendentis mali acceptum; & famulis omnibus undiqueversum omnia quærentibus, Yuiangus agnoscitur, protractusque trucidatur è vestigio. Magnum tamen apud Sinas, ut veræ virtutis ignaros, hujus nomen à fide fuit; quam laudem meretur, quisquis uni tantum servierit, nec adulter, (quod Sinica phrasi perduellem significat) sed fidelis appellatur.

*In authorem
redit.*

*Magnus honor apud
Sinas, domi-
num non
mutare.*

*Venheus Phi-
losophorum
amans.*

*Omen fau-
stum a plu-
via.*

Sub hæc tempora mortuo Guei, regni regulo successit è filio nepos Venheus, comis, liberalis & præcipuus doctorum hominum amator. Quis artibus electi Philosophi ad eum quam plurimi confluxerunt. Forte post venationem in mapali quodam cum aliquot Philosophis epulabatur; cum cælum nubibus triste pluviam formidabilem minari cœpit. Quæ priusquam caderet; Venheus equis currui junctis domum properans, à Philosophis, ut maneret, invitatur. Quorum princeps, Inter epulas, inquit, ac sonos musicos felicitatis est omen cadens pluvia. Hac te manere jubet; hac claudis iter tibi. Morem igitur calo gere; ac, donec sudum erit,

erit, *lubens mane.* Paruit rex, & facilitati hoc deferens, & Philosophorum amori. Ex quo in proverbium abiit *Proverbium.* apud Sinas, cum volunt hominum doctorum amatores laudando extollere, *Venheo*, ut audiat sapientes, est mapale pro palatio.

Idem *Venheus*, ubi Præfecto *Loyango* duce ditior- nem *Chungxan* in provinciæ, quam *Pekin* vocant, con- finibus occupavit; urbem, quæ modo *Chinting* di- citur, filio primogenito contra leges Sinicas jure be- neficiario tradidit. Quippe soli fratres vel secundò geuiti beneficium ejusmodi commodare solebant. E Præfectis deinde suis cum percontaretur, rectene fe- cisset, an lectus; plerique, ut in aulis assolet, ubi sæ- pe veritate potior est adulatio, ceu pii regis factum collaudarunt. Uni *Ginzoo* libertas constitit; qui, *Pius dici non potest*, inquit, *nec egisse, quod pii solebant olim reges, qui fratri contra jus fasque primogenitum antepo- nit.* Rege in tam libere loquentem atrociter inve- hente, *Ginzous* pejora metuens excessit aula. Super eadem re rogatus à rege sententiam *Yaoquangus*, ju- sti tenax Philosophus, itidem pie factum esse respon- dit. Cui rex, *Et id unde colligis?* Tum *Yaoquangus*, *Arguta re- In aula, in qua rex pius est, aulicos fideles esse, ac vera- gis commo- loqui existimo. In his Ginzous princeps, qui verè locu- nitio.* tus est, atque ita, ut fidelem ministrum decuit. Cum igitur circa te tales habeas aulicos; quidni te pium regem existimem? Sensit acutum & sagax dictum in se mitti rex; & in filio præferendo peccatum cognoscens, *Ginzoi* fidem æstimavit. *Yaoquango* itaque quam pri- mum ad eum reducendum misso, venienti processit obviam; laurè acceptum, velut sapientem ac sibi fi- dum majori post in honore habuit.

Inde versus ad *Likeum* præceptorem suum ex eo sciscitatur in hunc modum, *Sape de te audivi, pau- peri familia probam & rerum attentam mulierem esse necessariam, ut res familiaris perduret ac crescat; regno autem pari ratione probum prudentemque Colaum.* Duos habeo, *Chingum* & *Hiangum*; quorum alterutrum *In ministris deligendis quid obser- vandum.* huic muneri destinavi. Sed utrum alteri præferam, nunc à te potissimum exspecto. Cui *Likeus*, *In hac ancipiti ele-*

Etione videndum censeo, quid quisque amet, cum domi privatus agit. Si dives est, quid quantumque largiatur; si pauper, quid non agat aut omittat; sin exerceat præfecturam, quos qualesque provehat ad procuraciones minores, quidque, cum, qui eligit; est inops, recuset accipere. Atque ex his facile discernes, opinor, quem ad summos honores promoveas.

*Ab Ukio ca-
de uxoris
quasita di-
gnitas.*

Vt autem intelligatur, quod mortales præcipitet ambitio; de Ukio quodam, qui vixit his temporibus, hic pauca subnectam. Erat hic acer militiæ quidem, animique magi; sed gloriæ immodicus. Cujus summo cum scelere conjunctæ talis ei materia suppeditavit. *Lu* regni cum *Cio* bellum erat; cui bello ut legatus præfesset *Ukius*, allaborabat unice. Sed votis ejus obstabat uxor è regno *Ci* oriunda; *Luo* de mariti fidem ambigente. *Ukius* ut exsolveret se hac suspicione, uxori sua manu vitam eripuit. Deinde in hostile regnum contendens, victoriam reportavit; quæ res ad supremam ei militum præfecturam gradum fecit, etsi à plurimis apud regem parricidii arcesceretur. Post etiam contra *Cinum* movit, & eo quoque devicto quinque cepit urbes; promotis armis sine dubio capturus plures, nisi pax inter reges coaluisset. Ceterum *Ukius* non tantum bello strenuus, sed etiam mirifice fuit abstinens. Inter milites ei vita gregarii modo; victus & vestitus cum illis communis; labores, vigilias, stipendia, prædas denique dispartiebat æquabiliter. De accumulando auro nihil unquam sollicitus, unam aucupabatur gloriam, cujus cupiditate volitabat. Sed de hoc infra plura.

XXXII. IMP. GANUS.

Imperavit annis xxvi.

*Cyclo 39. an-
no 17 ante
Christum
401.*

GANUS *Gueiliei* filius imperium auspicatus à munificentia, *Tien* illius nepotem, qui regnum *Ci* turbaverat, reguli primum dignitate donavit. Deinde postquam *Ci* rex nullo regni relicto herede decessit; ejus regni, qua patebat, armis vendicati fiduciam eisdem commisit. Sic familia *Taicungi*, ab *Uo* Imperatore

tore regno Ci olim donata, interiit; nobilis continua fere successione regibus undetriginta, & ab Uo Imperatore ad vigesimum usque tertium hujus Imperatoris annum profeminata.

Mortuo interim *Venheo Guei* regi *Uuheus* filius suffectus *Ukium* ducem ingentibus promissis ad se invitavit. Contigit autem, ut secundo flumine cum *Ukia* delaberetur. Cui regni sui robur & opulentiam laudanti, *Atqui regnorum securitas*, ait *Ukins*, non in hoc, sed in virtute consistit. Quia si rex careat; vel isti, qui nos vehunt nauta, nobis in hostes sufficere possunt ac perturbare regnum. *Vuheus* vera dixisse *Ukium* non modo ut fortem, sed ut sapientem etiam ducem colaudavit.

Sapiens dicitur militis.

Hinc adversum *Cin* bellum moturus, enim exercitui præfecit, è prima victoria secundam sibi promittens, si opera victoris uteretur. Nec enim sua spes destituit. Quippe tanta iterum clade affecit hostem *Vkium*, uti *Cin* à *Guei* rege cogeretur pacem petere. Sunt alia non pauca ejus præclara facinora, quibus *Guei* res ac felicitatem auxit; nisi omnia corrumpere immodica & nunquam satiabilis ambitio. Hæc illum ex hoc etiam regno ejecit. *Guei* rex de *Colao* legendo deliberabat; maxime anceps, *Ukium* huic muneri, an *Tienuenum* quendam præponeret. Hinc inter eos magna gliscebatur de dignitate contentio. Cum uterque coram rege merita sua jactaret altercando; *Tienuenus* acerrime callidus, quia virtute non poterat, *Vkium* astu superavit; apud regem in malæ fidei suspicionem vocans enim, ac velut advenam obterens. Non ignarus ejus rei, nequid forte gravius in se statueretur, profugiens *Vkium*, ad *Faum Zu* regem iter habuit. Ibi cognita viri virtute, castrorum Præfectus ingenti omnium plausu declaratus, ex hostibus regnum *Zu* deinceps victorias reportavit hand paucas. Præterea regulis nonnullis ad amicitiam pacemque ab rege *Zu* petendam compulsis, ad summos honores, quo referebat omnia, processit. Verum non expers fuit & hic virtus invidiæ. Quidam enim ferre non poterant hominem extraneum, quique primum advenerat, ad hoc

Æmuli Vkiæ infesti.

culminis ascendisse. Hinc & à Præfectis aliqui adversus illum insurgere, laudes ejus obrectare, ac præcipue fidem criminari. Sed rex tanti viri virtute securus, cujus egregia in se merita perspecta sibi essent, haud dedit aures calumniantibus. Qui cum hanc artem sibi nil prodesse cernerent; non in *Ukium* modo, sed & in regem machinantur exitium. *Ukius* comperto quid ageretur, seque ac regem egregie tutatus, perduelles sceleris convictos necat; reliquos regni perturbatores in exilium ejicit. Inde nova regiminis ac politiae forma introducta, nimiam Præfectorum licentiam restrinxit; effecitque, ut omnes ab uno rege penderent, omnes unius domini nutum intuerentur. Antea namque rex quadamtenus à summo Præfectorum consilio pendebat. His talibus præquam speraverat, *Ukius* regnum *Zu* auxit, ornavitque, at operæ suæ non digno pretio. Hinc enim vicinis regulis omnibus *Zui* regis potentia formidabilis: hinc & conatus omnium ab hoc etiam regno *Ukium* extrudere volentium. Accedebat odium Præfectorum & magnatum in regno *Zu*, clam illum ob necatos ejectosque parentes persequentium; at præcipue ob debilitatam Præfectorum potentiam. Non enim commune regni, sed suum emolumentum quærebant. Tandem res eo devenit, ut facta conjuratione, in suismet ædibus occiderent; & à reliquis regulis, & suapte vindictæ cupidine stimulati. Et hunc vitæ finem *Ukius* habuit.

Vkii cadet.

XXXIII. IMP. L I E U S.

Imperavit annis VI I.

Cyclo 39 anno 43 ante Christum
375.

DE *Lio Gani* filio, nihil memoria dignum reperio, nisi quod hoc tempore imperatrix familia *Chena* valde debilitata, Imperatoris antem majestas apud omnes jam fere viluerat. Vix ullum à regulis obsequium; omnes spreto Imperatore suis rebus studere. Unus *Li* regni regulus è *Liena* familia *Queius* nondum abnuebat imperium; qui patri proxime superioris Imperatoris beneficiario successor datus super iis, quæ ab imperio ille acceperat, sacramentum renovavit.

novavit. Quo factum, ut unus quoque apud bonos omnes esset in honore, fideique fama inclutus.

Adhæc proditum Sinenfium historiis, *Quicum* regem prudentia fuisse præditum prope singulari. Quippe arte aliqua magnoque judicio Præfectorum in provinciis morantium acta expendebat, scrutabaturque; aulicorum dictis, plus ostentationis præ se quam rationis ferentibus, minime fidens. Subornabat etiam certos homines, qui observarent sedulo, verane an falsa essent, quæ de illorum gubernatione acceperat.

Inter alios erant Præfecti duo, quorum alter in aula continuè pessime, alter audiebat optime. Cum ergo clam, ut ei mos erat, fidos homines inisset exploratum; alia cognovit omnia. Nam ille flagrans infamia, provinciam sibi creditam probe administrabat; contra is, cujus fama celebrabatur rem pessime gerebat. Tum utroque vocato, coram aulicis omnibus ita primum alloquitur. Ex quo ditionem Me (sita est,

qua provincia Xantung definit in promontorium, ubi nunc Kiao civitas) commisi tua fidei; nulla dies abit, quin de te querelas audiam. Certis tamen authoribus compertum ac cognitum est mihi, agriculturam haud mediocriter abs te auctam, apertis etiam prolatisque longius campis; populum rerum omnium abundantia latum; tribunalia quieta, sine rixis, sine partium litibus; præterea effecisse te, ut è confinibus nulla contra nos arma moveantur; quin omnia in alta pace, ac quiete procedere. Sed & illud scio, cur adeo rem præclare gerens, male tamen audias. Aulicos meos non delinis pretio, nec muneribus gratiam aucuparis. His dictis collaudatum, ad majores honores inde provexit. Deinde ditioni, Oo dictæ (tunc erat, ubi hodie Tungping civitas) Præfectum alloquens, iam inde, ait, cum te Oo ditioni praposi, quotidie tuis laudibus onerabantur aures meæ. Interim me non latebat, nullam te agrorum curam gere-re, ut rem facerent agricola; populum, quem tibi concedidi, frigore perire, ac fame. Imo vero tua socordia factum, ut terram Pilin vastaret hostis; pervastandam funditus, ni Kiuenus Quei regulus tibi venisset auxilio. Nec ignotum est mihi, è quo fonte scaturiant, ac toties auribus

*Quei regis
solertia in
explorandis
munistris.*

Iniqua delatio.

Graviter pu-
nita.

*meis obstrepant laudes tue. Hos, qui adstant, aulicos mā-
gnis largitionibus corrumpis. Vnde tibi tanta munerum
copia? profecto à miseris civibus extorques. Talem homi-
nem vivere diutius haud decet; sed & hi, quorum favo-
rem alieno emisisti, una tecum morientur.* Itaque non il-
lum modo, sed, quotquot ejus partibus studebant, ac
speciosis mendaciis regi illuserant, omnes inexorabili
severitate vivos exuri jubet. Indē reliquos aulicos
præfectosque tantus terror invasit, ut nemo jam vi-
tia vel sua vel aliena colorare specie virtutis auderet,
omnibus in hoc unum intentis, ut partes suas sedu-
lo ac fideliter explerent. Qua re Ci rex ingentem
justi regiminis gloriam obtinuit, ut etiam Impera-
tori anteponeretur. Tantum valet boni regis cura de
suis, ac sollicitudo.

XXXIV. IMP. HIENUS.

Imperavit annis XLVIIII.

Cyclo 39. an-
no 50. ante
Christum
368.

IN demortui fratris locum subrogatus *Hienus* (fuit
enim *Liei* frater natus minor) diu quidem impera-
vit, si tamen imperasse dicendus est, qui vix aliud,
atque Imperatoris nomen habuit; regulis omnibus
eum deferentibus, imo palam insectantibus. Quippe
vasa imperatoria vendicare sibi quisque nitebatur,
eaeque propter unum à cunctis peti se videns, omni-
bus in *Sin* profundissimo lacu demersis, ambientium
spes atque conatus omnes elusit. *Cin* tamen postea
quam occupavit imperium, eo maxime incubuit,
ut eruerentur. Adhibitisque plus quam mille viris ei
negotio, casse tritum tempus est. Hujus Imperato-
ris infelicitas visa portendi cometâ, præfago malo-
rum sidere; qui ad occidentis *Sinæ* plagam effulsit,
anno istius imperii octavo, ante Christi vulgarem
epocham trecentesimo sexagesimo primo. Erat his
temporibus magnæ spei, nec minoris ingenii adole-
scens; discendi ultra modum avidus, ac præcipue cau-
sarum capitalium studio capiebatur, *Tangus* dictus,
Guei regis nepos, è concubina genitus. Hic ad *Quei* re-
gni *Colaum*, *Xoxom* nomine, profectus, in ejus se
disci-

Tangus indo-
les, docilitas.

disciplinam tradidit simul atque servitium, quo facilius audire docentem posset. At ille discipulum diligenter, intentum, rerumque magnarum capacem suspiciens, non omnia tamen scientiæ suæ arcana explicanda ratus, eum nonnisi perfunctorie docere instituit. Timebat enim, ubi ejus in discendo ardorem perspexit & ingenium, ne magistrum superaret. Subinde *Xozaus* aeger morbo gravi, ab rege invisebatur. Huic inter colloquendum de *Yango*, quis esset, unde domo? roganti, *Xozous* respondit in hunc modum. *Hic etsi adhuc juvenis, senili tamen atque adeo singulari virtute pollet. Ne omitte, rex, opera illius uti, quamcunque committes provinciam, obituri sane perbelle ac fideliter.* Rege ad hoc tacente, mutata in consilium commendatione *Xozous*, *Si adhibere non vis, ait, Yantum ad moderationem regni tui; vide, ut illum quamprimum occidas.* *Hac enim cautione opus est, ne à te discedens, alterius se regis addicat obsequio.* Placuit regi consilium; & cum, *Hoc enim vero agam*, dixisset, ab eo discessit. Vix abierat, cum *Xozous Yantum* ad se vocans, quid cum rege locutus esset, exponit, hortaturque, ut ocyus ornaret fugam. *Xangus* sibi ipsi discors consilium risu excipiens; *Si rex, inquit, te non audiit, ubi me administrando regno ut aptum laudavi-visti; quanto minus te audiet, cum occidendum suavisti, & innocentem?* Navata igitur aliquamdiu regi opera, ubi mutatum ejus erga se animum notavit, periculum propiori contemplatione sibi subjiciens, ad *Cinum* regem se recepit. Qui primo paulatim, specie tentantis, illo usus, at subinde doctrina ejus atque prudentia, quæ in negotiis ei commissis euituere, cognitis, tandem ad *Colai* dignitatem prolatum, maximeque in honore habitum apud se retinuit, maximo regni bono. Is enim, quæ ad rectam ejus gubernationem pertinere visa, præclare multa constituit. Primum illud, ut, qui perduellem deferret, quique occideret, eodem uterque præmio afficeretur; qui vero eum occultaret, eadem poena teneretur, qua regnum invadens latro. Primos opimosque reditus ac dignitates illis assignabat, quorum virtus clara bello fuisset; otiosos vero,

Periculum.

Fortuna:

Sanctiones.

vero, qui nec agro, nec artificio serico darent operam, pestem, ut sunt, reipublicæ vocabat, eosque collectos perficiendis publicis regni operibus admovebat. Pauperes, qui non manci, sed patientes laborum essent, & tamen mendicatio viverent, captivos declarabat omnes, devotosque primi capientis servitio, eo pacto, ut ad vilia saltem obeunda munia compellerentur. Militarem præfecturam nullam committebat iis, qui è regio erant sanguine. Divites de republica nil meritos nullo honore nec nobilitate dignos judicabat, nec ornatu splendido vel domi vel foris permittebat uti. Pauperes contra vel ex eo, quod operam reipublicæ saltem aliquam exhiberent, haberi ab omnibus in honore voluit; otiosis autem & sine publico munere aut opificio viventibus nullam fidem haberi, in litibus quidem, dicendoque testimonio. Erat enim ea bonis iniqua conditio, qui vexati decerpique facile caderentur testibus ejusmodi, cibum, non æquum spectantibus. Sanxit præterea, ne viatores admitterentur, nisi à Præfectis, qui ad hoc in singulis locis vigilabant, publica fide instructi. His rebus, mirum quantum regis Cini vires excreverint. Hinc certe toties imperii occupandi ab his regibus prima consilia coquebantur. Non modo autem has tulit leges; sed constanti ac plane nimia severitate minima quæque urgebat, & ut ad amissim omnia servarentur, sedulo invigilabat. Accidit nonnunquam, ut ipse regis filius idemque regni heres in leges peccaret. Tunc Yangu dixisse memorant. *Quod leges non servantur à populo, inde est, quia primo contemnuntur à summis, quorum exemplum ad alios quodam quasi jure devolvitur. Mihi quidem filium regis & regni heredem punire non licet, parentis iram verenti; verum illius præceptor est plectendus, ut impofterum commissi sua fidei principis majorem curam gerat. Profecto enim discipulorum noxa in præceptorem redundant.* Dictum, factum: & quam poenam princeps debebat, *Cung sunkinus* (hoc erat præceptoris nomen) pendit ignominia præsigni notatus, ustusque candente ferro. Decennium Yangu Colai officio functus, legum à se latarum observantiam continua severitate sancivit.

Discipuli delicta padagogus luat.

*Et luit.
Regni sub
Yango felici.*

fancivit. Vnde regnum *Cin* usquequaque reffloruit. Res ab aliis amissas, nemo repertas humo tollere; nulla silva latrociniiis, nulla civitas sicariis infesta; annona ubique laxissima. Nec minor rei militaris felicitas erat. Miles numerosus ac fortis; duces fortissimi. Denique Philosophis regnum abundans, raro litterarum armorumque consortio, junctos Martem Pallademque vidit. Quia vero in rebus etiam minimis, ceu dictum, severus erat ac durus ultra modum; tyranni notam haud effugit, odium apud multos adeptus. Quare mortuo rege *Hiao*, apud *Hoeium* successorem ab inimicis meditatæ rebellionis delatus est. Rex juvenis illi jam ante offensus, quod initia dominationis nimia censura perstringebat, & præceptorem tam acerbe tractaverat, faciles calumniantibus aures præbuit. *Tangus* ejus rei non ignarus & ultionem timens, profugit è regia. Sed à nemine exceptus, quod, ut ipse sanxerat, publicam fidem non acceperat, eodem coactus est reverti. Vbi regis permissu à fremente populo interfectus, direptis ejus ædibus totaque familia extincta, documento fuit, jubam leonis non solo pectine mulcendam. Moriens dixisse fertur, *Quod ipse mihi intrivi, mihi exedendum fuit*; legem, cujus ipse author erat, intelligens, necubi viator, sine publica fide reciperetur.

Tangi odium.

Exitus fatalis.

Consilium in authorem redundans.

Inter hæc mira quædam nec illepida inter *Ci* & *Quei* reges extitit contentio qualem alias inter reges nunquam exortam puro. Ad regnorum confinia specie venationis convenerant. Ibi contra *Cinum* conspirantibus, ut locis armis illius potentiam frangerent; inter colloquendum forte de lapillis incidit sermo. Tum *Queio Cium* interrogante, num raros habeat, elegantisque ac pretiosos uniones; primo negavit habere, nec talia magni se æstimare. At ego subjecit *Queius*, etsi meum regnum non esset admodum amplum, tamen decem habeo lapillos, ovi fere magnitudine, quorum quivis adeo fulget, ut ad duodecim stadiorum spatium profundat lucem. Cui *Cius*, Mei lapides à tuis longe diversi sunt; quippe qui vivunt ac spirant. Quatuor, inquam, Præfectos in totidem provin-

Bonus minister gemma est.

provinciis habeo, tanta virtute præditos tantoque splendore, ut etiam ad mille stadia radios diffundant, dum iustitia & æquitate meum regnum in pace, populum omnem in officio continent. His auditis *Queium* verecundia cepit, satis intelligentem, non lapides sed bonos præfectos magni esse debere. Hoc autem *Ci* regis dictum apud Sinas in proverbium cessit, etiamque nunc est in usu, bonos regis Præfectos laudare volentibus, istud acroama, *Quatuor Præfecti mille stadia illuminant*. Antequam hæc de unionibus esset inter eos orta contentio; *Guei* rex illatis *Chao* regi armis victor, *Hantan* etiam munitissimam urbem ceperat. Verum haud diuturnus illius victoriæ fuit usus. Quippe reducem *Ci* rex prælio fudit, nullo tamen icendi fœderis, de quo dictum, detrimento. His temporibus Sinæ belli maxime curribus utebantur. Erat tum illustre nomen cuiusdam *Kiupeni*, viri manu strenui, militarisque disciplinæ, præsertim vero curulis, admodum periti. Unus quingentis curribus dux præponi posse ferebatur. Hujus tamen industria *Queius* utendum non censuit, levia quædam commissa obtinens, in quibus erat maximum, quod ova duo è rustici domo, militari præfectura tum, licet ignobili fungens rapuerat. Sed enim *Zufius* & ipse tribunus militum, post acceptam à *Cio* cladem, ad regem adiens: In legendis, ait, militiæ Præfectis, optime rex, illud faciendum existimo, quod fabri faciunt lignarii, qui non, quia lignum justo longius aut brevius, idcirco abjiciunt, sed adhibent ad id, ad quod aptum videtur, illoque dolando potius ac poliendo, tandem ultimam imponunt operi manum. Ne, rex, difficillimis hisce temporibus *Kiupenum* sperne; sed objurgatum ob delicta superiora muneri, cui aptiorem & magis egregium habes neminem, præpone. Placuit regi consilium, ob idque collaudato *Zufuo*, mox *Kiupenum* rei curuli præfecit.

Haud inulto post in *Hanum* regem exercitum eduxit. Is viribus suis parum fidens, cum *Ci* rex poscenti ferret suppetias; amicitia inter hunc & *Quei* regem iterum discissa, novo bello campum apernit. *Queius* enim, quo binis regibus obsisti posset, accitis, undecunque

cunque licuit, copiis *Xinum* filium ampla cum potestate præposuit, addito, qui ei esset à consilijs, *Pangkiueno*. Accessit altera quoque armorum causa, cum quod ab illo post occupatam *Hantan* victor rediens clade affectus sit, tum quia desertum jus superius amicitiae. *Han* autem per Præfectos *Ci* regis advenientem *Xinum* angusto ac difficili loco, qua ei penetrandum erat, instructis insidiis prætolatus, incantum invasit, & ingenti strage laceratum, ad ultimum etiam in equestri colle (ita locus dicebatur in montibus prope *Taming* urbem) captum tenuit. *Pangkiuenus* vero dux, ne vivus in hostium potestatem veniret, ipse sibi gulam præcidit. Bis omnino morte dignus, & suopte iudicio, & quia tanta clades accepta in ejus ferè unius persona constitit. Nimia enim securitas sui, hostiumque contemptus fecit, ut ei hostiles insidiae non intelligerentur. Stratagema successit in hunc modum: *Xino* adversus *Han* movente, jamque ingressu regnum, ex parte altera *Ci* regis auxiliares copiae in *Guei* regnum ingressae recta regiam perunt. *Queius* in his angustiis deprehensus, cum hosti non aliter ire posset obviam, *Xini* una cum *Pingkiueno* revocandi consilium cepit. At hic, ut erat aliorum contemptor, *Ci* militem parvi pendere, nec obscura contemptus signa edere. Advertit ea res *Tienkium*, *Ci* regis affinein ac ducem auxilium; illiusque negligentiam simul & audaciam suis rebus opportunam videns, hoc stratagemate sibi sumpsit expugnandum. Primo centum hominum millia contra eum ducit; commissoque prælio fugam simulans, in castra se recepit. Paucis post diebus quinquaginta tantum millia ostendit hosti, quasi reliquorum partim fusi, partim fugati essent. Iterumque confertis manibus in castra, ut ante, undique vallata rediit. Alio deinde die tertium in eundem movet cum viginti tantum millibus, collocans interim in equestri colle copias omnes in insidiis, & inibi proceram pinum depangens, superimposito vexillo cum hac inscriptione. *Pangkiuenus à me in pugna cecidit. Adeste mei milites; quos praterita strages in fugam abstulit; en regni Guei*

Visronea
mors.

Stratagema
ingeniosum.

spolia

spolia in vestra manu sunt. Quos autem in insidiis posuerat, eis imperat, ut conspecto igne confestim exsurgant, invadantque *Pankiuenum*. Interim cum viginti millibus pugnam ciens, collatisque signis repente, quemadmodum antea, canit receptui. *Pankiuenus* tertia jam fuga, non dubitans esse debellatum, fugientes insequitur summa vi, contemptuque hostium tanto, ut jam nullos servaret ordines. *Tienkius* vero fugam ita ordinavit, ut sero diei ad insidiarum locum veniret. Ergo sub crepusculum erectam pinum prætergressus, nova quasi castra molitur. At *Pankiuenus* conspecto in arbore vexillo & inscriptione fulminatus, confestim ignem subjici jubet. Quo viso, qui confederant in insidiis, sui ducis, ut erat, signum rati, subito confurgunt, sparsosque & inconditos sine ordine *Quei* milites aggrediuntur; *Tienkio* interim se insequentibus in arctissimo quodam loco animose resistente. Ita *Pankiuenus* maxima clade accepta, insigne documentum dedit, hostem nunquam contemnendum esse. Nam ut plurimum, qui nihili vires hostiles æstimat, accidit suas, & negligenter atque contemptim pugnam ineundo, viam præsternit hosti ad victoriam.

Quid præcipue in administratione reipubl. spectandum.

Floruit his temporibus *Mentius*, nobilis facundusque Philosophus, qui apud Sinas, cum à *Confutio* discesseris, primas tenet; philosophiam doctus à *Sutio Confusii* nepote. Hunc jam senem interrogavit aliquando, quid in bona reipubl. administratione primo ac præcipue spectandum esset. Cum *Sutius* populi lucrum respondisset; excipiens *Mentius*, *Atqui vir probus ac sapiens*, inquit, *pietatem ac justitiam populum docet, regitque virtutis utriusque præsidio.* Tu contra quamobrem lucrum primo querendum censeas, haud sane intelligo. Cui *Sutius*, si recte calculum ponas, eadem est utriusque sententia. Germanum lucrum, de quo loquor, nonnisi ex pietate atque justitia existit. Nam si rerum publicarum Rectores pii non sunt, damna subditi faciunt necesse est, non sine imminutione dignitatis suæ; sin iusti non sunt, id vero non regimen, sed regiminis potius umbra sit, sub qua impune latebunt latrocinia, è quibus quid populo

populo lucri speres? immo vero præter rei familiaris multiplex naufragium timeas? Scopus ergo pietatis ac iustitiæ regni lucrum est: in hoc collineandum primo dixi, quod sit media pietate ac iustitiâ. Hinc liber, Yeking, Lucrum, inquit, est iustitiæ comes; lucro studemus, ut tranquillam vitam agentibus omnia sint ad virtutem expedita. Et hæc est lucri simul iustitiæque vera perfectio.

Anno hujus Imperatoris trigésimo tertio *Mentius* *Hoei* regem regni *Guei* convenit; ab eoque congressu philosophiæ suæ librum orsus præclaris sane præceptionibus regem ad populos bene atque ex virtute regendos informat, dialogi modo. Quamquam stilum intra hujus argumenti fines non compescuit; in rerum aliarum tractationem varie digrediens. Ex eo libro visum est operæ, quædam transscribere, huic fini, ut tanquam ex ungue leo, noscatur philosophiæ Sini-cæ genius, plerumque agentis de bono regimine, ac minima quæque agentis, quæ ad hoc videantur posse conducere. Igitur in hoc, ait, est regi sedulo incumbendum, ne, quæ tempora sibi agricultura vendicat, divertantur in alia negotia, rusticos vexando impediendove, quo minus agere possint, quod tunc agendum. Sic enim non tantum non eris frugum inopia, sed annonæ convalescens earum etiam superabit usum. Tenui macula retibus ad piscatum rex uti ne permittat; ut magni tantum capiantur pisces, data elabendi facultate minoribus, qui proce-dentibus annis affatim sucrescentes, omnibus ac semper sufficient. Arbores temere ne cadantur, sed è cali temporumque nutu; neve securi sint obnoxia, quæis atas adhuc & fructus immaturus, quo ad omnes usus ligna suppeditentur. Has leges si animabit obtemperatio; & vivi præ-sentesque facilem vitam vivant, & morte functi non carebunt honore sepultura, nulla subditorum iusta querela, cujus mitiganda prima regibus esse cura debet. De lignis atque arboribus hæc dicit *Mentius*. Quippe rei lignariæ frequens est usus apud Sinas, sive ad struendas domos, quæ columnis ferme ligneis constant; sive ad capulos funebres parandos. Nam in magnæ felicitatis deputat loco, qui sibi ante mortem ex optimo solidoque ligno curavit arcam, in qua sepeliatur. Non raro ad duo aureo-

*Præceptiones
Mentii Phi-
losophi.*

*Sina feretra
sibi adhuc
vivi procu-
rant magno
pretio.*

rum millia eoque amplius unius arcæ pretium auge-
tur. Firmissimos enim asseres, & è materia oppidò
rara, corruptionisque impatiente è longinquis regio-
nibus advehunt. Iude nulla civitas est, in qua non ve-
neant arcæ funebres; imo quam plurimi multis ante
mortem annis emunt quantovis pretio, attinentque
apud se domi. Porro præcepit Mentius, *Ne in agris
serantur arbores, umbra obstatura frugibus. Mori bom-
bycibus alendis stent circa adium parietes, sericum senibus
amictum suffectura.* Gallinas, porcos, canes, animantia-
que reliqua nemini mactare liceat, antequam adoleverint.

Non occiden-
da animalia
nisi adulta.

Ita hominibus facile suppeditabunt carnes, quis vescantur.

Ex hoc Philosophorum dicto manavit usus, ut ani-
malia non mactentur à Sinis, nisi præfixam à natura
crescendi cuique metam attigerint; ridentibus, nos
ad assandum præstinaturòs porcellum, gallinæve pul-
lum, & nequaquam vendentibus. Subjicit deinde Phi-
lophus: *Regi summa cura schola studiaque sunt, ut
juvenes omnes puerique dicto audientes esse discant, majore-
resque natu revereri. Quod si fiet, nemo juvenum senes
laborare patietur, vel iter facientes onere premi. Obse-
quentes enim filii haud sane committent, ut hoc officii à se
desideretur, quin ultro senum laboribus se substituent. Pro
certo autem reges habere convenit, qui patri, fratribus ac
tribulibus suis obsequens, non molestus, non turbulentus
est, etiam suo regi fidelem atque subjectum fore. Hac qui
in regno suo procurat, eum ego pulchre ac quiete regnatura-
rum dixerim. Sin autem bestia canesque Regum ac Præ-
fectorum, inutilis domi forisque turba, trivius nata, con-
sumendisque frugibus, officiunt publico, neque rex huic
malo eat obviam, quod dicat: anni sterilitas occidit ho-
mines, non ego; hunc talem ego cum eo comparem, qui
missa militum manu suis necem offerens dicat: Hi non à
me sunt, sed à militibus occisi. Non ergo semper accusan-
dus annus, cum saepe sterilitatis malum creet mala guber-
natio. Hæc aliaque multa Mentius ubi disseruit; tum
rex, Multa, inquit, eaque præclara denarrasti, senex,
quorum summa mihi videtur hac esse, regna virtute au-
geri, pravo regimine subverri. Ego vero etsi à virtute, quæ
est exigua, blandiri mihi non queam; (est modus lo-
quendi,*

Scholarum
Cura.

quendi, quo seipsum vocat nimium Guagin, hoc est, exiguae virtutis compotem) tamen hanc rem secretius aestimans, in multis meliorem esse me, quam vicinos mihi reges, atque seuerius, ne dicam, modestius habere potestatem inuenio. Quamnam igitur causam esse putem, quod alia omnia experiar? hoc est, nec vicinorum regum regna minui, nec meum crescere? qui modo etiam Xiuui filium amisi, à Ci rege luculenta clade affectus, coactusque, terris aliquot in hostis ditionem concedentibus pro pace supplicare? Sic locuto regi occurrens Mentius, Scio, inquit, optime rex, te militari re gaudere, cumprimis. Itaque similitudinem è militia petuam, oro, quaesoque, ut audias. Audito tympanorum, tubarumque & armorum strepitu, ad primum impetum omnis ex una parte terga vertit exercitus; abiectis etiam armis, ut velocius fugerent. Militum pars dena stadia profugerant; alii quina; alii bina; alii denique unum. Tum qui fugam intra stadium quintum continuerant, eos ridebant, qui decem stadia profugissent; & qui duo, eos qui quinque; qui vero unum, hos, qui duo, ignauiam ac metum exprobrantes alteris alteri. Quae tua, rex, de hoc facta est sententia? Male omnes egerunt: subiicit rex, Nam licet ultimi minus fugerint, fugere tamen, haud minori pavore marcentes, quam ceteri. Quando igitur, ait Mentius, ô rex, istud intelligis, ne mirere, si regnum tuum non magis quam vicina, floret; quippe cuius gubernacula non usquequaque bene tractas, similis unum stadium aufugientibus, ut hac tempestate suos patitur manes quodcunque regnum. Tria

Apta similitudo.

Tria praecipua quae juxta Mentium?

Agit multa & pulcherrime de animi motibus componendis, & de externis sensibus; ubi de constantia ac fortitudine mirabiliter disputat. Fortitudinem in internam & externam dividit. Illam in eo statuit, ut vir fortis nihil formidet aut horreat, nec de victoria dubitet: vultque omni timore hominem carere. Fortitudinem vero externam in eo ait esse positam, si quis nihil injustum, nihil rationi absonum egerit; injustum autem vel à ratione alienum aliquid patrare, debilitatem vocat.

Fortitudo duplex.

Mentis dogmata.

Scriptit etiam de natura librum, ea complexum; quæ de illa cum *Causio* Philosopho disputaverat. *Causius* de ipsius essentia, *Mentius* vero de efficientia atque in bonum propensione loquebatur; verbis diversis, eadem sententia. Aiebat igitur, naturæ tam esse proprium, efficere bonum, quam aquæ descendere; malum autem efficere non esse secundum naturam, nec ab hac velut à causa malum procedere, nisi invita & repugnante sibi metipsi; quemadmodum aqua contra suam indolem, nec nisi vi propulsa in altum nitatur. Sed hæc de *Mentio* sufficiant; cujus aliqua dogmata religioni Christianæ maxime apud Sinas hodieque officiant; præsertim illud, quo statuit, esse satius, concubinam accipere, quam carere prole: quam infelicitatem ait esse maximum crimen læsæ pietatis, quæ debetur parentibus. Quod ne fiat, modis omnibus allaborandum esse, ut parentum senium gignendis nepotibus oblectent. Habet insuper alia quædam, à quibus apud ipsos etiam Sinas male audit; illud imprimis ægre ferentes, quod malos reges latronum nomine, non regum appellat.

Chungcæ Philosophia, omnia mentis.

His *Mentis* temporibus aliæ quoque Philosophorum variæque sectæ floruerunt. In his una *Chungcæ* cuiusdam erat, nihil fas attingere statuentis, quod injustum aut ab injusto esse suspicaretur. Quare nec paternam domum inhabitabat, quod crederet à malis viris ædificatam; nec cibum à parentibus aut fratribus capiebat, inique partium timens. Invisensque aliquando ad matrem, cum par anatum videret fratri dono datum; eam sic affatur. *Vide, ne donum hoc ab injusto sit, vel ob causam injustam, quin potius eas domino suo restituere.* Mater id facturam se pollicita, clam filio jugulat ex iis alteram, coctamque apponit. Ille captionis ignarus, indulgebat genio, nihil suspicans injusti, cum ecce frater illius adest, ac ridens, *Hem, frater!* inquit; *Et tu comedis anates, quas tam scrupulosa aequitate vis restituere? Quo ille audito celeriter è domo se proripuit, comestamque carnem procurata vomitione rejecit, nefas existimans retinere stomacho, quod cum injusto poterat esse conjunctum. Hanc suam calumniandi miseriam*

Explosa.

iniferiam irridens *Mentius*, *Ab uxore*, inquit, *apposita* comedit, à matre nequaquam; rustici domum habitat, paternam minime. Vnde vero novit, uxoris omnia iusta esse; ac rustici domum ab hominibus probis edificatam? non deseritur iustum, si non admittas, agasve, quod iniustum esse, scias. Sin autem de singulis rebus dubitandum, ut vult *Chungcius*; erit necesse, ut vermiculi evadamus, queis pastum terra domumque prabet, iniusti nihil utique suspicantibus. In reliquis enim utensilibus nunquam aberit suspicio latentis periculi.

Memini me legere, ni fallor, in *Laërtio*, ad *Indos* olim *Olympicos* è *Scythia* venisse quendam *Philosophum*, qui tota stupente *Græcia* suis sibi manibus ipse confecerat omnia, queis utebatur. Hujusmodi secta *Mentii* quoque temporibus in *Sinis* erat. *Huihingus* enim quidam cum discipulis non paucis hanc vitæ rationem sequebatur. Vestes è panno, quem texebant è pexis herbis, calceos è sparto, culcitram è stramine sibi conficiebant. Alimenta colendo agro parabant. Erat hoc eorum præterea placitum; ut nullo inter homines discrimine, omnes essent æquales; nullum imperium, nullum obsequium, tributa nulla, imo nec pecunia. Procul otium; atque ut omnes necesse habent comedere, sic decreverant, ut omnes quicunque possent, opus facerent. Omnia volebant omnibus esse communia, & ab alio quemque accipere, queis indigeret, ac vicissim dare, nemine repugnare vel negare auso. His talibus effecturum se sperabat, ut omnes doli atque fallaciæ ex orbe terrarum tollerentur. Contra quam sectam prolixè disseruit *Mentius*, ac primum ostendit, in orbe necessarios esse alios, qui mente; alios qui manu laborent. Illis rerum majorum curam attribuit, his minorum. Mente laborandum iis, qui scientiis ac virtuti student, ut omnibus profint; manu vero mechanicis rusticisque. Tum conveniens ait esse, ut illi ab his alantur, quippe quos doceant ac regant. Hinc tributa pendenda esse conficit, quorum usus sit, sustentare Præfectos, & malis reipublicæ, qualia sunt bella, occurrere. Multa denique proponit eorum exempla, quibus ad pauca tantum

*Secta Philosophorum la-
boriosa.*

*Cui omnia
communia.*

*Refutata
à Mentio.*

agri jugera colenda nunquam otium fuit, universæ reipubl. prodesse studentibus, mortalium bono, quibuscum male agitur, ubi summa rerum labat. Hoc enimvero magnorum virorum opus esse, hunc laborem; affligari contra, quod pauca terræ jugera obsolescant incultaque sint, eam hominis plebeji & agrestis tristitiam esse.

Itii Philosophia aqualem amorem statuit.

In alia hæresi fuit *Itius* Philosophus & antiquæ *Mei* sectæ reformator. Huic placebat unum inter omnes homines atque communem amorem esse, ita, ut nemo plus parentes, quam consanguineos amaret, aut reliquos homines; sed prius tantum ordine, non item intentius. Improbatur hoc extremum *Mentius*, arguens hinc, amoris in homine duo fore principia; unum quo prius, alterum, quo intentius parentes diligendi; quod à recta ratione sit alienum. Vnum enim duntaxat amoris à Cælo nobis indictum esse principium, quo amore simul omnes eodemque tempore complecti liceat, etsi adversus parentes sit ac consanguineos intentior. Atque de Philosophis Sinensibus satis fere, imo pro tempore nimis fortasse multa diximus. Omnes enim hæ sectæ jam interiere, una tantum literatorum reliqua, de qua sub *Confutio* est à nobis narratum.

Sucinii Philosophi factus.

Repulsa.

Vindicta.

Consilium.

Iisdem temporibus *Cinum* regem convenit *Sucinus*, Philosophus supra modum arrogans, & artis fiducia subnixus, ei suam operam spondit; viam ac rationem ostendens, quæ totius imperii potiretur. Rex, ut Philosophiæ contraria docenti, regnorumque turbatori à se spreto mox abitum imperavit. Ille injuriæ impatiens in vindictam exarsit eoque, ut iræ suæ, quacunque ferret occasio, litare certum ei esset, etsi totius regni exitio. Ingentem igitur tragediam fallaci facundia, qua pollebat, orsus, totam fere Sinam omnesque regulos perturbavit. Primum egressus regno, per *Chao* regnum iter habens, ad *Vencungum* regem, cui parebat *Yen* regio, contendit; & ad ejus amicitiam obrepens, captata occasione sic eum alloquitur. *Quod regnum tuum tibi tranquillum sit, nec arma Cini regis infesta, rex optime; Chao regi debes.*

debes. Hic enim inter te Cinumque medius est pro muro tibi. Restat hoc unum, quo diuturnitati otii rerumque tranquillarum magis consulas, ut ad ejus amicitiam te ac necessitudinem aggredes, eo pacto, ut mutuis vos armis tutantes, simul etiam Cini regis potentia resistatis. Placuit Uencungo consilium; ipsumque Sucinium ad hanc so- Legatio. cietatem firmandam ampla cum potestate legat. Qui postquam ad Chao regem pervenit; & dignitate rem agens, ita locutus est. In medio positum & apertum est, rex; inter ea, qua vergunt ad orientem, nullum regnum tuo firmitus esse, nullum potentius. At illud quoque fatendum est, quia Cin regnum est ei confine; periculis opportunum, nec unquam satis cautum esse rebus tuis. Non enim te fugit, quam avara destinatione Cin immineat imperio; si tamen transitus per nobilissimam ditionem tuam sit ei clausus, nunquam par ad spem victoria. In omnem igitur eventum viribus oportet instructum esse te; qua ut sufficiant tibi, ea de causa Yen rex ad te misit me legatum, offerens arma sua, si forte Cin bellum moveat. Sin animus est, non vi tantum resistere, sed etiam invadere penitus delendum; mea feri sententia, Gnei & Han reges ut ad societatem fœderis invitemus. His namque debes, quod ab illo nihil adhuc experta sit hostile ditio tua; satis gnaro; non passuros, occupato regno tuo, se tantas vires colligere. Qua cum ita sint; quo magis in tranquillo vivas, societatem illorum ambiendam, icendum fœdus censeo, ut unius conatibus obuiam eatis omnes, communibus armis tutiores futuri. Quod uni suasisit Sucinius, persuasisit omnibus. Eo enim authore quatuor reges societatem ac fœdus iniere; Zu & Ci regibus insuper traductis in suam sententiam. Percusso fœdere Sucinius, tanquam ejus dux & author, apud regem substitit; ibique allaboravit atque effecit, ut omnium regum copiarum convenirent.

Posteaquam Cin rex compositum in se fœdus audiit; æstuans contemplatione periculi; summe studuit illud ante distrahere, quam coirent exercitus. Ac primo reges Orientem versus remotiores in his legatis ac muneribus, ad fœdus deferendum sollicitans, Ci & Gnei reges ab armorum consilio revocavit. Nam &

Cinum timebant, viribus potentem ac robore militari; & legatorum muneribus exquisitisque rationibus flexi, cum præterea longius abessent, facile neglexere fœdus. Dein eodem tempore, inagna celeritate collecto ingenti exercitu, repente, ne fœderatis regibus conveniendi spatium esset, *Chao* regnum ingreditur; obrendens, invidia vitandæ, non hostem se venisse, sed ut ab hoste pœnas expeteret ac turbatore regnorum. *Sucinium* notabat, quo necato vel proscripto non dubitabat fœdus nullo negotio solutum iri. Oppressus inopinato malo *Chaus*, ac tantam belli molem in se unum conversam videns, *Ci* Gueique regum fide primum conqueritur. Qui cum adesse nollent, quod iniquum esse dicerent, subditos suos *Sucinii* unius hominis causa vexari; rex omnem iram in Philosophum, ut malorum omnium causam, vertit. Is conscientia sceleris sibi timens, orat, ut legatus ad *Ci* regem mittatur, vacillantem amicitiam stabiliturus, atque ut inde mitterentur auxilia. Quo postquam pervenit, regis jussu captus, ac velut reipubl. turbator, impostorque morte multatus est. Cujus rei nuntio ad se perlato *Cin* rex, victorem exercitum quam primum reduxit domum, ne, si proferret armorum felicitatem, aliena regna videretur, non justam à *Sucinio* ultionem expetiisse. Quam opinionem nisi evelleret ex hominum animis; nihil proclivius erat, quam aliorum regum arma in se fœdera que concitari. Præsens tamen fœdus hac abstinencia convulsus est. Hæc acta sunt anno istius Imperatoris septimo atque trigesimo.

Verum non diuturna quies ea regibus fuit; instaurato inter eos fœdere, sociaque contra *Cinum* arma ferentibus. Unus *Ci* rex ad eorum causam se non acclinaverat, qua de re infra docebimus.

XXXV. IMP. XICINIUS.

Imperavit annis v r.

Cyclo 40. anno
38 ante
Christum
320.

X *Icinus Hieni* filius, solum Imperatoris à patre nomen accepit, nulla re gesta posterorum memoria

moriam commendabilis. Quanquam non defuit ei crescendo regum discordiis occasio; nisi pro virtute ignavia fuisset, insigni maiestatis injuria.

Quinto hujus Imperatoris anno, postquam *Cini* regis potentia ceteris regibus jam formidabilis esse coepit; quinque simul in eum conjuravere, *Zuus*, *Chaus*, *Hanus*, *Gueius*, *Yen*. Contra quos omnes collectis copiis ac viribus *Cinus* profectus, atroci commissa pugna quinque exercitum fudit, ingenti eorum strage. Hominum triginta millia caesos reperio. Et si *Cinus* victoriam prosequeretur, ad quinque regna potiunda patebat ei plana nec uspiam impedita via. Sed ille tum quidem compescuit impetum victoriæ, regibus pacem orantibus id tribuens; & quod affulgeret occasio novas regiones ad Occidentem versus occupandi, quæ dici vix potest, in quantum suas vires auxerit. Ex hac tamen, quam reportavit à regibus victoria gradum fecit ad omnem subigendam Sinam *Cini* regis familia. Sed hac in præsens relicta, illum in Occidentem sequamur.

*Bellum &
victoria
unius regis
adversus
quinque.*

His temporibus regiones Occidenti obversæ, quas nunc ambitu suo *Suchuen* provincia complectitur, nondum imperio Sinico annumerabantur. In illis dominium penes duos dynastas erat; quorum alter *Pa*, alter *Xo* vocabatur. Ii sub hoc tempus acri diuturnoque bello inter se distracti, quod utrique *Cin* regnum erat vicinum, missis separate legatis *Cinum* regem rogant auxilia. Opportuna regi legatio fuit. Nam ob eas regiones, ut est dictum, cum devictis quinque regibus pacem fecerat; spe duplici jam subnixus, & ferendis alteri suppetiis, & alteri negandis, sine dubio victor. Et stetero pro *Pa* contra *Xo*, regis arma; misso exercitu, cui *Zoum*, Præfectum militum, ducem præposuit. Id ægre ferens *Changius*, & ipse regiarum copiarum Præfectus, sive quod eum honorem suis meritis deberi crederet, sive quod ex alieno bello nihil ei molumenti regi suo speraret, an quia mallet in reges arma protolli, sic *Cinum* alloquitur. *Minime te fugit, optime rex, honores, famam & magni nominis existimationem in vestris aulis.*

esse quarendam; in nundinis contra mercimoniisque lucrum. At nunc regna sunt, imperiumque adeo ipsum venale. Hic, si potentia prolixior, si nominis celebritas est cordi, mercare; laxaque impetum armis victricibus, per qua non est ambigua tibi ad imperium via. Cur elabi sinis felicitatem sponie venientem è manu? ecquod tibi negotium cum terris barbaris, cuius obsequio se prosternit id, quod est majus terris omnibus? Optarem sane, ô rex, Han regnum potius abs te occupari; quippe qua patet aditus atque successus ad summum fastigium. Quod si tibi lucrum erit, uti debet esse, cura; na tu non omnes modo merces in his nundinis, sed ipsos etiam mercatores facies juris tui. Atqui Zoo mens alia fuit, & Qui regnum, inquit, vult opibus crescere, terminos ejus ampliare atque proferre debet; qui vero fortes optat generososque milites, frequentem populum eumque divitis abundantem ut habeat, operam dare; qui denique regnare cupit, in augendis perficiendisque virtutibus occupari. Hac tria, qui consecutus erit, is facile potietur imperio. Xo regnum à Sinarum regnis diversum, abundat quidem divitiis; verum tyrannice, impetuque magis, quam ratione gubernat populos. Illo triumphato sanctisque moribus exculato, in melius traducti regni nomen habebimus, & ingens ex eorum opibus compendium. Nemo nobis invidet, nemo indignabitur, non aliam ob causam illud in deductionem redigentibus, quam ut barbaros ejus mores Sinicis legibus mitigemus. Contra si Han regnum subactumimus; totius orbis in te concitabis arma, pii quoque regis amittendo nomine, ac nullo fortassis emolumento, cunctis regibus in nos atque ipso Imperatore consurrecturo. Cinus haud aspernatus recta suadentis orationem, duceret ergo in Xo exercitum, inperavit. Quod & fortiter ab eo præstitum & feliciter, occupato toto regno interfectoque rege. Pa vero, ut inter eum regemque Cinum convenerat, ultro in illius imperium clientelamque concessit.

Inter hæc Guei rex è vicinitate Cini post acceptam superiorem cladem sibi ac suis rebus timens, ut in quiete & otio regnaret, nec de toto regno periclitaretur; ei se tributarium fecit, omne obsequium promittens

tens

tens non aliter atque Imperatori, simul & amicitiam illius ambiens. Omnia *Cinus* ei tribuit, maxime lætus, per amicum jam tributariumque regnum facilem sibi patere transitum ad reliqua Orientis regna subigenda. Quod & factum, ut sub insequenti Imperatore videbimus.

XXXVI. IMP. FOUS.

Imperavit annis LIX.

FOUS *Xcinii* filius multis quidem annis Imperatoris nomen habuit, at nullo splendore majestatis; amissis demum omnibus, à *Cino* rege captus, & in ordinem redactus, ut ostendetur infra.

Cyclo 40. anno 44. ante Christum 314.

Primo hujus Imperatoris anno *Cinus* per tributarium *Guei* regnum iter habens, contra *Ci* regem arma movit, palam prædicans, Sinarum se imperium occupatum ire. *Cinus* hosti tanto impar, quo tamen ei resisteret, *Lu* regem sollicitat, conjunctis viribus vim depulsurus. Præterea misso ad *Zu* regem legato rogat, ut *Cin* regnum invadat, debilitandæ regis potentia, copiisque divertendis. Pollicito *Zu* rege suppetias, *Cinus* rerum suarum trepidus, in id studio omni incubuit, ut amicum sibi *Zuum* servaret, novamque societatem distraheret. Ad eum igitur & ipse legatum mittit *Changium* præfectum magna prudentia nec minori rerum usu insignem. Hic ubi pervenit ad regem, *Ad te*, inquit, *Cinus frater tuus, rex meus me misit, amicitiam tuam expetens; simul ut à Ci rege, ut hoste suo digrediare. Quod si poterit abs te impetrare, regni sui, qua tuo vicinum est, partem offert stadiorum sexcentum; ac præterea Ci regis filiam excellentissima forma, quam tenet adhuc in regia sua, captam bellis superioribus. Hæc pauca regi legatus; at Præfectorum animis longè prolixius atque sagacius incubuit, eorum præsertim, quorum gravior erat authoritas apud regem. Plerosque fere omnes muneribus corruptos eo inclinavit, ut eorum instinctu *Cinus* cum *Cino* pacem vellet. Hic enimverd triumphare gaudio Præfecti omnes in concilio præter unum *Chinchinum*, qui demisso*

demisso vultu gestuque tristi, secus sentientis indice, regis inconstantiam haud obscure damnavit. Et ille hoc animadvertens, causam ex eo sciscitatur, cur unus aliorum non sequatur sententiam? *Chinchinus* quod inutis ante signis ostenderat, nunc ore promens, *Quod te*, inquit, *rex*, *afficiat honore Cius astimetque magni*; causa inde est, quia tibi cum *Ci* rege fuit amicitia. Nunc repente cum fortuna sua mutatus suadet, ut eundem deferas. Ego vero etiam atque etiam considerandum putem quo *Cinus* hac petitione spectet, quidque velit. Partem promittit tibi regni sui, si jus amicitia violes. Magnifica promissio! sed vereor, ut suo careat. Ni me fallit opinio mea, suis rebus studet non tuis; eo tendit, id agit, ut, qua regnas *Boream* versus, *Cium* hostem habeas, quo dein expeditius ipse per occidentalem tractum subeat tuum regnum. Omnino displicet hac pax mihi, qua sine magno periculo tuo coagmentari non potest. Timeo, ne utrumque hostem tibi hac amicitia facias. *Cius* sane fidem tam leviter abs te fractam, non feret; & ubi diffidet rebus suis, ad *Cium* se amicitiam conferet in perniciem tuam.

Fraus Changii legati.

Salutare sine dubio consilium erat; sed neglectum tamen *Zu* regi, plurium sententiis adherenti. Hanc autem amicitiam discidisse, visa *Changio* pars victorix; cujus spem ut exaggeraret, inter *Zuum* ac *Cium* excitatis insuper odiis bellum hac arte conflavit. Multos dies in urbe *Zui* regia moratus, nunquam regem adiit; questus etiam privatis sermonibus, eum non vere *Cium* amicitiam videri, sed simulate tantum exuisse. Parum ipsi fidei habendum; quin timendum porius, ne acceptis à *Cino* rege terris, male disruptam cum *Cio* societatem conglutinet denuo consocietque sua cum illius armis. *Zuus* à corruptis Præfectis ea de re admonitus, si illud est causæ, inquit, quod *Changius* me non conveniat, differatque promissa regis sui, quia timet, ut *Ci* regis amicitia penitus renunciaverim; faciam, ut intelligat id à me cum fide factum. Itaque ad Aquilonis regiones primo ponit præsidia; deinde misso legato condiciones pacis apud *Cium* rescindi jubet; imo papyrus, in qua erant exarata,

exarata; inspectante rege concerpi. *Cius* acerbitate insolentissimæ contumeliæ accensus, easdem pacis condiciones, quas penes se habebat, scindit iraque fervens, legato *Zu* regis iussu facessere, mox ad *Cinum* ipse legatum dimittit supplicem ac pacem oraturum; *Gueique* regis exemplum secutus, ultro se illi stipendiarium facit, sine vi, sine armis, ex unius *Changis* consilio ac fraude potius in tantum crescenti. Tunc demum *Changius*, ubi destinata procefferant è voto, discedit è *Zu* regno, ducens assignatos sibi homines secum, quæis promissa terræ *Cina* stadia sexcenta traderet. Sed ingressus regnum, jainque in tuto agens, ridet comites suos, & , *Accipite*, inquit, *hæc sexcenta terrarum stadia*; (montem digito monstrans) *quæ regi vestro promissæ*. Hunc in modum delusi ad suum regem redeunt, admonentes de *Cini* perfidia. Qui ultionis inardescens cupidine, quam primum infert ei bellum; at regnum ingressus, & ab ejus Præfectis superatus, ignominiosam sibi, sed necessariam pacem petiit. Quod sane bellum nunquam suscepturus erat, si *Chinchino* paruisset, saluberrime suadenti, ut *Cio* potius, quam *Cino* intentaret arma. *Satius mihi videtur*, aiebat, *ut* *Cio* *moliare bellum*, *quam finem ponas amicitiæ, quæ cum Cino tibi adhuc est in integro*. Plus enim inde terrarum sperare licet, quam si ab eo sexcenta stadia accipisses. At ille, velut ante bene monentem spreverat, ita nec jam salubris consilii patiens fuit, magno suo malo.

Interea *Cius* omni metu solutus, quippe qui jam in *Cini* regis esset fide & clientela, accitis ab eodem auxiliis adversus *Yenem* regem arma captat. Nec *Cino* improbata ea molitio, cujus consilium eo spectabat, ut regna mutuis regulorum armis fessa postmodum invaderet, ipse vel in clientelam acciperet. Ac *Cius* quidem secundo Marte usus, *Yenis* totum prope regnum occupavit; quem denique commisso apud regiam urbem prælio victum morte affecit. Erat ei filius jam ætate provector, *Chaus* nomine. Hunc igitur exercitus profligati reliquæ civitatesque hosti resistere adhuc ausæ, patri subrogant; egregia indole,

animi-

animique magnitudine hosti, etiam victori parem. Post variam belli fortunam obvenit *Chao* victoria; devictusque proelio *Cius* regno pulsus est. Adspirabat ad alteram victoriam *Chaus*, ipsum *Ci* regnum destinans armis palmaribus pretium; sed, quia *Cinum* timebat, suspenso impetu haud dum maturo, intra sui se regni fines continuit.

*Historia de
emptis equi
ossibus, &
emptionis
causa.*

Illud potius est visum, ut ejectis, qui supererant hostibus, late vastatum afflictumque patrum erigeret regnum, cui rei optimos undique milites ducesque collectos liberaliter ornateque tractavit; invitatis ad se præterea variis illo ævo præcipui nominis Philosophis, & ubique diditam ejus liberalitatem atque munificentiam sponte sequentibus. Inductus est ad hoc consilium à *Coqueo* Philosopho, qui aptam ad rem præsentem narrans historiam, Rex quidam gaudebat olim, inquit, equis plurimum, quos undique adductos emebat quantovis pretio. Eaque propter homines certos è suis subditis in externa dimittebat regna, qui optimos equos quærerent, & in iis unum præcipue, quem audierat velocissimum esse atque ante alios generosum, & intra viginti quatuor horarum spatium mille cursu stadia emetientem. Quo denique reperto, sed jam mortuo, ne prorsus vacui redirent domum, aureis quingentis emunt ejus ossa, regique afferunt. Miratus ille inscitissimam emtionem, primo irascitur; mox tamen audito eorum prætextu placari se finit, hanc facti sui rationem reddentium. Nos, inquit, unus ex omnibus, nos, ô rex, omni quidem diligentia quæsitum, quem jusseras, equum adeo velocem eundemque vivum nullum invenimus; scito tamen, vivos ejus indolis ad te brevi adductum iri. Cum enim percubuerit te vel ossa tanti emisse; profecto mercatores majoris lucri cupiditate allesti minime cunctabuntur vivos adducere. Acquievit his dictis rex, eodemque anno tres emit equos, qui ultro adducebantur, eadem velocitate, quàm fuit alter, quem frustra quæsierat.

Admonitus hac narratione *Chaus*, quanto in honore habendi essent magno & excellenti ingenio peregrini; advenientes peregre doctos homines benigne ac

ac liberaliter exceptit. Quo factum, ut quam plurimī confluerent; quos inter *Toyus* nominatur, cujus opera quantum usus fuerit, quamque res præclaras gesserit, infra memorabimus.

Cinus interea *Changium* sibi perquam fidelem cum legati potestate reges omnes adire jubet atque auctorem esse ut sibi tanquam Imperatori sese subjicerent. Id si fecissent; promittebat eorum ditiones in clientelam se accepturum; sin abnuerent, exitiale bellum ac vastitatem minabatur. Iamque nimia ejus potentia plerisque formidolosa erat; cum insperata morte vitam simul & imperium, quod ad se trahere nitebatur, amisit. Cujus filium, quem patri nec belli nec pacis artibus parem futurum crederent, omnes deseruere, antiquo fœdere instaurato conjurantes in illius perniciem, si cui eorum tentaret bellum facere. At filius etiam patre fortior, avidiorque imperii, cognitoque fœdus contra se coaluisse, ac regulos patris sui clientes à se descivisse; confestim adversus *Hanum* regem cum ingentibus copiis mittit Præfectos suos, & *Iyang* nobilissimam urbem, in qua magnum erat momentum ad subigendum imperium universum, obsidet. Quinque omnino menses tenuit obsidio, tantumque laborem frustra sumserant missi duces; cum formidandus adest fœderatorum exercitus. Quem tamen *Cinus*, haud sane ignavus aut timidus adolescens omnibus collectis viribus, eodem loci fortiter excipiens collatis utrinque signis victor, cecidit hostium supra sexaginta millia. Tum demum obfessi facta deditione seque & urbem tradidere regi. *Cinus* *Queiusque* reges sub imperio victoris obediētes se futuros denuo promittunt, præteritorum veniam rogantes. Quam ne *Cinus* negaret, magnum & anceps bellum fecit, quod in occidentali ejus regno exarserat. Nam exteræ gentes aperto per *Tanyu* regnum transitu, jam ipsius regno imminabant. Quamobrem ommissa victoria, ut illis iret obviam, tutiora sequens, maximam exercitus partem reduxit, composita cum regibus pace. Sed qui hostes poterat vincere, nec armatos exercitus timebat; ab amicis propemodum subver-

Ingens victoria.

subversus est, cum amplissimi regni amittendi periculo. *Mentangkiumii* cujusdam ira. Ille quidem erat à *Ci* regno oriundus; sed ob egregias naturæ dotes, & sapientiæ opinionem apud *Cinum* regem proxime superiorem ad summos honores pervenerat, factus *Cola*us. Sed enim quod plerumque solet, novus rex patris Præfectos parum æquis oculis aspiciebat, & minime omnium summum Præfectum *Mentungkiunium*. Erga quem explorata regis voluntate, qui ejus felicitatem ferre non poterant, nec hominem exterum primam occupasse dignitatem; apud regem in perfidiæ suspicionem vocant, prætexentes, *Eum* è *Ci* regno esse, *pro Cio multa agere. Timendum, ne, si luceat occasio, amore patriæ actus in transversum, Cino exitium molia-* *tur. Denique homini extraneo parum fidendum.* Pronum erat sua sponte ac præjudicio incumbentem in ultionem meditati sceleris impellere. Itaque summa eum Præfectura primo movet, alio suspecto; ruentemque delatores & invidi variis querelis multorumque criminum suspicione operatum, ut assolet, in ultimum conantur exitium provolvere. Quæ ille omnia, & pejora etiam sagaci metu præcipiens, fuga, cantantis galli beneficio, salutem invenit. Alii dicunt, hominem fuisse unum è comitibus *Mentangkiumii*, qui cantantem gallum artifice lingua imitabatur. Ea res accidit in hunc modum. Noctu quadam fugienti transeundum erat propugnaculum. In eo mos erat, ut portæ non aperirentur nisi ad galli cantum. Hujus moris haud ignarus *Mentangkiumius*, ut insequentium se manus effugeret, multo ante galli cantum vigilabat ad portas. Iamque imminebant, qui ad eum capiendum erant missi. Quo in rerum suarum articulo deprehensus, ex ultimi discriminis ictu consilium cepit, vel gallum, quem secum habebat, nescio qua arte sibi canere jubens, vel imitans ipse canorum animal. Galli quidem, qui erant in propugnaculo, cognatæ vocis excitati præcentione respondebant, ut solent; & præsidarii tempus aperiendi portas esse rati, nilque doli suspicantes, *Mentangkiumium* transmittunt, insequentium securum.

*Fuga galli
cantu pro-*
motâ.

Hic

Hic itaque acceptæ injuriæ dolore calehs, primo *Ci* regem suumque, ne *Cino* tributum penderet, ab eo-
que secederet, impellit. Deinde *Ci*, *Guei* & *Han* re-
ges ejusdem suasu, suam insuper operam appromit-
tentis, missoque maximo exercitu non dubii victo-
riæ. Intenderatque spem eorum hostis ipse, districtus
aliis in occidente bellis, & ægre tantis viribus par.
Quo facilius ei, commisso per Præfectos prælio, vi-
ctoriam extorsit *Mentangiuinius*; iniquis etiam con-
ditionibus ad tres reges missa legatione pacis gratiam
ab eis ambient. Dissuasertunt multi Præfectorum;
nec enim vires defuturas sibi, quibus tres regulos
vincerent, si inodo tantum temporis detur, quantum
erat ad milites à tantilla clade colligendos necessa-
rium. Rex *Cin* autem maluit singulos reges in breve
tempus aliquot terris ac libertatis umbra frui, quam
summam rerum in discrimen conjicere: sed Præfecto-
rum consilio favit regum superbia, *Mentangiuinio* au-
thore pacem cum *Cino* respuentium. Qua repulsa ma-
gis ille roboratus, *Croceo* superato politisque in occi-
dentali litore castris transitum regibus occlusit. Ea
demum fuit ad pacem via; in quam, ubi transire diu,
sed inani contentione tentaverat, consensere reges hac
conditione; ut, quidquid terrarum *Cin* rex haberet
ad usque *Crocei* fontem, illis cederet. Annuir rex, pa-
cemque necquicquam contra nitente *Mentangiuinio*
obtinuit.

His temporibus claruit *Sunlungus* quidam Sophi-
sta; cui multum loquentiæ, multum astutiæ, sed sa-
pientiæ parum. Is tamen in publico Philosophorum
conventu solus sustinuit hanc thesin, Hominem tres
aures habere; & illam, qua audimus, aliam esse à
duabus, quas videmus. Eaque de re tanta veritatis
imitatione disseruit, ut nemo quisquam ei contradice-
re sit ausus. Vnde cum quis impossibilia vult probare
vel rationi repugnantia, ex proverbii consuetudine di-
citur à Sinis, de tribus auribus disputare. *Sunlungi
Philosophi
thesis.

Proverbium.*

Ci rex postquam à *Cino* secesserat, sui que jam juris e-
rat; in *Sung* dynastam bellum sumit, gnarus militiæ, ac
simul iniques, devictumq; omni ditione exiit. Nec con-

tentus tot terris, & victoria elatus, *Zu* regi bellum facit, Imperatoris nomen affectans. Sed qui aliena quærebat, etiam sua vitamque ipsam amisit. *Chau* enim rex *Yen*, quo de supra docuimus, ubi regem *Ci* aliis distentum bellis vidit; cum *Yoyo* summo Præfecto agitat de eo debellando consiliis, quantum maximum potuit exercitum conscribit, cui summa cum potestate *Yoyum* præposuit. Adhæc *Guei* & *Han* suppetias petenti miserunt; cunctis, quod *Cius* Imperatoris nomen usurparet, indignantibus. Auctis igitur copiis *Yoyus Ci* regnum invadit, ingenti exercitu terribilis. Quem quidem *Cius* collectis omnibus viribus excepit, & ad ripam occidentalem *Ci* fluminis, à quo regno nomen, *Xantung* provinciam transfluente, congressus acie, horrendam cladem accepit, aliquot centenis hominum millibus cæsis; ipse cum paucis fugiens, evasit. Nunciata strage regnum omne miscetur. Invadunt urbem regiam hostes ipsi, captamque diripiunt, pretiosissima quæque ad *Yenem* regem transmittentes ex opulentissimo regis palatio. Tum *Yoyus* insperatæ occasionis luce victoriam longius latiusque differendam ratus, missis variis ducibus, cunctas fere *Ci* regni urbes ad deditionem pronas occupat munitque præfidiis. *Minius* autem (nam hoc erat *Ci* regi nomen) ad australes plagas *Kiu* dictas, *Zu* regno vicinas, se recepit. Inde ab rege petita illati belli venia, multaque promittens, ab eo flagitat auxilia. *Zu* rex occasione rei bene gerendæ lætus, quippe qua *Ci* regnum occupari poterat per speciem auxilii, *Naocium* mittit justo cum exercitu. Ille ad se invitat *Minium*, obsequium omne promittit, at venientem perfide capit. *Yenem* deinde regem de regni partitione allocutus, *Minium*, majore se perfidia maculans, necat. Ita *Ci* regni terras, quæ ad Austrum jacent, *Zu*; quæ ad Boream, *Yen*, reges inter se partiti, ex unius ruina suo uterque regno firnamentum quæsiere.

Erat eadem tempestate in *Ci* regno Philosophus quidam *Uangxous* nomine, virtutis ac sapientiæ fama inclutus. Hunc *Yoyus* omni modo ad sui regis obsequium pellicere, missis primum literis perquam honorificis

Ingens clades.

Perfidia per speciem auxilii.

norificis eum ad se invitans; recusantem vero tanquam visurus ipse coram conventum velle. *Uangxous* contrà illius vitare conspectum, nec usquam parere. Tandem æger inexpectata cunctatione *Toyus*, regionem, in qua Philosophus agebat, milite cingit, ultima minatus, nisi quam primum adsit, blandus tamen simul atque ad magni nominis præfecturam invitans. At *Uangxous* & minis & blanditiis intactus, maluit in sui regis obsequio mori, quam ad *Toyum* accedere; laqueo fidei suæ teste vitam finiens. Miser haud dubie, ac nihil minus, quam Philosophus; facti tamen laudatores etiam inimicos habuit, more Sinico, ejusmodi fidelitatem in suos reges permagni æstimantium. *Toyus* ipse honorifica sepultura affectum, monumento insuper ornavit, ut insignis fidei ad posteros exemplum. Fuit hoc olim, & est etiamnum ex parte sollemne Sinicis Præfectis fidelioribus, ut mortem sibi consciscant, ne veniant in manus alicujus, qui est in sui regis hostium numero, eique servire cogantur. Hoc enim à Sinis maxime probrosum habetur, si cum rege suo mori non præoptant, à quo præfecturam acceperant, quam regi victori servire, illique subjectos esse. Itaque satius est quam plurimis, gloriose perire (ut ipsi putant) quam hac perfidiæ ignominia notari. Hinc statuis, hinc sanis ad posteritatis memoriam propagant atque produnt ejusmodi fidem Sinæ, quam inter primas summasque virtutes ponunt. Vidimus hac ætate multos, quibus potior erat mors vel voluntaria, vel à Tartaris crudelissime oblata, quam ut illis se subicerent, eorumve ritu, imperioque caput raderent.

In hunc modum *Ci* regnum pessumdatum à diversis hostibus, unius feminae virtus & in regem suum amor utcunque restituit. Hæc memorandæ fidei matrona filium inter regios Præfectos numerabat haud ultimæ dignitatis, *Sunkiaus* erat ei nomen; occiso rege ad matrem prudentia & ætate provectam confugienti. Illa de deserto rege filium increpans, & ad fortiter agendum vel inoriendum pro suo rege adhortans, *Malo*, inquit, *mibi non esse filium, quam infidum regi suo*, *Sunkiaus* pudore affectus, ac simul à matre anima-

Toyi Philosophus in fide sui regis constantia;

Es mors ultionem.

Matrona fides rem Ci regi restituit.

tus, in publicum proruens inclamare cœpit. Naocius Zu regis militia legatus regnum nostrum contra jus fasque occupavit, occisoque Ninio rege scelus auxit, perfidus in utroque. Quare cui fides in regem suum, cui regnum cordi, cui animus petenda è Naocio ultionis; me sequatur. His dictis erecti multi, exponentesque se ad utramque fortunam pro libertate patriæ, de improvviso Naocii domum invadunt eumque necant. Quo facto quamplurimi Ci regni incolæ ad *Sungkiam* undique confluentes *Fachangum*, interfecti regis filium etiamdum latitantem, creant regem. Qui Zu regis præsidii è ditione *Kiu* nullo negotio ejectis paternum regnum jam tum ex parte restanrare cœpit.

His auditis *Yoyus*, qui agebat in Ci regno Boream versus, totius regni occupandi cogitationem suscepit. Collectis ergo viribus, quantascunque habuit, in *Fachangum* movet. Ad primum expeditionis impetum destinata *Me* urbs maxima; quam obsidione premere paranti Præfectus urbis occurrit extra mœnia. Certatum utrinque fortiter; sed cum *Yoyus* viribus esset ac virtute militari superior, victus ille atque interfectus est. Milites dnce destituti refugiunt in urbem ac iurando se obstringunt ante morituros, quam sese urbemque dederent. Ac primo ducem, cujus nuntum omnes intnerentur, sibi legunt uno omnes consensu militem gregarium, *Tientanum* nomine; sed cui tunc proelio nemo, consilioque par habebatur. Interea moritur rex *Yen*; in cuius locum electus *Hoius* illius filius, *Yoyo* non optime cupiebat, nimiam ejus potentiam suspectans. Itaque nec subsidia mittit ei nec stipendia, ut solebat pater; quin etiam, qua licuit, ejus rebus obstabat. *Tientanus* aversam regis ab *Yoyo* voluntatem, suam occasionem ad res bene gerendas ratus, quam potest occulte, ne quâ pateret consilium suum, per fidiſsimos homines sinistris sermonibus *Yoyum* differt eatenus, quoad fama gliscente ad regis aures jam pronas illius obtreſſatoribus perveniret, *Yoyum* cum Ci rege occulta jam agitare consilia, & ab illo regni partem petere; qua obtenta in *Yenem* regem meditata procederet rebellio. Quia
vero

Fraude
Yoyus ab exercitu dimo-
vetur.

vero metueret, ne rex *Yen* meritis à se pœnas sumeret; idcirco *Ci* regno velut asylo se tenentem, consulto bellum trahere. Præterea *Ci* regi non ignotum, *Hocum* ab *Yoyo* aversum esse; magno proin opere sollicitum, & quamprimum cum *Yoyo* convenire velle; timere enim, ne illo remoto magis fidum ducem præficiat rex *Yen*. Cujus animum ab *Yoyo* jam abhorrentem iniqui rumores eo perpulere, ut virum sibi fidissimum in regiam vocatum militari præfectura spoliaret, alio duce interim submisso, *Kikieo*. Tum triumphare gaudio *Tientanus*, jamque victoriam sibi quam à potentissimo exercitu promittere; ingenti atque unica sollicitudine liberatus, quam *Yoyus* iniecerat, exercitatusissimus, omnibusque partibus absolutus non dux minus, quam miles.

Yoyus atroci injuria vulneratus ab rege, inconsulto juvene, vindictæ quidem imperum compescuit, traditoque in *Kikiei* potestatem exercitu ad *Chao* regem se recepit; ab eo perbenigne, ut tauri vir nominis exceptus. At longe alia rerum facies in exercitu erat. Is enim *Yoyi* ducis enixe amans factique indignitatem in secessionis titulum detorquens, rumpit obsequium, deserto novo Præfecto, lectoque alio sibi duce. Cumque secessisset illius maxima pars, ortis factionibus languebat *Me* urbis obsidio, quæ tamen paulo post accepto novo ab rege imperio, solutisque ex integra stipendiis urgeri denuo cœpta.

Tientanus iuterea non modo milites, sed & cives, imo mulieres quoque adhibet ad urbis custodiam. Atque ut erat futuri persagax, omnia prævidere, quæque *Yenis* miles tentaturus erat in obsidione, prædicere, nullo proinde negotio eludens omnes artes obfidentium. Qua re tantam militaris scientiæ famam obtinuit apud suos, ut jam illo duce erumpere gestirent ex urbe poscerentque prælium. *Tientanus* videns, quantum ducis posset exemplum militiæ atque autoritas suosque tam promptos esse, in quorum fide merito acquiesceret, primo paulatim ex urbe aufugientium fraude subornatos, debiles quosdam viros feminasque ac pueros emittit. Qui ab hoste inre-

*Stratagemma
obsessorum
ingeniosum.*

cepti, res civitatis in calamitoso statu esse nuntiant; cives à deditiois consilio proxime abesse, annonæ extrema penuria. His talibus auditis *Yenis* milites, tanquam res omnis esset in tranquillo, atque in manu victoria, laxi ac sine cura esse, stationes agere laxius, desidiaeque & otio sese tradere. Interea *Tientanus* collectis, quotquot erant in urbe, vaccis, quarum erant plus quam mille, omnium cornua exacuta falce armat; vestique panno draconem ignitis coloribus referente, illitum pice ac bitumine stramen adnectens ad caudas. His cum cura paratis intempesta cæcaque nocte per portas, perque alios exitus è mœnibus in id apertos, emittit vaccarum exercitum, fortissimorum militum quinque millibus sequi iussis, pendulumque de caudis stramen accendere. Interim in mœnibus horribili strepitu tympana, cornua cupreæque pelves pulsari; confusus etiam omnis ordinis sexusque clamor in cælum boare; vaccæ velut agitatae furiis dispersæ, quocunque furor impellebat, hac illac discurrere, & obviis quibusque, quid ageretur, inscientibus, arietatis in terram, falcibus & igne cædem maximam facere. Ad terrorem præcipue valuit earum species, quæ lemurum nocturnorum dæmonumve credita, illi nocte ac spissis tenebris omnia in majus augmentibus, obsessores ultimo pavore concusserat. Itaque milites inopinato malo attoniti, stationes deferere, dispersi inordinatique confuse hac illac discursare. Vnde vel à vaccis vel à militibus, qui eruperant, occisione occisi sunt, reliquis castra impedimenta que deferentibus ac de sola vita sollicitis. *Tientanus* videns è sententia stragem procedere, repente adest cum omnibus copiis, instatque fugientibus, & stragem propagat. Tum castra civibus diripienda permittens, ipse cum suis utens victoria, fugientes omni præcisa mora insecutus intra breve tempus urbes amplius septuaginta occupavit. Hac enim nuntiata clade *Ci* gens omnis confurgit in præsidia; necatisque aut ejectis hostibus *Ci* regnum ad *Fochangum* rediit, *Siangum* se inde volentem appellari. Effusis igitur omnium gaudiis è *Kiu* ditione veniens exceptus, accepti beneficii memor, *Tien-*

tano principem regni præfecturam committit, omnem exercitum subjungens ejus imperio, nunquam marcente gloria, qua maxime florebat, de quo plura infra.

Chaus rex pretiosum habebat lapidem à *Sipis* dictum, è quo *Sinici* Imperatores regium sigillum conficiunt. Refert alabastrum fere vel gagaten, etiam nunc ad *Sinas* à *Mauris* è regno *Cascare* afferri solitus. Sed ejus præcipue magnitudo in pretio est, & si quadratum æquet, cujus latus unum non sit dimidio dodrante minus, tunc enim vero immensi est valoris, ac solo Imperatore dignus. Talem ergo cum haberet *Chaus*; *Cin* rex misso legato quindecim civitates, si eum sibi tradat, pretium promittit. Quo audito *Chaus Cinum* regem belli occasionem quærere non dubitans, è *Siangio* consultissimo Præfecto fidoque inprimis, quid sibi agendum, percontatur. Cui *Siangius*, *Facies*, inquit, quod voles, rex; sed, si alterutrum è duobus feceris, tuo malo facies. Si enim petenti *Cino* lapidem negas, apud eum offensam suscipies; sin oblato lapide promissas civitates tradere supersederit, prævium illius animum technasque cognosces. Mihi tertium quiddam est in mentem, ut lapidem in meam mihi fidem tradas, & vel hunc vel quindecim civitates à me reposcas. Non ægre persuasit hoc regi, acceptoque lapide ad *Cinum* legati nomine tetendit. Ipse quidem regiam urbem ingressus, at in regni confinibus certos homines jusserat subsistere, illis tradito clam lapide. Posthæc ad regem adiens, promissas urbes petit; quarum jus si suo regi cederet, lapidem in promptu fore. Cunctante *Cino*, quod à *Chao* lapidem sibi dono datum iri speraverat; *Siangius* ad eos, qui lapidem attinebant, nuntium mittit, jubentem quamprimum illum ad *Chaum* referre. Ipse aliquandiu in *Cini* aula commoratus tandem admonet se remisisse lapidem, eo quod nec ipse steterit promissis. Iratus primo rex, quod se inconsulto lapis remissus domum esset, mortem ei minatur. Cui *Siangius* intrepide, Mihi vero pulchrum erit, inquit, pro fide adversus regem meum infontem spiritum impendere; quod tibi visum est, age. *Cinus* cognita *Siangii* fidelitate ac-

Lapidis pretiosi audax postulatio elusa.

Proverbium.

que constantia placatus, muneribus affectum incolumentumque dimisit. Est nunc apud Sinas in proverbio, cum rarum aliquid pretiosumque laudare volunt, ut dicant quindecim urbes valere.

*Contentio
pro vasis
regis.*

His temporibus, ut dictum, penes Imperatorem una cum Imperatoris nomine insignia simul erant imperii; quin imo ea ipsa esse, quæ ab *Yō* facta sunt vasa, multi suspicabantur, nec vera, sed ficta atque ad illorum formam figuramque expressa, in *Su* lacu demersa, reguli credebant. Quam enim non verosimile, cum ea essent insigne imperii, maximaque apud Sinas in veneratione, nec nisi qui servaret illa, Imperator appellaretur, nullo digno operæ pretio, abjecta esse? Quare *Zu* rex horum vasorum cupidine allectus, & hæc & alia imperii ornamenta per viam, illato Imperatori bello statuit ad se trahere. His enim positum Imperatoris etiam dignitas atque majestas continuo sua sponte sequebatur. At unus ex ejus Præfectis salubriora suadens, Quo tibi affectus imperium, inquit, cujus amplitudo jam vix in centum se diffundit stadia? & ut illud obineas; quod incrementum accedes inde tuo tam amplo; tam longe lateque diffuso regno? Populus, qui ei paret, ad exercitum tuum adeo numerosum præter inuisilem numerum, neque hunc observabilem, nihil addet. Tam tenui victoriæ præmio propositio, perduellis notam nomini tuo inurere non times? scio te sola Imperatorum vasa ornamentaque ambire: hæc vis armorum tuorum esse pretium, ut aliorum in te regum concites arma? Quisque stabit ab Imperatore tanquam à te affecto injuria; quisque pro se disissimum tuum regnum invadet. Si nunc omnes unam putremque tigridem (diminutum imperium notat) qua nulli jam usui, nec in unius cœnam sufficiant, tanto studio venantur tantum ob antiqua vasa; quid illos deinde facturos putas, postquam ea in ingenti tuo regno, velut in pinguisimo cervorum grege esse cognoverint? His aliisque rationibus rex victus *Zu* ab incepto desistit.

Interea *Cin* rex confectis omnibus in occidente bellis, hostium ex ea parte securus animum denuo ad imperium obtinendum adjecit. Commodissimus ad imperii ditiones transitus erat per regnum *Chaa*; cu-
jus

jus proinde regem studuit omni officio sibi demereri & amicum facere. At ille quamvis amicitiam non abnueret, transitum tamen negavit; aliorum regum foedus, quod omnes inierant, in quibus & ipse, novis consiliis opponens. A repulsa igitur ad insidias versus, cum palam non auderet in *Chaum* insurgere, ne collectas foederatorum vires in se unum armaret; simulata amicitia regem parat occidere, quo pronior esset in vacuum regnum irruptio. Itaque ad regni tendens confinia, quamque fieri potuit occultissime magno exercitu vicinis in locis disposito, cum paucis dein progressus venationis specie, *Chaum* regem, ut ejus conspectu fruiturus, ad se invitat, amicum amice. Cohibuit primo assensum *Chaus*, aliquid sinisterum timens. Sciebat enim *Cinum* regem ex occulto iratum sibi, quod illo spreto cum reliquis regibus foedus pepigerat. Ergo cum Praefectorum fidelissimis *Siangio* ac *Lienposo* consilia confert de eo, quod agendum esset in praesens. Illi, *Cinum* visendum omnino suadent, quia, si omitteret hoc salutationis officium, se illius hostem non obscure declarabat. Sed & modum, quo ire debeat, docent; hortantes ut ante in omnem eventum filium regni successorem designet, quo facto spes omnis *Cino* praecideretur. Nam siquid perfidiose tentaret, regnum tamen haud vacuum reperturum esse. *Siangius* autem iret cum rege, *Lienposo* apud filium manente regnique rebus provisuro, prout usus foret. Itaque factum, & *Chai* filius in regem electus, omnium ordinum consensu dataque fide regni heres ac successor agnoscitur. Interea *Siangius* selectissimos militum, armis clam bene munitos, seque jubet ac praecipue regem comitari, famulorum ornatu, quo tutius lateret consilium; promptos interim ac paratos ad omnia futuros, praeepto etiam signo, quo admoniti confestim arma capessissent. Vbi reges in mutuum venere conspectum; primo sese comiter consalutant. Tum deinde *Cinus* instructo convivio paucis suorum adhibitis, nequa in suspicionem devocaretur, inter epulas ex destinato in *Chaum* regem acerbis verbis invectus, quod se deseruisset, hospitem

Sinus insidiosa invitatio.

Prudens fidumque consilium.

aperta contumelia violavit. *Siangius*, qui regi suo adstabat, semper, at nunquam magis fidus, quam cum ejus salus ageretur, de injuria, deque violato hospitii jure questus, iratusque *Cinum* summa libertate alloquens, *Postquam rex meus adeo tibi contemptus est, inquit; vide, ne hoc quinque passuum atrium tuo tuorumque sanguine paulo post nalet.* His minis exciti *Cini* regis famuli ad arma respexere, quorum impetum tamen *Siangius* atroci supercilio compescens incussoque terrore, ac dato signo suos in armis esse jubet. *Cinus* & contemptu sui furens eo magis, quod venerat à minore; quique famulos inermes esse crediderat, se potius deceptum videns, periculi præsentis imagine perculsus, ac multum timens excessit è triclinio. *Siangius* suos injuriam ferro persequi parantes, vetuit, ne illum occiderent, sibi satis atque abunde factum dicens, quod regem suum incolumem servaverit. Nec enim eo se ad lædendum regem venisse.

*Modestia
Siangii.*

Chaus domum reversus, summam *Siangii* fidelitatem æstimans, pari honore cultum, Colaum regnive adiutorem fecit. Quam dignitatem habuit adeo moderate, ut æmulos quoque & culmini ejus insidiantes, comitate ac modestia demulso, beneficiis insuper amicos fecerit sibi. *Lienposus* inprimis, de cujus fortitudine, bellicque peritia multa Sinæ, prælatum sibi *Siangium* indigne ferens, in omnes occasiones intendit animum æmulo superiori officiendi. Quo animadverso *Siangius* ubique congressum ejus fugere; cum *Lienposus* palatium ingrederetur, ipse alio diverti; ne, ut mos erat, alter alteri decedere ac primas dare cogeretur. Atque etiam in plateis curru vectus, si forte obvium haberet, eandem ob causam declinabat. Reliquis Præfectis de hoc *Siangium* ut nimis timidum atque demissum ridentibus; ipse forte quadam in eorum corona, *Quod nostrum regnum, inquit, est ab insidiis atque irruptionibus Cini regis tutum & incolume; causa est illa, quia scit hic rex Lienposum meque una in hoc regno esse. Si nos duo concordia non simus conjuncti; sed studiis potius dissensionis distrahit, simulacres exerceamus, in quibus regni*
salus

salus nititur; extremum ei impendet discrimen, haud alii causa, quam discordia nostra imputandum. Regis regnique commodo, non sum in similitate cum Lienposo, fortissimo ac generoso viro; privatasque injurias publicis utilitatibus libenter submitto. Lienposus de hac æmuli sui modestia edoctus, vehementer erubuit, & ad pœnitentiam versus, nudum corpus spinis vestit, eoque habitu processit ad Siangium, præteritorum veniam petens. Ita è muræ modestiæ certamine concrevit inter utrumque amicitia lapidea, ut Sinæ loquuntur, hoc est, firmissima nec facile scindenda; evidenti documento, plus beneficium in æmulo posse, quam injuriam.

*Modestia ex
amulo facit
amicum.*

*Amicitia
lapidea.*

Nunc ad Tiesanum, quo de supra diximus, nos revocat historia. Is regno Ci reparato firmatque felix, ad invadendum Yen regnum animum applicuit. Omnium primo Tie urbem attenta obsidione cinxit; adhibito tamen prius in consilium Chumlieno, viro Ci regni consultissimo. Hic futuri perspicax, Tu quidem, inquit, oppugnabis hanc urbem; at non occupabis. Quo audito Tientanus ira fastuque plenus, Chumlieno respondet in hunc modum. Ego ille, qui non sane copioso milite Ci regnum usquequaque jacens restitui, qui ex eodem regno Yenem hostem feliciter ejeci, qui plusquam centum civitates ad mei regis obsequium reduxi; nunc tanto stipatus exercitu eoque victore unam Tie urbem non subjugabo? Hæc locutus insalutato Chumlieno indignabundus inde se proripuit, ac Tie ipsos tres menses frustra circumfessa, metu simul ac pudore confectus Chumlienum convenit, jam in mœrentis humilitatem submissus, & unde cognoverit ea obsidione urbem à se non capiendam, rogans. Tum ille: Quo tempore, inquit, optime dux, in urbe Me privatus agebas miles; corpus militaribus exercitiis domabas, procul delitiis, quas, si quando affluerent, etiam abs terepulis. Ante cibum arma, post cibum arma tractabas; vita contemptor, periculorum ipsiusque mortis imparidus. Postea vero, quam à rege amplios honores, terras ac redditus accepisti; nil præter voluptates cogitas, mortem rerum omnium extremam times, majores honores sperare vix audes, accedente insuper

*Libera com-
monitio.*

*Commonitum
emendat.*

*Et victorem
facit.*

*Prudenti
consilio de-
scussa suspi-
cio de mini-
stro regia
concepia.*

per carnifice metu, quæ habes, amittendi. Hi sunt tu-
niculi, quæis antiquam tuam illam fortitudinem subru-
isti. Tientanus his auditis, Egregia, inquit, ac sanctitate
plena oratio. Nudaſti mentem meam non secus, atque ſi
eam introſpexeris. Sic eſt omnino, ut dicis; nec ego com-
mittam, ut te poeniteat libertatis atque conſilii tui. Nec
morâ, eoque ſalvere jufſo ad exercitum redit, omni-
buſque miſſis, quæ luxui ſervire poterant, exercita-
tiones campeſtres etiam infimæ ſortis retractare cœ-
pit. Quo factum, ut reſtituta militari diſciplina,
intra paucos dies Tie potitus cœgerit Yenem regem à
Cio pacem efflagitare.

Ceterum non ſola bellica virtute Tientanus, ſed
etiam pietate erga pauperes ac milites inclaruit. Ne-
minem nudum videbat, quin veſte donaret; nemi-
nem famelicum, quin cibaret. Ad ægros ipſe invi-
ſere, conſolari, &, ſiquid deeſſet, providere. Qui-
bus rebus tantum ſibi civium ac militum amorem
conciliavit, ut Ci rex timeret ne ſolicitatis illorum
animis invadendi regni conſilium ab eo conquiretur,
inuſitatis obſervantiæ amorisque ſignis intumeſcente.
Qua tamen ſuſpicionem perquam dextre Quonchuius
Præfectus ſimul atque Philoſophus eum expediit. An
non ſaius erit, inquit, ſi Tientani erga tuos pietatem
tuam faciam? tamque ſidi ac bene de te, bene ac tuo re-
gno meriti ducis fidem abſolvas? ſi me audis, promtum
eſt tibi omnium amorem in te unum traducere. Sciat po-
pulus idque per edicta publica, maxime probari tibi Tien-
tani officia, quæ pauperes, quæ milites experiuntur; imo
te hoc non modo velle, ſed etiam imperare. Quicquid ad-
huc fecerit, à te mandatum habuiſſe, atque ut humani-
tatem intendant, denuo jubere; cui rei multum conducet,
ſi reditus ejus auxeris. Nemini dubium erit, quin à te ve-
lut à primo fonte manarint omnia hac beneficia. Paſſim
audies patriæ populique pater; te tuorum triſtitia non mi-
nus quam ipſos moveri, te illorum nuditate frigere, il-
lorum labore fatigari. Sic efficies, ut Tientanus & ſua
ſponte propenſus ad benefaciendum, & tua volente
longius impuſus, tuæ felicitati, tuæ ſecuritati commodæ
virtutem ſuam.

Ceterum

Ceterum magnus ille *Yoyus*, ut supra diximus, ab *Yene* rege iuvene offensus, ad *Chaum* regem confugerat. Hic qui hominis magnanimitatem armorumque peritiam nosset, ratus eum *Yeni* quoque offensum, ejus regni occupandi consilium cum illo struit. Sed, ut solent altæ mentes, *Yoyo* vindicta post fidelitatem, qua se ingratus rex fecerat indignum, fuit, *Chaum* ab hoc bello hujusmodi dictis avertenti. Olim jam erga *Chaum* regem extitit utcunque servitus mea; nunc tibi servio, te regem meum agnosco. Virumque mihi offendere non licet. Profugi quidem è patria, non tam quia illa erat meorum in se meritorum immemor, quam ut mea saluti consulerem; proinde in eam quantumcunque ingratiâ iniquus esse nolo. Si aliud regnum invadere cogitas, quod vita suppeditabit, à te stabo pro viribus, nihilque omittam, quin me fidelem tibi servum experiri. Destitit ad hanc constantiam ab armorum consilio *Chaum*, illud in *Yoyo* maxime stupens, quod ingratum regem patriamque pergeret illibata charitate diligere.

Amor in ingratiâ patriam.

Sed & rex *Yen* non perfunctoria sollicitudine æstuebat, quod *Yoyus* apud *Chaum* esset. Timebat enim iratum sibi, & aliquid, si vindictæ affulgeret occasio, sine dubio moturum. Hinc eum sæpe ad se invitare multa promittens, & tantum non palam ab eo veniam petere. Subinde ad eum scripsit in hunc modum. Quod regnum *Yen* non utatur te sui studioso, qui ad *Chaum* fugeris; si privato consilio tuæque salutis cura id fecisti, à recti virtutisque tamite nondum aberrasti. Sin ideo migrasti è regno tuo, ut veteris tui regis ac patriæ oblitus, in me illius filium vindictam coqueres; hoc enim vero indecorum erit tibi, tui nominis famam eo facto insignitex denigranti. Quin potius considera quid deceat virtutem tuam; ad patriam reflecte animum, atque ad tuos redi. Scito te ab omnibus summa lætitiâ excipiendum, & à me quam maxime, fide publica interposita, te ad amicos esse venturum. Ad hanc epistolam *Yoyus* ira rescripsit: Hoc unum mihi semper in votis fuit, summo studio adnisi ad mei regis animum omni fide mihi demerendum; idque nunquam non accurate cavi, caveoque, nequid iniquum

Amica revocatio suæ.

quum de meo rege non modo dicam, sed ne cogitem quidem. Quod autem ab amulis crimina mihi objecta sunt, immerito meo; id vero in parte felicitatis deputo. Vicunque se res habet, ab eo, quod iustum esse censeam, nunquam, nec latum unguem, discedam. Antiquitus perfectæ virtutis homines, licet veterem amicitiam dissolverent, non tamen idcirco in desertum amicum dicto factore injurii fuere. At subditus suo rege regnoque relicto, vix fidelis viri nomen tuebitur, nec poterit se purgare de fuga. Vix est enim credibile, illum esse fidelem, qui deserit regem suum. Ego me de fuga non purgo, ne regem meum accusem; contendam tamen, ut bonam existimationem conservem. Si mihi non licuit esse fidelem, infidelis non ero. Ego subditus tuus optimis sæpe viris operam dedi, eosque mihi ad imitandum proposui; horum est injuriam oblivisci. Ten hac epistola, quæ in Sinica phrasi miram vim habet; perlecta latus deque Tōyi virtute securus, quem apud se habebat ejus filium in patris dignitatem extulit, magnoque in honore habuit.

Pax inconsulto emptæ.

Interea inter fœderatos reges exortæ simultates magno Cini rebus emolumento fuere. Quippe secundo & quadragesimo hujus Imperatoris anno *Chaus Gueiusque* reges cum *Hanum* regem communibus armis unum peterent; coëgerunt simul à *Cino* rege flagitare suppetias. Hic latus occasione suas vires ostentandi, mittit ingentem exercitum. Postquam acie decretum utrinque acerrime, victoria stetit à *Cino*, contra duos reges, quorum miles victus & in fugam versus est terribili strage. *Gueius* ab irato victore pejora timens, missoque legato denuo pacem emit, traditis terris omnibus, quasunque *Nanyang* regio completebatur. Id ne fieret, multum oblectatus *Sutaius Guei* Præfectus, Tot terras, inquit, ô rex, *Cino* tradere ac sperare pacem; perinde est atque lignis ignem extinguere. Cui rex breviter, Quid vellet, intelligere se respondit; sed ab eo, qui pejora merito timeret, acta rescindi non posse, præsertim necessitatem asstimante. *Sutaius* contra, Scis, ô rex, eos, qui ad aucupium vulture vel falcone utuntur, tamdiu passum his animantibus sufficere;

dum

dum ex eis utilitatem percipiunt; hac autem cessante, dimittere. Ita & consilium mutare prudentis est, cum illud, quod statuerat, cognoverit sibi esse prajudicio. At rex obstinatus in damna sua bene moneutem non audiit, transcriptisque terris Cini regis famem accendit magis quam explevit, ut paulo infra videbimus. Hinc enim, debellatis cunctis regibus denique gradum ad imperium fecit.

Sero pœnituit Gueium spreti consilii; sed tamen quo tutior esset, & à Cini se potentia emergeret, Cì regis ambit amicitiam. Quem quidem missa legatione facile traxit in suas partes; verum regni sui exitio, per æmulationem legatorum, quod servare debebant, subruentium. Mira fuit tragœdia, quæ his legatis actoribus Cino Guei regnum occupandum aperuit. Suikiaum legationis principem miserat Gueius, addito comite Fancio, magnæ eloquentiæ viro. Qua Cì rex magnopere delectatus redeuntem non temnenda auri summa donat. Suikiaus vel invidia vel in suum regem fidelitate motus, ubi domum rediit, Gueicium regni Colaum admonens de eo, quod factum esset sub finem legationis, Prodimur, Colae, inquit, Fancii technis, qui sine dubio arcana quæque regni nostri negotia Cio regi aperuit, concoxitque clandestina in perniciem nostram cum eo consilia. Nam quo alio ex pacto auri tanta copia profluxisse potest? Facile in Gueicii animo fictum crimen infedit; iræque impotens Fancium primo fustibus excipit haud perfunctorie; deinde, ut præceps ira semper excedit modum, dentes ei pugnis magna vi volantibus elidit. Reperit in arena consilium Fancius, humique ultro procidens mortuum simulavit adeo scite atque ad vivum, ut iuolutus in stramen imperio Gueicii projiceretur in sterquilinum. Inde Fancius silentio noctis occultus prorepat, deceptisque custodibus ex urbe fugiens, mox autem mutato habitu ac nomine regressus eodem, impune latuit. Interim à Cino ad Gueium regem legatus venit. Summa legationis erat, Cinum invitari à Gueio, ut uua secum bellum contra Cì regem fumeret. Hunc domum redeuntem Fancius furtim comitatus, ad palatium Cini regis usque perve-

Fancii legati eloquentia.

Remunerata invidiam parit.

Publico malo.

Admonitiones a regibus flexu genibus exceptæ.

pervenit. Ibi pristino Philosophi habitu resumto mirum quanta solertia *Cinum* ad bellum *Gueio* inferendum & ad inenndam cum *Cio* pacem induxit. Quod ut ad cognoscendum sit illustrius, scire licet, Sinicos melioris famæ Reges ut plurimum in usu habuisse, ut, cum à Philosophis ac bonis viris vel de fugiendis vitiis, vel de virtute sectanda, vel de re alia quacunque ad regni bonum pertinente monerentur, ea flexis genibus exciperent. Nec de his regem admonere doctis probisque viris vitio vel crimini vertebatur. *Fancius* ergo *Cini* regis aulam ingressus seque aulicis immiscens, cum illi hominem ut ignotum exesse juberent è palatio, tum ille alta voce ludibundus exclamavit, *Quod rex Cin adhuc placidis rebus utatur in regno suo, id scilicet Yangheo regni adjutori debet.* Rex ironiam intelligens, etsi hominem non nosset, ex agendi inodo tamen & habitu non è vulgo doctum occultumque Philosophum esse suspicans, flexo poplite imperat, ut, siquid è bono publico futurum sciret, actutum proferret in medium. Tum *Fancius*, *Postquam fas est*, inquit, *ô rex, coram te proloqui, quæ sentiam; tria sunt, quæ tibi tuoque regno spero magno emolumento fore.* Cum rex, *Maximæ felicitatus in loco ponam, si me libere monueris ac sine ambage*, dixisset; *Fancius* denuo, *Iam, inquit, nec mihi tacere fas est. Ego extraneus quidem, at à meis toties inique vexatus, tandem injuriæ magis magisque valescenti cedens adsum, ut, siquæ potero, tibi serviam.* Etsi vero necdum admissus sum ad dignationem servitii tui, tamen quæ meditatus assero, ausum in tui regni bonum cessura polliceri. Sum in manu tua jam, *ô rex; vel fidem vel stultitiam meam facile deprehendes.* Timeo quidem, ut ignarus voluntatis in me tuæ, ne de his, quæ certum est modo loqui, me paulo post locutum esse poeniteat; verum siquæ tuis commodis favens oratio contigerit mihi, ego vero ob eam rem mori possum. Dubitantem adhuc vera loqui rex bono animo esse jubens, *Audire te*, inquit, *paris erit felicitatis meæ; indulge tandem impetui, qui te instigat, & quacunque habes exprome.* Hic denique propius accedens ad regem *Fancius*, *Magnitudo regni tui, ô rex, ait, & militum numerus ac robur*

robur ad obtinendum orbis imperium tam tibi sufficiunt, quam ad unum leporem capiendum optimi venatici canes. Quo mirari subit impensius, nondum in potestate tua provinciam Xantung esse, unde tibi ad reliquas oppido molis est aditus. Atenim si rem secretius expendo, malorum omnium causa in Yanghei Praefecti tui persona consistit, cuius consilia mihi plus nimio suspecta, tibi aequae noxia, invidia partem, si verum fateri licet, in te aliquam exonerant, occasiones rei bene gerendae negligentem. Non sine stomacho rex ista tam audacter ingerentem audivit, atque; Clarius hac, inquit, edisseras impero; & in quo peccet Yangheus Colaus meus, & in quo ego regni mei ampliandi facultatem è manibus elabi sinam. Fancius majori alacritate reliquum sermonem persequens, cum moderate videret irasci regem, ita ratiocinatur. Bellum, ô rex, inferre Ci regi cogitas. Qua id, obsecro, Vicini debet- causa? quo consilio, quod relinquens retro intacta Han landi. Gueique regna cum remoto bellum habeas? An non satius foret cum his, qui longius distantes minus incumbere regno queant, conciliata pace, in finitimos arma transferri? Sic enim fiet, ut, cum terram digito non maiorem subegeris, in stadium ea particula procreseat tibi. Sic potestas extenditur; sic longe lateque regnatur. Han & Quei regna loquor, hac tibi vicina, hi sunt cardines, in quibus orbis totius imperium volvitur. His in deditionem redactis Ci reliquaue regna prona erunt ad imitationem obsequii. Multa alia præclate Fancius cum in hanc rem dixisset; Cino haud operose persuasit, ut stabilita cum Cio pace, in Guei regem transinoveret bellum. Fancius præterea, quanquam hoc non spectaret, quamprimum praefecturae dignatus honore, dein regis consiliarius, cum de amplificando regno ipsoque obtinendo imperio multa cum eo agitaret; denique mortuo Yangheo, ad summam dignitatem processit, Colaus creatus, eventu sibi felici, at regi felicissimo, quippe qui illius consiliis ad imperii culmen evasit.

Dum hæc geruntur, audiens Guei rex, à Cino bellum in se decretum esse; maturat Suikiam legatum ad eum mittere, impetrandæ paci promittens omnia, seque

Fancii dissimulatio.

Ab ipsomet detecta.

tributarium ultro faciens. At *Fancius Suikiao* juxta *Gueique* regno infestus, pacis negotium turbavit. Nam simul inaudit adesse *Suikiam*; lacero amictu sordidus ad eum iuvit, germanum nomen suum indicans (nam apud *Cinum* regem illud dissimulabat) quod more Sinico in libello, in quo lustrati regni acta erant, inscripserat. Obstupuit lecto *Fancii* nomine *Suikiam*, quippe quem à *Gueicio* interfectum putabat. Eo deinde intromisso, *Adestne*, ait, *revera Fancius? & sine fraude, sine maleficio?* Demum convivio exceptum nova veste donavit, ignarus eum regni Colaum esse, cujusque potissimum arbitrio pax innitebatur. Inter colloquendum *Fancius* legationis causam rogat; quam ubi didicit, se illi comitem ad regni adiutorem iturum promisit. *Suikians* utilem suis rebus socium, ut putabat, tacite gratulatus, curru suo exceptum secum ad Colai domum deducit, nihil dum etiam suspicans Colaum esse, quem secum vehebat. Ad fores ubi ventum, mox è curru descendens *Fancius*, Ego prior ingrediar, inquit, &c, quid agendum sit, explorato statim huc reversus te docebo. At ingressus domum cum non exiret amplius; *Suikians* moram demirans, quid actum esset cum eo homine, qui paulo ante palatium ingressus nusquam appareret, è famulis sciscitatur. E quibus posteaquam illum ipsum *Cini* regis adiutorem esse cognovit; tum ex conscientia præteritorum pavore marceus, humiliter flexis genibus anxius ad omne supplicium sese demittentis modo, domumque tali habitu irrepens, humiliter delicti veniam petit. Cui *Fancius* illustri satellitio stipatus, Quod mortem diu tuis factis debitam nunc effugas, inquit, donata mihi vesti debes. Illo enim qualicumque munusculo veteris amicitia te adhuc memorem ostendisti. Ceterum negotium, cujus causa missus es, neutiquam successurum scias nisi prius domum reversus regi tuo significes, ut quamprimum præcisum *Gueici* caput huc mittat. Nam à *Gueicio* vapulaverat, uti dictum, *Fancius*, *Suikiai* calumnia. His dictis magnifica pompa ac specie inter magnates *Suikiam* abire jubet. Ille, quod infecta re domum rediret, regis

gis iram timens, simul & *Gueicii* potentiam; ne rem periculi plenam exponere cogeretur, ei declinando peregre abiit. Quæ fortuna eum alibi exceperit, quidve de eo factum sit, nondum liquet.

Sub eadem tempora *Tientanus* jam provecta ætate, à *Ci* regno iterum secedentis notam vix effugit; ut virtus plus habet invidiæ, quam imitationis. A novem itaque Præfectis æmulis de regni ambitu reus agitur. Iamque regem eo adduxerant, ut timeret. At *Tiaopous* ejus consiliarius omnem suspicionem deterfit ex animo regis, cum diceret. *Postquam ex urbe Me Tientanus exiit; uno impetu plus quam mille terrarum stadiis jugum imposuit, quod à te acceperant. Et hos tractus tibi inermi summa cum fide restituit. Si qua igitur tunc eum regni tentasset ambitio; nemine procedentibus armis obstante regnum erat in ejus manu. Quæ cum ita sint; quid putas, ô rex? estne cuiquam credibile, qui, quod jam haberet victoriæ præmium, si vellet, ultro contempserit, reservans majori domino, id est, tibi, eum proditione reperiturum, cui fides non tantum præ hoc scelere, sed etiam præ regno adhuc fuit? Tanta quidem puerilitas à Tientani moribus longe dissentit.* His dictis placatus rex, ac tandem deprehensa Præfectorum calumnia, novem illos occidi jubet, & meritas insidiarum fraudisque pœnas persolvere.

Calumnia ab amico propulsa.

In Authores redit.

Interea rex *Cin*, ut diximus, à summo Præfecto *Fancio* edoctus, de occupando imperio publice consultare cœpit, conscriptoque ingenti exercitu, quinquagesimo hujus Imperatoris anno duos simul reges invadit, *Chaum Hanumque*; dextro cornu contra illum, contra hunc sinistro pugnare jussit. In regno *Chao* filii nuper electi loco, qui tum decimum quintum agebat ætatis annum, gubernacula reipubl. tractanda susceperat, superbissima simul & imprudentissima femina. Hæc à *Ci* rege poposcit auxilia; quæ in promptu erant, ni respuisset æquas condiciones, quasque totius regni & Præfectorum omnium consensu accipere rogabatur. Interim *Uangheus* sinistri cornu dux in *Han* regnum infusus, *Xangtung* ditionem occupavit. E qua non minus milites quam incolæ relictis

Malum femina consiliura.

sedibus ad *Chao* regnum profugi, victori viam eodem præstraverant. Itaque *Chaus* à gemino exercitu coangustatus oppressusque, matris contumaciam luit, commissis aliquot præliis semper inferior.

Accepta igitur tanta clade *Chaus* duces de ignavia prius increpitos, exiit munere, suspectans etiam illorum fidem; & *Houm*, extraneum quidem, de cetero fortitudinis atque scientiæ militaris laude inclytum exercitui præposuit, ob has artes omnibus formidabilem. Hic ergo quamprimum venit ad exercitum; corruptam disciplinam militarem restituit, stationes ordinesque servare milites docens ac perpetuis exercitationibus prædurans in hostem. Effecitque, ut victus exercitus erigeret sese ad spem victoriæ. Aliquot velitationes certe cum hoste concurrentibus ad illam semper prosperæ fuere; non auso *Cini* milite rei summam aperto Marti committere. Quare *Cin* rex ab *Hoo* multum metuens, cumque vi & aperta pugna superari posse desperans, sibi sumsit strategemate percutiendum. Nec cessit illud infeliciter. Iam sinistrum cornu, quod *Uangheus* ducebat, erat in proximo; cum *Gankiunius* dexteri cornu dux committit pugnam, & ut cum *Uangheo* convenerat, fugam simulat, urbem *Pie* in valle accumbentem celeriter ingressus. Ad eam urbem commodum per vallem aditum montes laxaverant. *Hous* igitur illac fugientes insequens, ubi se victorem credidit, victus est. Vrbs enim tuta munitionibus, validoque firmata præsidio, illum ab oppugnatione deterruit; & *Uangheus* interim ex conducto cum sinistro cornu adest, vallisque fauces obsidet. Hic *Hous* inter sacrum & saxum positus, quod ait vetus proverbium, & iniquissimo loco clausus, intra quadraginta sex dierum spatium, deficiente omni com meatu, famem cum suis humana carne propulsare coepit; missa interim per avia montium ad *Ci* regem legatione, qui auxilia & maxime annonam inde peterent. Sed rex utrumque negavit, offensus à regina, ut supra diximus. Ita rebus desperatis *Hous* ferocior ad oppetendam potius mortem suos una secum, quam ut ingloria fame perirent, induxit. Ac licet periniquo

quo loco, & admodum fesso inedia milite uteretur; cum Uangheo tamen in faucibus vallis proelium committit, scintillante adhuc aliqua spe, se posse perumpere. At ille castra valide communierat; & ex urbe, ut conventum erat, Gankiunius suis Houm penitus interceptit. Diu tamen & in hac rerum inclinatione anceps proelium fuit, donec tandem Houm ipse sagitta vulneratus occubuit. Cujus casum, velut præciso capite, secutus est exercitus incredibili strage; ad quadringenta hominum millia cecidisse scribunt. Pauci per abrupta montium connixi fuga salutem repperunt; duodetriginta tantum in hostium venere potestatem vivi, quos Cini rex incolumes ad sua redire permisit.

*Ingens clau-
des.*

Horum tumultuum initio rex Guei rebus suis diffidens Cini regis obsequio se devoverat, regno tributario ei facto; nec ita tamen satis tutus sibi visus, optimos undique viros, vel scientia vel armis claros invitabat, quorum opera, siqua necesse, uteretur. Erat tum celebre nomen Cumpini, præsertim à sapientia doctrinaque non vulgari. Hunc Gueius ad se invitatum regni adiutorem assumpsit, quamvis ante repugnantem. Cum enim ad eum legati venissent; mandata regis exponentes, responsum ab eo tulerunt hujusmodi. Si rex audire me volet, ajebat, & consilia mea commendare factis; sentiet is, ut spero, ad regnum bene administrandum his difficillimis temporibus ea perquam opportuna. Sin aspernabitur, meque audire nolet; non est causa quicquam, cur ad illum me conferam. Nulla enim in re proderit illi præsentia mea; non magis, quam hominum reliquorum nullam regno utilitatem asserentium. Cujus sermonem unus ex iis, qui missi erant, excipiens, Si nollet, inquit, consilia tua sequi rex, non te invisaret in regiam. Nam ea de causa te vocatum adsumus; frustra missi, nisi te comitem nostri reditus, imo enim vero ducem habemus. Assensus igitur legationi Cumpinius, cum venisset ad regem, multa de illorum temporum bellis ac calamitatibus ab eo rogatus, Si quis, ô rex, decedat morbo, inquit; plerumque id exiit ex inopia remedii, aut, si hoc suppetat, cum morbo non consentientis. Nunc

*Cumpinius
vir sapiens
in consilium
vocatur.*

Sinarum orbis magnopere laborat, inclinatus ad interitum, nisi praelari medici ferant opem, ruinamque sustineant. At isti tales nulli sunt; aut, si qui sunt, ignorantia medendi laborant ipsi. Rex Ciu nimium crescit, incumbitque contentis viribus imperio. Et, quod Calum avertat omen! metuo tamen vehementer, ne prius illo potiatur, quam viginti labantur anni; cui jam nunc obfisti non potest. Ita est, subjecit Gueius; & quia modo Chaus & Han reges à Cino devicti sunt, omnes sunt authores mihi, ut fortunam victoris gentium secutus, meas cum illius copias jungam, contra illius hostes depugnem. Hac demum, id est, armorum societate me felicem illum amicum fore. Ad ea Cumpinius, Non suaserim, inquit, ô rex, ut res tuas in tantum discrimen committas. Ciu aliena per fas & nefas invadit; Sinarum orbi per tyrannidem cogitat jugum imponere. Si primi conatus procefferint, si reges alii regnaque sub jugum abierint; haud erit regni tui temperantior, nisi etiam irrumperet avidius, quod unum illud intelliget obstare sibi ad fastigium. Quare potius author tibi sim, uti tuo contentus, quietusque velut è specula eventum rei expectes. Magno enim opere timeo, ne tuis viribus auctus, universas denique convertat in exitium tuum. Ab avaro, ab alienarum rerum, & ipsius adeo imperii appetente mihi nihil sperare licet. Exemplum ab hirundine accipe. Avis illa primo in magnatum tellis nidificat, pullos excludit, lato cum sociis garritu lascivit, ex alto secuta superventura calamitatis, omnique metu soluta. Sed si deinde parva forte scintilla excitaverit incendium, flamma paulatim succrescens in altum, proximam nido pullisque cladem admoveat, adhuc ignara matre orbitatis suae, periculumque nimis sero ac tum primum notante postquam omnia perdidit. Idem, ô rex, de te cogita. Ciu grassatur instar ignis, Hanque & Chao regna quasi depastus tibi jam imminet, ni obviam eas in tempore, bellicae facem extinguas potius, quam accendas. Persuasit hac similitudine Gueio Cumpinius, ut deserto Cino, mitteret Chao regi auxilia, conjunctis armis in communem hostem itura; queis Uukium filium suum, fortissimum juvenem praefecit. Felici quidem ad primos congressus Marte; sed

Sana suadet.

Adducta similitudine.

ad

ad Cinum fortuna demum transferente victoriam, ut videbimus.

Interim Cini regis exercitus devicto extinctoque Hoo, ut diximus, Chai terras invaserat, multisque captis urbibus, denique ad nobilissimam ac munitissimam urbem regiam Hantan admovit vires suas; quam si expugnasset, regnum universum ad deditio-
nem pronum erat. In has angustias adductus Chaus, *Legatio
adornata.* Pingyuenus legatum ad Zu regem mittit auxilia peti-
turum. Pingyuenus duodeviginti comites partim bello, partim literis claros assumens, postquam incepit iter, undeviginti numeravit. Maosius enim seipsum intruserat; parum ille adhuc notus, (nam fere occultus hucusque vixerat) sed magnis adornatus virtuti-
bus. Quo conspecto Pingyuenus, *Similitudo.* Docti ac sapientes ho-
mines, inquit, in orbe terrarum se habent, ut artificum instrumenta in theca recondita; qua nisi promantur & adhibeantur ad opus, ignoratur eorum utilitas. Triennium jam est, cum apud me domi sedes. Existimabam te aliquid prestare posse bono publico; at nihil adhuc memoria dignum gessisti, credo, quia inertis es ingenio. Tum Maosius dissimulata contumelia, Ita est, subjecit; adhuc in theca mea me abdidi, ut apicula in favo mellificans aptansque instrumenta. Nunc tempus est eis utendi, postquam regnum omne turbatum: quicumque aliquid in commune conferre possunt, eos pietatis lege vetat amplius latere; provocatque in publicum. Nunc quidem itineris tibi comes eo, & tantum comes; qua autem paulo post acturus sum apud Zu regem, non videbis modo, verum etiam palpabis.

Pingyuenus ubi ad Zu regem pervenit, regis sui mandata exponit, Cini regis violentiam accusat, rogatque suppetias ad hostem utriusque repellendum. Atqui Zuus acerbe de Chao rege questus, quod foedus rupe-
rit, quod amicitiae renunciaverit, & longissimam orationem exorsus, à mane ad meridiem usque in absen-
tem detonuit, tanto Pingyueni terrore, ut ne mutire quidem contra sit ausus. At non tam molliter nego-
tium egit Maosius; sed repente nudato, quo erat præ-
cinctus, ense, stans in aulae gradibus, & ad Pingyuenum conversus ex abrupto, *Nostri regis, inquit, angustiae tam
longos*

longos non patiuntur sermones. Quo rem ambizioso dicendi furore protrahimus, qua duobus verbis expediri potest? Zu rex cum rege nostro fœdus serito, auxilia mittito. Zuus peti se videns, & in iram versus, Maosio silentium imperat, ni pejora velit experiri. Nihil fractus his minis Maosius, imo audentior & ad regem propius accedens, Amicitia, inquit, & auxiliares copia, quas à te petimus, ô rex, non tam nostri regis commodum spectant, quam tuum. Amplissimum tuum est regnum, quippe non minus quam quinque stadiorum millibus patens. Tanta potentia, tam invictæ vires, si Chaum regem amicum habeant & faventem sibi, ad totum imperium obtinendum facile suffecerint. Non sponte sua rex noster descendit ad hæc consilia; præsens necessitas telum maximum nos istuc subigit à te exigere, cuius illum & nunc pudet, & postea fortasse poenitebit. Hoc enim totum solumque paret felicitati tua. Rex ista loquentis constantia ac libertate attonitus, quamprimum jugulati galli sanguinem Pingyueno propinat. Fit hoc etiamnum apud Sinas, quoties sancitur amicitia, non inter reges modo, verum inter quoscunque alios etiam, qui sese invicem fraterno jure donant. Quin & latronibus est hoc solemne, ad montum auxilium ferendum servandamque fidem conjurantibus. His rebus completis Zuus per Chunxinium Præfectum Chao regi magnam exercitum submittit suppetias laturum; à quo tamen nihil admodum memorabile actum est.

Galli jugulati sanguis in feriendo fœdere epotus.

Anno hujus Imperatoris octavo & quinquagesimo, cum jam multo tempore Cini exercitus cum Uangheo sedisset ad urbem Hantan; Guei rex filium Unkiū, ut diximus, subsidio misit. Ille obsidentes aggressus, magna eos strage affecit, urbemque obsidione liberavit. Ex alia parte Ganpignius impetu in Chai regis exercitum facto, delevit ad viginti milia. Unde Cinus utramque fortunam in uno eodemque actu expertus est, ex una parte victus, ex altera victor. Unkius inde in multorum odium incurrit. Juvenis & victoria ferox, alto supercilio præ se alios asperrabat. Non tulit eum factum unus ex amicis, & molli sermone in animum ejus irrepens, Sunt, inquit,

inquit, alia, quorum obliuisci oportet: & alia, quorum meminisse. Accepta beneficia oblivioni danda nunquam; neque data sunt in memoriam unquam reuocanda. Hactibi, ô rex, dico; quem nunc ab una victoria tantopere tumentem meminisse decet, apud Chaurum regem te duntaxat, apud patrem tuum non perinde gratiosum esse. Spes enim omnes, quas concipere de te poterat, una superbia elidis; à quo vitio, ut malorum omnium radice, nihil unquam boni sperandum. Mirum quantum valuit hæc apud juvenem admonitio. Nihil eo posthac modestius, nihil intam excelsa fortuna submissius. Quoties est injecta de victoria mentio; quasi sua laude læderetur, erubuit. Fuit, ut copias suas traderet non procul urbe, in qua Chaur tunc agebat. Rex eum convivio exceptum quinque donat oppidis, velut partæ pretio victoriae. Quæ tamen ille recusavit omnia, non suam esse, sed militum ejus palmæ gloriam ingenue professus ac sine fuce. Chaur ergo saltem in ministro regem honoraturus offert Chunglieno ejus Præfecto dynastiam. Quam cum & iste recusaret; ille magnam pecuniæ vim submittit, dynastiæ pretium non impar. Chunglineus auro longe obnixius à se spreto, hoc non est, inquit, quod magni æstimo; sed pro regno, pro rege, pro populo, pericula subire, pericula eorum avertere, tranquillatis rebus nihil præmii accipere, hæc mihi prima, hæc summa semper fuere. Præterea, quod palam pronuncio & omnes exaudire volo, qui susceptos pro republ. labores infamant accipienda pecunia, mercatores esse. Mihi nomen hujusmodi nimis est quam vile, & mercatura hæc morte pejus abominanda. Erat omnino Chunglienus vir cetera egregius, nisi laudes ejus detereret fastus nimiaque sui æstimatio. Liberalitas Chai regis; quasi auro compensare volentis merita sua in offensæ loco habita, & sufficiens ei materiæ visa, ut relicta præfectura discederet alio, nunquam postea in Chao regno visus.

*Proficua ob-
jurgatio.*

*Spreta labo-
ris præmia:*

Interea Cin reparato exercitu Chao regnum denuo invadit. Contra quem cum Guei rex per Cinpinum Præfectum (Unkium enim filium mitti tunc non placuit) ferre vellet suppetias; ille scriptis ad

Gueium literis acerrime de violata toties fide expostulat, ultima minatus si perseveraret à *Chao* stare. Epistolæ sententia hæc erat. *Mihi cum eo bellum est; tu si pacem amare domi non potes: & succurris hosti meo, cum-
 Etas vires, quantiscunque polleo, in te unum convertam.*
Chao regnum jam victum quin obtinere possim, non dubito. At is deinde viderit, quid se futurum sit, qui regi summisit auxilia. Utique minaces erant literæ; quibus lectis *Gueius* timuit haud mediocriter. Quare ad *Cinpinum* mittit alterum legatum cum novis mandatis, illi persuadere conatus, ut exemplum suum secutus, *Cinum* Imperatorem agnoscat, eique faciat se tributarium. Ni facerent, pacem nunquam habituros; nec quieturum ante *Cinum*, quam omnia regna subegisset. Intercessit tamen huic legationi *Changlienus*; qui in legatum *Guei* regis incurrens in itinere, sic ei reditum, quamquam infecta re, suasse scribitur. *Cin* rex à rationis & justitiæ tramite longe recessit, relique normam abiecit; potentia fretus alienis regnis insidiatur. Si, quod affectat, evaserit ad culmen; quot quantisque malis pressum ingemiscet imperium? Nam ab eo, qui jus omne pervertit, quid boni speres? Iam prævideo tyrannicas leges, quas invehet, ac nostris, heu! longe contrarias. In ista miseriarum contemplatione diutius herere mihi non est animus; eaque propter ad orientis nunc mare tendo, tot malorum fugiens aspectum. Ibi vivam, ibi moriar, ignarus rerum, quæ isthic gerentur. Rex vero tuus cur *Cinum* tantopere timet? cur non respicit ad regnum suum, quod potentia & viribus *Cini* regno non multum cedit? cur eum ultro protrudit ad culmen, ad quod surgenti, deberet summis opibus viribusque potius ob stare? An ignorat *Guei* rex, *Cinum*, juratum equitatis osorem, ubi se viderit in rerum humanarum eminere fastigio, pro libidine omnia acturum? an à solo ejus regno vim abstinebit? an si tributarium ei se fecerit, qui modo suis non contentus, tam avide regnis inhiat alienis, modum ejus avaritiæ constituet? Legatus his auditis domum reversus, regi suo ex eadem *Chunglieni* oratione persuasit, ut omitteret illam legationem.

Interea *Chaus* à *Guei* rege auxiliorum petendi finem

Legatio dis-
 suasa.

nem nullum facere. Quæ cum ille differret, *Chai* denique conjux, *Guei* filia & *Uukii* soror natu major, à fratre quam potuit magno contendit opere, ut sibi, ut marito suo contra *Cinum* esset iterum præsidio. Nihil enim ab eo sperabat mediocre, cujus animi robur ac felicitatem jam apud *Hantan* urbem cognoverat. Nec deerat sororis precibus *Uukius*, si suæ spontis esset; pugnandi desiderio calens, & à patre sæpe sæpius enixe petens, ut tandem *Cinpinio* copiam faceret contra *Cinum* pro *Chao*, affine suo, sumendi belli; seque ipsum offert iturum. Cum *Gueius* nimium propositi tenax pernegasset utrumque; iratus *Uukius* à patre insalutato discedens, & suo tantum satellitio comitatus (centum currus erant) contra *Cinum* animose procedit suismet auspiciis. Sed ruentem interceptit amicus, armanisque stratagemate improvidum ducem, Magni quidem animi res est, inquit, quam inceptas, ô Princeps; considerandum tamen est tibi, te nihil aut certe non multum effecturum adeo paucorum militum manu confisum. Si cum his *Cinum* aggrediare, perinde feceris, ac si tigridi frustum carnis objicias. Si me audis, compesces hunc impetum, ac tantisper hic subsistes, dum te, quid agere possis, addoceam. Fortasse non displicebit consilium. Audivi patrem tuum juxta lectulum, in quo somnum capit, habere sigillum regium. Illud *Iuya* concubina facile furtim surreptum tibi tradet. Si enim promiseris eo te usurum, ut fictis diplomatibus conscribens militem, Imperatori contra *Cinum* auxilio venias; tui patris amore tacta nihil non faciet, quod in ejus commodum intelliget esse maxime cessurum. Erat *Iuya* Imperatorum familiæ *Chena* sanguis, supra ceteras concubinas dilecta *Gueio*, adornandæque fraudi cumprimis apta. Fluxit è sententia consilium. Traditum *Uukio* sigillum; descripta signataque diplomata; sigillum loco suo repositum, nec umbram sinistrae suspicionis faciebat regi. Tum *Uukius* ad *Cinpinii* exercitum magnis itineribus properare, ab rege ducem illi se præpositum diplomate testari, agnoscique se ducem jubere, truci & accommodatissimo ad asserendam potestatem supercilio. Nihilominus tamen agitabat eum

*Stratagema
sigillo procur-
ratum.*

eum metus, ut fidem inveniret apud *Cinpinium*. Subornat igitur in ejus caput sicarium, hominem robustissimum, ut contra nitentem, dubitantemve credere, trucidaret è vestigio. Explevit ille partes suas, ac ferrea clava quadraginta libras pendente cerebrum ei fregit. Et statim diditus per castra rumor, occisum jubente rege *Cinpinium* ut perduellionis reum, sparsis ubique diplomatibus, totum exercitum asseruit *Uukio*. Erant hominum octoginta millia, quæ confestim contra *Cinum* movebat, *Chao* suppetias laturus, at necquicquam. *Gueius* enim re cognita, submisso novo duce *Lienpoo* filium ad se revocat, mandans militibus, ne dicto audientes parerent. In hunc modum arte *Gueius* artem elusit.

Sed denuo elusum.

Sinarum Imperator victori supplex.

Inter hæc *Cinus* regnum *Chao* totum ferme occupaverat, devictis etiam *Zu* regis copiis. Quare cum ad Imperatorem jam pateret via, partem exercitus, duce *Kieo* Præfecto, contra eum mittit ac debellat haud magno negotio, viribus longe imparem. Ibi miseranda *Foi* fortuna erat. Coactus enim à victore venire supplex imperator, *Cinum* subditotum more, velut dominum & Imperatorem suum abjectus humi venerabatur; omnes terras, hoc est, triginta sex urbes, quæ de tanto imperio illi supererant, offerens, militumque triginta millia, imperii exercitum, jubens ei sacramentum dicere. Cujus obsequii humilitate *Fous* vitam quidem servavit; sed in ordinem à *Cino* redactus, & amandatus in occidentem, suis custodiendus traditur. Ejus deducendi negotium *Fancio* dedit; cui multum *Cinus* in hoc bello debuit, quod ex ejus prudentia & consiliis non modo suscepit, sed etiam gessit, semper docentis, quid faciendum esset, quidque fugiendum.

Cylo 41. anno 44. ante Christum 254.

Sinenses historici quidam ab hoc anno, qui fuit ante vulgarem Christi epocham ducentessimus quinquagesimus quartus, imperium familiæ *Cina* incipiunt, quod nullus tunc alius erat Imperator. *Han* rex ubi *Foum* Imperatorem captum accepit rerum suarum trepidus ad *Cinum* venit, seque ac regno suo

suo in ejus fidem tradito, ut Imperatorem coluit, tributarius ei factus, augensque transcriptis, quas habebat, copiis omnibus victorem exercitum. *Foi* quidem clades incidit in annum superiorem; sed hunc totum tamen illi attribuunt. Porro *Cinus* alio nomine *Chaosiangus* dicebatur; qui cum Cælo sacrificaret, *Xangsi* sive supremi Imperatoris simulacrum ei oblatum memorant, nisi forte id ipse fluxit, quo facilius persuaderet aliis, traditum sibi à Cælo imperium esse. Utut est, ut plurimum tamen regis tantum, imo tyranni loco timebatur. Iamque alius ex familia *Chena* lectus Imperator erat *Cheukiunius* nomine, de quo infra; postquam innotuit *Foum* in provincia *Xensi* eodem quo victus est anno, amissi contabescentem imperii mœrore diem suum obiisse.

XXXVII. IMP. CHEUKIUNIUS.

Imperavit annis IX.

Hic ergo à fidis Præfectis regulisque nonnullis cooptratus Imperator, haud latiore quam *Fous* ejus frater exitum habuit; nimia jam & iuvicta propemodum *Cini* potentia. Bellum quidem ei moliebatur adjutus à suis; verum invito Marte, quod *Ci* & *Zu* & *Guei* reges etsi copiis valentiores ei nolent esse auxilio, suis quisque rebus iuteuti. *Cin* enim victoriis & copiarum multitudine tumidus, *Cheukiunio*que per *Linpugneium* Præfectum resistens, adduxit eum in tantas angustias, uti demum præseurium rerum fastidio concepto, ubi nihil effici labore dignum videt, ac pejora metuens imperio se abdicavit ultro. Atque ita *Chena* stirps, penes quam summa sceptrà diutissime fuerunt, extincta est, ignavia *Cheukiunii* sepulta, servandæ vitæ in occulto reliquam ætatem agentis, & hominis privati modo. Verum nec *Chaosiangus* imperium, ut nihil fere diuturnum, quod violentum, diu tenuit; mortuus, antequam videret æmulum suum decessisse imperio, id est, anno ejusdem Cycli quadragesimo septimo. Successorem habuit *Hiaouenium* filium, parè feli-

Cyclo 41. anno 44. ante Christum
254.

Chena
stirps imperatoria
extincta.

felicitate ac prudentia continuantem paterna bella. Sed & hunc in secundo impetu fluxuque rerum nil nisi victorias cogitantem prospera fato mors interceptit, vix elapso potestatis anno; illustre conditionis humanæ documentum. Hunc excepit *Chaosiangus*, qui triennio rerum potitus, *Guei* regem aliquot proeliis fudit, usus *Mungao* Præfecto duce. Quibus icti victoriis Sinici reges tandem sapere cœperunt. Cum enim viderent *Cinum* non imperium ambire modo, sed omnibus omnino regnis imminentem, ipsos denique reges extinctum ire; conspirant, feriuntque scœdus, antea *Cino* non parum obfuturum, sed neque nunc poenitendum. Conflatus quinque regum exercitus ad decies centena hominum millia succrevit; cui *Sinlinius* cum summo imperio præesse iussus, *Mungaum* in *Guei* regno fudit ac fugavit. Moritur interea *Chaosiangus*, *Chingo* filio relicto successore, qui bella confecit omnia, & quæcunque cœptaverat, ad exitium insigni constantia & felicitate adduxit, ut in sequenti libro docebimus.

SINICÆ HISTORIÆ LIBER SEXTUS.

De imperante Familia CINA.

I. IMP. CHINGUS sive XIUS.

Imperavit annis xxxvii.

Cyclo 41. anno
52. ante
Christum
246.



Hingus rex ubi Sinicum adeptus est imperium, *Xius* dici voluit; nequitia & virtute diversis temporibus insignis. Nihil medium tenuit; magnanimus æque ac crudelis; effusus in publicis operibus, quorum aliqua extruxit præclara sane artisque præcipuæ; de quibus suo loco. A subditis pecunias extorquebat miris modis; bello potens milites optime tractabat amabatque; cives autem plusquam æquum esset, vexabat, novarum rerum curiosus imprimis. Nam sub eo primum Sinæ magnis classi-

classibus omnem Indiam pervagati sunt; quam emissis copiis navalibus maxima subegit ex parte, pedestri etiam itinere *Bengalam* usque *Scori* & *Camboyan* penetravit. Subiunctis deinde in potestatem suam provinciis Australibus auxit mirifice Sinicum imperium. Sed has & reliquas hujus Imperatoris res, erit, cum persequemur breviter alio loco. Illud hic non tacebo, videri mihi admodum probabile, non apud Indos modo, verum apud exteras etiam nationes Sinarum nomen ab regie istius familie nomine fluxisse, ut *Sinarum* seu *Cinarum* potius appellaretur imperium. Istorum namque regum tempestate primum, *Cinarum* fama nomenque pervenit ad exteras gentes, ad Indos precipue, apud quos postmodum hasit, & ab illis accipere subacta India Lusitani. Hæc enim *Cina* familia in maxima Sinarum ad occidentem vergentium parte regnabat; imo cum exteris gentibus bellum gessit, ut supra diximus. Fixa dein ibidem imperii sede, *Cinicum* dicebatur imperium. Postea vero quam ad rerum humanarum culmen evasit, multo plura externis bella fecit. Vnde nil mirum, si *Cinica* appellationis usus apud eos invaluit. Ac licet extremam hanc Asiam vario nomine appellent Sinae, prout imperatrices quoque familie variant; primo tamen auditum nomen exteri retinere. Notandum vero, primam litteram (non Italogum, sed Hispanorum vel Germanorum more pronunciandam, ita, ut scriptum *Cin* per *Z*, asperiore sono prodeat è gutture. Argumentum in hanc rem suppeditat lapis ille, (de quo suo loco) qui anno domini septingentesimo octogesimo secundo ab illis, qui primi divinam legem in Sinis promulgavere, partim Sinicis, partim Syriacis literis inscriptus & in provincia *Xensi* repertus inter alia vocabulum *Zinoston* habet, quod extremam Asiam significat, quasi dicas *Zin* regionem sive terram. Hæc mea est de Sinici nominis notatio opinio, de meliore conjectura nihil præjudicantis. Sed revertamur ad historiam, quam nihilominus Sinicam molliore litera placuit inscribere, quo tam facilis esset, quam communis omnibus pronuntiatio.

Vnde Sinarum appellatio.

Sina-

Prover-
bium.

Sinarum proverbium est, volucre & concha certantibus piscatorem lucrum facere, agentium; quod cum nostrate consentit, quo iuter duos litigantes tertium gaudere dicimus. Quippe concharum quoddam genus est, cum è mari exierint seseque aperuerint, ita in aprico litore somnum capientium. Tum pelagiæ aves, siquam forte dormientem conspexerint, prædæ ac carnibus inhiantes invadunt unguibus, eam tollentes in aëra. Concha vulnerata confestim se magna vi claudit, attentamque volucrem secum suo poudere simul in terram trahit. Quo animadverso piscatores una volucrem cum concha capiunt. Idem prorsus hac tempestate contigit. Quippe reges Sinarum post victoriam, quam à *Cino* communibus armis reportaverant, statim ruptis fœderibus, velut quietis impatientes inter se contendere cœperunt insiguitur adjuncta Imperatoris felicitate, qui cognitis eorum discordiis debellavit singulos atque delevit.

Primum bellum inter *Guei Chao*que reges exarsit, ex hoc initio. *Chaus* per *Lienpoum* Præfectum *Gueio* devicto, quas *Faniang* regio complectebatur, urbes eripuit. *Chao* interea rebus humanis erepto, filius ejus abrogata *Lienpoo* Præfectura alium summisit. Cui cum nollet *Lienpous* decedere; ad arma ventum est, acceptaque ab utroque Præfecto luculenta clades. Denique *Lienpous* ad *Gueium* confugit, nova discordiarum inter duos reges materia. Erat *Lienpous* homo prævalidus: unus oneri manibus in sublime tollendo sufficiebat, quantum alii decem è robustioribus vix levarent; sed & unus vorabat, quantum alii decem.

Imperator hac bene gerendæ rei occasione utendum ratus, primum *Uangcieno* Præfecto duce contra *Chaus* movet. Cujus exercitum ab aliis regibus desertum commisso apud *Hanian* urbem prælio magna strage delevit, imperumque victoriæ securus, cum ipsa regia regem quoque cepit. Quem Imperator ad se missum jubet è medio tolli cum tota illius stirpe, nec insontibus parcendo; regnum autem in provinciæ formam redegit. Antequam conflaretur hoc bellum,

bellum, Imperator aliquos à *Chai* Præfectis corrumperat; qui apud regem hoc egere calumniis, ut *Limoum* egregium bello ducem, cujus ille fortitudinem ac militarem scientiam formidabat, in rebellionis suspicionem vocarent. Rex, ut sit perturbatis rebus, credulas aures præbuit calumniantibus, revocatoque *Limoo* duos alios dñces substituit. Is indignitate rei motus, utrumque necat; milite tamen, secus ac præcavebat, in duas factiones distracto. Nihilominus à suis adjutus, cum Imperatoris exercitu confligit; at viribus impar, accepta illa clade, de qua paulo ante dictum est, *Chao* regnum perdidit.

Limou dux belli calumniis petitus.

Posthæc *Tanus*, *Yenis* filius, *Chai* regis affinis sui eadem persequi occiso Imperatore statuit. Habebat apud se captivum Imperatoris ducem, *Fanyukium* nomine, qui offensus à *Cino* profugerat. Hunc ergo & *Kimkoum* è regno *Guei* oriundum copiis suis præfecit. Qui cum vix aliquid aperta vi acturos se sperare possent, cognita Imperatoris potentia; cum *Tano* primum de *Xio* per prodicionem interficiendo agitant consilia. Convenit inter eos, ut *Kimcou*s Imperatorem adiens offerret *Yenis* nomine regionem *Chochou*, cujus descriptionem una ferebat, petita pacis & amicitia præmium, nltro se tributarium faciens. Erat in ea regione magnum ad occupandas, quæ Boreæ sunt adversæ, plagas momentum. Quin etiam apud Tartaros, inde ventum eundem excipientes, facilis patebat aditus; eorumque incursiones à situ loci æque facile impediabantur. *Kimcou*s ergo sicam occultans manica, ut, dum traderet Imperatori tabelam chorographicam, incautum obtruncaret; posteaquam ad *Hienyang*, quæ est in provincia *Xens*i urbs Imperatoris sedes, pervenit, ille cognita adventus causa, magno exceptum gaudio, statim admisit ad colloquium. Ibi *Kimcou*s, etsi frequenti anlicorum corona cinctus, simul in manum tradit Imperatori chorographiam, simul accipientem educta sica ferit; at ictu cæco. Imperator enim insidias notans in tempore, modico flexu corporis periculum evasit in præsens. Verum ut alterum ille tentavit ictum; reli-

Proditio in Imperatorem.

cto solio properat elabi sicario. Quem fugientem urgens audacissime *Kimcou* per obstantes undique aulicos, prout quemque fors offerebat, impune feriendo viam aperit sibi. Nemo enim ex illis, ne cultellum quidem habebat; è severissimo Sinarum more, ut in aulam arma quæcunque intulisse pro crimine læsæ majestatis habeatur. Ipsum quidem Imperatorem periculi novitas adeo perturbavit, ut non meminisset se acinace præcinctum; donec ab aulico quodam monitus eumque distringens *Kimcoum* immani vulnere mediū secuit, modo exanimis, repente animosus victor.

Elusa.

*Filius pacis
villima nullo
fructu.*

Hoc periculo defunctus vehementissime in *Yenem* excaudit. Nec enim credebat à filio solo tentatum facinus; sed mandasse patrem. Itaque ingentem exercitum in illum ducit; eoque magnis cladibus obtrito, mox omnem ipsius provinciam pervastat; *Hium* quoque in tantum persequens, ut *Yen* rex *Tanum* filium suum, tanti mali fontem obtruncaret ipsemet, ad Imperatorem misso capite pacem oraturus. Quam tamen ne sic quidem obtinuit; obstinato ad eum ultimo persequendum Imperatore, quoad demum captum publice jussit è medio tolli cum omnibus è regio sanguine, quotquot conquiri potuere, deminuto in provinciae modum ac depopulato inisere regno. Quinquennium tenuit hoc bellum. Quo tempore simul inferebat Imperator arma *Guei* regi per *Puenum* Præfectum suum; qui sub eos ipsos fere dies, quæis *Yenem* ille debellavit, etiam devicit *Gueium*, & in urbe obfessum eo adegit, ut se permitteret victoris arbitrio. *Tuonus* nomen erat regi; quem ad se venientem *Puenus* excepit honorifice. Sed gnarus, Imperatori constitutum, cunctos reges delere ac restituere lapsam in diversos dominos monarchiam; eum necavit, *Guei*que regnum universum, quod erat amplissimum, in provinciae humilitatem dejecit.

Iamque *Xius* omnes prope Boreas Imperii Sinici regiones in suam ditionem redegerat, incredibilem celeritatem usque comitante fortuna. Provincia *Xantung* subjuganda restabat ex ea parte, qua *Ci* regnum complectitur; cum quo tanquam tributario pacem simulabat

mulabat magis quam habebat. Capto igitur consilio de adjiciendis imperio provinciis Australibus, primo decrevit Zu regem bello laceffere; Kiangsi & Huyuang ampla tenentem regna, circumque jacentium regionum dominum. Quare advocato Lisinio militum Præfecto, Indigeo, inquit, opera tua ad regnum Zu armis nostris subigendum. Considera diligenter, quanto exercitu, quibusque rebus aliis opus sit tibi, ut bene instructus contra tantum regem procedas. Tum ille, Ducenta militum millia mihi abunde sufficient; his, quod mandas, effectum dabo, regnumque Zu substernam imperio tuo. Dein eodem modo Uangcienum interrogat, veterem bonumque militiâ ducem, cujus operam belli jam multum expertus erat. Sed hic longe aliter sentiens, Ego vero, inquit, tantum regem, tam late regnantem, tantisque copiis abundans Zu regnum aggredi non ausim, nisi sexcentarum millium instructus exercitu. Multo enim plures, ut audies, adversum nos educet Zuus. Illud te meminisse velim, cum de summa rei agitur, summas vires necessarias esse, ne deinde nos pœniteat eas non adhibuisse. Subridens Imperator, Tu vero ut video, jam senex es, inquit, nec miror adeo timidum consilium: eoque posthabito Lisinium cum ducentis millibus, ut petierat, contra Zuum mittit. At majore cum exercitu processit obviam illi Zuus; atque, ubi ad arma ventum, ingenti commissa pugna, coëgit tandem Lisinium terga vertere, cum inmodica repulsum strage. Plurquam octoginta hominum millia cecidisse memorant.

Exhorruit ad nunciatam cladem Imperator; vehementerque sollicitus ac metuens imperio, sine mora Uangcieni domum tendere, tantumque non rogare, ut contra Zuum præfecturam militum suscipiat. Tum Uangcienus, Atqui nunc senior sum, inquit, quam, cum me ridebas, eram; quin & ad senium jam accessit morbus. Si tamen obstinate placet me contra Zuum ire, sexcenta militum millia in procinctu sunt; his perditam rem restituiam, his regnum Zu tibi subjiciam. Annu it jam Imperator, & conscriberet ergo, quantum vellet exercitum jussit. Nec moratus imperium Uangcienus,

Magna cedes.

Major prior.

mus, collectis undique militibus maxime veteranis adducibus quamplurimis, qui jam sub suis signis militaverant, cum ingenti & instructissimo exercitu contra *Zuum* progreditur. Sed neque nunc cum minoribus copiis occurrit ei rex, *Hiangyueno* ejus Præfecto ductore. Pugnatur atrociter, & magna utrimque contentione, dubio Marte; sed demum *Uangcien* virtutem sequente victoria, *Zu* regis exercitus, qui modo victor fuerat, victus est, amisso etiam *Hiangyueno*, fortissimo duce. Scribunt, aliquot centena hominum milia eo proelio utrinque cecidisse, tantum sanguinis fustum, ut superstites genuum tenuis eomersi pugna excederent.

Stratagemata.

Post hanc insignem victoriam *Uangcien* regnum *Zu* aggressus, magnam illius partem occupavit. *Zuus* interea omnes suas vires convocans & exercitum non modo reparato, sed aucto etiam, utpote de tota re periculum facturum, plusquam decies centenis armatorum millibus collectis, animi plenus in *Uangcienum* movet. At ille conspecto exercitu pugnam deterrectat, cunctando tantam multitudinem debilitari frangique posse sperans. Itaque vallatis undique castris se continet, investa è vicinis regionibus, quas vastaverat, annonæ vi magna; quæ dum consumeretur, interea non dubitabat *Zu* regis exercitum fame premendum, tanta hominum equorumque multitudine constantem. Sed enim *Uangcienum* fefellit hæc opinio. Nam undique affatim annonæ ad *Zu* regis exercitum è fertilissimo, eoque rebus omnibus abundante regno advehebatur. Quare mutato consilio, alio stratagemate vicit hostem. Clausus in castris continuo exercet milites suos, ordines servare docet, proprium cuique locum assignat, ubi stare debeant, ubi cedere. Quo factum est, ut, ad nuntium monentis intentus omnis exercitus in ordinem mira celeritate coiret, exiretque castris; tamdiu consistens, quam exercitum regium acie nondum compositum videbat. Verum ubi acies exornata erat; illico dato signo suos *Uangcien* reduxit in castra. Sæpius hac arte lusus hostilis exercitus & denique fatigatus, omnia cura rotas inani,

inani, etsi strueret *Uangienus* copias suas, nunquam postea se pugnae composuit. Et hoc demum erat, quod dudum spectaverat *Uangienus*. Quare destinato die summo mane suos ad pugnam egregie instructos ac tota de re prius edoctos solito more producit è castris. Illi momento compositi ac coherentes, ita ut didicerant, hostem tale nil opinantem & imparatum invadunt edita strage tam furiali, ut, si fides habenda scriptoribus. *Ingens clades.* ligna trabesque in sanguine humano natarent. *Fosius* ipse (nomen hoc erat *Zu* regis) captus ac postea cum consanguineis, quotquot aderant, ad Imperatorem missus, ejusdem jussu, barbaro gentis more, una cum illis morte affectus est. Ita *Zu* regnum occupavit universum Imperator, antecedentium fortunæ sociatum redactumque in provinciam.

Barbarus iste mos, qui occupato regno jubet omnes regi consanguinitate propinquos mares una cum ipso funditus deleri, perantiquus est, hodieque durat. Quot nos vidimus his annis infantes nec nisi de natalium felicitate reos puerulos, juvenes, regulos denique sub Tartarorum jugum ultro abeuntes, ab iis hoc solum nomine occisos, quod ex imperatoria stirpe oriundi? *Tamingam* dico, sive consanguineos è *Chu*, quos hodie crudelissime Tartari persequuntur. *Crudelitas in regiam familiam.*

De hujus *Fosoi* parente *Sinen*sis historicus miranarrat hoc loco. *Uonius* rex *Zu* ejus proavus habebatur. In istius demortui locum successit *Kaoliens* filius, licet in annos perquam multos vixerit ac regnarit, nulla tamen unquam prole felix fuit. Quæ res apud *Sinas*, ut olim apud *Iudæos*, inter primas calamitates numeratur, idque non à regibus & magnatibus tantum, sed ab infimis etiam hominibus. *Sterilitas apud Sinas calamitosa.* Quin ex eorum philosophia sterilitatis malum summa censetur protervitas in parentes, quorum successio filiorum scilicet vitio scindatur ac concidat. Tetrimum facinus admisisse minus probrum est, quam absque liberis esse. Maximæ quoque tristitiæ materies est illa, quasi non habituri sint post obitum, à quo plorentur, expectentque honorem sepulturæ. Hinc est, ut omni spe prolis abscissa, concubinarum præcipue copiam superinducant.

*Comæda
puella frau-
de in regi-
nam assum-
pta.*

ducant. Idem faciendi probabilis causa *Kaolieo* regi visa; cujus Præfectus maximus *Chumxinius* de regia propagine sollicitus incredibilem omnis ordinis puellarum gregem subinde ad illum introducebat, ex aliqua posse fortasse gignere spe ductus; at inani. Habebat tunc ex ima plebe quidam comædus miræ pulchritudinis filiam, & ipsam gestum agentem in scena. Eam deamabat *Chumxinius*; è quo se gravida illa sentiens, de patris sui consilio suum amatum alloquitur in hunc modum. Regi *Zu* nec esse scis nec adeo expectari filium; quo proinde mortuo frater ejus natu minor invadet regnum. Vide, obsecro, ut caute agas. Non enim est illud te latet, aliquoties eum abs te offensus, negante, quæ postulabat. Tu quidem egisti ex mandato regis omnia; sed ille non dubitat, quin ea sint acta te authore, in quem sine dubio quippiam statuet illatibile, injuriarum, quas ei nullas obtulisti, umbra in memoriam redeunte, ubi ad gubernacula regni accesserit. Accipe, charissime, si potes, à muliere consilium. Ego nunc ex te sum gravida; cujus arcani præter me ac te conscius est nemo. Euge, uti soles ceteras puellas, me quoque ad regem intromitte; favente *Calo* masculum enitar, *Zuo*que regi successorem è tuo sanguine. Statim annuit impudentissimæ mulieri non jam libidine tantum, sed ambitione quoque insaniciens amator; arque, ut rem celaret melius, illam è domo sua clam dimittit ad patrem. Ipse ad regem eodem adhuc die venit; docet inventam à se adolescentulam vultu venustissimo, eamque in ceteris, quanto potest opere, commendat. Exarsit illico ejus videndæ desiderio rex; eodemque die introducta ad novum amatorem, quæ adhuc comædias actitarat, haud multo post ingentem excitavit tragediam. Exactis mensibus, quos natura maturando in lucem foetui dedit, in palatio totius regni lætitia marem enixa, quem *Xenium* vocarunt, *Fosoi* patri regnum asseruit; omni populo, quamprimum natus est princeps, in ejus obsequium jurante. Mater habita pro vera regina & ab rege unice amata coronam accepit; ejus etiam patre ab humillimo fortunæ gradu ad summos honores sublato. Verum continuo intervenit, aulis familiare

miliare malum, invidia. *Chumxinus* enim socii felicitate livens ferre non poterat æquatum, imo prælatum sibi nullius nominis comœdum. Et hic veritus, ne fraus à consilio *Chumxinio* vulgarètur, nil intentatum relinquere, quo eum è medio tolleret. Insidii denique mors *Kaolies* regis fenestram aperuit. Novi namque regis mater falsis criminationibus impetravit à filio, ut occulte *Chumxinum*, verum quidem patrem, sed æque occultum necari jussit. Poenas quidem nequitiæ suæ *Chumxinus* non modo persolvit ipse, sed etiam tota ejus familia; quam arbitrio suo permissam comœdus, & hanc, & arcanorum consilios exstinxit omnes. Hic ergo rex dictus est *Yenus*, Comicæ & *Chumxinii* filius, qui *Fofai* regis à *Cino* Imperatore interfecti pater fuit.

Deerat adhuc *Ci* rex, cum quo pacem simulabat magis, quam habebat *Xinus* Imperator. Initio namque bellorum, ut eum ad rumpendum fœdus adigeret, pacem cum illo fecerat, multa promittens. Subornaverat etiam amicos *Ci* regis, seu verius perfidiosos ac prævaricantes Imperatori. Hi à *Xino* corrupti, regem variis rationibus ac consiliis induxerunt, ut desisteret à fœdere. Verum, ut erat perfidus, ac torius imperii obtinendi flagrans cupiditate, postquam aliunde quod raperet, non habuit, *Ci* regnum invasit, *Pueno* Præfecto dūce. Ille re strenue gesta *Kienum* *Ci* regem acie superatum captumq; ad Imperatorem abduxit. Quem *Xinus* non quidem occidi jussit, sed intra nemus pinis nobile, seu vivarium undique septum claudi, precariam vitam permodico tolerantem cibo. Sed non erat necesse illum fame plectere, qui nemus ingressus, id supplicium auxit simul ac finit, voluntaria solutus inedia.

Unus *Han* rex ad Imperatorem ultro profectus, regnumque ac militem omnem ei subjiciens, in aula tanquam tributarium regulum se commoraturum promisit. Unde cum primis gratia florebat apud *Xinum*, inter aulicos ab eo numeratus; & quia philosophiæ Sinicæ peritus erat, ac bonus consilio, illum sibi voluit à consiliis esse, multumque gaudebat cum eo de gubernatione ac legibus disputare.

*Odia orta
inter sceleris
ministros.*

*Mors regis
voluntaria.*

*Sigilli usus
famulo con-
cessus malo
eventu.*

*Prohibita
monendi li-
bertas.*

*Sed non
adempta.*

Interea ne tranquilla & læta omnia essent, *Laotous* unus ex aulæ famulatio rebellionem cœperat. Sed Imperatoris sive virtus sive felicitas hunc etiam delevit, & post illam cladem comprehensum cum consanguineis omnibus ad tertiam usque progeniem extinxit. Hunc regina *Xini* mater apud se famuli loco habuerat, dominam impudicam tam familiariter depereuntis, ut duos ex eo filios genuerit. Hic ergo adjutus ab amasia, majora cogitare cœpit, & quod mireris, è servili fortuna in spem imperii consurgere. Temeritatem hominis protollebat maxime sigillum imperatorium; quo, quoties volebat, utebatur. Erat enim illud in reginæ matris potestate; quo diplomatæ in futurum usum ipse fictis, ita rem ordinavit, ut adversus Imperatorem in procinctu staret ingens exercitus. At, sicut paulo ante dictum est, superatus tandem commeritas perduellionis atque libidinis pœnas dedit. Habuit & alium procum libidinis extimulata furii Imperatoris mater, *Liupuguetum* nomine, cetera egregium bello ducem; qui posteaquam ab Imperatore rem detectam audivit, fuga captivitatem antevertit. Sed enim quæsitus undique, ne vivus in Imperatoris veniret manns, ipse sua manu interiit. Tum denique Imperator versa in propudiosam parentem ira, multat eam exilio, duos è *Laotoo* filios necat; sanciens edicto publico, nequis Præfectorum id factum solita libertate regi vitio daret, capitis pœna constituta peccantibus. Sciebat enim Præfectos Philosophosque Sinicos non laturos tantam, ut ipsi putant, impietatem in matrem. Incredibilis est enim Sinarum erga parentes obedientia, veneratioque tam religiosa, ut nefas habeatur, in quacunque demum causa filium patri matrive vel leviter irasci aut resistere. Qua laude Sinas plane cunctis nationibus facile superiores esse, supra diximus.

Verum enimvero quantumcunque vetuerit Imperator, ne fieret expositio; Præfectis tamen compluribus aviti moris æquitas inexorabilis ante mortem fuit; gravissime ferentibus, Imperatori suo in tantum adversus matrem obsequium periisse. Diversis itaque

que diebus Præfectorum viginti quinque necati sunt, Imperatori magna gravitate atque constantia, dicto scriptoque improbum facinus exprobrantium simulque rogantium, ut reginam matrem ab exilio revocaret.

Viginti quinque monitores necati.

Non tulit amplius eam sævitiam è regno C. oriundus Philosophus juxta & Præfectus Maocius. Hic mira eloquentia in animum Imperatoris irrepsit, eoque partim rogando, partim suadendo adegit, ut ei demum copiam faceret increpandi sui. Tum Maocius, *Omnino, infic, reprehensione dignus es, Imperator. Errasti enim, & errantem Imperatorem corrigere per optimum quemque non modo licitum, sed etiam laude dignum semper habitum est. De te vero quid dicam? Monendi munus, cujus exercendi libertas optimorum regum exemplo mihi concessa, tuo tu edicto sustulisti. Refige, quaeso, tabulas afferenda majestati nil profuturas; & quod sanctissimi reges in beneficii loco posuere, mone-rite patere. Si te bonorum exemplum sequi pudet; vido, ne sis iniquus in teipsum iudex. Alterutrum enim necesse est admittas, vel illos monitorem passos bene fecisse, vel te disparem eis ac malum regem esse. Libertate loquentis offensum Imperator tanto dolore & ira effervuit, ut spumas ageret ex ore; strictoque furenter ense, ut erat impotens ira, in Maocium ruit. In ipso tamen ictu se continuit spatiumque animo dedit, ad exquisitiorem poenam Maocium differenti. Nam ferro cadere nimio minus sæva mors erat. Actutum igitur afferri vas æneum jubet, in eoque Maocium igne torqueri. Nihil is territus est atrocitate supplicii, accedensque propius ad Imperatorem, & corporis inclinatione majestatem veneratus, erecto dein imperturbatoque vultu sic eum affatur. *Iam inde à puero ex optimorum lectione librorum memini me discere, recte viventi honestam mortem non esse fugiendam, sed & hoc audiui, maxime timendum regibus, ne per vitia regno excidant. Qui honesta in causa mori timet, indignus est vita; & indignus regno, qui non timet illud amittere. Quo pacto bene vivas & moriari perinde, ut vixeris, quoque pacto conserves vel amittas regnum; ea demum pri-**

Maoci in monendo libertas.

Inconclusa post mortis minas.

ma debet esse cura regibus, ut sciant. Nunc ex te quaro, Imperator hac scire malis an ignorare? Tenuit Imperatorem anceps interrogatio; & ira interim intepescente placatior ad Maocium versus, Qua modo locutus es, ait, non satis intelligo; expone, qua sentis, apertius. Tum Maocius, Postquam igitur abs te, ô Imperator, inquit, concessum est mihi, libere, qua sentiam, eloqui; faciam id unico bono tuo; vel certe, si teipsum odisse potes, publico. Quatuor precipue sunt, abominanda, inaudita quidem certe, qua patrast; quorum turpitudinem haud agnoscis. Ea nisi detestere, nec vivere bene potes nec pulchre mori; quin & de imperio periclitaris. Primo in patris tui manes impius fuisti, uxorem illius, ut pudicitia torique violati ream infamando, & quo conspectius illius crimen esset, in exilium ejiciendo. Id quod est alterum tuum crimen; testimonium luculentum impietatis in matrem ac consumacia tua. Tum duos fratres, pueros infontes, ex eodem utero, quo tu, genitos privatim ac domi, sed impius ubique, necavisti. Denique proborum virorum, vere tibi amicorum tuisque commodis unice studentium viginti septem sanguine nefarias manus imbuiisti. Quis unquam Imperatorum, etiam qui nequissimi habebantur, ad hanc tyrannidem processit? Quid enim Kieo, quid Cheo nequius? utrumque tu, (sed quid utrumque dico?) tu nequitia unus omnes superasti. Hac ubi fama differet longe lateque per imperium; quid deinde futurum putas? tuque ac familia tua omnis odium eris publicum. Virtutem amant omnes in Imperatore, vitia nemo. Hinc, nisi improbus, præfectura munus nemo volet suscipere; tu destitutus ab omnibus quid facies? Non agis, opinor, magnas gratias sollicitudini meae; timeo nihilo secius è factis tuis interitum tibi, & ne perdas vitis, quod tot victoriis acquisivisti. Hæc locutus, vestes & insignia præfecturæ, quæ tunc erat ornatus, abjicit ante Imperatoris pedes. Is primum obstupescens modò hæsit aliquantisper; dein è throno surgens, suis ipse manibus Maocii reposito amictu, constantem adeo fidumque Præfectum mirifice dilaudavit. Ibi ante acta ultro damnare, accusare seipsum; jubens illico revocari matrem. Ob-

viamque

Tandem vin-
git.

viamque progressus redeuntem excepit humilitate filii, veniam petens impietatis, magna totius imperii matrisque latitia.

Libertatis atque constantiæ, qua Præfecti Sinenſes utuntur in objurgandis ſuis regibus, ſupra jam exemplum quædam attulimus; quæ mirabuntur quidem, at imitari non audebunt Europæi. Sciant hi tamen hoc non antiquitus tantum apud Sinas in uſu fuiſſe, ſed & nunc eſſe, ut Præfecti, cum à regibus ſalutaria eorum monita non audiuntur, inſignia veſtitumque muneris indicem coram rege abjiciant; palam conteſtantes eo facto, nolle ſe amplius fungi munere; cujus ſigno jam nullo noſcerentur. Eoque ſe apertius abdicant, ſiquid moliatur Imperator, quod in detrimentum reipublicæ ceſſurum timent; nec eis dicto ſit audiens aliud ſuadentibus. Id aliquot abhinc annos ſub Uanlieno Imperatore contigit; qui ceteras ſummasque laudes vagis amoribus infamavit. Tametſi enim legitimos habebat filios; imperii tamen heredem, è concubina, quam efflictim deperibat, filium declarare ipſi deliberatum erat. Sed Præfecti omnes conſenſu negant id fieri ſe paſſuros. Quorum conſpirationem cum inſuper haberet Imperator; tum vero quotquot erant in urbe regia, (ad duo millia fuiſſe reperio) palatium ingreſſi, præfecturæ poſitis inſignibus adegere volentem nolentem, ut legitimum ſucceſſorem declararet. Idem anno milleſimo, ſexcenteſimo, quinquageſimo primo, priuſquam è Sina exirem, accidit. Mortuo namque in regia, Peking appellata, regio tutore, cum alios (Tartarus is erat) tutelæ nomine adminiſtrare vellet imperium, regis ætatem cauſatus adhuc imparem tantæ moli; Præfectis omnibus periculofæ ambitioni contradicentibus & inſignia ſui muneris projicientibus cedere demum coactus eſt. Atque in hunc modum ſexdecim annorum adoleſcens, cui debebatur, imperii gubernacula tractare cœpit, Xunghi dictus. Sed nos ad Xium revertamur.

Is non multo poſt imperium totum luſtrans, maximum operæ pretium fecit; adjectis ditioni ſuæ, poſtquam Kiang fluvium ſuperavit, Yue regnis. Exſtant adhuc

Mos abjiciendi officiorum inſignia, ſi monitores a regibus non audiantur.

adhuc multa ejus itineris monimenta; præcipue in provincia, *Chekiang* indigetata, non procul *Hangcheu* metropoli, cui mons adjacet, è quo *Xius* mare prospexit. Mons hodieque vocatur *Xü* prospectus in mare. Hoc tamen iter haud immune fuit omnis periculi; comparatis in Imperatoris caput insidiis, *Changleango* regis *Hani* Præfecto authore. Hic cum non æque manu promptus atque ingenio esset; omnibus bonis suis divenditis conduxit audacissimum sicarium, qui Imperatorem iter agentem è medio tolleret. Petebat is tunc eas Sinæ partes, quæ ad orientem vergunt; jamque ad arenas pervenerat, qua difficilis erat transitus, cum opperiens eum sicarius repente stricto acinace nil tale opinantem petit. Actum de eo fuit, nisi adversum ictum currus latera fregissent. Quo proinde innoxio, inobservabili dexteritate celeriter se propiciens inde sicarius, nusquam amplius comparuit, etsi toto imperio perquam studiose ac diligenter à Præfectis omnibus quæreretur. *Changleangus* & ipse sibi fuga consulens in montibus latuit; quoad multis in hujus Imperatoris successorem rebellantibus, ipse unus ad *Lieupangi* causam se acclinavit; cujus ille potissimum consiliis imperium obtinuit, ut in loco memorabimus.

Anno imperii secundo ac trigesimo ad eas plagas, quæ Boream spectant; lustradas Imperator animum adjecit. Inibi ex maritima navigatione redeuntem *Lufengum* habuit obviam. Is inter cetera chorographiam obtulit Imperatori, orbis aliquas plagas representantem, inprimis autem extremæ hujus Asiæ atque insularum Eorum mare distinguentium. Ex quo suspicari licet, jam, hoc Imperatore, Sinas ad Indos navigasse; in *Iapcniam* item, *Lusoniam* regionesque proniores occidenti. Vnde opinantur porro aliqui, *Cingala*, quod Sinarum fyrtes significat, ad quas una classis periit, nomen ortum. Hinc *Ceilan* sive *Sinlan* quod Sinæ incolas significat, hoc est, Sinas. Et quia C littera nominis est hujus principium; inde nostra de *Cinarum* appellatione figitur opinio, quam ab hac imperatoria *Cina* familia natam asseruimus. Præ-
terea

terea in insulam usque S. Laurentii pervenisse Sinas, illud est argumeto, quod etiam nunc eam colit Sinica gens, maxime in S. Claræ sinu, quo loco candido adhuc vultu homines lingua loquuntur Sinica; quod ex nautis, qui eo appulerunt, sæpius audiui. Et hæc Sinarum navigatio ad omnes Indici maris insulas, & in ipsam usque Indiam vigeat etiam ea tempestate, qua *Lusitani* primum Indiam ingressi sunt, intermissa deinde tamen, partim longinquitate locorum obstante, partim *Lusitanorum* metu. In *Iaponia* vero nunc quoque *Philippinas*, *Macasariam*, *Iavam*, *Camboyam*, *Sion* & *Cochinchinam* navigant exercentque commercia. Quæ talia Sinicis scriptoribus vix leviter attingi non est mirandum. Sicut enim magnifice de se alteque sentiunt; ita præ se contemnunt alios, & exterarum nationum regnorumve res suarum litterarum memoria indignas putant. Et sane totius Indiæ populos Sinis circumjacentes mere barbaros incultosque dixeris, Si cum Sinis comparentur.

Sub hæc tamen tempora rediit ad Imperatorem ex *Iaponia* classis, quam nauclerus ab eo per fraudem obtinuerat una cum colonis ad *Iaponiam* frequentius habitandam. Narrabat enim inter insulas *Iaponia* unam præ ceteris antidoti feracem esse; quo si uteretur Imperator, æternus & immortalis foret. Sed præter milites navesque sibi virgines insuper puellas trecentas, totidemque pueros esse necessarios, à quibus unis inveniri posset illud antidotum. Cum fraudulentæ petitioni annuisset Imperator; ille *Iaponiam* repetens, posteaquam naves portum tenere, condita urbe sese regem fecit. Hinc *Iaponia* maxime frequentari cœpta, *Iapones* à Sinis se oriundos esse gloriantur.

Iapones à Sinis oria.

Itaque dum eas, de quibus modo dictum est, Sinæ partes perlustrat omnes Imperator; à *Tartarorum* irruptionibus parum tutas videns, quonam eos arceret modo, cogitare cœpit. Primo igitur *Mungienum* Præfectum cum trecentis arinatorum millibus ad vastandos *Tartaros* mittit. Quævis brevi victis atque ad remotiores regiones domo pulsus;

Qua occasione?

descri-

*Murus Si-
nensis cœ-
ptus.*

*Ad ejus
structuram
tertius quis-
que vocatus.*

*Decies cen-
ties milleni
custodes ejus
muri.*

descripto dein accurate terrarum, vallium, montium-
que numero, magnum illum celebremque murum à
litore maris *Laotung* provinciam alluentis ad *Lintao*
usque provinciae *Xenfi* urbem in *Crocei* fluminis lito-
re, continua propemodum serie castellis ac turribus,
prout opportunum quoque loco videbatur, emunitum
per decem stadiorum Sinicorum millia, quod Sinæ
scribunt, memorabili opere deduxit. Unde si leucam
stadiis sexdecim Sinensibus finiamus, ad leucas sex-
centas porrectum habebimus. Sed exacta ejus longi-
tudo ex Atlante nostræ extremæ Asiæ petenda est.
Omnino murus hic (quem Sinæ *Uanliching* vocant,
sive murum stadiorum decies mille) opus ingens fuit
ac maxime mirandum, quod ad nostra usque tempora
firmissimum perdurat. Sndavit in eo perficiendo in-
credibilis hominum multitudo. Nam è toto imperio
tertium quemque laboris istius patientem voluit ad-
esse; unde variis in locis inceptus est ac deinceps
continuatus, quoad ultimam recepit manum. Tan-
tam vero soliditatem quæsiuit operi, ut, si quæ ferreo
clavo penetrari posset, iis, qui partem illam struxis-
sent, capitalis esset negligentia. Tanti operis funda-
menta molitus, uti dictum, ad *Leaotung*, quæ in si-
num cogitur mare, naves crudi ferri massis onustas
mergit, ad duo stadia rrente in profundum pondere.
Muri latitudo, senos simul, & octonos etiam equi-
tes capit, nullo extra orbitam labendi periculo; de-
nuo vel ex hac parte stupendum opus, quinquennii
spatio perfectum. Qua flumina intermeant, non con-
tinuantur fornicibus; sed nusquam apertior ejus est
hiatus, quam qua dividitur horridis montibus prope
Taitum urbem, ubi *Tie* populi habitabant, quos Im-
perator evictos intra muri crepidines maxima ex par-
te coërcuit. Variis quoque locis castella exstruxit,
præfidiariorum bono. Portas opportunioribus locis
disposuit; unde, ubi usus posceret, facilior esset in
Tartariam eruptio, & exitus ad commercia. Decies
centena militum millia fere semper alebant Imperato-
res Sinici ad muri custodiam. Sparsis quidem, quod
erat necesse; annona tamen ex toto imperio statis anni
tem-

remporibus atque ordine adveſta ſufficiebat omnibus. Exſtructus eſt murus anno ante vulgarem Chriſti epocham ducentefimo decimo quinto.

Structus ante Chriſtum annis 215.

Ceterum ſanctiſſima ſui nominis Imperatori fuit exiſtimatio; & ſi fuiſſet honoris cupiditas intra modum, hac una re ad poſteros utcunque memorabili. Verum ille non ſolum laudem quærebat, ſed ſibi ſoli, unum id agenti, ut priorum Imperatorum omnium exſtingueretur memoria. Hinc nulli fas volebat eſſe de alio, quam de ſe loqui; quod crederet egregiis factis à ſe omnes eſſe ſuperatos. Quam ob rem juſſit edicto publico, ſeveriſſimis pœnis propoſitis, omnes Sinicos libros exuri. Tameſi vero ſpectabat hoc unice, ut aliorum laude ſeneſcente, omnes in poſterum de ſe uno ſcriberent; aliam tamen cauſam prætexuit.

Infana ambitio.

Hoc edictum anno imperii quarto & trigefimo publicavit. De quo facto ſupra quam dici poteſt, & olim & nunc etiam male audit apud Sinas; quæ ſeraper licet vindicta ſuavis eſt maledictis omnibus & execrationibus mortuum confodere. Sic unde præclaram famam quærebat, inſigne dedecus & infamiam apud poſteros invenit. Hujus exuſtionis authorem etiam Liſuum faciunt; qui, ut ſupra dictum eſt, haud mollem ſane ſententiam in regulorum cauſa tulit. Hoc tempore Colai dignitatem ſuſtinebat; quem in concilio, cum negotium de comburendis libris tractaretur, ut litterarum contemptorem, ita locutum ferunt. *Olim, cum in plures diſiſa dominos eſſent regna, non abnueriſſem neceſſarium litterarum ſtudium fuiſſe, ut, quæ ad cujuſcunque regni gubernationem pertinerent, è libris promerentur.* Nunc eviluit hac ratio, cum ſub unius imperio totius quieſcit orbis, unius omnes nutum intuentur. Vnus ordo, una lex ſervanda; cui rei quid plura ſcire ſit opus, ego quidem neſcio, at obeſſe potius, hoc ſcio. Quid enim? otioſis litigioſiſque litteratoribus regnum cur oppleamus, haud diſpicio. Res ruſtica ſunt & agricultura, qua niti-
tur felicitas imperii; huc admo-
vendus eſt populus; hinc
majus aliquid ac fructuoſius quam à ſterilibus litteris
expectandum. Harum ſtudioſi tantum antiquis ſtudent,
præterita ſcire pulchrum putant, hodierna ac præſentia
velut

Libri Sinici exuſti.

Stulta oratio litterarum & litteratos damnantium.

velut indigna suo magisterio rejiciunt; vetera, nec aliud laudantes, in eorum studio moriuntur. Nec vident has ab illis longe diversa tempora esse, quamvis de doctrina interim sua sibi prolixè blandiantur. Volunt hujus esse temporis magistri, neque tamen huic tempori se accommodant. Si quod edictum exeat ab Imperatore, atque in vulgus emanet; prima est, & si Cælo placet, maximi momenti disquisitio. Numquid novi? num olim usitatum? Si respondemus, olim salva res; sin aliter, tum continuo censura plusquam tolerabili vapulat una cum Imperatore decretum. Ecquonam istud merito? non est antiquum. Quin & motus amat plebisque secessionem ista magistrorum ratio. Quo impensius Imperatori vigilandum, ac, nequis libros habeat domi vel sua vel aliena, neve abscondat, sed quamprimum addicat flammis, etiam sub mortis poena denunciandum, salvis tamen illis, qui de agricultura, de medicina, de divinatione tractant. Quod si quis imperii nostri politiam modumque gubernandi scire velit; non è libris, sed audiens à regis Præfecto, cui demandata ea cura, discat. Pestilens & exitiosa litteris fuit hæc oratio. Nam omnes fere Sinici libri periere. Cinho dicitur à Sinis, id est, Cina familiæ ignis, hæc exustio. Quantam vero diligentiam adhibuerint in libris indagandis Præfecti, vix credi potest. Urgebat Imperator ipse vehementer, quo jubente sine mora necati sunt extinctæque familiæ, apud quos quasve libri reperiebantur. Nondum ignis ille deletus est è Sinarum animis, tantam tot librorum ingeniorumque cladem & hodie lamentantium. Præcipui doloris materiam sufficiunt Musica & Mathematica, quas artes olim principatum apud eos tenuisse, dubitare non sinunt tot antiquorum observationes mathematicæ, musicæque laudes. At enim quantocunque furore perditum iere libros, multi tamen, & illi antiquissimi servati sunt, haud minus invito, quam in scio Imperatore.

Ingenio servati libri.

Sed eorum servandi mirabilem modum reperio. Ajunt enim quandam anum librorum amantem, Confutii Meniique, nec non aliorum nonnullorum libros divisim paginis ad domus parietes agglutinasse.

Non-

Nondum ea tempestate papyrus erat in usu ; sed arborum corticibus ac foliis animi decreta mandabant , ut nunc Indi solent. Et quoniam erant è materia solida , candidaque calce obliti , non difficulter latuere , quoad extincta *Cina* stirpe , ab heredibus vetulæ sunt expromti factique juris publici. Quamquam aliquot litteræ vel temporis vel corticis humescentis culpa , legentium oculis se subduxerant ; præsertim in *Confutio*. Quas litteras , licet , quales fuerint aut esse debeant , non ignorent ; cum tamen illius libros recidunt , eas inferere non audent , sed notant in margine. Tanta enim est *Confutii* librorum æstimatio , ut aliquid in iis etiam aperte mutilatum emendare nefas putent. Vix enim reverentiam præstant minorem *Confutii* libris , quam nos Sacræ Scripturæ ; nisi etiam forte majorem. Sane divinos libros ad humanam , hoc est , vitiosam intelligentiam mutilare , ad lubitum torquere , ac perperam explicare , multis nulla est religio.

Dum tantæ librorum strages fiunt ; duo Imperatoris Præfecti , quo intra studia sua , quippe Philosophi , securius laterent atque liberius , aula relicta montium abdita petiere. Causam fugæ scripto significaverant Imperatori , coram id non ausi , sed excidium librorum atroci stylo vindicantes. Qua re magis exulceratus ille , novas inquisitiones instituit ac sæviores prioribus. Capti librorum tenaces & studiosi omnes ; qui multi latitantes in montibus reperti , protractique in forum sexaginta supra quadringentos una cum libris igni pabulum fuere. Multum displicuit hæc Imperatoris crudelitas *Fusio* ejus filio imperiique heredi ; qui , ut erat litterarum diligens , sæpe patrem rogavit ut tandem vexandis libris statueret modum. Sed nequicquam. Imo cum doctis illis viris impunitatem vitamque deposceret , adeo pater offensus est , ut è suo conspectu abire jussum atque ad Boreas plagas relegatum multaret exilio. Ibi *Mumhoëo* militum duci custodiendum tradidit. Et hæc aulæ patriæque privatio deinde debitum imperium ei simul & vitam eripuit , ut paulo infra narrabimus.

Iterum ex-
usti libri
cum possessoribus

Palatium interea majestate plenum exstruxit ornavitque

Q

*Capax &
magnificum
palatium.*

vitque miris modis, ut erat magnorum operum atque magnificorum amans inprimis. Regiam sedem legit *Hienyang*, provinciae *Xensi* urbem, ubi nunc ejusdem provinciae metropolis *Sigan* est sita. Et licet amplum esset in ea jam ante palatium; magnificentiae tamen suae impar & nimis angustum ratus, inter alia ingentem & oppido sumtuosam adjecit fabricam, quae ab Oriente in Occidentem passus quingentos, ad Austro in Septentrionem centenos patebat, itaque summo artificio disposita, ut, vacuis licet atriis, decem militum millibus in ea perquam commoda esset habitatio. Tot enim esse volebat & veteranos omnes eosque selectiores ad palatii sui custodiam. Palatium deinde, qua intra moenia coërebat, ad montem usque *Nanxan* prolatavit; ejusque montis partem deliciarum causa conclusit intra palatium novis exstructis mœnibus, quæ totum intra urbem circumclauderetur. Ad urbem vero nonnisi per montem patet aditus, & pedestri tantum itinere. Nam reliquas illius partes fluvius, cui *Guei* nomen, allambit. Construxit igitur arduum in monte firmissimumque propugnaculum, subter quo viam occultam effodi jussit, ad oppidum usque proximum ingenti opere ipsa montis viscera penetrans. Quam quidem ita subterraneam esse voluit, ut aperta quoque supra terram esset via. Nihil dico de pomariis, vivariis, floribus & hortorum ornamentis aliis; in quibus exornandis & instruendis infinitas opes infumfit, coactoque subditorum labore abusus, seque suamque familiam invisam omnibus intolerandamque fecit. Sed hac de re pluribus agam infra.

: Nec tamen Imperatori nullo labore stetit harum rerum molitio. Annos quinque supra viginti dimicandum ei fuit; prosperaque fortuna semper usus, omnibus sibi subjectis pacem peperit hoc tandem anno, qui fuit ante vulgarem Christi epocham supra ducentessimum alter & vicesimus. Quem annum in diplomatis suis notari primum voluit; eodem quippe legitimus totius imperii consensu declaratus Sinarum Imperator. Tum deinde patrem suum jam mortuum, primum istius familiae vocat Imperatorem, se vero scribit secundum.

Est

Est hoc usitatum Sinis, & in parentes observantiæ obsequentiæque argumentum, ut filius nunquam ad altiore dignitatis gradum, quam pater, ascendat. Unde si suis in rempublic. meritis honores filius adipiscatur, quæ patri fungi non obtigit, quamprimum, quicquid id felicitatis est, posthumo, ut sic dicam, jure, cum parente mortuo communicat, notabili apud hanc gentem cæremonia.

Filius non est major patre.

Novas deinde leges invexit ac politicæ gubernationis modum in multis mutavit. Initium anni primam lunarem in sagittario conjunctionem; insignia vero militaria & vexilla nigri coloris, ut erat istius amans, esse voluit.

Iamque susceperat aliquot filios; cum à Præfectis rogatur, ut primogenito successore designato, reliquos, more majorum, regulos crearet. At *Lisius* unus è Præfectis majoribus, quo minus alterum fieret, adversabatur. *Antiquarum familiarum Imperatores, aiebat; filios nepotesve creabant regulos; sed, ut usus experiendo nos docuit, eventus non secundo. Illi enim paulatim assurgentes ad potentiam; moxque sumtis in affines armis miscebant & turbabant imperium. Melius à nostris pacatisve nihil exspecto. Hinc tot bella, tot regnorum inclinationes; quemadmodum & hac ætate nos ipsi vidimus. Minime igitur salutare hoc reipubl. consilium puto: sed postquam summa novi Imperatoris virtus id effecit, ut totus terrarum orbis ad unius nutum intueatur, quid attinet plures dominos in nostrammet armare perniciem? Satis mihi videtur futurum, si magnificum in assignata cuique urbe palatium adificemus, in qua opimis redibus instructi regie sustententur & alantur, procul dominatu, procul aut in terras aut in populos imperio. Sic ab Imperatore atque Præfectis cum pendebunt; nihil est, quod ab eis timeamus hostile, tentare nihil ausuris, præcisa tumultuandi materia. Hujus igitur sententiam secutus Imperator, eo modo, quem ille suaserat, filiorum statum ordinavit; quæ politicæ ratio nostris etiam temporibus usurpata.*

Abrogati reguli ab Imperatore geniti.

Septimo ac trigésimo, quam *Xius* rerum potiri cepit anno, Sinam orientem denuo lustrare visum è re publica.

*Fraude re-
tentæ litteræ
cum sigillo
imperii.*

publica. *Huhaius* ejus filius secundo genitus, comitandi patris affectus desiderio, ab eodem per *Lisuum* Colaum id non difficulter obtinuit. Sed in itinere Imperator in morbum incidit, quo extinctus est hujus anni septimo mense. Paulo ante mortem ad filium majorem dedit epistolam, adjuncto imperii sigillo. Hæc, ut primo quoque tempore ad filium natu maximum mitterentur, *Huhaio* tradita. Quæ tamen ille, momentum ponens in mora, se penes attinuit; suppresso etiam mortis nuntio, nequid è novis rumoribus detrimenti pateretur imperium. Sed frustra, turbantibus omnia per hanc opportunitatem Præfectis, inter quos erant nonnulli, qui familiam *Cinam* acerbe & penitus oderant, & sub umbra ficti obsequii, plane illius exitium urgebant. *Chaocaus* præcipue, non infimæ sortis Præfectus, callidus & astutia confidens, meditatum facinus exsequi strenue cœpit; nec ante quievit, quam *Cinam* familiam ad interitum redegit omnem. Ergo *Lisuum* fidissimum alioquin Imperatoministrum variis artibus subiens adeo induxit, ut majore filio præterito Imperatorem diceret minorem. Sic autem est eum allocutus. *Epistola & Imperatoris sigillum, quod is ad majorem natu filium misit, in potestate sunt Huhaii secundo geniti, amici tui. Porro tuum est statuere, hunc, an Fusuum Imperatorem jubeamus. Quod tuarum est parium, id te facturum nihil est quod dubitem.* Dirigit ad hanc orationem *Lisuus*, & ira, quam erga veterem dominum inmotæ fides adauxerat, intumens vix se continuit, quin è vestigio trucidaret ipse *Chacoaum*. Sui tamen potens, tandem responderet in hæc verba. *Quod vivis, ô perfidiose, lenitatis est mea, non sceleris tui. Vita indignus est, cui perit fides. Quo spectant hæc consilia, nisi ad subruendum imperium? Talia certe sunt, quæ in medium attulisti, quæ nequissimo cuique turpissimum sit loqui.* *Chaocaus* quasi non tactus oratione contumeliosa, & ad *Lisuum* versus, *Virtus, potentia, consilium in te sunt, ô Lisue, prolixa tua in imperium, remque publicam merita, & quod est, in oculis præsertim, rarissimum, sine invidia. Quod tibi quidem contingit meritisimo tuo; qui summam dignitatem*
ita tem-

ita temperanter adhuc habuisti, ut illa non te ornasce, sed à te potius ornata esse videatur. Sed, oro te, considera etiam atque etiam, quid agas. Maynum Imperatoris filium apud Mumhoëum esse scis, hunc de illo præclare meritum; utrumque arcta familiaritate connexum. Si Fufius præ Huhaiio proferetur ad fastigium; tum tu præ Humhuëo nullus eris. Adeone parvi, Colai sigillum, Colai dignitas est tibi, ut, cum possis illud Huhaiio tradere, hanc tibi servare, negligens sis utriusque. Secundus est Huhaius filius, quid tum? sed apud nos est, sigillo potens, & statim, modo tu faveas, potentissimus imperio. Quo si per te potietur, quas tibi non referet gratias? sed hæc apud sapientem fortasse parum valet oratio; at regia & imperatoria ejus indoles, at pietas, at in homines commiseratio, quæ dotes, aliæque imperio usquequaque dignæ resplendent in eo, sicut in calò stella, nihil apud te valebunt? Quamobrem obsecro te, ne dubites amplius ei sceptrum tradere, quem non dubitas iis esse dignissimum. His dolis raptus tandem Lisuus, habitaque post Colai dignitatem fide, contra Imperatoris mandatum, contra naturæ leges & regni, minorem filium, velut à patre declaratum successorem evulgat; cumque multum valeret auctoritate, facile persuasit Præfectis omnibus, ut tanquam legitimam in eo potestatem venerarentur. Filius major contra cum Mumhoëo nulli labori parcere, quo Præfectos amicos sibi fidisque conservet; at obstante Lisuo vix quidquam effecit. Quippe cum arma parantibus etiam Præfecti fere omnes obsisterent; ea coacti sunt mox ponere, collectis copiis ad viam inferendam imparibus. Atque hæc causa fuit, cur Fufius ac Mumhoëus perduelles judicati sint & in crimen læsæ majestatis incurrisse. Minor autem frater, postquam Imperator factus est, ad firmandum magis imperium una cum Mumhoëo majorem coëgit sibi met mortem consciscere.

Regnum à legitimo successore alienant.

II. IMP. ULXIUS.

Imperavit annis I I I.

M-Ale parta male dilabuntur, dictum vetus est, cujus veritatem novus Imperator exitio suo sanxit.

Q₃

Cyclo 42. anno 29 ante Christum 209.

sanxit. Inconsultus juvenis, qui parricidio stabilitum ierat imperium, & hoc & seipsum evertit; rerum potitus tantum triennio. Viginti namque natus erat & alterum annum, cum prorupit ad clavum imperii; sed quarto & vigesimo ætatis anno ab iisdem, à quibus fuerat electus, morte multatus est. Cujus author præcipuus, *Chaocaus* fuit, occultissime simul ac vaferrime adversus *Cinam* familiam exercens odia. Hunc enim Colaum suum fecerat, gratiam accepti rependens imperii. *Lisum* vero summæ rei militaris præfecit.

*Imperatoris
voluptuarii
oratio.*

Longe *Ulxius* (hoc enim nomen Imperatori post fuit) à paterna virtute animique robore degeneravit; libidine atque avaritia infamis, nec ullius rei quam voluptatum in imperio studiosior. Subinde *Chaocaum* sic allocutus memoratur. *Mortalis vite cursus est haud minus velox, quam currus, quem sex equi rapiunt. Breve omnino spatium nobis relictum est ad vivendum; quod dum elabitur, opto meos oculos, aures ac reliquos sensus iis rebus explere, quæ maxime summaque cum suavitæte iisillantur, & quicquid denique desiderare potest mens mea, omni diligentia conquirere, ut ætas reliqua mihi exigatur quam jucundissime. Id qua ratione possim consequi; tu, *Chaocae*, me docebis. Ille factus ad omnem fraudem respondet in hunc modum. Efficere quidem id omne, quicquid velis, optime Imperator, est in manu tua; nisi quod hac una res me sollicitum habet, ne labores incassum. Sensus enim, quos dixisti, expleri non possunt insatiabiliter. Timeo & illud, ut per antiquos patris tui Præfectos tibi liceat, quod optas. Hi namque aliud tibi authores erunt, in alia te studia & ab his longe diversa devocabunt, imo turbas ciebunt, ubi te viderint solis voluptatibus inhiare. Tunc vero si exsaturare animum voles, antiquos illos Præfectos exauctora; novos, quæis, charus es, sublege. Nam ita morosis & iracundis Præfectorum querelis tacentibus habebis, quod excrepat animus tuus, & in aurem utramque securus dormies. Vaferrimum erat hujus perduellis consilium. Nam si antiqui ac fideles *Cinæ* familiæ Præfecti omnes è medio tollerentur; illi promptum erat amicos suæque voluntatis adju-*

Pestilens consilium.

adjutores ad dignitates protollere, itaque vel evertere, vel sibi, si posset, imperium occupare. Audiit tamen illum Imperator, & è *Chaocai* sententia Præfectis honore privatis novos substituit. At his non est visa res hæc toleranda, excitis per totum imperium turbis indignitatem rei vindicantibus. Unde paulatim rebelliones cœptæ non prius quievere, quam hæc imperatoria stirps funditus interiit.

Primus in Imperatorem rebellionem captavit *Xingus* militum dux, urbisque regiæ præfidiariorum parti præfectus. Hunc Imperator ad motus, qui in Australi Sinæ plaga gliscebant, sedandos iusto cum exercitu ire iusserat. Ibi re non satis feliciter gesta partim ob itinerum difficultates, partim ob aquarum inundationes, & exercitus amissa parte, ad Imperatorem redire timens, convocatos tribunos sic alloquitur. *In quo nos rerum nostrarum articulo fortuna destituerit, cernitis & indignamini merito, commilitones. Aut moriendum nobis est, aut, si minus irascetur libidinosus Imperator, munere cedendum, & quod est utroque acerbius, alterutrum cum dedecore. Notior enim vobis est, quam ut à me sit explicanda tyrannis illius, fidem suorum è successu tantum aestimantis & suo imperio; cui si vel Calum obstiterit, peristi. Itane, fortissimi duces, sine gloria moriemur? imo enim vero cum ignominia? & à libidinoso Imperatore occisi? At major in fortitudine nostra spes est mihi, quibus fortiores non inveniet tyrannus, qui contra nos audeant arma ferre. Scitis præterea, parricidium fraterno sanguine signasse viam ad imperium sibi. Fusuum occidit; at vivit adhuc Fusui filius. Huic debetur imperium; ab hoc stemus comite iustitia, virtute duce, quæ nequissimo Imperatori, sanguinario, parricida servire nos amplius non patiuntur. Hæc ubi dixit, omnes in ejus verba jurant, Fusui filium è legibus Imperatorem esse clamantes. Quo audito Quamkius, qui tunc pro Imperatore Suchuen provinciam administrabat, collaudat eorum animum, & ab Ulxio deficiens, ipsorum partes sequitur. Collecto igitur ingenti exercitu, vexilla omnia pro Fusui filio insi-gniant, quo speciosius tegetetur rebellio. Neque*

Xingus militum dux fraude regno insidiatur.

*Sed festi-
nando se
prodit.*

fraudem primo successus destituit, deceptis eo colore quamplurimis, partesque *Xing*, sequentibus. Sed ille seipsum prodidit, regno *Zu* sive subjectis olim sibi provinciis in potestatem suam reductis, ambitione præcipiti regem se volens appellari. Sic prodicionis consilium omnibus innotuit; cognitoque, non iam illum pro *Fusui* filio, sed pro se bellare, propemodum omnes eum deseruere. Vnde nihil postea gessit memorabile, regnumque, dum quærebat, amisit; quod obtinisset omnino, si *Changulum* & *Chiynum* audivisset. Hi namque suaserant ei, ne festinaret; nondum esse regnandi tempus; eadem arte, qua pro *Fusui* filio crederetur agere, procedendum eoque, donec auctis continuo copiis ac rebus melius compositis, non modo *Zu* regnum, sed imperium ipsum faceret ditionis suæ. Verum, ut paulo ante conquestus sum, fortunæ dolo faventis indulgentiam præcox intervertit ambitio; dilapsique perduelles, qui erant in partibus, & à sese invicem distracti, quietem, quam bellum maluerat.

*Supina Im-
peratoris
escitantia.*

Hoc periculo defunctus Imperator, necdum tamen excussit ignaviam; Præfectisque totius imperii permissa cura, ipse totum se voluptatibus tradidit, insigniter juvante ac suadente *Chaocao*, qui tamen, quantum poterat, imperii ruinas machinabatur. Itaque rebelles negligentius persequi, alios ad imperii spem erigere, populum tributis exigendis Imperatoris nomine vexare, ut hortos, ut nova palatia, ut nemora & id genus alia fabricaret ad Imperatoris delicias ac libidinem. Ad urbis autem regiæ custodiam alebat quinquaginta militum millia; quæis septus Imperator tuto esset ac libere in libidine. Sed documento fuit, nullam diligentiam satis validam esse, nisi virtute sis munitus & subditorum amore. Nam qua regnum *Zu* spectat Boream, prope *Honan* *Lieupangus* quidam ab Imperatore descivit; qui à parvis initiis orsus, tandem imperium occupavit. Et primo quidem cum sociis aliquot ex armis & rapto vivere solitus, in lacu *Poi* vicinisque montibus; deinde ducem nominavit. Quanquam & tunc latronum potius more, quam ducis,

cis, bellum faciebat finitimis. Erat *Lieupangus* humiliter quidem natus loco, sed magnos gerens spiritus; de cuius indole mirabili, benevolentia, fortitudine ac felicitate multa Sinici scriptores tradidere. In parva etiam fortuna non nisi magna meditabatur; nunquam se demittens in eam humilitatem, qua victum etiam necessarium pararet sibi. Cumque latronum dux esset, eadem lege suos continnit, nihil humile, nihil mediocre passus aggredi eos aut agere. Comitatus interim affabilitasque sermonis ei tanta, ut omnium in se facile amorem accenderet. Quoties audiebat Imperatorem in otio tam turpi luxuque vivere; dicere solebat, viro forti vel imperatoriam dignitatem querendam esse, vel eligendam mortem.

Forte incidit *Lieupangus* in quendam *Lincungum* nomine, physiognomiae peritissimum. Qui contemplatione super faciem ejus injecta, repente, veneratus ipsum, *Ego jam nunc*, exclamat, *profiteor subditum me tuum; Imperator eris!* cum prae-dictione mea consentiunt perspicua & evidentes in vultu tuo nota. Multorum quidem fata deprehendi explicuique in futurum artis mea felicitate; sed similem tui, domini mei, vidi adhuc neminem. Omnino si antiquitate ipsoque praesagiorum usu laudatissimi libri mei vera faniur, Imperator eris. Et hujus veritatis fiducia jam obsequio tuo in antecessum me devoveo. Præterea, si placeat, unicam, quam habeo, filiam inter hujus ævi pulcherrimas, ut videbis, ac sapientia miraculo florentes numerari dignam tibi, domino meo, uxorem despondeo. Magna enim à te spero, qui ad magna natus es. His auditis mire lætus *Lieupangus*, filiae nuptias avidissimo consensu approbavit: cuius dein prudentia multum est adjutus in occupando imperio. Sed cum fortuna, quod plerumque fit, virtutem deinde mutavit, & Imperatrix & nequissima, ut dicam paulo post.

Ulixius quanquam & ipse nequissimus, astrologia tamen maxime gaudebat siderumque studio. Unde prænosse scribunt eum, de caelestium cursu successorem instare sibi; quin & ex Australi provinciae *Xensi* plaga, futurum. Quare ut interverteret vel turbaret stellas contra fortunam suam aurigantes;

Q5

ad

ad eos Sinæ tractus pervenit, inquirens & intentus undique, ubinam esset ille, quem desuper à cælo metuebat, in terris agentem. Et sane attigit ea loca, ubi cum suis *Lieupangus* habitabat. Qui turbatus Imperatoris adventu, *Poi* lacus altissimos montes fuga petiit, ibique latitantem filii, fratres, omnesque consanguinei sunt secuti. Exceperat eos aliquando convivio, è quo sub noctem surgens per opaca montis inambulans cum convivis inusitatæ magnitudinis serpentem obviam habuit, quem stricto ense duas dissectum in partes necat. Memorant subinde serpentem ab anu quæsitum; quem cum occisum reperiret, ita plorasse. *Heu! filius meus, cui debebatur imperium, in album serpentem mutatus est! ah! non amplius eum video. Quid dicam? non ab alio profecto, quam à rubro dracone interfectus est; ab illo nempe, cui fata destinant imperium altiore vi, quam filio meo. Huic qui mortem obtulit, is sine dubio Imperator fuit. His ac talibus portentis (ut opinor, à *Lieupango* fictis, ut suorum animos erigeret) cum ipse, tum sui commilitones magnopere lætabantur, haud ambigentes, quin esset futurus Imperator. Ergo, quæcunque imperat, alacres exsequi, jamque velut Imperatorem colere. Sinarum hoc semper fuit, ut imperium ex immutabili fato pendere credant, & illud quasi habena quadam de cælo vinctum descendere. Iisque persuasissimum est, illum, quem sceptrum manent, è voto facturum omnia, donec ea capeffat. Hinc continuo *Lieupangus* seipso major evasit, adeo sociorum multitudine crescens, ut jam justum haberet exercitum; & *Ulxii* conatus omnes in se quærendo elusit.*

Interea *Xingus*, ille, qui *Zu* regnum ambibat, etsi à maxima suorum parte desertus, animum tamen haud despondit, & aliquot oppida vi cepit. Iamque ad urbem *Poi*, quod ei nomen est à lacu, promovebat exercitum; cum loci Præfectus *Lieupangum* invitat ad arcendum hostem. Ille præmissis ad urbem manipulis aliquot, cum omnibus copiis subsequitur. Quo cognito cum *Xingus* armorum impetum verteret alio; Præfectus urbis, velut obsidionis securus,

Serpens occisus regni præsagium.

rus,

rus, jam *Lieupangum* intra urbem non admittit. Ex-
canduit vehementer ad hunc nuncium *Lieupangus*; &
ipse obsidione jam urget urbem. Et iracundiæ favit
intestina seditio, quam ab eo missa per sagittam ad *Littera per
sagittam ex
urbe emissa.*
suos epistola de Præfecti perfidia quæta commovit.
Eodemque tempore *Lieupangus* scandens mœnia, nec-
quicquam contra nitente Præfecto, cepit urbem. Eo
quamprimum occiso milites, quotquot erant in ur-
be, omnes partium *Lieupangi* fuere. Atque ita co-
piis auctus, spoliisque locupletissimæ civitatis, è
latrone dux militum factus, vexilla militaria rubri
coloris omnia suis proposuit, ac sola rubrica nosci
voluit, in omen accipiens, quod, occiso serpente,
fatali denominatione rubrum Imperatorem ab anu se
vocatum, audierat.

Imperator his motibus auditis, Præfecto, cui pro-
vinciam *Hoeiki* regendam dederat, mandat, ut in-
ferat ei arma. Nec defuit hic officio, missoque in *Zu*
regnum cum ingenti exercitu *Hiangleango*, non re-
putans, sæpe fidem exterorum amore patriæ infringi,
cladem Imperatori, sibi mortis ansam dedit.
Erat enim istud regnum *Hiangleango* solum natale,
cujus amore tactus, non modo contra ipsum non
tulit arma, sed & regem omnino, ut olim habebat,
illi dare constituit. Ac facilis erat ista expeditio.
Quippe militum omnium animis sibi devinctis, &
hinc ad defectionem sua sponte proclivibus, neporis
è fratre, juvenis audacissimi fortissimique manu
Hoeiki Præfectum necavit, provincia in fraudis pre-
rium sibi occupata. Profugerat autem è *Zu* cum
Hiangyuo criminis adjutore reus homicidii. Scribunt
Hiangyuum usque eo tardum & hebetem fuisse, ut
ad studia litterarum applicatus nec litteram potue-
rit addiscere. Quare objurgatus à patruo, nescire se
respondit, cui rei conducant libri, nisi nominibus
hominum mandandis posteritati. Inssus igitur ar-
tem gladiatoriam discere, nec ab ea minus abhor-
ruit. Tum increpanti socordiam patruo respondet
iterum, armis quidem gaudere se, nolle tamen il-
lam artem discere, quæ tantum uni doceret alterive
homini

*Hiangyus
præ animi
stupore nec
litteram ad-
didicit.*

homini resistere , sed quæ multis. Scientiam ergo rei militaris didicit à patruo.

Imperator tantæ defectionis armorumque strepitu necdum excitatus à deliciarum somno , indormivit reipublicæ. Sed parva & principia negligentem majora manebant mala. Nam eodem fere tempore *Tienxenus* è *Ci* regum stirpe in conspectu fuit , hostis eo nocentior , quod adhuc latuerat. Nec diu factum ; & à populis , qui Imperatorem ferre non poterant , adjutus , *Ci* regni partem occupavit. *Hanquangus* etiam regnum *Yen* invasit , atque ibi confedit. In *Chao* præterea regnum paternum horum exempla secutus è regio sanguine *Uuchinus* , postliminio rediit. Sed vix mensem egit in pace , quam ob imperii confinia rex *Yen* bello male coalitam dissolvit , prælioque victum cepit *Uuchinum*. Captivitas tamen ei laxa fuit , adeo ; ut à *Xingo* , qui tunc in regno *Zu* commorabatur , poscere posset auxilia. Non defuit misero *Xingus* , & *Changulum Chinyuumque* , fidos sibi duces in *Yenem* dimisit. Hi tamen antequam arma inferrent , miserunt legatum , *Uuthini* libertatem exostulantes prærogativa virium , nec dubiæ spe victoriæ. Sed hæc *Yeni* non intelligebantur , occidenti legatum contra jus gentium , & *Uuchinum* retinenti. Tunc enimvero *Changulus* & *Chinyuus* ad vindictam ruentes , regnum immisso milite aggrediuntur. Hæc ubi rei militari Præfectus audiit , *Yenem* regem suum conveniens , *Ecquos* , ait , *homines esse putas , ô rex , Changulum & Chinyuum ? Cui rex , Probos ac fideles suo duci viros puto ; quippe quorum fidem nulla tempestas adhuc libavit. At ego ,* respondet militum Præfectus , *longe secus sentio. Quod modo tentant , in eo non sui ducis causam respiciunt , sed suam ; sub auxilii specie Chao regno imminentes , teque pulso ulturi sese , ut deserto dein etiam Xingo ipsi duo dividant inter se regna. Iam turbatum est imperium ; omnes piscari cupiunt. Uuchinum ut liberum ad sua dimittas , rogo. Sic enim artes eorum conatusque franges ; at , si detineas , majus inde timendum malum. Hanquangus id consilium secutus , Uuchinoque*
dimisso ,

dimisso, bellum brevi sopivit. Quanquam hanc libertatem post paucos dies mors illius excepit, cui à duobus illis Præfectis *Hoeus* ipsius nepos in regno suffectus est.

Sub idem tempus quasi ex condicito novum regem *Kieum* nomine *Guei* quoque regnum accepit. Hæc omnia fere secundo Imperatoris anno gesta sunt.

Eadem tempestate *Changleangus*, ille, quem *Xino* Imperatori supra memoravimus insidiatum esse, militaris rei peritus, multorumque stratagematum successu nobilis, à variis rebellium ducum invitabatur, ut eum de modo ac ratione bellandi consularent. Verum ille neminem ex illis adiit; ad *Lieupangum* etsi non invitantem, eoque tempore, quam alii multi, viribus inferiorem ultro venit. Interrogatus igitur, quid agendum in bello, quid vitandum maxime, sic respondit. Reliqui duces, qui in Imperatorem insurrexerunt, imperium per vim ac nefas quarunt, nec tempori servire docti; nec regnandi libidinem dissimulare. Solus *Lieupangus* à *Calo* expectat illud, & accipiet; quippe qui non quarit aliud, quam occasiones bene gerendæ rei. Potius imperium querit *Lieupangum*, quam *Lieupangus* imperium. Ajunt *Sinæ* militarem *Changleangi* peritiam in tribus his constitisse; in stellarum ac temporum observatione; in terrarum, montium, vallium ac fluviorum situ notando & descriptione; denique in servandis ac docendis militum ordinibus, exactaque disciplina militari.

Changleangus
militari peritiam in tribus constituit.

Hiangleangus interim, qui *Hoeiki* provinciam ceperat occiso Præfecto; magnis collectis copiis *Zu* regnum, natale solum, ingreditur. Vbi cum *Xingo* congressus armis, eum internecione delevit. Mox & ipse tactus regnandi libidine, regnum ceu victor ac jure belli affectare cœpit. Sed præcocem ambitum senex quidam, *Facengus* nomine, discussit. Hunc maximi faciebat *Hiangleangus*, ob singularem, qua valebat, prudentiam; qui proinde liberius eum allocutus, Imperium, inquit, haud aliorum facilius, quam regni *Zu* militum armis collabefactari posse, minime te fugit. Hoc regnum, uti *Xingum* expelleres, ingressum, omnes

Senis prudens consilium.

omnes te tuamque causam tuentur; nec alia res est, quod te tam lati & alacres exceperint, quam quia regem à te sperant. Si vero teipsum per vim intrudes; timeo, ne te longa maneat invidia, & brevis felicitas. An tu Xinum indormire putas rebus suis? eadem illum, qua tu, meditari ne dubita; & cave, ne; cuius exemplum sequeris, exitum experiare. Populi suorum regum sanguinem amant. Quare, si me audis, unum ex iis, qui XII manus effugerunt, eliges. Eo facto totius regni conciliabis amorem tibi, contrahesque vires illius omnes, quæ Imperatorem debellare nullius erit negotii. Tunc tibi dignitates honoresque nec vocati affluent ex voto, imo supra votum. Vera loquebatur senex; quem audiens Hiangleangus, damnatoque regnandi consilio, Sinum Zu regis nepotem in regem coronat, magna totius populi lætitia. Rex Hocium appellari se voluit.

Eodem quoque tempore Chingus quidam ortus regio sanguine, regnum Han, ut paternum, collectis ali-
 • quot hominum millibus aggressus est occupare.

Hi motus omnes uno fere anno quasi ex denunciato simul exitere; quæis populos inter se commisit una Imperatoris desidia & avaritia. Oppressi namque ac vexati alios dominos legebant, sub novis meliora sperantes. Imperator accepto tot motuum ac rebellio-
 • num nuncio Lissum militum Præfectum acriter increpuit, quasi male rempubl. administraret; & , ut solent Principes, omnem in Præfectos culpam inclinavit, quod à populis defereretur. Cui Lissus è scripto respondit in hunc modum. Prudentem Imperatorem decet omnino scelera severe vindicare. Nam si iusto sit lenior, majestas evilescit ac perit timor. At ubi scævam atrocemque mortem maleficiis lex inexorabilis decrevit, omni spe impunitatis præcisa; tum vero peccare timent omnes. Multa in hanc rem alia scripsit, ad ingenium Imperatoris se accommodans, quem omni crudelitate sciebat imbutum esse. Vnde acerrime inquiri iussit Imperator in eos, qui à se desciverant. Siquos nancisceretur, lento igni torrebat, necabatque crudelissime. Præfectos illos, ut fidos laudabat, qui quamplurimos occiderent. Et hæc multarum cædium materies fuit.

Crudelitas
 Imperatoris.

fuit. Nam & multi specie Imperatori placendi, privatas ulciscabantur injurias; & ad merendam necem levissima quæque causa sufficiebat, imo sola criminis suspicio. Imperata præterea tributa majora, & vectigalium intentior exactio. Quæ quo quisque plura per fas aut nefas extorquebat à populis, hoc Imperatori gravior erat. Sed his ac talibus, quæis cogitabat sanare subditorum animos, atque ad officium revocare, magis exasperavit. Civitates atque adeo provinciæ, adventantes hostiles exercitus, quasi libertatis vindices præstolabantur; vimque perfringebant, ultro se subjiciendo. Comitatus ac modestia deerant Imperatori, quæ artes si adfuissent, pacatum erat imperium, desidia, libidine ac tyrannide tandem pessumdatum.

Sed adhuc labascens illud *Chaoeaus* Imperatoris adjutor, homo nequissimus, impulit in præceps. Hic, quos Præfectos à se suaque causa suspicabatur alienos, falsis criminibus petit, quamque plurimos necari jubet; illos præcipue, quos *Cina* familiæ videbat & Imperatori magis fidos. Illam quippe familiam statuerat quæiscunque posset modis extinguere. Id unum agitabat adhuc eum; nequis Imperatorem forte certiolem faceret partim de iis, quæ jam perfide gesserat, partim quæ tunc meditabatur. Effecit igitur subdolo, & iniquissimo consilio, ut Imperator sibi ac *Lisuo* commissa imperii summa, nunquam deinceps in aliorum Præfectorum magistratuumve conspectum prodiret. Sed documento fuit, haud omnia consilia esse bona, quæ talia videntur; & diligenter à Principibus quandoque, non utique populari trutina examinanda. Ceterum sic Imperatorem allocutus esse fertur. *Nimia familiaritas contemptum parit. Subditi, qui dominum suum sepe vident, multa simul vident, ob qua aspernentur illum ac rideant, parvique faciant pereunte paulatim obsequio. Si cupit apud suos esse magni semper, ac debito honore coli; eorum oculos vitet. Siquid habent cause, illam exponant scripto, scriptoque respondeat Imperator. Omnino rara sit aut nulla potius, os ejus sacrosque vultus oculo plebejo tuendi, indulgentia. Sic rebus mature consideratis decernet, quod est à publico futurum; sic prudentia*

Fraude Imperatori
persuasum,
ut publicum
vitet.

*Preditio
Præfecto-
rum.*

*Æmulus
fraude sub-
latus.*

dentis virtutisque nomen ac decus apud suos tuebitur. Ex his pendet veneratio, prominetque terribilius occulta majestas. Hac oratione deceptus adolescens improvidus consilii, nunquam postea venit in senatum, nec aures cuiquam præbuit. Solos *Lisium* & *Chaocam* admisit, quibuscum de republ. consultabat, sed raro. Cum igitur omnia in eorum essent arbitrio, diversis in Imperatorum studiis longe distrahebantur. *Lisius* adhuc in fide constans; at *Chaocas* ex occulto inimicissimus erat. Et quia quasi pendebat ab hoc *Lisius*; illius accedente fraude; tandem de occidendo Imperatore, deque imperio partiendo conveniunt ita, ut Australem alter, alter Boream sibi Sinam auferret. Sed duo destinatis intercessere. Primum, quod *Liyens* natus major illius filius contra rebelles dux missus, ad illos defecerat. Alterum, quod hac audita defectione *Lisius*, potestate, quam habebat, abusus, imperio præcoci summum ducem copiis præfecerit, quod solis Imperatoribus licebat. Ob hæc igitur duo in carcerem ab Imperatore conditur. *Chaocas* clam instigante atque urgente. Non poterat æmulum ferre; nec inculcare cædis consilium ante destitit Imperatoris auribus, quam in urbis ille regiæ foro duas in partes dissectus interiit. Sic tota imperii gubernatio penes *Chaocam* fuit; quod adhuc unice quæfiverat.

Hoenus interea *Zu* rex à suis electus, intra paucos dies totum amplissimumque regnum ad obsequii reverentiam pronum habuit, domesticum nativumque regem expetentibus. Quare cum domi tranquillæ res essent, Imperatorem bello petere ultimumque injurias ire decrevit; *Lieupango* celebratæ fortitudinis viro ad se invitato, creatoque duce. Tum vocatos duces omnes, *Hiangyum*, *Hiangleangum*, *Sungyum*, ac *Lieupangum* ad hunc modum alloquitur. *Quamobrem vos convocaverim, duces, ut paucis expediam, causam hanc habeo. Volo vos divisis copiis in Imperatorem infestis armis ire, non ut imperium occupetis mihi, præter regnum, quod à vobis accepi, nihil aliud ambiendi; sed, ut & vos regnetis. Qui primus vestrum*

vestrum Hienyang urbem regiam occupaverit, atque inde Imperatorem ejecerit; illi ego Cin regnum jamnunc ex animi mei sententia decerno & addico. Agite fortiter, & quam de vestra fortitudine ac fide concepi spem, actum implete. Quomodo ad arma eatis, quomodo bellum conficiatis, in vestra manu est; in votis vero meis, ut familiam Cinam primo quoque tempore deleatis.

Secundum hæc ceteri duces *Hiangleangum* sequuntur. Quo cum ingenti exercitu *Poyang* versus progressus, solus *Lieupangus* à *Changleango* doctus aliam ac breviorē viam, minore quidem cum exercitu, per provinciam *Honan* Occidentem ingreditur. Copiæ utrinque simul omnes *Xensi* provinciā, in qua Imperator erat, rectā petebant. Cujus rei fama tandem periculi magnitudine concussum ē libidinum verno excitavit. Itaque suos exercitus & ipse mittit in perduelles. Et primo quidem contra *Zu* regis Præfectos, quorum inprimis erat formidabilis potentia, tendere jubet; satis gnarus, eo regno devicto, facile reliquos, qui regna invaderent, debellatum atque repulsum iri. *Changtanum* ergo validissimo cum exercitu contra *Hiangleangum* emittit; at atroci prope *Poyam* urbem commisso proelio, ab *Hiangleango* stetit victoria. Hic exercitus fugati reliquiās, quas *Changtanus* collegerat post fugam, persecutus, ad *Tingtao* iterum fudit, horribili cum strage.

Eodem fere tempore rem prospere gessit *Lieupangus*; qui, qua *Cin* est contra occidentem, provinciæ *Xensi* regiones ingressus, resistentem sibi Præfectum cum copiis omnibus delevit, usque & usque viribus ac potentia crescens.

Hiangleangus interim victoriā elatus insolescere, alios alto supercilio despicere, jamque non secus, ac si teneret Imperatorem, gaudio triumphare. Magno igitur apparatu ac pompa, sed minore cura contra novos Imperatoris exercitus movet. *Sungyus* etiam in tuto rerum cursu cautione opus esse ratus, disciplinæ militaris eum admonuit, & Optime dux, inquit, impense tua causa sum sollicitus. Comprime, quas

R

te, hos

Magni in
Imperato-
rem motus.

te, hos spiritus, neve adeo, tui securus, hostem sperne, cui non raro sui contemptus peperit victoriam. At ille spreto æque consilio, ut hoste, cum Chanctano iterum conflixit; memorabili clade affectus in eodem loco, prope Tingtao, unde paulo ante victor discesserat. Quippe Changtanus reparato exercitu haud sane spernendo, illum excepit, hoc illustrem victoriam adeptus, quod etiam Hiangleangus ipse cecidit in proelio. Documentum ducibus, ne fortuna elati victores militarem deserant disciplinam.

Lieupangus audita Hiangleangi clade, sparsos ejus milites, undecunque potuit, ad se invitans, ingentem exercitum conflavit.

Changtanus autem tam insigni victoria non contentus, Croceo fluvio transmissio, felicitatem armorum in Chaum regem promovet. Nam & Zu regno potiri debebat ex Imperatoris mandato; nec tutum tamen erat, hostem à tergo Chaum relinquere. Hic enim annonam poterat omnem & reliqua bello necessaria nutu impedire. Chaus viribus impar ad Zu regem mittit, qui petat auxilia. Zuus, Hiangleango remoto, Sungyum & Hiangyum copiis præfecit, novo milite misso, qui Chao regi ferret suppetias. Sed summa rerum potestas penes Sungyum fuit. Hiangyus quidem fortissimus ab omnibus habebatur; sed, ut immanis atque crudelis à Zu rege, Sungyo parere jussus. Tertio ergo Imperatoris anno Sungyus cum exercitu ad Nanyang urbem pervenit. Ibi specie reficiendi militem, sex & quadraginta dies consedit in otio, fremente interim Hiangyo. Qui demum impatiens inoræ & in Sungyum invehens, Quo spectat, inquit, hac cunctatio? Paulo ante noster exercitus cæco impetu ruit in suammet cladem; patrius meus occubuit; rex omnibus rebus urgetur, & à nobis remedium expectat nec cibum interim nec quietem capiens, dum ejus haud temere de nobis concepta spei succedat victoria. Quæ quidem est in manu tua, si audemus esse felices, præliumque pscere. Abjecta igitur cunctatione, invadendum hostem censeo. Cum Sungyus tergiversaretur, Hiangyus, ut erat ingenio ferox & audax, eum in com-

muni

muni utriusque tentorio necat. Placatos deinde magnis promissis milites, se sequi jubet; prædam omnem ipsos manere; se non nisi patruî cædem ultum, & acceptæ cladis ignominiam deletum ire. Itaque omni exercitu ad obsequium prono, naves quamplurimas instruit, ac celeriter *Croceum* transmittens, milites una cum trium dierum annona in terram exponit. Tum, ne quæ spes refugiendi timidis esset, cunctis navibus impedimentisque merfis, *Nunc, ut videtis, commilitones*, inquit, *effugium nobis nullum est reliquum, quam in virtute nostra; unicam hanc habemus arcem. A tergo reditum præpediit vastus fluvius; à fronte Imperatoris instat inimicus exercitus. Vel moriendum nobis, vel fortiter pugnandum. Agite, ut viros fortes decet; si vita, si honores, si divitiæ vobis sunt cordi.* His dictis in *Uanguanium* Imperatoris legatum movet, aciesque poscit; impetum novies facto semper rejectus. Donec fuso tandem Imperatoris exercitu, *Uanguanio*que capto, tantam stragem edidit, ut omnes illius Præfecti de imperio jam conclamatum esse dicerent. Nemo tamen Imperatorem admonere ausus est, rem celante *Chaocao*.

Fuga militum naves subductæ.

Sub idem tempus *Lieupangus*, *Uuching* urbem in *Guei* regno sitam armis obtinuit. Nam regionis illius Præfectus ei resistere non ausus, ultro cum suis ad ipsum defecit. *Pungyueno* nomen illi erat; quem benigne ac comiter exceptum *Lieupangus* ducem creat suum, ejusque fide subnixus mittit ad universum *Guei* regnum occupandum, regni præfectura quæungebatur prius, eidem commissa.

Post captum *Uanguanium* & *Pingyueni* defectionem, quo in rerum articulo deprehenderetur imperium, tandem docetur Imperator. Qui ut tantis malis jamjam ingruentibus aliquo modo iret obviam; denuo, *Changtanio* duce, valentem exercitum in *Hiangyum* emittit. Hic post aliquot velitationes maris semper inferior, nunquam ausus est exinde manus conferere; ne rem totam in casum daret; & quia sperabat *Hiangyum* in hostico fame annonæque penuria laboraturum. Et fortasse cunctando illum fregisset,

vel certe victoriæ occasionem nactus esset. Sed Imperator moræ impatiens, & spe ductus *Hiangyum* brevi posse vinci, rei summam in perniciem dedit; missa primum acri & vehementi epistola *Changtanii* ignaviam & otium increpans. Ille ut, quid ageret ac tentaret, Imperatorem admoneret, *Hingum* è ducibus unum ad *Choacuum* Colaum legat, qui de suis consiliis omnibus eum edoceret, ac simul de auxiliis aliisque rebus ad victoriam obtinendam necessariis cum illo ageret, & pugnae adhuc detrectatae causam exponeret. *Chingus* ipsum triduum subsistens, nunquam aditum ad *Choacuum* invenit. Iratus proinde insalutato eo ac re infecta ad *Changtanium* rediit, & indignatione plenus, *Quid agimus*, inquit, *optime dux?* quousque tot urgemur malis? jam eo loco sunt res nostra, ut nec victoria nobis profutura sit. Servitus est nobis apud pessimum Imperatorem iniquissima, neque rationes nostras audientem. Et hoc fortasse ferendum aliquis putet, quod alieno magis est quam suo vitio malus Imperator; at illud quam nobis indignum, *Chao* subesse, homini superbissimo & sceleratorum omnium supremo? Ab hoc (o infandi vilitas obsequii!) ab hoc pro libidine gubernamur; cui nulla interim nostri cura, nulla imperii, cum maximis rebus adjuvantes à se repellenti. Tres dies ad ipsius fores contrivi moliens aditum mihi, semper exclusus. His auditis *Changtanius*, ardens iracundia, Quando igitur Imperator nostri curam non habet; nec nos illius ullam deinceps habebimus. Neque fas est repugnare *Calo*, *Cinæ* familiae interitum properanti. Et cum dicto legat *Hingum* ad *Hiangyum*, cum eo tractat, & cum omni exercitu ad illum desciscit. Quæ res multiplici vitio labans imperium & ipsum Imperatorem penitus afflixit; damno suo docentein, quantum cavere debeant Principes à suorum sibi contemptu & contumelia.

Imperator
a suo Calao
necatus.

Hac defectione *Chao* audita, priusquam ad Imperatoris veniret aures, ne ab illo crimini subjectus puniretur, ipsum Imperatorem parat è medio tollere. Nec aliter fecit atque destinaverat, immisso in palatium primæ nequitiae sicario, à quo *Uulsius* Imperator occisus est anno imperii tertio, florente adhuc ætate.

Cujus

Cujus parricidii suspicionem ut à se *Chaocaus* averteret; dum vicaria manu patratur scelus, domi se continet aliquot dies, morbum simulans. At ubi eadem Imperatoris fama vulgavit; protinus velut illius vindex è domo prorumpit in publicum, conquisire laborans, ut comprehenso sicario sociisque manifestum facinus faciat. Deinde, quo illustrior haberetur adversus *Cinam* familiam fides sua; effecit, ut *Ingus* ex eadem sublegeretur Imperator, populis in obsequium ejus jurantibus. In hunc modum occisi ab se Imperatoris infamiam amoliebatur; sed frustra.

III. IMP. INGUS.

Imperavit XLVI. dies.

INgus tertium post diem, quam erat electus, cognita *Chaocai* nequitia, magnopere quidem excaudit; sed primum ultionis imperum retardabat illius potentia. Quare cum filio colloquens, Ægrum & ego simulabo, ait; tu vero, fili, cum *Chaocaus* ex officio, quo fungitur, ad me solus, quod ipsi soli licet, ingreditur, tum ex insidiis repente profiliens nil tale cogitantem hoc pugione transfige. Acceptoque ferro princeps intentus occasioni, simul in mandatum patris & *Chaocai* spiritum exhaussit. Hunc exitum habuit *Chaocaus*, homo sane nequam; cujus postea familiam Imperator in tertiam usque progeniem delevit. Memorant hoc loco Sinici authores, ad tantam potentiam nequissimum hunc Colam sub *Ulxio* Imperatore pervenisse, ut, quoscunque lubitum esset Præfectos vel necaret, vel exueret præfectura, vel donaret. Ex unius arbitrio ac libidine omnium vita, mors, fortuna pendebant. Contra placitum ejus & voluntatem aliquid fecisse vel dixisse capital erat. Illud prorsus admiratione dignum, quod referunt. *Chaocaus* forte cervum obtulit Imperatori; quem equum, non cervum esse dicebar. Risit Imperator; & *Chaocaus* errasse dixit. Tum Colaus, enimvero non cervum esse, sed equum, acriter cum Imperatore contendere. Hic ad circumstantes versus ex eis quærit, cervusne sit an equus? Alii cer-

Cyclo 41.
anno 52. ante
Christum
206.

Chaocaus
suorum sce-
lerum pœ-
nas dat.

Memoratu
digna nequi-
tia *Chaocai*.

vum, equum alii dixerunt; qui neutrum vellent offensum, tacuere. Notavit omnes, qui cervum dixerant, *Chaocaus*; ac deinde morte multavit. Unde omnes tantus illius invasit timor, ut, si mentem ejus noverant, scorpionem ovum dicerent; apertæ veritatis faciem turpissimo deformantes assentationis lenocinio.

Lieupangus interea vallis fauces, qua parebat aditus ad regiam, victricibus & infestis armis penetraverat. *Ingus* contra copiis omnibus prædialiisque secum eductis oppositas Orienti fauces occupat, & propugnaculum *Tao* dictum inibi permunit opere subitativo. Adest *Lieupangus*, & totus in pugnam prurit. Quamque primum invasisset Imperatoris exercitum, nisi *Changleangus* reprimeret audaciam ejus. Hic videbat Imperatorem loco ac numero superiorem esse. Quare ad artes suas versus, multa rubri coloris vexilla disponit in montium jugis, vel ut majoris exercitus specie illuderet hosti, vel eum averteret, si forte cogitaret Imperator *Lieupangum* in fugam compellere. Postea fidos homines subornavit, qui ad Imperatorem transfugerent. Hi sub justæ defectionis umbra latentes exceptique benigne. Imperatoris milites hinc inde ad sequendum *Lieupangum* sollicitantes, multo plurimis persuasere, ut illius signa sive felicitatem amplecterentur. Fidiores tamen adhuc timebant fidem deferere. Sed nihilo secius res in seditionem erupit ac motum in Imperatoris exercitu, quem *Changleangus* discordiæ author ex alti montis vertice notavit. Ergo *Lieupangum* statim pugnam ciere jubet. *Lieupangus* superato magnis difficultatibus monte *Quei* per ejus crepidines à tergo tendens, repentino impetu inopinantes & male cautos percellit hostes, irruensque in eos aliqua facta strage vertit in fugam. Deinde fugientibus instans, ad *Lanien* oppidum jam ad præliandum paratos offendit, collatisque signis hostium potitur. Imperator in urbem se recepit; sed ubi se ab omnibus destitutum videt, victoris arbitrio se permittit, ut in sequenti libro referemus. Imperavit familia *Cin* tres & quadraginta duntaxat annos, habuitque Imperatores tres, uti diximus. Nunc ad *Lieupangum* redeamus.

SINI-

SINICÆ HISTORIÆ

LIBER SEPTIMUS

De imperante Familia HANA.

I. IMP. LIEUPANGUS five CAOZUUS.

Imperavit annis x i i.



Odem anno, quo seque & imperium *Ingus Lieupango* tradidit, *Hana* familiæ stauerunt initium *Sinenses* historici. Et si vero *Lieupangus* universum occupaverat imperium; *Cin* rex tamen potius haberi voluit, quam Imperator. Quam appellationem postea primum adinstit, à suis ad hoc persuasus, ut narrabo.

Cyclo 42. anno 32 ante Christum 206.

Ingus ergo Imperator postquam dies sex tantum & quadraginta rebus præfuit; accepta superiori clade, auditoque *Lieupangum* ad regiam urbem recta victorem exercitum ducere, cum vires ad obsistendum ei deessent, pejora more gentis atque adeo mortem timens, clementiam voluit victoris experiri. Collo igitur in funem inserto, imperatorium sigillum & insignia reliqua ferens, & curru, quem albi trahebant equi, quod tristitiæ ac luctus signum est, vestus, obviam *Lieupango* procedit. Vbi prope illum fuit, è curru descendens eumque veneratus, cum imperatoriis insignibus imperium, quod non habebat, ei tradit, & in regiam urbem invitavit; solam ab se mortem deprecans. Vilissimus Imperator, qui quadraginta sex tantum dies imperarit, & se tam ignominiose abjiciens ac supplex ad subditum rebellem venerit.

Magna victi Imperatoris abjectio.

Victoris exercitus duces fere omnes *Lieupango* suadebant, ut occideretur. Quos ille non modo non audiit, sed à quavis etiam alia injuria eos abstinere iussit. *Hoeius Zu* rex idemque noster me adhibuit, inquit, ut suis auspiciis occuparem imperium, *Cin* regnum promittens præmium victoria. Quod autem ante alios uti

Ejus vitam victor servavit.

voluit mea potissimum opera, perspecta ei magnanimitas. & ad misericordiam propensio mea fecit. Hac die, qua nulla felicior illuxit mihi, tandem ad exitum feliciter adduxi rem, in qua velut in cardine consilia Zui regis & mea vestraque movebantur omnia. Vultis igitur hanc felicissimam lucem à me sanguine contaminari? sanguine infantis, qui seipsum ultro mihi tradidit? Meliora, Cælum! nec ego me in tantum odi, ac despicio, uti eadem patiari esse mei principatus auspiciū, sine dubio infelicissimum. Hac oratione mollitis ducum animis, Ingum comiter acceptum secum in urbem regiam deduxit. Tunc Hienyang nobilissimam urbem militibus suis diripiendam permisit, sed hætenus, ut neminem unum interficerent, aut offenderent, vel graviore aliqua injuria afficerent; severa pœna constituta peccantibus. Ingentes in urbe locupletissima reperræ sunt opes. Vnus Siao-hou, vir consulestissimus, qui apud Lieupangum erat in honore & in pretio, præclaram ante omnes prædam fecit. Nam cum litterarum esset amantissimus, spretis divitiis omnibus, quæ in manu ejus erant, museum summi magistratus ingressus, inde tabulas imperii geographicas & libros, in quibus particulatim omnia provinciarum peculiaria, & munitiora loca, redditus, & hominum numerus accuratissime repræsentabantur, secum abstulit atque servavit. Ex his deinde Lieupangum omnem imperii statum adeo scienter edocuit, ut omnes, & præcipue Lieupangus admiraretur, unde tanta rerum ei noticia. Quoties de re aliqua in medium consulebatur; egregia semper ejus in loquendo prudentia, gravitas & constantia dictorum enituit. Quem proin Imperator honoribus ac divitiis auxit amplioribus, quam si civitatis unius gazam omnem solus acquisivisset; ditior è libris unus, quam milites omnes è prædis.

Palatium Imperatoris Lieupangus sibi seposuerat & intactum esse præceperat. Quod ingressus ubi primum illius magnificentiam, rerum omnium elegantiam, copiam ac splendorem vidit, equorumque, servorum & mulierum decorem ac multitudinem; iis omnibus captus inibi sedem figere decrevit, præter Cing regnum

Docta præ-
da.

regnum ejusque delicias nihil expetens. Sed *Fanyunius* Præfectus, ut ad exercitum rediret, suavit, inibique confidendi consilium penitus damnavit. *Hæc enim*, quæ tu tantopere miraris, inquit, & imperium ipsum quibus rebus perdidit *Cina* familia, quam quod in illis conquirendis illius Imperatores nimis fuisse? luxuries ac prodigentia eis exitio fuit. An non, ô rex, quorum imitare facta, eorum perhorrescis exitum? rogo te atque oro, ut intempestivas voluptates aspernatus quamprimum ad exercitum redeas, coeptique belli gloriam propages. Quis impetus aut ignavia potius adeo te fascinarit, ut, cum possis imperare, tantum regnare velis? Male metuo, ne imperium, quo jam potiris, relinquens, etiam regnum, quod tam effulgentem amas, amittas. Si me non audis, pro certo habeas felicitatem tuam ad metam venisse. Respicit *Lieupangus* salutare consilium; & ut erat mollis & voluptuarius, partis frui, quæ sibi sufficere videbantur, deliberatum habuit, neque ex urbe discessit. *Fanyunius*, ubi nil profecit, *Changleangum* monet. Ex hoc *Lieupangi* spiritus pendebat, nec alium impensius venerabatur. Hunc igitur adiens *Changleangus* affatur in hunc modum. Vicisti tu quidem *Cinam* familiam, & ad hunc gradum ascendisti; sed, si verum fateri licet, in illa solida virtus exstincta materiam tuis laudibus atque initium dedit. Tu potissimum electus es à *Calo*, ut illius luxum castigares familia totius interitu. Vide, quæso, quid agas modo; & ne ob eandem causam à *Calo* deseraris, etiam atque citam cave. Simplicitas est amanda tibi, & in omnibus rebus moderatio. Qui malos punire vis, ipse malus esse non debes. Vix *Cin* regnum obrinuisti; & tam cito modestiam dediscens, *Cinæ* familia luxuriem & vitia nondum bene sepulta denuo vis in orbis exitum excitare? Non tibi venit in mentem, hæc, quæ ita caperis, esse, quæ *Kieuis*, quæ *Cheuis*, quæ sævissimis tyrannis ac regibus ad infanda facta faces admoverint? hæc esse, quæ occacati reges fidorum amicorum spernant consilia? Exemplum hujus calamitatis, si desint alia, cogimur in te abominari, qui modo sanctissimum *Fanqueii* consilium contempnis; Sed nimirum quemadmodum veneni amaritudo morbum magis incendit;

Quies & luxus regi dissuasus.

ita salubris consilii contemptus malorum facinorum indignitatem augeat. Audi, obsecro, monentem Fanqueium, tibi fidissimum. Sectantem voluptates poena multis experta; salutaris moniti patientem certum premium manet imperium. Non est ausus amplius Changleango Lieupangus oblistere; relictisque delitiis & urbe tandem revertit in castra.

Non multo post ad eum venere legati à Cini regni singulis civitatibus missi, cunctis in ejus fidem & obsequium sponte concedentibus. Quos omnes benigne Lieupangus exceptos vocatosque in concionem, primo dictis ad abstergendum novæ dominationis timorem accommodatis mulcet, ac bono animo esse jubet. Scio enim vos, ajebat, tyrannicarum Cinæ familia legum onere pressos gemuisse. Nunc respirandi tempus adest, postquam Calum per me vobis quietem, quaque hanc consequuntur, indulgit. Quamobrem ex hac die, quas inique familia Cina sanxit, in perpetuum antiquata leges sunt. Et quia primus inter Zu regis duces imperatoria urbe potitus sum, ex promisso regnum Cin mihi cedit; ego ita vobis imperabo, ut patrem vobis obtigisse letaturi sitis. Ira mea nullius parentabo sanguine, nisi qui prior homicidio manus polluerit. Qui vero aliena rapuerit, vel aliud alteri damnum intulerit; pro gravitate delicti poenas dabit, sicut tamen, ut semper adsit modus. Tributorum exactio ea erit, quæ sub bonis Imperatoribus fuit. Ante omnia Praefectos optimos vobis & magistratus dabo, qui horum curam sedulo habeant. His dictis lætos domum dimisit. Et profecto hac modestia ac benevolentia magnam ab omnibus gratiam iniit, fama eum ut pium regem ubique differente. Unde sine vi ulla totum Cin regnum primum habuit ad obedientiam; eaque propter maxime post ad imperii culmen pervenit.

Postquam accepit Hiangyus, jam confecisse rem Lieupangum æmulum suum, ac primum Cin regnum occupavisse; invidia simul & ira, supra quam dici potest, efferbuit. Iamque contra Lieupangum arma movit. Angebat illum ea res vehementer. Sciebat Hiangyus turbulentissimi ac ferocis ingenii esse.

Nove-

Noverat ejus in pugnando fortitudinem, & militum numero haud paulo majorem. Quare aperto Marte cum illo decertare non ausus; tantum ad custodiendas vallis *Hana* fauces militum manum mittit. At mox adest *Hiangyus*, impositum præsidium fundit, & eodem impetu ad regiam usque tendit, ipsum *Lieupangum* in castris extra urbem morantem invasurus. Non deerant ex *Hiangyi* ducibus, qui ultro currenti stimulos adderent; quos inter *Fancenus*, eum sic affatur. *Lieupangus* ante hoc tempus in minore fortuna divitias ac colores (per colores *Sina* venerem intelligunt) amabat. Nunc omnium horum affluenter compos, ab eis est abalienatus fastidio nobis, nisi cavemus, periculoso. Nihil jam parvum, nihil mediocre meditatur. Mihi quidem suspecta est hæc illius moderatio. Profecto enim non modo regnum *Cin* affectat, sed imperium. Majores, quam alias unquam spiritus præ se fert, animumque dignum imperio. Cave, ne evadat; sed quamprimum in eum irrumpe. Viribus & militum numero superiores sumus. Age vocantem fortunam sequere. *Lieupangi* omnia una cum imperio te victorem expectant. Facile fuit, persuadere in eam cogitationem toto pectore incumbenti. Quare militibus edixit, ut corpora curarent, & se ad proelium accingerent, summo mane ineundum. Agite fortiter, commilitones, ajebat; ditissimus exercitus in spoliis vobis esto. Dum hæc inter *Hiangyuum* *Fancenumque* tractantur; aderat *Hiangyui* pater, *Hiangpeus* nomine, cui verus erat cum *Changleango* amicitia inrimoque usu firmata. Hunc igitur silentio noctia *Lieupangi* castra subiens *Hiangpeus* amicus amicum consalutat. Ac licet *Hiangyuum* timeret *Lieupangus*, nihil hamen hostile movebat, ne primus cœpasse bellum videretur. Sed *Hiangpeus* amicum de posteræ lucis proelio commonefactum rogat, ut sibi suisque rebus consulens, deserto *Lieupango* se subducatur instanti periculo. Tum egregia erga ducem suum *Changleangi* fides enituit. Nam etsi periculum erat evidens; induci tamen haud potuit, ut ab eo descisceret. Amico autem in hunc modum respondit.

Ego,

Color pro venere sumitur a Sina.

Ego, quia Cina familia regem Hanum, cui subditus eram, acerbè vexavit ac delevit; idcirco Lieumpangum secutus sum, atque in Imperatorem instigavi, ut excidium regni vindicarem ac regis mei. Obtinui, quod optabam. Et Han novum regem habet, & Cina familia devicta; quod utrumque Lieupango debeo; tantique beneficii magnitudinem quantocunque possum, constanti quidem obsequio compensare certum est mihi. Neque commissam, ut, quem secutus adhuc sum prospera utentem fortuna, nunc periclitantem deseram. Vel vincam cum illo, vel moriar. Hæc locutus Hiangpeo persuasit insuper, ut & Lieupangum salutaret. Qui comiter eum excepit, apparatoque splendido convivio inter colloquendum latior, Hiangpei filiam uxorem petiit, promittens illam reginam fore. Tum ipsum affatus, Ego, inquit, Imperatore simul & urbe regis in potestatem meam redacta, cum multam possem pradam facere, meos exercitus opibus augere; nolui tamen uti jure belli, quoad liqueret mihi, quid Zuis rex noster in ea re fieri vellet. E diverso filius tuus, quacunque transibat, nihil intactum relinquere; thesauros, annonam, omnia compilare; selectissimos quosque milites sibi subicere. Hinc prout ei fuit, collocatum ad defensionem vallis praesidium fundere. Sed hac de re jam non exoptulo; bene an secus egerit, tuum judicium esto. Tantum hoc; Zui regis copias ejusdem copiis vocare atque occidere, minime fas nobis est, neque adeo convenit. Nisi longe à fide, quam ducibus debemus, velimus recedere atque omnem humanitatem exuere; abstinentum nobis est à parricidio. Quo enim alio nomine appellem, si nos ipsos, si fratres nostros occidimus? Fratres certe summus unius regni, unius regis subditi. Cur nos ipsos imus perditum? Ego sane regnum Cin haud ambio; penes Zuum regem nostrum erit, illi, quem voluerit, imponere. Illo jubente, filio tuo libenter cedam. De hac animi mei sententia, de ceteris item, qua modo breviter pro bono publico disserui, quæso te, filium edoce; quem longe ab his diversa meditari scio. Hiangpeus se hoc facturum promittit. Præterea inter eos ita convenit, ut Lieupangus summo mane adesset Hiangii salutandi specie,

specie; se enim filio adstiturum & pro Lieupango acturum.

Hiangpens ergo cum ad filium venisset; Quid incœptas, inquit, aut qua nova misces & concitas mala? hominem, de republ. optime meritum, qui devicit Imperatorem, nostrique regis ulciscendi causa hostes profligavit, regis nostri subditum bello petis? id vero injustissimum est; nec *Calo* nec hominibus nec *Zuo* regi gratum. Hoc magis consuadeam, ut firmata, qua cum eo nobis diu jam intercedit, amicitia, tractes eum amice, atque ut decet, tantum virum excipias. Hæc talia loquentem interceptit nuntius, adesse *Lieupangum*, non nisi centum equitum turma stipatum. Nec mora, & ex composito, & more Sinico tanquam æqualis *Hiangyum* invisit, dissimulata prudenter utrinque simultate. Nam *Hiangyus* hac *Lieupangi* comitate victus ac delinitus, odiis repente positis omnem ex animo ferociam abstergit & hospitem magnifico splendidoque convivio tractatum per dies aliquot apud se detinuit. In qua re utrum magis mirer, fiduciam *Lieupangi*, ac *Hiangyi* mutationem, nescio. Ille audacter æmulum animique præferocem ultro convenit; hic cum in potestate habet & inimicum, è quo jamjam petiturus erat ultionem armis, & regnum, quod eisdem ambibat, utriusque rei perficiendæ occasionem sponte obviam negligit, ex hoste paulo ante sempiterno repente summus amicus. Nimirum hoc *Lieupango* secunda fortuna tribuit, nato ad imperium.

Exactis salutationis diebus cum *Lieupango* urbem regiam ingreditur *Hiangyus*, eamque, vindicta & odio, quo res *Cine* familiæ persequabatur ardens, nulla nobilitatis aut amplitudinis habita ratione, inflammari incendique jubet; ipse palatio subjiiciens ignem. Incendium usquequaque diffusum tres ipsos menses traxisse scribunt. Deinde *Cine* familiæ sepulchra effodit, cadaveraque & ossa in cineres redacta, per avia saltuum spargi jussit. *Ingum* Imperatorem, qui apud *Lieupangum* liberaliter tractabatur, ipse sua manu obtruncavit; opes quantascunque potuit, concubinas & res palatii reliquas compilavit, atque ita expleta

*Victoris fu-
ror.*

*Ingens crum-
delitas.*

expleta ira Orientis plagas, unde venerat, repetiit; intacto *Lieupango*, qui spectabat hæc omnia dissimulanter, ne superbum animum irritaret, meliorem agenda rei suæ occasionem opperiens. *Hiangyus* autem, cum esset in itinere, insigne crudelitatis exemplum edidit. Nam cum audisset eos milites, qui ad ipsum defecerant, indignari *Changsanio*, ac de nobilissima urbe exusta effossisque sepulchris præcipue conqueri, dolose malitioseque prius exarmatos & à reliquo exercitu circumdatos ad unum omnes trucidavit. Ducenta hominum millia fuisse reperio. Hinc in omnium incurrit odium, crudelissimum facinus detestantissimum. *Lieupangus* contra comitate, benignitate, justitia & æquitate omnium animos atque amorem sibi demeruit. Quæ res imperium illi peperit; *Hiangyo* vero ferocientis animi vecordia & odium vitam abstulit, ut in loco memorabo.

Dum progreditur Orientem versus *Hiangius*, aliud crudelitatis ac vesaniæ reliquit exemplum. Nam illius Præfecti videntes, quam non è re sua fecisset provinciam *Xensi Lieupango* cedens; ut maneret eamque sibi servaret, suadebant. In his *Hansenius* sic eum alloquebatur. *Provincia Xensi fertilissima est ac potens, fortissimorumque militum ac plurimorum semperATRIX, annona & alimentis circumfluens atque abundans; ab hostium incursionibus tutissima, hinc montibus, inde fluvio clausa, & ad reliquas provincias debellandas peropportuna. Hanc talem, quaeso, tibi serva, nec eam amulo præsertim tuo cede; qui si postretur ejus, à te potius esset expellendus, ne dum jam admittendus, hoc est, in te armandus. Sed Hiangyus, cui præter arma nihil placebat, eum irridens, Vrbs maxima, inquit, tota conflavit, palatium in cineres redactum, opes & quidquid in ea pretiosum, ablatum est. Quid agam in paupere provincia, non video. Nec enim divitiæ redeunt, unde semel abiere; haud magis certe, quam vetus ac lacera vestis renovari potest.* *Hansenius* stolidum responsum excipiens, Nunc vero, quod est in proverbio, recte dici comperio, *Zu regni incolæ simias, non viros esse, qui non rebus ipsis, sed rerum specie tantum ac*
ludi-

*Prover-
bium.*

ludicris delectentur, haud intelligentes vera consilia. Quo audito Hiangius iræ impotens vivum exuri iussit Hiansinium.

Post iniquam cædem ad *Hoiium Zu* regem legatos mittit, sciscitatum, quamnam illius esset circa *Cin* regnum sententia, cuiam illud traderet? simul, an ipse vellet, rogans. *Hoius* promissi memor scribit ad eum litteras, quæis regem declarat, qui primus regiam occupasset urbem, *Lieupangum*. Tum *Hiangyus*, ut & æmulum exueret regno, & regi suo persuaderet, ut *Cin* reguum sibi retineret, unde invadendi *Lieupangi* esset occasio; *Hoiium* regem, Sinarum Imperatorem pronuntiat decernitque, ut ab omnibus pro eo habeatur. At enim *Hoius* suo contentus, voluit reliquos turbare reges. Itaque *Hiangyus* & ab hac spe frustratus in suum regem perniciem machinatur; & postquam ab illo sibi *Zu* regnum non tradebatur, interfecto rege sibi subigere statuit. Interim tamen, dum facinori perpetrando commodum tempus affligeret & occasio; subditum se illius simulat, &, ut antea, regiis mandatis obnoxium. Ad hoc, antequam *Xens* provincia omnino exiret, ad *Lieupangum* certos homines mittit, qui significarent *Zu* regem cessisse quidem illi regnum *Cin*, sed hætenus tantum, ut provinciæ *Xens* partes ab Occidente propiores essent in ejus ditione. Quare, ut reliquis cederet, jubebat; alioqui persecuturum se jus suum. Ea res *Lieupangi* animum vehementer exasperavit; jamque in *Hiangyum* moturus erat, nec exercitu nec robore impar, & ad hoc à compluribus Præfectis incitabatur. Intercessit tamen præcipiti consilio *Sinohous*, &, *Est hac quidem, inquit, ab homine turbulentissimo, profecta in te injuria; sed qua nihil officiat dignitati tue. Sententia mea fert, ut & hanc & ceteras animi aequitate vincas. Cernis Hiangyum apud omnes laborare contemptu, fierique minoris in dies; te contra diligi ab omnibus, ac continuo crescere. Augebis hanc felicitatem non mediocriter, si & modo illi decesseris; ac tanto certius Imperatoris optimi cognomen adharebit tibi, quanto minus avidus eris imperandi. Erit hic semper*
magnò

magnorum regum & magna meditantium mos ac modus, ut impios pietate, superbos moderatione vincerent. Meminisse te velim, parvam iram magna sæpe negotia intervertisse. In summa igitur hoc suadeo, ut à bello desistas, neque tam funestis iniitiis populum vexes. Quin potius exosi nomen armorum, paci studeamus & leges inducamus, quæ relictæ nobis terra optimo publico gubernentur. Regnum, quod tenes, satis potens, satis validum est ad occupandum orbis imperium, si bene regatur. Salubre consilium secutus Lieupangus repetundis in præsens super sedens, reliquarum terrarum rex Siachoum Colauum suum facit, jubetque regnum ordinare. Quod ille sane præstitit impense, novoque regimine ac legibus inductis adeo potens opulentumque regnum effecit, ut postea Lieupango vires ad omnem Sinam subjugandam suffecerint.

Hiangyus autem neque hac modestia pacatus, nihil non egit, ut Lieupangum vel inquietaret, vel ad bellum laceggeret. At ubi vidit omnia sibi consilia & artes parum contra illum procedere; Changleango culpam attribuit. Et hunc quia tenere, quod optabat, haud poterat; Chingum Han regem, cui subditus erat Changleangus, agitare cœpit. Hæc illo machinante, Changleangus rerum omnium ignarus, à Lieupango veniam expetiit domum atque ad regem suum redeundi. Quippe hac solum de causa Lieupangum secutus erat, ut regnum, è quo erat oriundus, pristino nitore, quomodocunque posset, restitueret, deleta Cina familiâ. Vix eo pervenerat, cum Hiangyus in Han regnum impressione facta, Chingum regem capit ac trucidat, illud potissimum criminatus, quod clientem suum ad Lieupangum contra se ire permiserit. Changleangus audito se necati regis causam esse, pro quo tantum laboraverat; abjecta cunctatione ad Lieupangum rediit, iram Hiangyi defugiens, magno Lieupangi bono. Nam à Changleango adjutus & Hiangyum debellavit, & imperium postea univèrsum obtinuit, ut infra docebimus.

Memorant Sinenfes historici, ante vulgarem Christi

Christi epocham anno ducentesimo quarto sub initium anni quinque Planetas in loco sideris, quod *Cina* vocant, concurrisse. Quæ conjunctio modo ab initio Cancris usque ad Leonis initium extenditur. Verane an ficta fuerit ea observatio, non disputo. Nam ad calculos hæc subtiliter revocandi non fuit tempus mihi. Facient hoc lectores mei, quæ sit studium in ista curiosius inquirendi. Fortasse à Mathematicis Sinen-sibus conficta fuit, *Lieupangi* gratiam aucupantibus. Nam ex eorum placitis hujusmodi siderum concursus promittit novum Imperatorem Sinas occupaturum, qui Sinicum imperium obtineat juste pariter ac regat.

Ceterum provinciæ *Xensi* partem illam, quæ propius Orientem spectat, quam, ut diximus, *Hiangyus* à *Lieupangi* regno avulserat, tribus Præfectis, creatis à se Regulis divisit. Tribus unum nomen *Cin* erat. Primus *Changhanus*, alter *Hingius*, tertius *Iuus* cognominabatur. Ab his ergo, quorum opera cogitabat *Hiangyus* *Lieupangum* reprimere; iste imperio sibi occupando initium posuit, Præfecto ad eam expeditionem usus *Hansinio*, egregio belli duce, de quo mox plura, si prius, quis & qualis fuerit *Hansinius*, breviter explicavero. Quem fortuna velut pilam jactavit, ab infima mendici sorte sublatum ad summa, & hinc ad infima dejectum iterum, offerendo mortem ab iis, quibus ipse saluti fuerat.

Hansinio natalis fuit *Hoaigan* urbs, qua *Nanking* provincia Boream spectat, sita. Inibi in tanta mendicitate erat, ut ægre vitam toleraret; hamo ad fluvium, cui urbs imminet, quærens victum. Exstat etiamnum illius eo loco monumentum fano pereleganti, quod sæpius ipse vidi, ejus in honorem exstructo. Et quia piscatus ei non sufficiebat alimentum necessarium, ab annu quadam *Piaomua* nomine, coctam oryzam eleemosynæ loco accipiebat. Cui cum aliquando beneficii memor gratias agens, diceret, *Erit olim fortasse, ut sentias te de me bene meritam fuisse*; tum illa non sine stomacho respondit. *Tibi ipsi, miser homuncio, bonus esse non potes; & jam de me cogitas? mihi benigne facturum spondes, quod stipem tibi prabeam? longe ab-*

Cyclo 42. anno 30. ante Christum 204. Quinque Planetarum concurrunt.

Hansinii fortissimi belli ducis ortus.

erras à destinatione mea, non utique hoc agentis, ut aliquid abs te sperare possim, homine nullius pensi; sed salus regii nepotis, quo Calum ei servem propitium, est in consilio mihi. Me quidem nondum adeo despexere Calises, ut opus mihi sit remuneratio tua. Et certe merito suo iners habebatur & inutilis ad omnia; quia, cum procerò esset robustoque corpore, laboris tamen præ, ut tolerandum, impatiens erat. Et hoc amplius, quod, cum esset ob infamem inertiam puerorum ludus, nil penitus movebatur. Donec tandem ludibrio non ferendo excitatus cœpit ad se respicere. Transiens enim publicum aliquando macellum, à puero quodam interceptus & per divaricata illius crura repere iussus est, nisi verbera mallet experiri. Cum bipedum ignavissimus pueri cederet imperio; magni risus consequebantur. Inde irritatum ferunt, ac similis ignominia in posterum fugientem, alienam regionem petiisse. Accidit sub hæc tempora, ut *Hiangleangus* *Zu* regis dux, quo de supra locuti sumus, *Hoagian* transiret cum exercitu. Hic secutus occasionem *Hansinius* militiæ nomen dedit, in hastatorum adscriptus numerum. Post ubi per aciem cecidit *Hiangleangus*, communi omnium clade; *Hiangyum* ejus nepotem sequi decrevit. Sed vano exitu; quod eum, ut ajunt *Sinæ*, *Cælum* *Lieupango* destinaverat. Itaque ad *Lieupangum* transiit; ac paulo post officio non sane magni nominis functus inter milites, in militiæ leges peccavit. Iamque morti destinatus extra castra ducebatur capite plectendus; cum forte venientem *Lacumium* militum Præfectum videt. Quem vinctus magna voce iuclamans, *An non est in animo*, inquit, *Lieupango* Imperatori nostra potiri totius imperii? quo spectat igitur hac tam inconsulta severitas, ut generosos ac fortes milites mori velit, in quibus spes ejus ac felicitas potissimum nititur? Obstupuit audaciam constantemque in morte animum *Lacumius*; & quid sibi veller ejus oratio, facile animadvertens, simul & corporis robur virefque considerans, vitæ gratiam ei fecit, variosque cum eo de militia sermones miscuit, ut fortasse, quos gereret spiritus, experiretur. In eo colloquio nihil nisi genero-

Invenit inertia.

Dedecore tandem excussa.

Hansinius mortis tantus.

Evadit.

generosum audivit ac plenum prudentia militari. Itaque de illo *Lieupangum* admonet, hominemque dilaudat ad magna natum. *Lieupangus* longo cum eo sermone habito, videntique vera esse, quæ *Lacumius* dixerat. *Hansinium* una ex majoribus præfectura donavit. Quo munere fungenti sæpe cum *Siaohoo* summo Præfecto erat loquendum; qui ejus dissertationibus ac responsis mirifice delectatus, maximi faciebat eum semper, & admirabatur. Inter hæc milites moræ ac quietis, quam desidiam ignaviamque vocabant, impatientes, exercitum à *Lieupango* in suo regno tandiu detineri querebantur. Optabant enim, ut in Ortum ductaret eum, reliquamque Sinam expugnando caperet. Cum vero nihil proficerent, *Lieupango* rem differente; multi militum, nec non ducum aliqui, sensim in fugam dissipati, clam signis illius se subdixerant. Iple denique moræ tædio victus etiam *Hansinius*, capeffivit fugam, de qua *Siaohous* certior factus, ipsemet ocyus eum insequitur; ac post biduum assecutus, secum ad exercitum reduxit. Interim suspicax fama vulgavit profugum quoque *Siaohoum* esse. Quod ubi nunciatum *Lieupango*; tanti viri jactura, nimis propense credulus, magnopere indoluit, pessimo loco res suas esse jam, obtinendique imperii auxilium se amisisse deplorans. Sed adest tandem cum *Hansinio Siaohous*; quo statim Imperator ad se vocato fugam lamentatur, etsi ex altera parte illius reditu maxime lataretur. *Siaohous* causa sua fretus, *Vt video*, inquit, *credulitatem tuam, Imperator, falsis rumoribus addixisti. Calum avertat, ut adeo turpi fuga; quam impingis mihi, polluam fidem meam! discessi à te, quid enim diffitear? at in consilio mihi nunquam fuit perfidia. Posteaquam nunciatum est mihi, Hansinium, ut reliquos fugisse; abfui aliquantisper, sed ut eum ad te reducerem, non ut te desererem, quem instar omnium habeo. Cui Lienpangus, Ain' tu vero? non fugiebas? Ecquid hoc esse dicam, quod, cum alii multi duces & Hansinio majores aufugerint, iis tu neglegis hunc unum sequere? quis non videt, quam frivola sit hac tua fuge, quam non probabilis excusatio? Tum Siaohous ite-*

*Emergeit.**Fugit otium, ut ante laborem.*

rum, Quos reliquis fugitivis ducibus substituatibus, alios nulla re impares minime operosum erit reperire; sed quem è toto regno excitabimus Hansinio parem? Hic unus excellit omnibus; ad hunc profecto comparari potest nemo. Si optas, ô Imperator, crescere, si totum imperium tibi subicere; Hansinium adhibe, sine quo nihil unquam praeclare geres. Cum eo consilia constitue; in quo fortitudo, prudentia, stratagematum usus, & omnia summum tenent. Est ita sane, ut dicis, subiecit Lieupangus; interim tamen copia mea dilabuntur omnes non ob aliud, quam quod, cum ad Orientem Sinam adspirent milites, eos ego in regno meo otiosos detineam. Sed vide, quam non iusta sit hac conciscenda fuga causa? num vos arbitramini me hoc uno regno contentum, hic ignavia velle marcescere? Mihi vero perinde ac vobis nihil jam pridem fuit optatius, quam Austrum Ortumque armis impetere; tempus opportunum expectandum erat. Quod simul affulsit aliquando, & hac militibus expeditio placeat; parebo non invitus eorum alacritati. Age igitur, ut ad iter se accingant, edicto. Vocatum deinde Hansinium diligenter de ratione Orientis sibi subigendi gerendique universe belli rogat. Cum ad omnia respondisset ille perquam prudenter; eum summæ rerum expeditionique præfecit universæ, cunctis latantibus. Nam & ex cognita ejus prudentia ac fortitudine dignum hoc honore jam olim sciebant; & eo duce capiebant haud dubium omen victoriæ, magnæ quæque sibi polliciti.

*Militia præ-
ficitur.*

Auctus ea dignitate Hansinius, ad Lieupangum gratias acturus accedit ex more. Ibi ad Siaohoum Imperator versus, Multa, inquit, praeclara sæpe apud me de Hansinio prædicasti. Nec ego abs te dissentio, illis, quæ vidi, quæque audiivi, cum præconio tuo plane congruentibus. Optarem tamen, ut ipse, te præsentem, quæ ratione bellum tractaturus sit. Tunc Hansenius, Bellum nobis est, inquit, adversus Hiangyum, hominem indiserctum & ore loquentem rustico (dicens hoc ideo, quia non bene linguam Sinicam litteratis familiarem callebat, sed illam, quæ propria rusticorum Zu regni erat) nec alia re magis quam feritate nobilem. Inter homines vivens,
quid

quid homini ab homine debeat, ignorat; & nequitia sua sibi ipse obest. Hominum vel virtutes vel vitia nescit à se mutuo discernere. Fiducia sui stolidus, innisitur soli sibi; minime doctus ad aliorum se ingenia flectere, atque ad id, ad quod natura feruntur, adhibere. Se unum omnia posse credit; diritate quidem atque immanitate cedens nemini, sed germana fortitudine destitutus. Hunc talem non pugnando, sed contra nitendo solum facile superabimus, si viris fortibus & animosis militum praefecturas deferemus. Quos enim non vincemus hostes, si bene meritis premia proponantur, excludantur indigni? & quis talivrum statu non libenter sub Imperatore nostro merebit? ergo jam nunc jus, quod habemus in Orientis Xensi regiones, omnibus publicandum censeo, ne te aliena velle cogitent. Equis obsistere tam justo, tam pio audebit regi, nisi iniquus? Revoca, queso, in memoriam te terrimae Hiangyi facinora; & cum pulcherrimis tuis factis compone. Ille plusquam ducenta hominum millia levissimam aetate verius nullam ob causam inaudita crudelitate uno die delevit; Changhano, Hingo & Iuo, Cini regni perduellibus, qui soli eum sequuntur, per nefas ereptas tibi terras divisit; urbem exussit, palatium in cineres redegit, Ingum sua manu trucidavit, sepulchra effodit, opes compilavit, insontes interfecit; & quid denique non fecit? Hinc illos nemo est omnium, quin odeat, & adhuc vivos adeo indignantium, ut imas ossium medullas penetret dolor. Hi, si vel tria vexilla tua fulserint, omnes ea sequentur; Hiangyum nemo, quia nemo est ex toto regno, qui eum amet, qui non ab eo sit offensus. Ex adverso recordare, quae tu egeris, Imperatorem tyrannum vicisti eo fortius, quod vivum servasti; quam fortitudinem ac pietatem omnes laudant. Palatii splendorem imperturbatum reliquisti; omnes animi moderationem admirantur. Optimas leges tyrannicis abditis induxisti; nemo est, qui te non exspectet ut patrem, nemo qui non expetat ut regem. Quid censes, Imperator? satisne instructi tibi videmur ad tergeminum etiam hostem obtinendum? Ego vero, si modo liceat auspiciis tuis ortum petere, tam facile tres Cinos debellatos tibi dabo, quam manum vertas. Illorum populi tuum

exspectant vel tuorum adventum; imo enim vero, quod tardius venias, queruntur. Dicitur vix potest, quam lætis auribus à *Lieupango* accepta sit hæc oratio. Iamque seipsum inculabat, quod tam sero cœpisset *Hansinium* noscere. Quare confestim, *Siaohoo* ad regni custodiam relicto, Orientem petiit; *Hansinio* supremo, ut ante dictum est, militum duce. Qui primo statim impetu tres *Cinos* vicit ac debellavit; ut idem fuerit, venisse, vidisse, vicisse.

*Mater pro
filio captiva;*

Sed una victoria non contentum longiusque procedentem comitata felicitas, ad *Nanyang* urbem adversum habuit *Uanglinium* ducem, *Lieupangi* civem & patricium; qui cum aliquot millibus ab *Hiangyo* deficiens cum *Lieupango* sociavit arma. Qua defectione audita *Hiangyus*, matrem *Uanglinii* exacta senectute matronam compegit in vincula, ni filius redeat, certissimæ morti destinatam. *Uanglinius* pro summa, quæ filiorum est in parentes apud Sinas, observantia, matri suæ timens, legatos mittit super hac re cum *Hiangyo* acturos. Captiva non modo cum illis copiam loquendi, sed etiam abeuntes per aliquod spatium comitandi ab *Hiangyo* impetravit. Promiserat enim ei, se filio reditum persuasuram. Haud longe processerant; cum jam liberior & meditata perficiendi facultatem nacta, legatos ira secreto affatur. Quod hætenus comitata vobis fuerim, causa est filius meus, in cuius causa venistis. Rogo vos, ut à me renuntietis ei, ne *Lieupangum* deserat, sed maneat in fide. De me sollicitum esse nolo; ipsa mihi providebo, faciamque, quod animum decet inutilem rei publicæ. Hoc unicum votum est meum, ut filius meus *Lieupango* regi serviat iusto ac pio, non *Hiangyo* tyranno. Hac, inquam, filio meo renuntiate. Et cum dicto proximi legati repente gladium corripiens, in hunc vi summa incubuit, seque ipsam transfixit; deletura sanguine suo solitudinem filii. Mirandum in femina, sed non imitandum exemplum!

*Seipsum in-
te:imit.*

Hiangleangus interea, dum *Lieupangus* Orientis oras sub imperium suum ditionemque subjungit, ut aliquantisper *Hiangyi* cohiberet arma, ne tribus
Cinis

Cinis esset auxilio; *Lieupangi* nomine litteras ad eum dedit. His significabat illum non aliud armis quærere, quam ut à *Zu* rege promissas sibi terras recuperet, quæ omni jure ad se pertinebant. Id enim *Zuus* jam declaraverat. Illas postquam omnino potestatis suæ fecisset, reducto exercitu nihil amplius moturum esse. Non enim aliena se, sed sua quærere. Nihil ad ea respondit *Hiangyus*. Nec spatium erat maximam prodicionem machinanti; qua se totius imperii potiturum esse sperabat. Ex quo enim *Zu* rex *Lieupango* *Cin* regnum adjudicaverat; & regi & *Lieupango* insidias comparare non destitit, ut solus occuparet imperium. Et *Han* regnum præsidii munitum sibi jam detinebat. Relictis igitur provinciis contra Boream jacentibus, *Kieukiang* provinciae *Kiangsi* urbem ad Austrum redierat. Eo venientem ad se *Zuum* perfidiose necari jubet; illum ipsum, quem ejus patruus regem *Zu* fecerat, ipseque Imperatoris titulo paulò ante donaverat. Adeo periculose Principes faciunt, extollendo subditos ad nimiam potentiam, nisi subinde castigent, ipsis etiam regibus formidabilem. Nam qui sunt hujusmodi, sæpe beneficii ac fidelitatis obliti, non secus ac struthiones ferrum, aliena devorant. Audito tam immani facinore *Lieupangus* arripuit occasionem bene agendi rem suam; &, ut omnium animos devinceret sibi, tanquam à virtute stans ac pietate, regiis manibus ingenti pompa, Sinico more, parentavit. Omnes deinde fidos regis Præfectos ac subditos ad ultionem perduellionis exhortatur, invitans ad se, suasque vires, quantiscunque valebat, promittens. Venirent modo, seque de perfido *Hiangyo* omnium nomine poenas diu debitas expetiturum juvarent. Ferendum enim non esse, ut impune abiret, occidisse regem suum. Statueram quidem, aiebat, tradita mihi ditione contentus nunquam inde cedere, bellum aliis movendo, nec alios vexare. Nunc vero *Hiangyum* armis & viribus omnibus persequi certum habeo. Nam illud bellum, opinor, nemo dicet injustum, quo perduellis in regem suum petitur ulciscendus. Neque vestra in regem vestrum,

Zuus rex à subdito, quem extulerat, occiditur.

inque regnum amor ac fides dubitare me sinit, vos omnes signa mea summa voluntate secuturos. Quanquam illa non tam mea sunt, quam regis nostri, cuius in causa ea explico.

*Longissimo
ponte iuncti
montes.*

Itaque pacata jam *Xensi* provincia & usquequaque subjecta *Lieupangus* ulterius tendit, *Hiangyus* recta petens. Atque ut rectius esset iter ac brevius in *Zu* regnum; è *Changleangi* consilio admirandam illam intermontium amplexus viam stravit è ligno; quinquaginta fere leucas longam, pontis in modum planam, & ab oppido, cui nomen *Hanchum*, ad usque *Sigan* metropolim pertinentem, cuius plenior descriptionem in extremæ Asiæ Atlante dedimus. Illa tempestate *Hiangyus* *Ci* regi bellum moverat, quo per ejus ditionem planius haberet adversus *Lieupangum* iter. At *Lieupangus* ad victoriam habuit prona, quacunque transibat, omnia. Iamque illius exercitus in immensum excreverat, quingenta & sexaginta millia numerantis. Cum his ad *Peng Zu* regni urbem pervenit, quæ magno erat ad totum bellum momento. Præfectus urbis sine mora *Lieupangi* amplexus imperium, deditorem subiit. Annona multa in ea urbe magnæque sunt opes repertæ. Quia vero multarum deliciarum locus erat, hæsit Imperator ibi multos dies; haud expendens, quantum voluptate virtus militaris emolliatur. Ad hoc curam victori quoque necessariam *Hiangyi*, cuius exercitus procul aberat, contemptus, belli semper maxime periculosus, laxaverat; & plerique militum amœnos ad Orientem campos urbi viciniore petierant. Ea res *Lieupango* propemodum exitialis fuit. *Hiangyus* enim de hoc rerum statu doctus, cum triginta tantum millibus, reliquo exercitu contra *Cium* stante, magnis itineribus inopinato veniens, *Lieupangi* copias late sparsas ac deliciis marcentes invasit, nulloque repellente vim, in fugam dedit. Dein eodem impetu urbem, in qua *Lieupangum* esse audierat, aggreditur. Sed admonitus Imperator in tempore, dum *Hiangyus* instat fugientibus, illam bene præmuniit. Quare cum *Hiangyus* serius admovisset exercitum, quam expediebat spei suæ; nihilo
secius

*Delicia mi-
litum perni-
ciosa.*

fecius eam arcta obsidione cinxit. Ac plane pertinacibus armis evicisset illam, unde jam de *Lieupango* conclamatum fuisset; nisi, quod ajunt Sinæ, Cæli decreto servaretur, quod ei destinaverat, imperium. Nam die quadam horrido Aquilone flante sævissima tempestas excita domus quamplurimas diruit, & annosas etiam arbores dejecit. Subter harum unam ad eum usque diem ignotam patuit via subterranea; quam Imperator cum suis ingressus, confectis aliquot stadiis, æmuli manus evasit, ejusque beneficio tandem incolumis ad *Yungyang* amicam urbem pervenit; ubi cum suis erat *Hansinius*, fugitivum colligens exercitum. Hic novos etiam milites Imperator evocavit è *Xensi*, queis adjuncto sibi *Hansinio* haud paulo majorem quam erat antea, exercitum confecit.

*Sub arbore
via subter-
ranea.*

Postquam è civibus cognovit *Hiangyus*, *Lieupangum*, quem unum quærebat, evasisse; fremens ira, celeriter quoquoersum dimisit, qui viis omnibus interclusis eum comprehenderent. Sed in casum cecidit omnis labor. Denique comperto eum ad *Yungyang* cum potenti exercitu esse; protinus omnes suos milites è *Ci* regno revocat, & ut erat audax & intrepidus, magnis itineribus eam urbem petit. Adventantem fortiter exceptit *Lieupangus*, apertoque Marte, qua urbs adversum habet Orientem, cum eo conflixit. Magna utrinque contentione, sed Marte dubio pugnatum, donec tandem cedere coactus *Hiangyus* cladem, quantam antea nunquam, accepit. Ipse tamen fuga salutem invenit, ad plura bella reservatus.

Hac insigni parta victoria *Lieupangus*, quo facilius annona castris importaretur, ingentem fossam ac navigabilem ab urbe duxit usque ad fluvium, utraque ripa quadratis lapidibus constrata. Sic enim commodius expeditiusque naves ab hominibus remulco traherantur, ad quem laborem non equos aut bubalos adhibent Sinæ, cum est adverso flumine navigandum.

Posthæc ad continuandum securius bellum successorem declarat *Ingum* natu majorem filium, & in ejus obsequium jurare jubet. Huic à consiliis

Siaohoum in provincia *Xensi* reliquit, ut illam suo nomine regerent. Tum nomen Imperatoris assumens, totum imperium subicere sibi decretum esse palam enuntiat; regibus ea conditione permissio, quo tunc potiebatur quisque regno, ut se Imperatorem agnoscerent. Sin id detrectarent, bellum minatur. Et primo legatum misit ad *Paum Guei* regem, ut viciniorem, eique regnum addixit ea lege, de qua primum docui; præterea, ut ad se venerandum ex more adesset, invitans. Se urbem imperatoriam, se sigillum, se insignia imperii reliqua habere. Utrumque recusante *Gueio*, res ad arma venit; misso cum valenti exercitu contra eum *Hansinius*. Quem *Lincini* fluminis transitu prohibiturus *Gueius*, cunctis navibus propere subductis, omnem ei trajiciendi amnis facultatem præripuit; valido insuper cum exercitu custodiens litora. Diu tamen *Hansinius* transitum tentavit; at necquidquam. Interea nihilominus observavit *Paum* non agere continenter in castris; sed ad villam stadiis aliquot inde distantem sæpe animi gratia secedere. Itaque cum naves obtinere non posset; magnis arboribus excavatis lintres facit, & obscurissima nocte militum manum trajicere fluvium jussit incautumque in villa regem obruere. Cessit ex animi sententia consilium; eademque nocte regem in manibus habuit. Nec mora; collectum omnem exercitum sensim sine sensu, transmittens, repentino impetu invadit hostem. Qui cum captum esse regem audirent; omissa sui defensione terga verterunt. *Hansinius* autem victoriam persecutus paullo momento totum regnum obtinuit.

Captus Paus
Guei rex

Hinc victor *Yungyang* Imperatoris conveniendi causa profectus, cum eo de subigendis reliquis regnis consilia contulit; copiisque, quas jam habebat, insuper triginta millium numero auctis duo regna *Chao* & *Yen* vel debellaturum se, vel ad Imperatoris obsequium revocaturum promisit. Illis triginta millibus *Changulum* præfecit; qui olim à *Chinyo* armis ejectus è regno *Chao*, Imperatorem postinodo sequebatur. Sperabat enim *Hansinius* eum res præclare acturum

acturum contra *Chinyum* regni *Chao* tunc *Colaum*; quippe cum & insensus ei esset, totumque regnum percognitum haberet.

Adventantibus ivit obviam *Chaus* per *Chingum*, quem ei bello cum ampla potestate praeferat. Virum acrem egregiumque ducem, & qui totum *Chao* regi suo regnum subjecerat, *Cina* familiae devictis copiis omnibus, qua de re supra in transitu quaedam attigimus. Magno praeterea generosoque erat animo; nunquam induci se passus, ut in hostem, quaecunque occasio fulgebat, uteretur strategemate; quod diceret se ducem esse, non latronem. Et neminem aperto Marte timere; nec ad fallendos, sed vera fortitudine vincendos hostes natum. Haec animi magnitudo extrema calamitate illum affecit *Hansinio* rem astute & callide gerenti denique subjectum. Poterat quidem proelio suffocare sola fame *Hansinium*, si *Lizoi* ducis sui consilio pareret. Hunc enim in modum ei suadebat: Quo cruentum trahimus bellum, quod facillime potest ac prope sine armis confici? Nam nec *Hansinii* miles numerosus sane, jamque victoriis assuetus, quamvis tua virtute vincatur, sine sanguine tibi cedit victoriam; & sola fame superari potest. Absunt à suo regno nunc plus quam mille stadia; unde non sine summis difficultatibus tanto locorum intermisso spatio suppetet annona tanta multitudini. Sententia mea fert, ut fidum ducem cum triginta militum millibus eorum tergo immittas omniaque intercludas itinera. Neque enim te latet viam per *Cingking* arctissimam ac longissimam esse, qua incedentibus ob angusta vallium & saxosa montium ordines servare non liceat. Hanc vallem, quam longe porrigitur, omnem ita fossis insuper impediemus, ut & progressuris impervia sit, & à tergo clausis negata vel ad reditum vel ad annonam aliunde petendam via. Nos interim castris bene munitis nostros continebimus, detrectantes proelium. Sic malleum inter & incudem positus hostis, extabescensque fame victoriam nobis offeret pene dormientibus. Si placuerit hoc consilium tibi; tum enim vero meum erit nondum elapso mense, salvis tuis omnibus, *Hansinii* *Changulique* capita ante pedes

Chinyus nunquam strata-gemate usus.

tuos

tuos projicere. Salubre consilium erat, & quod maxime timebat *Hansinius*. Anxius enim hac cura, militum illam manum ad custodiendam vallem dimiserat, etsi *Lixoi* consilium prorsus ignoraret. Sed, utut erat, *Chinyuus* illud obstinata magnitudine neglexit, præterquam aperto Marte non audiens aliam proeliandi conditionem; illud unum ad hostem cædendum sibi satis esse dictitans. Interim *Hansinius* ab exploratoribus, quos apud *Chaum* habebat, de *Lixoi* consilio præmonitus adeo vehementer extimuit, ut reditum eo, unde venerat, meditaretur. Neque enim dubitabat, se, si subsisteret, interclusum iri. Sed hoc consilium sollicito pavore versantem de *Chinyui* responso nuncius retinuit. Minime tamen sibi cunctandum ratus, sed acie primo quoque tempore discernendum; ad solitas artes versus, justissimum ac fortissimum Ducem *Chinyuum* stratagemate succussit, in quo uno ponebat spem victoriæ. Itaque rem orsus est in hunc modum. Equitum bis mille sequi se jussis, ad *Chai* regis castra propius accessit; multis rubro colore vexillis convolantibus. Illic collis accumbebat in hostem pugnaturis perquam commodus; & quod tunc maxime spectandum, in eo stare poterant, ut hostium extra conspectum essent. Hoc loco illis commonstrato, in castra sua reversus eos sic alloquitur. *Postero mane ante solis ortum locus ille vobis petendus est; ubi latebitis, quod hostium castra vacua videatis. Tum demum ex insidiis consurgentes illa suggerdiemini, disjectisque Chai regis vexillis nostra rubra surrigeris. Hoc vestrum erit munus; cetera mea cura relinquit.* Illi hoc se facturos recipiunt, sed non sine risu. Quo enim pacto die sequenti vacua hostium castra nanciscerentur? Tunc *Hansinius*, *Quo pacto*, inquit, *vacua sint futura, vestrum non est modo scire; tantum meminisse vos jubeo, partes vestras esse, ut ea ingrediamini.* Quibus dictis ducem eis assignat virum fortem atque magnanimum, ab se jam edoctum de eo, quod facturus erat, nemine præterea ejus rei conscio. Sub mediam ergo noctem omnes corpora curare jussos, dein ad demonstratum locum reduxit. Illic imperata eis man-

sione,

Stratagema.

sione, ipse ad exercitum rediit, ac decem militum millia duos inter annes, qui continentem in arctum compellunt, posuit. Simul, quid eis agendum, docet; imperatque, ut inibi divisi duas in partes in ambabus ripis sederent armis instructi. Tum ubi se fugientem reliquo cum exercitu viderent, transitum sibi per medium darent; sin hostes insequerentur, ut se in medium recepto tantisper illorum impetum sustinerent, dum suos in ordinem redigeret. Hoc enim consilio se fugam simulaturum, rerumque facie mutata obviam iturum instantibus. His in hunc modum constitutis, summo mane ac priusquam lucesceret, cum reliquis copiis, sine strepitu ac muris instrumentis castrensibus non procul ab hostium castris transibat. Quem alii quidem prælium poscere autumabant; *Chinyus* vero credens eum fugere, suos optime compositos & instructos educit è castris, *Hansinium*que vi magna invadit. Non diu pugnatum; & *Hansinius* de comparato consultoque terga vertit, & quoad ejus fieri potuit, servatis ordinibus properat ad illa decem millia, quæ latebant in insidiis. Non dubitabat amplius de victoria *Chinyus*; & fugientes ad internecionem deleri posse credens, audacissime insequitur. Sed eccelsum ad angustias venit illius loci, quem insidebant *Hansiniani*; nihil dum fraudis subesse suspicatus progreditur, pedetentim tamen & contractis ordinibus, quod, quo longius procedebant, hoc arctius eis spatium esset. Ut primum in conspectu fuere; tum decies mille, de quibus dictum, impetum irruentium haud modice frangunt, detinentque. Interea toto *Hansinii* exercitu se vertente, atrox utrinque prælium committitur.

Iamque paulo longius à castris aberat *Chinyus*, in quibus præter impedimenta paucosque ad custodiam milites nihil reliquerat. In hos duo millia post collem latentia irrumpunt, ut imperatum erat, castra ingrediuntur vacua, dejectisque vexillis hostilibus inibi sua collocant. Horum omnium ignarus *Chinyus* exercitus egregie atque ut tanto duce dignum, resistebat *Hansinio*; & admodum anceps prælium erat. Sed ubi

ubi motum ac tumultum in castris esse audiunt, rubraque vexilla totis castris fulgentia diligentius observando vident; non dubitantes, id quod erat, occupata castra, repente animis concidere. Hostem à tergo supervenientem timebant. Hinc ingens orta confusio. Nemo jam publicum bonum curare; omnes sine ordine, sine imperio de sola fuga, de salute sua quisque cogitare. Statim ea res advertit *Hansinium*, ut erat astutus inprimis; exhortatusque suos ad maturandam victoriam, & impetu recollecto atque adeo majore vehementius in hostem iterum invehitur. Cadunt miseri passim, aut effusissima fuga salutem quaerunt, horrenda nihilominus cum strage; quippe ad ducenta millia desiderati. *Chai* rex ipse vivus in victoris potestatem venit; *Chinyuus* fortiter pugnando, invictus hucusque miles, occubuit.

Magna clades.

Hansinius autem ubique fugientium in tergis hærens, omnes trucidari jubet, præter unum *Lizoum*; cui nequis uspiam noceret, severe militibus edixerat. Pollicitus insuper iis, qui vivum ad se adducerent, argenti mille libras. Suspiciebat enim in viro prudentiam, animique robur ac bellandi peritiam singularem; eumque sperabat ad Imperatoris partes posse traduci. Neque spes eum sua destituit. Quippe milites allekti spe præmii, captum denique, sed reverenter habitum deduxerunt ad *Hansinium*. Quem tanquam civem suum natuque grandiore, ut mos fert Sinarum, primum ei locum cedens, jussit assidere sibi; tum ut Præceptorem suum veneratus, alloquitur in hæc verba: Vivum te videre posse primæ felicitatis in loco repono, æstimoque pluris quam totam vel quantacunque pars ejus ad me spectat, victoriam, quam reportavimus. Spero enim fore, ut abs te multa discam; cujus virtutem atque consilia omnes admirantur. Sed ante omnia ex te duo scire avelo. Primum quo pacto Yen regnum obtinere possim; alterum qui Ci quoque regnum sub imperium subjungam. His enim duobus bellum inferre me jussit Imperator. Ad hæc *Lizous*, Optime dux, inquit, Paum regem Gueique regnum jam subjugasti; modo *Chinyuum* invictum adhuc bello ducem superasti; & , ad quam laudem

dem adipiscendam aliis ducibus totus haud suffecisset dies, tu ante diem (incredibile dictu, nisi nos testes coëgisset esse felicitas tua) unius aurora insaustra nobis luce plusquam ducerta hominum millia occidione deleuisti. Et tu post tam multiplices tamque praeclaras victorias, adhuc meditari bella? quid tibi cum armis, quorum terrori per totum orbem sparsa rex Yen ultro cedit? Video tamen esse nonnulla, quae tibi officiant ad victoriam; aliis quidem certe solent. Milites tui à pugna lassi sunt; ac praeda opulenti sine dubio quietem aliquam expectant. Et ingratum eis erit fortasse, longius à patria discedere, regnumque Yen intrare recusantibus. Vt nihil dicam, Cuius interea suis rebus providentem, quantiscunque poteris viribus ad bellum imminens se paraturum. Adde, quod te minime fugit, Hiangyum capitalem Imperatori hostem denovo cum valenti exercitu advenire; non sane spernendum progressibus tuis obstaculum. Quod ergo liquet alieno metu consequi te posse; tuis turbatum ibis armis? Non hoc facies, non, mi aux, si te amabis, si me audies. Quid igitur est illud, quod abs te impresentiarum velim? Primum, tuis militibus aliqua quies esto, qua fortes seruentur alacresque ad futura. Dein ad Yenem legatum mittito, persuasurum ei, ut Chai regis damno doctus Imperatorem agnoscat. Postquam enim ad eum pervenerit fama victoria, qua modo potitus es, fama fortitudinis, qua praeclatus es, fama exercitus, cuius auditum nomen principium est victoriae; ne dubita, quin ad hanc consequendam cetera futura sint pronissima. Feciale ergo prae mittes metum: qui si nihil efficiet; tum demum vires adhibebis frustra dolentibus cogi se facere, quod sponte debuerant. Paruit huic sententiae Hansinius; nec diu factum, & obsequentiam eventus laudavit. Quippe statim Yen rex in Imperatoris potestate fuit, missisque legatis regnum ei vectigale seque clientem ultro fecit.

His victoriis lætus Imperator, multum tamen adhuc Hiangyi, potentia sollicitabatur. Ille namque occiso Zu rege suoque per quosdam Praefectorum fidiores, & affines, totum illud regnum occupaverat, potentissimum, Australes provincias omnes fere complexum, ampli-

Prudens &
astutum
consilium.

amplitudine præterea, militumque ac populi frequentia cunctis Imperatoris viribus superius. Eapropter Imperator audiens illum nova parare bella; non immerito curas in eum omnes intendit. Erat inter Imperatoris consiliarios Philosophus quidam *Chinpingus* nomine, quem ex infima pauperie, ob doctrinam ac prudentiam Imperator ad magnos honores evexerat. Hic, ut acutissimi erat ingenii, tale subinde contra *Hiangyum* consilium dedit. *Hiangyus*, quod scis, inquit, est homo iniquus, perversus, insolens aequae ac perfidus. Quae tamen artes, tantum abest, ut ejus potentiam infregerint, ut eam potius firmasse videantur. Sed nimirum in Praefectorum fide constat ejus felicitas; Afui, dico, *Chungnani* & *Lungciei*. Quare nobis impense laborandum est, ut vel hos ad nostras partes sequendas alliciamus promissis; vel, si hac neglexerint, apud *Hiangyum* in infidelitatis defectionisve suspicionem vocemus. Quod si cui difficile factu videbitur; id ego munus pro Imperatore meo mihi depono. Etsi enim negotium istud multis difficultatibus circumseptum esse video; una tamen ad id expediendum saltem non erit difficilis via. Quanam illa? praeceptum *Hiangyi* ac varium ingenium; & praecipue, quid parum iam suis fidit. Multos ad se defecisse videt, exceptosque perbenigne. In summa, pecunia, cui omnia parent, opus est mihi; quam si accepero, rem ad exitum, qualem optas, adductam tibi dabo. Probavit hoc consilium Imperator, ejusque fidei acquiescens, argenti librarum quadraginta millia tribuit. Hinc *Chinpingus* ad illos tres Praefectos cum muneribus certos homines de negotio bene doctos mittit, eosque jubet in hunc modum alloqui. Multa sunt à vestra fortitudine ac fide in *Hiangyum* profecta merita; quae longe minoribus magnum esset apud Imperatorem pretium, magni honores. Ab *Hiangyo* vero debita vestra virtuti pramia nec accepistis adhuc, neque in posterum accipietis. Quid enim? an scissurum putatis eum regnum suum, ut vos creet regulos? Ne lactate spe vos tam inani; neve ab illiberali, nec pecunia tantum, sed dominationis etiam nullum consortem passura cupido regni partitionem expectate.

A no-

A nostro eoque solo Imperatore dignitates hujus fastigii sperare vobis licet, liberalissime suos remunerante. Cujus rei documentum si forte quaritis; en! tribus vobis Zurugnum universum promissit dividendum, si deserto Hiangyo ad se transeat. Hæc summa legationis erat. Haud ignorabat interea Chinpingus, Hiangyo Præfectos vero fideles esse, neque pollicitationibus constantiam eorum labefactandam. Neque adeo tamen occultam esse voluit hanc legationem Chinpingus, ut Hiangyum lateret; imo enimvero, ne lateret, id maxime spectabat. Nec eum spes sua falsum habuit. Ex eo namque tempore Præfectorum Hiangyo formidolosa fides esse cœpit. Auxitque suspicionem alia Chinpingi major astutia; cui in materiam Asius primo apud Hiangyum loco dux fortissimus idemque nobilissimus præcipuam suppeditavit. Hiangyus enim, dum hæc fierent, collectis magnis iterum copiis bellum resumfit. Itaque, ut ad omnes erat occasiones promptissimus ingenio, fingens alio se tendere, repentina obsidione Yungyang urbem obsidet. Imperator, obsidionis causa, cum paucis in urbe morabatur; quem proinde adegit adeo, ut secum de pace tractaret. Iamque in eo res erat uti diviso Sinico imperio pacem componerent. Hiangyo provincias ad Austrum omnes, Imperatori autem non nisi ad Boream jacentes pacta destinabant; imposita præter hæc isti conditione, regibus ne moveret bellum. Sed in tempore Chinpingus ad suas artes versus, cœuntia in Imperatoris perniciem fœdera dispescuit; Asio penitus ab Hiangyi partibus avulso. Id contigit in hunc modum. Chinpingus missos certos homines quasi de pace per eos acturus, ad Hiangyi tentorium recta properare jussit, cum muneribus ac mandatis, ut regem solito debitoque ritu excolerent; at quamprimum in Hiangyi conspectu essent, se non ad ipsum, sed ad Asium missos esse dicerent. Et habuere destinata successum, Asius quippe, licet infons, iniqua perfidiæ suspicionem percussus, at sceleris conscientia intractus, Hiangyum convenit, & in fidei suæ testimonium urbem unius horæ spatio capturum se pollicetur. At jam

T

deleve-

Asius militari.

deleverat fidem *Afui*, fide sæpe superior, in *Hiangyi* mente suspicio, timentis, ne cum suis ille deficeret ad hostes. Eapropter *Afuius* copiis suis omnibus *Hiangyo* traditis missionem petiit; indignatus ei servire, qui sibi non fideret, neve pejora cogeretur ab *Hiangyo*, qui potens iræ non esset, experiri. Postquam impetravit, quod petierat; tum ad amicos, *Cui debeatur imperium*, ait, *jam Cælo decretum est. Quid ergo frustra laborem? ad meos me ciues recipiam, in quiete reliquam atatem ædurus.* Sic *Afuius* ab *Hiangyo* discessit; at, quo tendebat, haud pervenit, in itinere vel mœrore, vel veneno porius extinctus.

Afui discessus *Hiangyum* inter & Imperatorem pacem distraxit; unde continuabatur urbis obsidio. Iamque *Pungiuennus* Imperatoris dux provinciam *Honan* ingressus, oppida *Zu* regni septendecim ceperat eo animo, ut *Hiangyum* ab obsidione revocaret ad defensionem regni sui. Sed ille, cui petebatur unius Imperator, non jam de regno laborabat; eo vel capto vel necato, etsi amisisset etiam reliqua, facile se recuperaturum sperans. Et sane summis Imperator in angustiis erat; neque solvendæ spes obsidionis ulla promittebatur. Quippe illius exercitus auxilio tum adesse non poterat; *Hansinio* Boreæ plagis infestandis longissime distante. Actumque adeo de Imperatore jam fuit, nisi *Kisinius* ejus dux ante omnes fidelissimus, tunc obsessæ Præfectus urbi, voluntaria morte Imperatori patefecisset ad salutem & effugium viam. Videns enim *Hiangyum* in obsidione durare pertinacissime, nec ab *Hansinio* tam longe agente suppetias expectari posse; salutem Imperatoris in sola fuga posuit. Hoc itaque cum validissima equitum manu ad occidentalem urbis portam aliquantisper stare jussu, per obversam Orienti portam interim egressus ipse cum *Hiangyo* de deditione transigit, eumque per eandem portam in urbem admittit, pollicitus Imperatorem ei se traditurum. Exsiliit omnis ad hanc famam gaudio *Hiangyi* exercitus; ac statim quisque primus ad prædam, ut fit, ingressum per eam portam, quæ parebat una, distans ab occidentali plusquam leuca, tentare

*Kisinius dux
belli Imperatorem ser-
vavit,*

tentare cœpit. At Imperator interea cum equitum manu per illam portam effugerat. Quem *Hiangyus* urbem ingressus cum imperaret ex promisso sisti sibi; *Kinsinius* haud minus candidus erga hostem, quam erga dominum fidelis, cum clandestina fuga salutem quæsisse respondit. Quo audito fremebundus iræque *Exitio suo* præcepit *Hiangyus* è vestigio *Kinsinium*, ut consilii auctorem; comburi vivum jubet.

Mox intactam urbem relinquens, cum exercitu fugientem, quantis potest itineribus, Imperatorem persequitur. Ac parum absuit, quin eum ad exercitum *Hansinii* recta tendentem assequeretur. Præterquam enim, quod instaret illi velocissime; ad *Chingcao* insuper urbem itinere breviori pervenit, è qua paulo ante Imperator exierat. Illam *Hiangyus* primo statim impetu expugnat & in Imperatorem, quem, iterum delusus, audierat in eâ latere, diligentissime inquiri. Tandem ubi pro certo comperit, Imperatorem evasisse denno; impotens iræ, tantum non seipsum dentibus & unguibus dilaniatum ibat. Non est ausus tamen cum defatigato, nec integro exercitu progredi ulterius; timens etiam *Hansinium*, quem jam adventare cognoverat. Eapropter sequentem militem expectabat; omnibusque collectis copiis *Hansinii* strageminata fugiens *Zu* regnum repetiit, *Pungyuenum* ejecturus inde, qui multa inibi loca felicitate arinorum sua fecerat. Ita re infecta coactus est in regnum suum redire; magna ex parte jam non suum. Sed vos ad Imperatorem redeamus.

Ille sub auroram veniens ad *Hansinii* castra, ubi cognovit & *Hansinium* & *Changulum* adhuc indulgere somno; militibus imperat, ne quis eos expergefaceret. Eorumque tentoria solus ingressus aufert præfecturæ sigilla, dataque opera stationes militum ordinemque permurat. Expergiscitur inter hæc *Chagulus* prior; quem pigritiam suam excusaturum Imperator amice compellans, *Quæso te*, inquit, *ut te plus dormitum recipias. Scio te fessum; excubias ego pro te agam. Nec polluam tamen majestatis decus, etiamsi præpostero in speciem obsequio miles fiam subditi mei; quippe in quo*

sublimior majestate virtus elucet. Hoc tam amico modestoque dicto ex eorum animis (nam & alter expectatus aderat) omni absterfo metu , suam ignaviam erubescences ad alacritatem traduxit. Cognito dein *Hiangyum* Austrum repetere ; quod nihil admodum esset , cur posthac eum haberet in metu , *Changulum* cum parte exercitus ad *Chao* regni jam armis recuperati custodiam misit , *Hansinio* cum reliquis copiis jussu contra *Cium* tendere. Nam ex iis qui ad Boream regnabant , unus hic rex erat , qui *Lieupangum* nollet Imperatorem agnoscere.

Cum *Hiangyus* in Austrum adversus *Pungyuenum* iret , *Zaokieum* urbi *Chingcao* , quam ceperat , cum valente præsidio imposuit , severe mandans , ne illinc excederet unquam ad proelium , si quod Imperatoris exercitus forte posceret ; sed tantum ut oppidum bene muniret ac tueretur. Hoc faciebat eo consilio , ut Imperatorem inibi teneret , donec è *Zu* regno *Pungyuenum* in torum exegisset. At Imperator nondum à suis peti volebat Austrum ; ne gentes , quæ ad Boream incolunt , necdum usquequaque subjectæ vel quietæ , turbarentur. *Hiangyus* autem progrediens ad *Vaihoang* urbem , quæ prima defecerat è *Zu* regno , devenit ; ac post paucorum dierum obsidium cepit. Hanc , quia prima erat , quam recuperavit è rebellibus , funditus delere decreverat ; in unam triste documentum daturus , quo reliquæ scaperent omnes. Sed ab ejus civitatis puero quodam annos nato non amplius tredecim placatus , abstinuit à maleficio. *Quod te minime lætet* , ajebat puer , *Pungyuenus urbem nostram arctissima obsidione pressit ; nec obsisti à nobis ei poterat.* Cum ergo nihil esset , quo nos tueremur ; satius est visum experiri victoris clementiam , quam inutili pertinacia vim expectantes extrema pati. Hæc nobis causa deditionem suavit ; te redeunte pristinam quoque libertatem reddituram haud ambigentibus. Sin è diverso non regem te , sed hostem habebimus ; quid agent civitates ceteræ ? quam fugam pari culpa , si culpa tamen est , quam necessitas imperavit , invenient ? Multa supersunt adhuc urbes , quæ sub *Pungyueni* iugo gemunt , optantque vinci tuis armis.

Si

*Pueri prudens oratio
urbi veniam
impetrat.*

Si tam severe consules in primam ; quam ceteris putas reliquam spem salutis fore ? imo ultima desperatione affecta in te consurgens, inferentque bellum pacem offerenti, quam nunquam credens à fumante adhuc iracundia provenire posse. Magnum omnino, mihi crede, negotium tibi facefent, si pergas id, quod pietate potes atque clementia consequi, servitia corrumpere. His dictis puer ferocem animum delinivit.

Imperator interea, licet *Hansinium* contra *Ci* regem iussisset progredi; legatum tamen præmittendum putavit. Is *Liexekius* fuit, à quo regnum illi promittebat ac pacem, si se Imperatorem agnosceret, inque suam fidem concederet, ab *Hiangyi* partibus amicitiaque discedens. Porro legatus ita *Cium* allocutus esse scribitur. Si apud alium, quam apud te imperii gnarum agerem; habenda mihi longa esset impræsentiæ oratio, atque adeo præteritorum proxime annorum repetenda historia. Nunc summa negotii, quod Imperator meus mihi commisit, in hoc consistit. Ille primus fuit, qui *Cinam* familiam armis ante devictam exstinxit; ille primus imperatoriam urbem occupavit, imperiique signa se penes habuit. In hac felicitate acquiescentem, nemini molestum suoque contentum subegit, imperii commune contra perduellem *Hiangyum* & quietis impatientem bellum resumere, debitas interfecti *Zu* regis ab eo pœnas expetiit. Nulla utique serviendi libidine, quam ab ejus moribus abhorre longissime, testes laudare possum, quotquot adhuc ab illo perquam liberaliter accepti, potius ejus pietatem experiri, quam arma volvere. Omnes præterea, quicumque probitate ac doctrina excellunt, illum amplectuntur, illius justitiam amant. Ab his artibus, prò *Calum* ! quam diversus abis *Hiangyus* ? Hic imperium ambit, hic regis sui parricida est, hic omnem *Sinam* armis perturbat. Malefactorum quamlibet tenuium memoriam non nisi sanguine delet; meritorum recordatio nulla, quid enim dicam, remuneratio ? Hinc in visus est infestusque bonis omnibus. Et hunc talem tu antepones Imperatoris amicitia ? ejus inquam Imperatoris, qui viatore potentissimoque cum exercitu modo tuum regnum invadens, vim samen inferre non cogitat, si perduellem, si latronem, si parricidam deseras, & ab optimo Imperatore

sine armis vinci velis, hoc est, regnare. Postquam legatus dicendi finem fecit; respondit Cius, amicum Imperatorem se, quam inimicum malle, sub ejusque imperio se obedienter ac fideliter futurum recepit.

Eodem tempore Ci regnum jam ingressus Hanssinus, istius legationis audito successu reditum meditabatur. Quaiheus vero flagrans odio Cui regis; Hanssinio callidissime persuasit, uti promoveret arma. Quid hoc esse putem, inquit, fortissime dux, quod cogitas redire? Tos iuneribus vexatos milites victoria, quam habent in manibus, tam inconsulto privas? affectum, imo confectum pene bellum destituis? O te simplicem, si credis rumoribus! an tu solus ignoras sub nomine pacis Imperatorem pravaricatum fuisse? Cui conatus retinere atque à colligendis militibus eum avertere, finis & causa legationis fuit. Quod si non esset ita; profecto Imperatoris erat, te vel primum vel in primis de pace commovere literisque aut aliis certissimis nunciis è tanti momenti expeditione revocare. Quid? an illi non pluris erit subactum regnum, quam promissum & simulatum clientis obsequium? Perge, quo pede coepisti; & Imperatori regnum, tibi nominis immortalitatem felicibus armis comparato. Inductus vanissima oratione Hanssinus bellum prosequitur, infestis armis omnia percurrans, nulla vim repellente; omnibus, etiam ipsa regia ad deditionem prona. Cius deceptum se fremens, Liexekium legatum illico vivum exuri jubet. Relicta deinde regia, quo provideret rebus suis, in Orientis interiora fugam intendens in urbe, quam Caomien dicunt, incolumis & ab hoste securus egit; collegitque exercitum conferendis prima quaque opportunitate signis cum Hanssinio.

Legatus
occisus.

Per eadem tempora Imperator ipse cum novo ac potenti exercitu Hiangyum in Australes oras securus, ut Pnuegyueno ferret suppetias, postquam ad Chingkiao venit urbem, obsessam brevi tempore ditionis suæ fecit. Dehinc recta Quanguu & ipsam urbem petit. De cujus adventu monitus Hiangyus actutum ei processit obviam, recedens à Pangyueno. Ea res illum plane perdidit atque afflixit. Nam ex una parte ab utroque exercitu

exercitu prope interclusus magna rerum omnium penuria premebatur; ex altera vero Imperator abundabat omnibus, quæ ad bellum prosequendum erant necessaria. Non è Chingao jam capta, ubi annonæ ingentem modum reppererat, affatim omnia facileque advehebantur. *Hiangyus* ergo suorum vel fugam vel seditionem veritus, cum *Lieupango* iterum de pace tractare cœpit. Quia vero tunc bellum Imperator, quam pacem malebat; *Hiangyus* in castris aggerata lapidum strue conscensa, in quam Imperatoris avum uxoremque *Liuehuam* una secum adduxerat, inde *Lieupangum* alta voce compellans, *Andi, Lieupange!* *Pacis obtru-*
quandoquidem, inquit, à pace abhorres; avum tuum *sanecessitat.*
 uxoremque non multo post assatos ad ignem videbis. *Vtrum*
vis elige; aut pacem aut cratem. Imperator ei respondit in hunc modum; *Meminisse te adhuc arbitror, cum*
Zu regis uterque subditi essemus, amicitiam nos fraterno
jure sanxisse. Id si tibi sanctum aque semper fuisset ac mi-
hi; nostra staret inconcussa necessitudo. Nunc ubi non ego
tibi, sed tu mihi prior bellum indixisti, regem tuum etiam
perfide necasti; non video, quam tuto tecum redeam in
gratiam. Vtut est tamen; talem habebis me, qualem vo-
les. Adsis modo, si amicum; sin hostis hostem. Si denique
constitutum est tibi, avum conjugemque meam igne to-
stos, nisi pacem eligam, immolare dolori tuo; sacrifici
partem gemino jure saltem unum assa carnis abs te fru-
stum expecto. Damnatur ob hoc dictum magno Lieu-
pangus opere à Sinensibus historicis, iniquam etiam
pacem, imo ipsius imperii jacturam avi conjugisque
incolumitati posthabendam fuisse censentibus. Quip-
pe pietatem primam apud Sinas virtutem, obsequium-
que adversus parentes natuque majores imperio po-
tius esse debere.

Ceterum *Hiangyus* responso tam superbo irritatus, utrumque destinabat igni; cum *Hiangpens* pater intempestivam ultionem reprimens, *Sape fili, nos eorum*
pœnitet, ait, quæ irati facimus. Quid autem hinc emo-
lumentum tibi, si necem offeras insonitibus? fortasse vivi ma-
gno imposterum usui nobis erunt. His dictis Hiangyi pa-
trē verentis ira referbuit. Sed non in totum.

T 4

Postero

Postero enim die *Hiangyus* Imperatorem ad duellum provocavit, internuncio misso; qui ejus nomine sic illum appellare ausus est. *Quousque nostros utrinque cives ac milites vexabimus? & imperium uterque quærentes, funditus evertendo perdemus? Age, si quid audes, si vir es, vel tuo vel meo discrimine bellum provocatus absolue. Alterutrius omnia serito, qui vivus excedet è duello.*

*Ira facit
sortem.*

Irrisit Imperator hominis ferociam, & Ego, inquit, non copiis meis, sed virtute ac prudentia contra te pugno. Ha decernent, utri nostrum debeatur imperium; quo te in antecessum inscitia imperandi, & quod magis est scelerata tua te privant. Simul his decem crimina, quæ erat obnoxius, insequabatur. *Hiangyus* acervo lapidum adhuc insistens, unde audire poterat Imperatorem ac videre, contumeliam non tulit. Iratissimus proin derepentè ballistam majorem, cui ad jactum aptandæ quatuor homines vix sufficissent, solus aptat, & ingenti sagitta Imperatorem petit. Parum absuit, quin Imperatori letale fulmen illud esset; in latere quidem gravissimum vulnus accepit. Hic jactus ad effugium *Hiangyo* viam aperuit. Imperator enim coactus est urbem ingredi; vulnus quidem dissimulans, ne castris metum inferret. Obibatque exercitum incedens læticæ gestamine, quamvis præ doloris magnitudine vix posset. Interea maximam *Ci* regni partem devictis regiis Præfectis occupavit *Hanssinus*. Quare *Cius* in summas adductus angustias ab *Hiangyo* petiit auxilia. Nec defuit ille laboranti; *Lungcieo* cum valida manu submisso. Iamque uterque exercitus, & ipse *Ci* rex ad *Yung* haud magni nominis amnem pervenerat. Qui tamen amnis hætenus obstabat *Hanssinii* copiis, ut, qua *Cium* *Lungcieumque* invaderent, nulla esset via. Quippe medius inter utrumque exercitum fluebat. Ad ultimum *Hanssinus* mirabili stratagemate transitum invenit. Id autem erat hujusmodi. Saccos arena repletos magno numero, silente nocte in profluentem demersit; quæ decurrentes aquæ magnam partem retentæ, completis longo tractu ripis superioribus, ut erant peraltæ, mirum quantum intumuerunt. Simul etiam alveus inferior, quanto plus aquarum

Stratagemæ.

aquarum retroibat, tanto tenuiore fluxu desidens adeo nudavit vadum, ut aliqua pars exercitus eo facile transire posset. Nec mora; vado superato pugnam ciet, in ulteriori litore reliquis militibus, ita ut compositi erant acie, stare iussis. Subinde, ubi paulisper est pugnatum, recedit ex acie; quem iterum trajecto vado speciem fugæ præbentem *Lungcius* cum suis audacter insequitur, eodem impetu fluminis alveum ingressus, ac certus victoriæ. Sed *Hansinius*, cum pars hostilis exercitus jam fluvium superasset, reliqui acervatim sequerentur; signo dato, per funes, ad quos erant religati sacci, eos extrahi repente jubet è flumine. Tum vero nativæ libertatis compos elementum ingenti undarum mole ruens, quos in alveo deprehendit milites, secum in ruinam trahit, simul transmissam exercitus partem ab altera separat. Hic invehitur in eos *Hansinius*, integrataque cis amnem acie copias hostiles tanta strage fundit, ut ne nuncius quidem superstes esset improvisæ calamitatis. Interim aquæ ad familiarem cursum defluxerant; cum *Hansinius* inoram omnem è periculi suspitione dampnans, toto exercitu in ulteriorem denuo ripam trajecto pugnam infert hosti; *Lungcio*que interfecto, *Ci* rex vivus in victoris manus venit. Ita victricia circumferens arma totum *Ci* regnum occupavit *Hansinius*.

Intelligens autem, quanta in Imperatorem merita essent sua; subactum inodo *Ci* regnum optabat ab illo, tanquam victoriarum præmiun, accipere jure beneficiario. Mittit igitur ad illum, qui & recentem victoriam nunciaret, exponeretque simul vora sua; quæ mandavit his fere verbis. *Ci* regnum adhuc mutabile semper & anceps fuit; varisque fidei, modo hunc modo illum sequebatur, omnibus indiscriminatum, at nulli constantius quam tempori parere promptum. Quare abs te peto, ut ejus fiduciam mihi committas; quem, ut adhuc tibi fidissimum habuisti, sic fidiorem, beneficiique memoriam clientem in perpetuum habebis.

Imperatori non placuit hæc oratio. Sed *Chanbleangus* & *Chinpingus*, ut *Hansinii* postulatis cederet, ei persuasere. Quid enim? dicebant; an non illustre

fideliatis hoc est argumentum, quod occupatum à se regnum, à se petat loco beneficii? Negabis ei, quod, si per vim retinere vellet, nostrum auferre posset? Omnino fortis est ac prudens militia dux; cujus egregias artes ipse jam sapius expertus es. Exercitus duci suo par; à quo maxime amatur, intentis insuper ad nutum illius omnibus. Cujus proinde petitioni si annueris, quod reliquum est belli, huius fide non magno negotio conficies. Valuit igitur apud Imperatorem duorum consilium; jamque sigillum & reliqua clientelæ necessaria præparabantur. Interea tamen, cum jam omnes Boream versus essent subjugatæ provinciæ, mandat Hanfsinio, ut etiam contra Hiangyum tendat, Zu regnum occupaturus.

Sub idem tempus Imperator legatos ad Hiangyum misit, avum conjugemque repetens. Vñus hac occasione Hiangyus egit cum Imperatore de pace. Quæ demum ita convenit, ut Hiangyo solæ partes Australes, quæ sunt ultra fluvium Hungken, cederent; pæges Imperatorem vero reliqua Sina tota, id est, omnes Boreæ orientique soli objacentes essent provinciæ. In hunc modum utrinque firmata pax avum Imperatori conjugemque restituit. At ecce! vix eos receperat; cum denuo frangit datam fidem, Changleango & Chinpingo instinctoribus. Qui pacem averſati, quamvis essent Philosophi, virtutisque se sectatores ferrent; Imperatoris tamen auribus assiduo bellum inculcabant, neglecta fide. Qua de re multum ab historicis gentis reprehenduntur, ut perfidi ac Philosophorum nomine indigni. Fuit autem hæc eorum ad Imperatorem oratio. In eo statu sunt modo res tue, ut simul in manu tua sis imperium. Quod abs te repudiari quis non miretur, pro quo tam diu depugnasti? Olim incertus, an illud adepturus esses; nunc de victoria certus, eam dimidia quasi ex parte cum hostibus tuis communicas? Hiangyum armis validum victoremque paulo ante nil timebas; modo quasi jam victum ad condiciones pacis invitas? Muta mentem hanc, quasumus, Imperator; neve domum ullo pacto per te liceat Hiangyo incolumi ac regnatura reverti. Cave ne usu tibi veniat, quod illis, qui domi parvam alunt tigridem; quæ,

cum

Rupta pax.

cum excrevit, oblita beneficii, nec dominis suis paret. His talibus ergo verborum lenociniis obsequens Imperator pacem rescindit. Visus est tamen haud multo post perfidiæ pœnas dare, cum *Hiangyus* exacerbatus ira eum prope *Cuxi* urbem aggressus, etsi viribus potiore[m] tanta clade affecit, ut exinde non auderet solus cum eo manus conferere. Castris ergo bene munitis se continuit, donec, uti dictum, *Hansinius Changulusque* cum omnibus copiis adessent; *Zu* regnum ducibus, ex æquo dividendum pollicitus, si strenue dimicantes *Hiangyum* acie superarent. Illi tanti spe præmii commoti, fortissime invadentes *Hiangyum* in fugam avertunt. Hic virtus *Hansinii* cum primis enituit. Nam suis abstinere à præda ordinisque servare iussis fugientem *Hiangyum* pari celeritate persequitur. Ille recta *Maocheu* petebat urbem, apud quam munitissima castra posuerat. Sed vix illa cum suis intraverat; cum hæret in tergo *Hansinius*, eaque obsidione claudit. Advocato dein omni exercitu locis opportunis milites disponit, qui omnem undique annonam interciperent; expugnaturus *Hiangyum* fame. Sed ille, ut erat fortis animoque inagno; pugnando potius fortunam iterum experiri statuit. Ita cum *Hansinio* signa confert, extra castra suos optime compositos & instructos edicens. A fortissimis ducibus utrinque magna contentione pugnatum, ancipitique Marte; donec tandem *Hiangyus* multitudine longe impar & excedere pugna coactus castra repetiit, agmine tam composito, ut ingressu prohiberet hostem. Resumpta proin obsidione cum denno castris incubaret hostis; *Hiangyus* ultimis consiliis animum aperuit. Cum enim expectaret auxilia, quæ adesse jusserat à *Zu* regno; ejus inaxima pars Imperatorem nitro amplectebatur. De *Hiangya* namque jam actum esse persuaferant sibi. Quin & auxiliares ejus copiarum ad Imperatorem defecerant. Noctu enim cum per castra deambularet, vigilias obiens; è propinquo Imperatoris exercitu voces percepit plurimorum lingua *Zu* regni propria cantantium. Earum res *Hiangyi* quamvis constantem animum afflixit; prona

prona defectionis & indubitabili conjectura. Destitutus ab auxiliis undique, & arctissime insuper obsessus, ad fugæ, quæ restabat una salutis via, consilium respexit. Tentorium itaque suum ingressus, cum *Hia* conjuge sua, præcellentis formæ femina, invitans se vino, lætusque cantare cœpit, eam bono esse animo jubet; sibi modo, ne vivus in hostium potestatem veniret, abeundum. *Ne vero te desertam interim ac sub cultro linqui querare; castra*, inquit, *relinquo permunita, paulo post cum ingentibus copiis rediturus, ut iterum te videam.* In hunc modum ubi valedixit; *Hia* manibus indutus arma sua, consensoque equo cum equitum octingentis intempesta nocte subito erumpit è castris, multosque passim trucidando, armata manu viam sibi suisque sternit ad hostilem exercitum. *Hansini* milites sane non mediocriter improvisa incursione turbati, trepidantesque discurrunt ad arma. Vnde non pauci sunt etiam ex *Hiangyi* sociis desiderati. Verum viam tandem aperuit; & reliquis, qua cuique licuit, effugientibus, solus *Hiangyus Hoi* fluminis trajectu, ad *Uuguei* devenit urbem, ubi deflectentem à via palus excepit. *Hansinius* interea de tumultu doctus ab iis, quos ex *Hiangyi* sociis fortuna vivos in ipsius manus demiserat, exploratores quoque versum dimittit, magnis propositis præmiis, si vel vivum vel mortuum adducerent *Hiangyum*. Is in palude nihil præsidii sibi videbat jam superesse, non dubitans ab Imperatoris militibus undique se queri. Quocirca magno nisu tandem, albescente jam cælo, enisus inde, recta petebat urbem *Hocheu* dictam; cum ab Imperatoris equitibus duodetriginta invaditur. Quos ubi vidit ille, constitit; &, *Octo jam anni sunt*, ait, *ex quo bella gero; pugnavi septuagies, semper invictus. Et nunc istos octo & viginti lepores timeam? Calum avertat istud à me dedecus! à quo saxo saltem ut sciat orbis me derelictum, non ab hostium virtute victum fuisse. Calum tenet, non hostis, manus meas. Mirum dictu! ab extrema verbi parte ruens in illos, unus omnes necat.* Inde ad *Ukiang* fluvium pervenit haud procul *Hocheu* labentem; quo navi oneraria trajecto,

*Fuga regis
Zu.*

*Qui 32. unus
necat.*

trajecto, tandem exspes vitæ, sic locutus esse fertur. *In eo jam loco constitutus sum, ut & ortum fluvii teneam, & occasum vitæ meæ. Nusquam ullum mihi fidelem amicumve reperio; plus imo à meis hic, quam ab inimicis mihi timendum video. Quare occidentem repetam. Sed fugitivus amicorum atque parentum conspectum ferre qui potero? scio, quid faciam! postquam Calum desit favere fortitudini meæ; mori satius est, quam dedecore tantam gloriam maculare.* Sic abrupta spe omni caput ipsi sibi stans uno ictu præscidit. Vir fortissimus audaciæque promptæ, sed crudelis ac perfidus; quibus artibus amisit imperium, quod fortitudine ac militari peritia facile obtinuisset. Eo sane dignus, si, ut militum, sic & civium animos habuisset in potestate. Sed istorum nimis vexator, ab unis militibus amabatur, inque vicem amabat eos quam maxime. Quorum tamen & virtus & fides denique *Lieupangi* cessere fortunæ.

*Tandem se-
ipsum.*

Hansinius interim castra magna vi aggreditur; quorum facilis erat oppugnatio, duce carentium. Victoriæ perquam usus est modeste, milites necari vetans, &, ut sua signa, si vellent, sequerentur, invitans; sin abire mallerent, id impune licebat. Hac modestia sibi devinxit omnium animos, summa voluntate ad ejus castra transeuntium. Ex quo totum *Zu* regnum ad deditionem pronum, quippe viribus exhaustum usquequaque, jugum accepit. Una *Lu* civitas vim experiri maluit. Irritatus Imperator ea civium audentia jurato denunciavit, omnes una cum urbe conflagratos, ni se quamprimum dederent. Forte obiens moenia cum non voce tantum, sed organis etiam musicis cantantes, in urbe multos audiret; *Vt video*, inquit, *in hac civitate, quæ tantopere musica delectatur, boni mores vigent; fides imprimis erga regem, à quo ne deficiant, obstinatum est eis extrema pati. Si non est alia resistendi causa; laudo constantiam, jureque jurando rescisso, si velint manus dare, jam nunc polliceor incolumes fore. Vinam tantam fidem in urbibus meis inveniam!* Inter hæc affertur *Hiangyi* caput; quod, qui cum persequerentur milites forte repertum, hastaque præfixum post-

*Musica in-
dicium mo-
rata urbis.*

prona defectionis & indubitabili conjectura. Destitutus ab auxiliis undique, & arctissime insuper obsessus, ad fugæ, quæ restabat una salutis via, consilium respexit. Tentorium itaque suum ingressus, cum *Hia* conjuge sua, præcellentis formæ femina, invitans se vino, lætusque cantare cœpit, eam bono esse animo jubet; sibi modo, ne vivus in hostium potestatem veniret, abeundum. *Ne vero te desertam interim ac sub cultro linqui querere; castra*, inquit, *relinquo permunita, paulo post cum ingentibus copiis rediturus, ut iterum te videam.* In hunc modum ubi valedixit; *Hia* manibus indutus arma sua, consensuque equo cum equitum octingentis intempesta nocte subito erumpit de castris, multosque passim trucidando, armata manu viam sibi suisque sternit ad hostilem exercitum. *Hansini* milites sane non mediocriter improvisa incursione turbati, trepidantesque discurrunt ad arma. Vnde non pauci sunt etiam ex *Hiangyi* sociis desiderati. Verum viam tandem aperuit; & reliquis, qua cuique licuit, effugientibus, solus *Hiangyus Hoai* fluminis trajectu, ad *Uuguei* devenit urbem, ubi deflecentem à via palus excepit. *Hansinius* interea de tumultu doctus ab iis, quos ex *Hiangyi* sociis fortuna vivos in ipsius manus demiserat, exploratores quoque conversum dimittit, magnis propositis præmiis, si vel vivum vel mortuum adducerent *Hiangyum*. Is in palude nihil præsidii sibi videbat jam superesse, non dubitans ab Imperatoris militibus undique se quæri. Quocirca magno nisu tandem, albescente jam cælo, enisus inde, recta petebat urbem *Hocheu* dictam; cum ab Imperatoris equitibus duodetriginta invaditur. Quos ubi vidit ille, constitit; &, *Octo jam anni sunt*, ait, *ex quo bella gero; pugnavi septuagies, semper invictus. Et nunc istos octo & viginti lepores timeam? Calum avertat istud à me dedecus! à quo saxo saltem ut sciat orbis me derelictum, non ab hostium virtute victum fuisse. Calum tenet, non hostis, manus meas. Mirum dictu! ab extrema verbi parte rueus in illos, unus omnes necat.* Inde ad *Ukiang* fluvium pervenit haud procul *Hocheu* labentem; quo navi oneraria trajecto,

Fuga regis
Zu.

Qui 32. unus
necat.

trajecto, tandem exspes vitæ, sic locutus esse fertur. In eo jam loco constitutus sum, ut & ortum fluvii teneam, & occasum vitæ meæ. Nusquam ullum mihi fidelem amicumve reperio; plus imo à meis hic, quam ab inimicis mihi timendum video. Quare occidentem repetam. Sed fugitivus amicorum atque parentum conspectum ferre qui potero? scio, quid faciam! postquam Calum desiit favere fortitudini meæ; mori satius est, quam dedecore tantam gloriam maculare. Sic abrupta spe omni caput ipsi sibi stans uno ictu præscidit. Vir fortissimus audaciæque promptæ, sed crudelis ac perfidus; quibus artibus amisit imperium, quod fortitudine ac militari pericia facile obtinisset. Eo sane dignus, si, ut militum, sic & civium animos habuisset in potestate. Sed istorum nimis vexator, ab unis militibus amabatur, inque vicem amabat eos quam maxime. Quorum tamen & virtus & fides denique *Licupangi* cessere fortunæ.

*Tandem se-
ipsum.*

Hansinius interim castra magna vi aggreditur; quorum facilis erat oppugnatio, duce carentium. Victoriæ perquam usus est modeste, milites necari vetans, & ut sua signa, si vellent, sequerentur, invitans; sin abire mallet, id impune licebat. Hac modestia sibi devinxit omnium animos, summa voluntate ad ejus castra transeuntium. Ex quo totum *Zu* regnum ad deditionem pronum, quippe viribus exhaustum usquequaque, jugum accepit. Una *Lu* civitas vim experiri maluit. Irritatus Imperator ea civium audentia jurato denunciavit, omnes una cum urbe conflagratos, ni se quamprimum dederent. Forte obiens mœnia cum non voce tantum, sed organis etiam musicis cantantes in urbe inultos audiret; *Vt video*, inquit, in hac civitate, qua tantopere musica delectatur, boni mores vigent; fides imprimis erga regem, à quo ne deficient, obstinatum est eis extrema pati. Si non est alia resistendi causa; laudo constantiam, jureque jurando rescisso, si velint manus dare, jam nunc polliceor incolumes fore. Vimam tantam fidem in urbibus meis inveniam! Inter hæc affertur *Hiangyi* caput; quod, qui cum persequabantur milites forte repertum, hastaque præfixum post-

*Musica in-
dicium mo-
rata urbis.*

postquam Imperator ostentavit urbi, statim in ejus ditionem arbitratumque concessit. Post hæc Imperator *Hiangyo* solenni pompa exsequias instruxit; defunctum etiam in patre veneratus, quem ad se invitatum exceptumque perhonorifice, dynastia denique donavit. Præterea, quod est apud Sinas summæ benevolentia signum atque honoris, *Hana* familiae suæ titulum ei atque appellationem impertiit; ut *Hana* dynastia diceretur.

Beneficia & injuria beneficio compensata.

Hoc bello confecto Imperator *Tingtao* profectus urbem, *Hansinium* ex promisso *Zu* regulum tributarium; *Pungyuenum* vero *Leanga* regem in eodem regno creavit. Tunc *Hansinius* memor eorum, quæ collata fuerant à *Paomua* in se beneficia, cum in egestate versaretur; eam ad se invitat, argenticque libris mille donat. Illum quoque puerum, à quo in urbis *Hoaigana* macello erat affectus injuria publica, provexit ad præfecturam, malum beneficio rependens, quod nisi ab animo magno excelsoque proficisci non potest.

Lieupangus Imperator recte ministerium ingenii usus.

Indictis posthæc comitiis *Lieupangus* in *Xantung* provinciam *Caocheu* ab omnibus denuo Regulis Præfectisque agnitus Imperator diademate ornatur. Inde profectus ad *Loyang*, præfectis ac militibus instruxit magnifice splendideque convivium. E quibus cum inter colloquendum amice percontaretur, ecquidnam causæ putarent, cur à se potius, quam ab alio esset occupatum imperium? varii varie respondebant, prout quemque vel veri dicendi libertas, vel adulandi vanitas monuerat. Imperator auditis omnibus, *At ego potitus sum*, inquit, *imperii non alio magis presidio, quam, quod virtus uti sciebam, præsentiens, quod aptum cuiusque foret ingenio. Qua solertia mihi longe cessit Hiangyus. Noveram Zufangum etsi domo aut tentorio non exeuitem, sola prudentia, melius, quam ego possim, vel mille stadia distantem acies instruere, parare victorias scire; ad hoc munus eum adhibui. Noveram Siaohoum, præquam meum ferret ingenium, peritum esse regnum firmandi locupletandique, populum in lata pace continendi, reditus vectigalia sic ordinandi, ut nunquam stipendia, nunquam alimenta deessent; ad hoc munus eum adhibui.*

Nove-

Noveram Hansinium felicius quam à natura mihi datum, milites habere in potestate, victorias obtinere posse; ad hoc eum quoque munus adhibui. Hæc sunt, quæ mihi pepererunt imperium; hi tres, inquam prudentia & virtute præstantes viri mihi probe cogniti, & ad ea quisque munera delecti ad quæ maxime aptos esse non ignorarem. Hujus solertia adminiculo ad fastigium evasi. Et profecto hominum animos cognoscere difficilius est quam orbem regere, vel in commune sapienter consulere, vel fortiter hostes vincere. In ceteris rebus vinci me ab aliis facile patiar; sed hanc unam laudem si reservo mihi, nolim arrogans videri. Fancenum quidem Hiangyus habuit ad quævis aptum; at quia illo uti nesciebat, interiit. In hunc modum Imperator perbelle suos ac seipsum laudavit.

Inter hæc in regno Ci Tienhengus quidam, regum sanguis, ab Hiangyo adjutus, aliquoties turbas excitaverat. Quippe semper audaces ac turbulentos homines aluit Xangtung provincia. Verum audita Hiangyi morte cum quingentis sociorum maris orientis insulam petiit, litoribus vicinam. Huc mittit Imperator, qui eam ad se vocaret; nisi pareret, extrema omnia minatur. In viam itaque duobus sociis comitatus se dedit; verum, antequam ad Imperatorem pervenirent, voluntariam mortem omnes præciso gutture sibi concivere. Quo audito, qui in insula remanserant, ad unum omnes in mare se præcipitant, erga dominum suum, quem jam nullum habebant, hac insania fidem testaturi.

Vitronæa
mortes.

Kipus autem quidam ex Hiangyi ducibus, cujus non una tantum in Imperatorem erat injuria, nullum effugium videns, desertis militibus, barba capillisque præcisis in regno Lu seipsum cuidam Chao vendidit pro mancipio. Erat Chao manu strenuus & bellator bonus; qui dein, ubi Kipum, non mancipium esse cognovit, misericordia motus, illius patrocinium arripuit, & Sienm Imperatoris Præfectum conveniens, Quodnam Kipi tantum est crimen? inquit. Quæ gessit adhuc pro rege suo, in quem nunquam non ejus fides enituit, ejusmodi sunt, quæ procul à reprehensione, multam potius laudem merentur. Vt taceam, postquam Imperator orbem

orbem totum solus obtinet, alienum à maiestate videri, singulare odium unius hominis ejusque regi suo fidelis extinctum velle sanguine. Magnarum mentium est, condonare; qua non alias magis magnitudinem suam ostentant, quam cum negligunt oblatam occasionem ulciscendæ injuria. Imperator à Sieo de hac expostulatione commo-
 nitus Kipum vocari jussum ob hero servatam fidem præfectura donat. Non eadem usus est fortuna Tingkingus alter Hiangyi militum Præfectus Kipi avunculus. Nam hic quidem ad Imperatorem venit, in ejus obsequium seque tradens omnesque copias, quarum ei mandata cura; sed exitio suo, jussu Imperatoris plexus capite. Qui venientem increpans, Quod suspitione laborat, inquit, ingratum est obsequium. Cum his, quos adduxisti, pro duce tuo standum erat tibi. Nunc ubi secus à te factum, nec qui uni domino fidelis non fuit, esse solet alteri; exemplum in te statuam, quod imitandi tui studio posteros non accendet. Hæc posteaquam acta, tranquillatis toto imperio rebus Hienyang, quam sæpius provinciæ Xensi regiam urbem diximus, ingressus, totum inde Sinarum orbem gubernavit.

*Fides etiam
ab hoste præ-
mio donata.*

*Perfidia vi-
cissim puni-
ta.*

*Hanfinium
capitur.*

At non diuturna quies ista fuit, sparso subinde, quanquam falso rumore, rebellionem meditari Hanfinium, insidiantem fastigio. Imperator, ut rem silentio ac procul omni turba certius exploraret; instituit imperii provincias obire, capturus Hanfinium. Et primum iter fuit ad regni Zu confinia. Ille ignarus calumniæ, nec male sibi conscius, cum paucis, ut assolebat, ad excipiendum Imperatorem adest, simul & capitur. Quem facti novitate defixum, ubi collegit animum nonnihil à stupore, sic locutum ferunt. *Quæ res hæc est? quæ causa? quæ ratio? Quasi timidum leporem in agro me cepit Imperator. Innocentem nec ullius criminis conscium esse, id mihi fraudi fuit. Quid mirum autem comprehendi obviam euntem lictoribus? At intelligo, quid agatur. Nimirum rapaces aves omnes extinctæ sunt, rebelles omnes devicti, regnis & imperio imminentes è medio sublatis. Iam arcus remissi, jam hebetata sagitta, jam imperium est sine bello. Quid multa?*

multa? non eget amplius Imperator opera mea. Et hoc est illud unum unicuique crimen; quia bello non ardet imperium, ego flammis dignus sum. Verum re diligentius examinata non infontem modo pronuntiavit Imperator; sed insuper Hoaigana urbis, unde ortus erat Hansinius, principatu excoluit.

Et absolvitur.

Tum ex illo sciscitatus, quantum exercitum ei videretur in officio continere posse? cum responderet Hansinius, non plus quam centum in illia; loquendi libertatem demiratus ille, Tu vero quantas copias credis posse te regere? Cui Hansinius: Quo plures, hoc melius regam; tu vero Imperator, quo plures duces habebis, eo melius diriges. Nam in cognoscendis regendisque magnorum virorum ingenii omnes tibi palmam ex merito concedunt. Sagaci dicto mirifice delectatum Imperatorem ajunt, in eo quippe placentem unice sibi, quod præ ceteris animos hominum felici contemplatione deprehenderet.

Argute dictum.

Deinceps Præfectis, qui sibi egregiam navarant operam in his bellis, præmia elargiri cœpit. Changleangum Lieu non procul ab urbe Pi distantis Principein renuntiavit; adjecturus alia loca, nisi recusasset omnia, contentus una Lieu civitate. Animi porro sui modestiam his admodum verbis eum explicuisse reperio. Quid de te meritis sim, Imperator, equidem ignoro; nisi forte consilio nonnihil adjuvi rempublicam. Ceterum facta, non perinde dicta majore aliquo digna præmio esse arbitror. Opera mea, quantumcunque fuit, sufficit pretium istius loci tributa dominatio; non alio merito, quam quod, ubi te primum utentem fortuna tum tenuiore, felix mihi casus obtulit, secutus sim partes tuas. Hac modestia colaudata, ceu convenit, Imperator Siahoum deinde ducem creat, maximas ei Zuonis oras attribuens. Tum Chinpingum Huyen regioni ducis etiam nomine præfecit. Hic eam dignitatem refugiens in Uuchium transinovere Præfectum instituit, ut ei gratiam referret, à quo se meminerat infimæ sortis hominem ad Imperatorem olim nomine qualiscunque scientiæ introductum fuisse. Quem nunc affarus, Optime Imperator, ait, si quid egi apud te laude vel præmio dignum; id Uuchio totum debeo.

Modestia Changleangi.

Mira modestia in recusandis donis.

Ille mihi aditum ad te molliuit ; absque quo si esset , inops fortuna periissem. Imperator hac grati animi significatione latus , Bono esto animo ! inquit ; ego non tibi modo , sed & Uuchio propter te multa debeo. Ducatum igitur accipe , quem offero ; nec Uuchio premia sua deerunt.

Liberalitas
obfuit Impe-
ratori.

Prudens con-
silium.

Hæc præmiorum distributio exitialis propemodum Imperatori fuit. Nam (ut fit , cum se omnes præmio dignos putant , nec , quod sperant , accipiunt) reliqui duces ubi se neglectos viderunt , in Imperatorem con-
furgere parabant , eumque morte multare. Sed *Changleangus* frementes jam ac minas in Imperatorem non obscure jactantes prudenti consilio compescuit. Suasit enim Imperatori , ut ex iis unum alterumve , quorum in rempublicam essent merita spe præmii sine contro-
versia minora , quamprimum remuneraretur. Sic enim & reliqui digniores , inquit , sibi reservata credent præ-
mia ; & saltem in tempus , dum rebus melius provideas , conquiescet mitigata seditio. Paruit huic consilio Impe-
rator ; & *Iungchium* quendam *Xefango* , *Gocanum* ve-
ro *Sapingo* , urbi utrique , principes imposuit ; magna ceterorum omnium læticia , nec spe minori. Sic peri-
culum evasit Imperator.

Porro reputans apud animum suum , *Cinam* fami-
liam adeo facile propterea extinctam fuisse , quia nul-
los è sua stirpe reges sibi tributarios fecerit , à quibus
auxilium sperare potuisset ; (excluserat enim arctiori
propinquitate sibi conjunctos ab ejus honoris commu-
nitione , ut dictum est) inducendam veterem reipubli-
cæ formam sibi duxit. Ergo filium natu majorem ,
cui *Kias* nomen , *Hingi* ; secundo vero genitum *Hiang*
dictum , qui dein hujus familiæ fuit Imperator à patre
tertius , *Tai* , reges creat. *Fium* autem nothum , quem
etiamnum adolescens ex obscura muliere genuerat , *Ci*
regem renuntiavit.

Dehinc statum imperii , jura , leges , aulæque ritus ac
cerimonias per *Xosunium* ordinavit. Cumque jam se
recte haberent omnia ; sexto imperii anno , qui fuit
ante Christum natum ducentessimus , iterum comitia
omnium Regulorum , Ducum , ac Dynastarum , Præ-
fectorumque majorum splendidissimo conventu ha-
bit.

buit. Ingenti pompa paratuque illos excepit. Ac tametsi, quicquid in regia occurrebat oculis, industria *Xosunii* ad summam magnificentiam exactum esset; Imperatorem tamen sola maiestate metum omnibus non sine arcano quodam venerationis affectu incussisse ferunt. Ipse quoque tanto suorum apparatu & splendore lætus, *Hodie tandem*, inquit, *experiri mihi licuit, quanta sit Imperatoris maiestas & amplitudo.*

Dum hæc geruntur ac per omnem Sinam recenti pace festisque gaudiis cuncta fervent; ecce *Tartari* superato repente muto magno ad agendum prædas irrumpunt in imperium per *Xansi* provinciam, ubi nunc *Taitung* est urbs munitissima. Imperator *Hansinim* illis opposuit; statimque ad arma ventum. Sed hæsit *Hansinii* deprehensa felicitas. *Tartaris* enim more gentis equitatu maxime valentibus cedere coactus acieque victus in urbem *Moyem* fuga pervenit. Ibi à *Tartaris* obsessus & ad ultimas angustias reductus super deditione cum hoste paciscitur sequæ urbemque tradens ejus arbitrio. Qua re cognita Imperator ipse in *Tartaros* movet. Edoctus autem ab exploratoribus, illos in valle *Tai* agere; denuo misit exploratores, qui de eorum viribus propius cognoscerent. *Maotunius Tartarorum* dux de his insidiis certior factus, optimos quoque ac fortissimos equites; exercitus robur in occulto latere iussit, imbellibus iisque paucis castra tenentibus. Exploratores, ut ad Imperatorem redire, victoriam in expedito esse renuntiant; paucos enim ac debiles milites habere *Maotunium*. Iamque versus eo tendebat Imperator hostem invasurus; cum *Leukingius* & ipse missus ad explorandum, rediit, Imperatori suadens, ne progredere tur his verbis. *Et si nihil apud Tartaros vidi admodum validum, quodque timere debeas; ego tamen haud facile crediderim, eos tam temere ingressos Sinam. Qui enim sine viribus Hansinim debellare potuissent, aut imperium nostrum incursare ausi essent? insidias timeo, exercitus robore fortasse consulto latitante; discernendum quidem non censeo, nisi prius certiora cognoscas. Optime suadentem Imperator increpitum etiam perdu-*

Tartarorum in Sinam irruptio.

*Tandem la-
besata
Hansini se-
licitas.*

*Bene monen-
tis calamitas.*

lem appellat, ut obstantem, ne *Tartaros* aggredieretur. Coniectus quoque in vincula servabatur supplicio, quod post victoriam eum manebat. Cujus spe plenus Imperator *Quangua* devicta *Taitung* ad urbem usque penetravit. Nondum totus advenerat exercitus; cum à *Tartaris* (quadringenta equitum millia fuisse scribunt) in *Petengo* monte, qua *Taitung* Orientem spectat, obsidetur. Quid hic ageret? quo se verteret Imperator? Vnum ei restabat effugium in muneribus. Hoc enim erat, quod semper in beatissima Sina quærebant *Tartari*. Promissa igitur ingenti vi argenti, Sinarumque sexus utriusque copia pacem emit à *Tartarorum* regina, quæ rerum potiebatur; simul etiam recepit *Hansinium*. Tunc exploratores priores omnes necari jubet; *Leuskingium* vero collaudatum à fide ac prudentia ducem *Kiensin* creat.

Quia vero tot bellis regia *Xensi* provincia fere exhaurta erat, raris indigenis, raris qui agros colerent; tale consilium successu favente cepit. E provinciis omnibus habito fortissimorum hominum delectu, eis unaque extinctarum familiarum posteris, quorum bona fiscus invaderet, domos & agros assignando ingentem incolarum agricolarumque frequentiam concivit. Supra centies mille familias affluxisse scribunt.

Posteaquam Imperator ad *Changan* urbem pervenit, palatio superbissime ac splendidissime ornato ab *Siaohoo* exceptus est, haud sine ipsius stomacho. Advertit *Siaohoum* quanquam obscure prodita indignatio, & Imperatoris domus, inquit, est totus orbis, ad quem comparatus hic qualiscunque splendor, ut à sole minora sidera, infuscatur. Si tanta majestati non par assurgat habitatio; minoris illa fiet, ac terroris, sine quo majestatis fulgor hebescit, expers. Non probant hujusmodi orationem præsertim è Philosophi ore Sinenles historici, agentes majestatem regibus à pietate ac justitia esse accessendam, ob solam virtutem & prudentiam metuendis: his orbem subjectum ac paventem habituros. Nunquam fando auditum, regem ob insanas substructiones suis formidolosiores aut pluris æstimatum fuisse. Satiùs futurum, si nimii sumtus impendantur egentium alio-

aliorumque subditorum bono. Sic demum omnes sui amantes habiturum ac fidos, quibus rebus maxime utitur imperium.

Dum hæc fiunt in hunc modum, *Tartari* Boreos tractus novis incursionibus vexant. Quibus malis ut tandem obviam iret Imperator; misso *Leukingio* duce cum *Tartaris* amicitiam & affinitatem conciliare aggreditur, *Tartari* regis filiam uni è filiis suis uxorem expetens. Quanquam Sinicus author hoc loco scribit Imperatorem egregie *Tartaris* imposuisse, *Tartari* regis filia non suo, sed mancipii cuiusdam filio nuptum data: indignum fortuna Sinica ducentem, vel ipsius *Tartarorum* reginæ connubia Sinam ingenuum ini-
re; multo autem indignius, Imperatoris filium. Est enim ita Sinicæ gentis ingenium, ut omnes nationes præ se nullas putet; de se una magnifice atque sentiat.

Fraus Sinarum in conjugio.

Imperator profectus iter suum *Chao* pervenit ad *Gaum* regem, cujus filio filiam suam uxorem desponderat. Arrham è more gentis dotemque *Chao* rex ad Imperatorem præmiserat; sed, nescio quamobrem in iis mittendis à solenni ritu modoque discessit, aliter quam expectarat Imperator. Qui proin iratus, acrisque verbis in *Chao* regem invehens, nec contumelia abstinuit. *Caus* & *Yuus* regii Præfecti ea re offensi, regi suadent, ut Imperatoris apud se commorantis morte se vindicet, læsumque jus hospitii. Rex vero non modo non eos audit; verum etiam de iniquo consilio castigatis silentium imperavit. Non adeo tamen occulta res fuit, quin cuidam *Cai* obtrectatori veniret in notitiam. Ille *Chao* regem *Caum*que criminatus apud Imperatorem odio suo impense litavit. Captoque rege cum illius criminis conscii Præfecti omnes adesse juberentur, mortem crudeliorem timentes, occupare voluntariam. Vni *Cao* fides in regem suum constitit; increpanti ceterorum ignaviam, scelestisque societatem fortiter execranti. Si enim nos ipsos occidimus, aiebat, quis pro rege nostro stabit? quis Imperatorem de illius fide atque innocentia docebit? Stirit ergo intrepide sese Imperatori; adhibita quæstione fas-

Captus rex Chao.

Cogitati scelesti confes-

sus ultrò datum ab se Imperatoris necandi consilium ; sed regem suum illud admittere noluisse. Confessionis istius certior factus Imperator misit alios , qui verum tormentis quærerent. Ibi *Caus* suspendens iudicium animos , *Quid ago ?* inquit ; *num pluris est mihi mei regis salus , quam mea , quam meorum omnium , quos ob crimen meum certus manet interitus ?* At enim plus apud me valet veritatis amor , quam timor privata calamitatis , cui me , cui meos exposui. Ego , ego fui , qui crimen hoc admisi ; ego cedis consilium dedi. Rex innocens est & usque in vitium Imperatori fidelis & obnoxius ? apud quem non fuit locus consilio meo. Admiratus tantam fidelitatem Imperator & *Caus* de tormentis , & regem dimisit de carcere. Hunc tamen de rege ducem iussit esse *Siuening* dictum. *Cai* vero fortuna provehebatur in sublimius , ad præfecturas etiam patente via , nisi seipsum odisset. Tunc enim , *Quod adhuc vivam* , inquit , *in causa est vita mei regis , à qua mea pendeat.* Hunc ut infontem , periculo liberum volebam. Postquam id obtinui vel meo periculo , quanquam felici nec adeo poenitendo ; libens tamen nunc latusque moriar. Nec enim iam exhausto rubore sum , ut Imperatori servire audeam , cuius perduellis audio ; nec alteri serviam , si servire non possum regi meo. Cum dicto spiritum sibi præciso gutture interclusit.

*Mors ultima
nec.*

Ceterum apud Imperatorem maxime gratiosus erat *Iuyus* de *Ciea* concubina , quam ante alias deperibat , filius. Hunc regno primum *Chao* donatum , jam in eo erat , ut etiam imperii successorem designaret ; excluso , quem jam elegerat , legitimo filio. In electionis versæ titulum istius valetudo viriumque tenuitas prætexebatur. Huic consilio cum obstarent magistratus omnes & Præfecti , nec exquisitis rationibus quicquam efficerent ; unus *Changus* , etsi ore blæso , ut ab incepto desisteret , tandem obtinuit. Qui audito Imperatore , *Indisertus sum ego quidem* , ait , *nec menti lingua paret in iis , quæ concepit , expræmendis ; at nunc non modo me natura vitium haud sinis ea , quæ vellem loqui , sed etiam ac multo minus animi commotio , non ferentis , ut Imperator meus tantum à recta ratione deficiat.* Hæc loquens ita verba perturbabat , ut vix intelligeretur ; illud

*Aequitas
etiam in blæ-
sa disertæ.*

istud unum ingeminans, *Hoc scio, non convenire*. Hanc & mentis perturbationem & hæsitantiam linguæ primum Imperator risit effusissime; sed ejus pertinacia victus, recepit se, quod suadebat, esse facturum. Itaque in præsens, magna omnium ac præcipue *Lienheue* matris lætitia propositum mutavit.

Sub idem tempus ad muri contra *Tartaros* extructi custodiam *Chinbium* ducem magno cum exercitu ire jusserrat, ex Australibus provinciis evocatum. Hic, cum ei transitus per *Hoaigan* esset, ad *Hansinium* divertit; quem prehensa ejus dextera, remotis arbitris, sic affatur. *Quousque marces, indormisque causa? Imperium virtuti tuæ debitum an negligis? Fortibus factis & gloria militari nemini secundus es; regni que tui milites sunt in armis omnes exercitatissimi. Quos inter, ut olim tuus miles, ita nunc quoque profiteor nomen meum; iturus, quocunque jusseris, sed in Imperatorem ante omnes. An inultam feres contumeliam, qua te non ita pridem affecit, in vincula conjectum ut perduellem, in quem nec suspicionis cadebat umbra? Mibi crede, nunquam salutis tuæ securus ages, quamdiu, te vivo, tyrannus times se vivere non posse. Quare magnopere tibi suadeo, ut rebus tuis in tempore provideas. Ego ad murum magnum opperiar, dum aliquid ibi moveas. Si militem contra te miseris Imperator; inibi vacuam *Xensi* provinciam invadam tuis auspiciis. Ita imperium, quod tuæ felicitati, tuis debetur armis, quæque annexa sunt imperio, in tranquillo erunt tibi. Non ingrata fuit *Hansinio* hæc oratio, sed dolo quam successu nobilior. De rebellionem quidem inter eos convenerat, ac plane actum erat de Imperatore, si laruisset conjuratio. Sed ex *Hansinii* famulitio quidam rem omnem latens audierat, & ad Imperatorem spe præmii nomen utriusque defert. Præcepit tunc ad exitum properabat annus Sini-cus; nec ausus Imperator aliquid tentare palam adversus *Hansinium*; dolum, quo sine armorum strepitu caperetur, adornavit. *Lienheue*am igitur mittit Imperatricem cum *Siaohoo* specie obeuntis suo nomine Sinam. Cum transirent *Hoaigan*, ubi agebat *Hansinius*, ab Imperatore de tota re bene docti; adest*

Hansinii gloria perfidia corrupta.

Chitruca-
tur.

ille, ut venientem Imperatricem exciperet ex officio, Sinarumque more faustum ei novi anni juberet esse principium. Ibi rei, quæ agebatur, incautus *Hansinius* à fortissimis viris in ejus exitium subornatis oppressus, sine mora capite truncatur. Ita tantus vir, cui acceptum Imperator ipse referebat imperium, tot victoriarum polluta laude, perduellis nota interiit. Imperator inter hæc ipse cum maximis copiis quasi *Tartaris* bellum moturus contra *Chinbium* ducem tendebat. Hic ubi se quæri ab Imperatore, intelligit; hostem professus palam ei resistit. Anceps erat Imperatori diuturnumque cum illo bellum, accepto etiam luculento vulnere; donec tandem interfectus *Chinbius* ad victoriam hosti, paulo ante Imperatori suo viam perfido sanguine signavit. Sic ingens imperii amittendi periculum Imperator partim prudentia, partim fortitudine discussit.

Quo autem tempore per *Leang* regnum ei transitus erat; *Pungyueus*, qui in clientelam Imperatoris ibi locorum coacceserat, ad illum excipiendum more solito non prodiit, impeditus valetudine. Dissimulavit tunc quidem ille neglectum obsequii; at rediens victor *Pungyueum* captum destinabat exilio, prius in ordinem redigendum regnoque privandum. Sed Imperatrici poena non probabatur, quæ sæviret infra mortem. Quare, ut è medio tolleretur, Imperatori suadens, *Impense vereor, inquit, ne te poeniteat haud multo post clementia tua. Pungyueum fortissimum belli ducem esse scis; quem offendisse juxta & vita donare, quid est aliud quam hostem in seipsum armare? Nunquam enim odisse te desinet semel offensus, nec ante quiescet, quam ultus fuerit exilii probrum, perpetuo rerum tuarum, nisi pereat ipse, periculo. Quod ut antevertas ejus maturanda morte, magnopere tibi etiam atque etiam sum author & hortatrix.* Muliebri consilio victus Imperator infontem ac bene de se meritum ducem illico necat, ejusque caput tanquam perduellis, in urbis *Loyanga* foro spectandum facit; illum cum *Hansinio* & *Chinbio* rebellionis consilium iniisse prætendens. Antequam hæc fierent; *Pungyueus Luonpium*
Præ-

Infantis regis
cadet femina
sua su.

Fides Praefecti
in defunctum.

Præfectum, virum facundissimum, legatum ad Cī regem miserat. Is rediens ubi cognovit regem suum occisum, & in ea, quam diximus, urbe resectum illius pendere caput; eodem vertit iter, flexisque genibus ante illud tabo rubens, suæ legationis exitum, magno cum ejulari ac lacrymis exposuit. Id cum significatum esset Imperatori; *Luonpum* capi jubet.

Qui cum intelligeret è vinculis ad flammās se protrahendum; in Imperatorem detonuit. *Liceat mihi pauca, quæ si absolvero, lubens moriar.* Cum *Lo-yang* inter atque *Chincao* ab *Hiangyo* arcta obsidione tenebaris; absque *Pungyueo* fuisset, nec vitam nec imperium haberes. Ille salutem, ille imperium obtulit tibi; præclare alias etiam de te meritis, de quo nihil in præsens attinet dicere. Quid igitur? *Hanfinium* ab huius communione laudis excludo? minime; sed hoc dico, futurum, ut si tales viros nulla de causa, nisi ficta & commentitia tam male tractas, reliqui omnes, quorum virtus tibi suspecta esse potest, sibi timeant, & rebus suis melius, quam *Hanfinius* ac *Pungyueus* rex meus fecere, provideant. Quis enim dubitet? quis non videat, idcirco illos à te occidi, quia, quorum virtute ac fortitudine jam non indiges, eos formides? Cave, Imperator, cave, si tibi diuturnum imperium est cordi, ne deinceps in hunc modum sævias. Hac sunt illa pauca, quæ te volebam non ignorare; de cetero facies mecum quod voles, non minus parato mori, quam vivere. Fulminatus improvisa expostulatione Imperator diu stetit; ubi vero collegit animum, accurrit, solutumque vinculis *Luonpum* ad honores invitavit.

Luonpum vera locutum mox *Kingpus Hoaigan* rex ostendit. Videns enim Imperatorem fortissimis quibusque ducum suorum necem offerre fictis etiam causis; ne sævitix valescentis exemplum ad se quoque pertineret, fortunam experiri voluit, aut interimere certus aut interire. Itaque aperte in Imperatorem rebellis, recta Boream versus tendit, intactas nullaque vi tentatas Australes provincias relinquens à tergo. Sed præcipiti consilio seipsum egit in fraudem. Quippe Imperatoris Præfecti, qui curabant in Austr-

*Nova rebel-
lio.*

libus provinciis, collectis copiis omnem ei commea-
tum intercluserant; & Imperator magno cum exer-
citu progressus obviam, prope Ki urbem nil tale præ-
tententem fudit ac fugavit. Et quamvis Kingpus exces-
serit vivus è proelio; post tamen haud multo, quam
nuspiam apparebat, quo se reciperet, occurrentibus à
Borea & Austro copiis, captus & occisus est. Memo-
rant Imperatorem audita ejus rebellionē sciscitatum à
suis, quoniam conferret hostis iter suum; cui cum ef-
set responsum, eum recta Boream Xensique provin-
cias petere per montes, Imperatorem dixisse. *Salva
res est! cur ipsum timeamus, nil habemus; habuissimus,
si provincias Australes invasisset, facturus haud paulo
majus mihi negotium. Nunc ubi secus ab eo factum; vos
bono este animo, jamque devictum captumque ne dubitate.*

Ex hoc proelio redux in morbum incidit Impera-
tor; cujus ingravescente vi postquam se vicinum
agnovit esse, ne vacuum relinqueret imperium, *Iu-
yung* è Ciea gratiosissima concubina filium, ejus pre-
cibus victus, successorem denuo declaratum ibat. In-
tercessere magistratus omnes præpostero favori; do-
centes, quam male successisset olim idem audentibus,
quantaque inde imperio impenderent mala, sed nullis
consiliis aures ejus patuere. *Liuhena* imperatrix pro
filio suo maxime sollicita *Changleangum* rogat, ex-
cogitaret præsentī malo remedium, haberetque curæ
filium suum. Ille rem ex more gerens perite, atque
callide, Imperatricem alloquitur in hunc modum.

*Idoneo consi-
lio procurata
legitimi he-
redu succes-
sio.*

*Iam agendum est non dictis, quæ Imperator non cedit;
sed factis. Si tamen audire pauca potes; rei componendæ
modus hic occurrit mihi. Quatuor è Philosophis nobilissi-
mi ob Cinæ familiæ bellorumque motus ac tempestates ab-
didere se villis, quo tutius atque ab armorum strepitu
remotius in studiis suis latere possint. Tu tantum Ingio
tuo filio suade vel impera, ut eos honorificis literis invitet
ad se docendum; reliqua mea cura sunt. Mox ad illos
profectus, de Imperatoris consilio præmonitos ro-
gat, nec hoc onus Imperatoris filium docendi susci-
pere graventur; hoc enim reipublicæ atque adeo to-
tius orbis interesse. Illi omnia se facturos recipiunt;
statim-*

statimque Principis epistola eis traditur cum muneribus. Quam Philosophi secum ferentes, ad *Imperatorem* adennt, eumque monent ab *Ingio* se litteris invitatos, libenter, quod ejus pace fieret, quamcunque possent Principi laturus opem. Imperator veneranda canitie ceteroque Philosophorum cultu commotus, eorumque nomina sciscitatus, *Adhuc*, ait, *optimi viri, meum servitium fugientes in vestris villis latuistis; nulla vestra culpa, sed mea. Nimirum ego vobis dignus non eram. Invideo plane sorti filii mei, à quo invitati ad-estis. Felicior est ille vobis praeceptoribus, quam ego sceptris fui. Sed quo pacto vos invitaverit, scire aueo. Nec enim unquam esse credidi tanti consilii filium meum.* Illi prolata epistola, *Filius tuus*, inquit, *pius est & obsequens, literarum hominumque doctorum amans. Omnino felix imperium nostrum erit, si tibi succedet ille, à quo totius orbis pendet bonum. Nos sane, quescunque licebit artibus eum ad omnem virtutem atque doctrinam informabimus. Sic eum docti omnes amplectentur, & tanquam ad literatorum asylum confugient.* His dimissis Imperator *Cieam* concubinam vocat, & *Ingus*, ait, non quaerit imperium; sed imperium quaerit *Ingum* supplicem purpuram offerens renuenti. Quod igitur saepe promissi tibi, jam praestare non est in mea manu. Nam ecce! qui sapientiae laude florent, omnes *Ingum* dilaudant & amplectuntur; quorum exemplum rotus sequetur orbis, ego unus omnibus contravenire nequeo. Hæc locutus *Ingum* imperii successorem postlininio delinavit, haud mediocri omnium lætitia.

Inter hæc etiam *Siaohous* levissima de causa captus ab Imperatore, mortis periculum vix effugit. Sallentem debnit Imperatrici; à qua, ut amicus, inprimis amabatur. Causa vero, quod adeo repente gratia exciderit, non tam ad aliquod *Siaohoi* crimen est, quam ad antiquum Sinarum morem referenda. Semper enim hoc habuere gentis hujus Imperatores, habentque nunc etiam, ut nihil faciant subditos suos, tractentque non secus ac mancipia, quoscunque magistratus gerant gesserintque. Cum enim imperium omne sit penes unum; fortunarum omnium se, vitæque ac necis

*Subditi Sina
ab Imperatore
vuliter ha-
bentur.*

necis dominos esse credunt. Hinc nulla nobilitas, nulla dignitas adeo procedit, ut non pendeat ab Imperatore; nec ulli hominum generi licet ex infima plebe clausus est ad summos honores aditus, Imperatoris unius apertus voluntate. Vnde ab omnibus Numinis loco colitur, velut à quo pendeant omnia; valida in terrorem maiestate metuendus. Hinc ergo fit, ut levissima sæpe de causa etiam bene meritos exuat summo quoque munere, alios morte multet, eos præcipue, quorum fortitudo bellicque pericia potest aliquando tenui quamvis indicio timeri. Sola meretur indignationem suspicio. Non ignotum id militum ducibus; quæis proinde, præsertim potentioribus, multorumque militum Præfectis, non minus est fluxa fides in Imperatorem, quam in se illius æquitas, è cuius obritu materiam rebellionis ut plurimum arripiunt. Nam si devictis hostibus militem dimiserint, vix mortem se præsciunt evasuros; ad quam merendam satis est, præclare fortiterque factis eo pervenisse, ut timeri queant. Hinc belli temporibus in Sinis audiuntur continuæ rebelliones; & quanto quæque atrocior, tanto audacius à quoque, nulla fidelitatis habita ratione, cœptatur.

Cum jam in ultimis esset Imperator, Luheua visens eum, Scio te uno, optime Imperator & Coniuncte amantissime, inquit, in dignoscendis hominum ingeniis ac naturæ dotibus neminem adhuc prudentiorem fuisse. Quare abs te scire aveo, cui post Siahoum è Præfectis Colai dignitatem destines. Is enim non diu vivet, usque te senex; & fortasse nostro malo. Tunc Imperator, Proximus, ait, ei Zaofanus succedito. Post hunc Uan-glinus id munus administrato, dispartita tamen ipsum inter & Chinpingum potestate. Cave, ne penes hunc unum sit ab Imperatore proxima dignitas. Summa est in illo vis ingenii, rerumque prudentia nimia, & hoc ipso suspectanda. Super hac est homo arbitrii sui, nemini cedens, & hinc magis idoneus reipublicæ perturbanda, quo prudentior. Est omnino maxime prudentia, uti prudentia scire, ac sine huius abusu, alterius magis inniti, quam sua sententia. Solus quidem difficulter administrabit imperium; sin aliud potest pati, quod posse debet, qui sit illi quasi

quasi pro fratre, succedent omnia ex voto tuo publicoque. Nec alium ei facile parem invenies. Non multo post hæc verba, prudentiæ plena, ut in loco referemus, moritur *Lienpangus* Imperator, inter humanæ felicitatis exempla merito numerandus. Nam per varios casus ad imperium Sinicum evasit à latrocinio; non sane tam diuturno illius fructu, quam usquequaque tranquillum id habere cœpit. Cumque laboraret à nepotum ac filiorum successione; nova tamen ipsius aspiciis Imperatorum familia succrevit *Hana* dicta, quæ triginta continuos successores habuit. Quam felicitatem etsi rebellionem bellaque varia subinde acciderint, imo & ipsius denique imperii partitio; sexaginta tamen supra quadringentos annos & amplius imperatoriam dignitatem tenuit, quod deinceps docebimus. Ceterum *Lienpangus* à suis prolixè dilandatur, multas ejus virtutes narrantibus; nullo vitiorum oblâsas confusio, nisi nimirum in eo luxum damnarent. Quippe magnifici apparatus, vitæque cultus cum voluptate præcipuis ei deliciis erant.

SINICÆ HISTORIÆ LIBER OCTAVUS.

I. IMP. HOEIUS.

Imperavit annis VII.



Lienhena legitima uxore, Physiognomi filia, *Lienpangus* hunc primum filium susceperat; ubi per manus imperium accepit à patre, dictum *Hoeium*. Hic moderatiõe, magnanimitate ac præcipue comitate insignis fuit. Sed bonam illius indolem reliquasque virtutes duo mirum in modum scelerant, effrenis libido, nimiaque in matrem indulgentia. Illa in florenti adhuc ætate extinctus emarcuit; hac mater susque deque habuit rempublicam. Quippe cum senectute probra quæque ac flagi-

Cyclo 42. anno 44. ante Christum 194.

tia induit; seu potius, quæ vivo *Lienpango* occultabat, aperuit, filio nunquam auso cohibere vel emendare matrem. Quæ proin exemplo sane pessimo ad suum unius arbitrium libidinemque res imperii administrabat, Præfectos officiis exuebat, vel necabat, alios ad priini nominis etiam præfecturas extollendo.

*Imperatricis
sævitia.*

Hæc igitur *Liuhena* sive filii erga se pietate, sive obedientia, ut Sinæ loquuntur, potentiaque abutens documento fuit, nihil mulieris ira sævius esse, nihil perulantia flagitiosius. Quippe facultatem ultionis nacta, conceptum jam pridem odium in *Cieam* concubinam ejusque filium evomuit. Primo itaque *Cieam* in palatio commorantem capit & in quodam conclavi clausam servat. Deinde Imperatoris nomine mittit, qui filium ejus *Iuyum Chao* regem advocarent; At ille ter vocatus, ter venire recusavit. Denique tamen paruit; verens, ne in Imperatorem rebellis audiret, cujus nomine vocabatur. Imperator, qui causam adventus ignoraret, ad se officiose invisendum venisse ratus, tanquam fratrem omni vicissim honore ac comitate, quin & regali convivio perquam liberaliter excepit, *Liuhena* in omnem interim ejus necandi occasionem vigilante. Quæ quidem subinde se obtulit in hunc modum. Forte summo mane Imperator ad emittendas sagittas in hortum descenderat; cum negotium dat Imperatrix Præfectis majoribus, ut *Yuyo* epulum palatio instruerent. Ibi cum large se invitaret potando, per subornatum à *Liuhena* famulum repente præcipitique mistum veneno poculum propinatum intrepidus hausit. Nec diu factum; & vi veneni se in omnes corporis partes insinuante, ibidem mortuus jacuit. Ajunt Sinæ, cujusdam alas aviculæ, quam *Chin* dicunt, vino mistas, è quibus dispulveratis durum sit toxicum nec ulli medicinæ cedens, ei concivisse mortem.

Tum, priusquam Imperator ex horto rediret, in *Cieam* grassata matrem, detruncatis ejus inanibus pedibusque, præcisit auribus, effossis oculis, toxicoque per vim infuso loquela miseram privat. Ita sordatam in palatii latrina jubet habitare, nec aliter ac suam ab
omni-

omnibus & re & nomine tractari. Ex quo discas mulieris odio, postquam nacta vires est ac potentiam, nihil esse impotentius.

Imperator ab exercitatione corporis rediens, ubi dira matris facta, Cieamque patris sui delictum adeo miserandum in modum deformatam audiit; indoluit vehementer, ubertimque flevit ac tanto animi cum impetu, ut in morbum inde delapsus fuerit, è quo nonnisi post integrum annum convaluit. Vocatam igitur matrem corrigere quidem vel increpare non est ausus; sed ita eam alloquitur. *Reprehendere te, multo minus penas à te mihi licet expetere. Filius tuus sum; in matrem impius esse non queo, nec, si queam, velim. Magno tamen opere tuis factis indoleo, quæ sunt homine prorsus indigna. Sed quando fas non est filium imperare matri; facio, quod possum, & jam nunc imperio toto me abduco, ne à me talia vel facta vel permissa credantur.* Neque fecit aliter ac dixit; matrique commissa rerum summa, se voluptatibus ipse vinoque dedit in tantum, ut utroque se vitio demum enecaverit. Merito reprehensus à Sinicis scriptoribus, & quod matris flagitiis obviam ire nescierit, nimiam ei potentiam permittendo, & quod relicto reipublicæ gubernaculo, voluptatis ipse mancipium factus fuerit.

Inter hæc *Fius* Ci rex, cognita fratris ægritudine ad eum consolandum adest; exceptus amantissime. Frater enim, licet ex alia matre, Imperatoris natu major erat. Cumque apparasset ei convivium; primum in accumbendo locum ætatis prærogativæ detulit. *Liuhena*, cui post infanda parricidia nullum erat inter fas nefasque discrimen, invidia ringebatur. Itaque venenatum ei poculum propinat ac mortem. Suboluit tamen impia fraus matri Imperatori; neque dubitans, toxico dilutum esse poculum, quo matrem in posterum abstergeret à simili scelere, accipit ipse poculum, ebibiturumque fingit. Exhorruit nimium quantum *Liuhena*; advolansque illud è filii manibus ereptum in terram effudit. Ita meditatum scelus patuit. *Fius* autem ocyus ex aula se proripuit, in suum regnum revertens.

Altero Imperatoris istius anno morte decessit

Siao-

*Imperator
matris cru-
delitatem
improbabat.*

*Imperii cu-
ras deserit.*

*Periculum à
fratre inge-
nio aver-
sum.*

Siaohous, ingens illa stirpis hujus columna. Gratia & dignitate, qua florebat, magnas potuerat modo vellet, opes colligere. Verum spreis omnibus etiam *Zuon* ditionem, quam accepta fiducia tenuerat, sponte reliquit, humilique tecto contentus procul à pompa, procul à divitiis ætatem exegit. Admonitus ea de re ab amicis, atque ut filiis suis prospiceret, rogatus, Si filii mei ac nepotes, ait, probi & sapientes erunt; eis pro magistra erit hæc moderatio & frugalitas mea; qua commise nihil unquam illis deerit. Sin futuri sunt mali; unum id illis non relinquam, quo peiores evadant, quorū demum insidiis ac vi salutem suam nudent. Secura paupertas est cum probitate; divitiæ quanquam eadem commise, periculosa atque ab exitio proxima; si vitiiis fomitem supeditent.

Erat *Siaohoo* jam inde à puero summus cum *Zaosano* usus. Hunc ergo, quem probe nosset, de successore interrogatus, *Colaum* nominavit. Quam dignitatem ei *Lieupangus* quoque moriens prælagio destinavit. Neutrum sua spes fefellit. Nam *Zaosanus* illius vestigiis insistens, eum magistratam pari cum laude gessit, prorsus alter *Siaohous*. Quæ res mire populum affectat, qui multis carminibus exultans ei gratias egit.

Anno imperii tertio Imperator sororem suam ex alia matre *Tanyu Tartarorum* regi nuptum dedit. Quanquam Sinici scriptores tradunt, quæ superbia gentis est indignum sua felicitate putantis, id fastigii puellam cum *Tartaro* jungi, unam ex iis, quæ serviunt in palatio, fuisse. Quia vero *Liuhema* pro dote non tantum dedit, quantum expectabat *Tartarus*; acerbis ac refertis contumeliis ad eam scripsit literas. Excanduit vehementer superba mulier, & continuo bellum in *Tartaros* imperavit. Nec defuit furioso decreto *Sanquains*, qui operam suam offerebat, promittens se cum centum armatorum millibus vastaturum *Tartariam*. Contra quem consistens *Kipus* unus de Præfectis, Na tu morte dignus es, qui talia jactas, ait. An non meministi, quo tempore *Lieupangus* Imperator obsidebatur à *Tartaris*, te militum ducem trecenta millia
sub

*sub signis tuis habuisse? si tunc tamen nihil effecisti, si ad-
eo Imperatori suppetias non tulisti, ut redimere cogeretur
auro salutem suam; contra eosdem hostes jam cum cen-
tum millibus quid facies? Hinc ad Lieuhenam versus,
Tartarorum verba se non plus, inquit, quam belluarum
voces movere debent. Siquid boni promant, haud magni
faciendum; nec, siquid mali, multum dolendum. His à
superbo Præfecto auditis Imperatricis ira utrunque
intepuit.*

Anno quinto *Zaosanus* summus Præfectus diem
suum obijt. Huic anno sequente duo simul suffecti,
Uanglinius & Chimpingus, ita prorsus, ut moriens *Lien-
pangus* prædixerat. Eodem anno decessit etiam *Chan-
gleangus*, vir consiliis imperatoriis inclutus, & de hac
familia bene meritus in primis. Denique anno imperii *Mortuus*
septimo ipse *Hoeius* Imperator etiam vitæ ac libidini *Imperator.*
sue finem imposuit.

Interim *Lieuhena* stabiliendo sibi sceptro, quoque
securius gubernaret, quotquot poterat è suis consan-
guineis ad summos honores evexit. Ea res totum fe-
re turbavit imperium. Et primo quidem *Liuzanum* ac
Lintayum duces militum creavit, id potissimum spe-
ctans, ut metu Præfectos alios contineret in officio.
Præterea, nequis alius è *Lieupangi* filiis in imperio suc-
cederet, cujus summa penes ipsam, ut aviam, esset no-
mine tutelæ; per simulationem destinabat illud *Yeo*
cuidam adhuc infanti, quem ab infimæ sortis mulier-
cula genitum, at à se suppositum, demortui *Hoeii* pro-
lem mentiebatur. Hunc, è medio sublata ejus matre,
ne staus manaret in vulgus *Hoeii* nurui alendum dedit.
Struxeratque tanta solertia dolum, ut nunquam inno-
tuisset hominum ulli, nisi rem ipsa postmodum publi-
casset, eodem *Yeo* supposito Imperatore occiso, ut
paulo infra docebimus. Ab hoc ergo tempore Sinis
mulier imperavit annos octo, quod jam narrare ag-
gredior.

Fraus Imperatricis & crudelitas.

III. IMP. LIU HEUA.

Imperavit annis VIII.

Cyclo 42. an.
51. ante
Christum
187.
Femina Si-
niæ imperat.

HÆc mulier; cui nihil dulcius imperio unquam fuit, non contenta plurimos consanguineorum ad summos magistratus ex infimo loco extulisse; creandis insuper aliquot regibus animum intendit. At *Uanglinius*, ut erat iusti tenax, obstitit huic consilio, quod diceret, regnum, nisi ex *Hana* imperatrice familia ortus esset, concedi posse nemini. Omnes enim Præfectos à *Lienpango* iussos in hæc verba jurare, omnes promississe, arma contra illum, qui aliud tentaret, esse sumturos. Hæc loquendi libertas *Uanglinio* causam necis attulit. Vicerata namque Imperatrix *Liuis* mandavit, ut eum interficerent. In cuius locum subrogatus est *Pous Chimpingi*, qui adulandi vanitate gratiam non mediocrem inierat à *Liuhæua*, socius. Tunc igitur ad *Chimpingum* versa, quænam ipsius esset de regibus sententia, scitatur. Ille non tam quid sentiret ipse, quam quod Imperatrici placere sciret, expromens, *Imperator maritus tuus dum viveret, ait, ea fecit, quæ ad stabiliendum imperium tenendumque spectare videbantur. Modo tu clavum tenes imperii; quem torquere, quo velis, est in tua manu. Breviter! quod libet, licet.* Lætis auribus accepit hæc Imperatrix, & aliquot de consanguineis reges fecit, beneficiario jure tamen sibi obstrictos.

Sed una res eam maxime sollicitabat ad timendum sagacem, nec immemorem injuriæ, qua *Ci* regem afecerat. Quem, posteaquam pro eo ac destinarat, necare non potuit; placare ac devincire sibi constituit. *Changum* igitur illius fratrem dignitate ducis ex cultum, aliquot propugnaculis etiam gubernatorem præfecit; ignara, quam tetrum sibi suisque foveret anguem. Nam ab hoc *Lina* potentia viresque factæ viam ad interitum toti *Liutorum* familiæ laxavere.

Anno imperii quarto ubi suis rebus satis provisum, firmatumque imperium credidit; *Yem* admodum puerum, cui sacramentum jam dictum erat, occidi jubet,

Suppositi-
tium hære-
dem occidit.

jubet. Ad causam necis imprudens ei suffecit ætas. Quippe septennis tunc *Xeus* noluit illam aviam suam agnoscere, nec reginam matrem seque nepotem nominare. Hoc tempore tantum potentia *Linæ* familie creverat, ut eorum superbia insolentiaque contineri non posset ab aliis magistratibus. Omnium tamen flagrabant odio, quærentium undique occasionem eos reprimendi atque ad modestiam revocandi; præcipue fidos inter Præfectos ea de re sæpe multumque in medium consulebatur. Tandem *Changus* dux primus ad vindictam prorumpens, in convivio unum è *Linis* nobilioribus aggressus, quia cum insigni aliorum contemptu superbissime loquebatur, ipse sua occidit manu. Jam bellum *Liubeam* in *Changum* *Fium*que *Ci* regem parantem, inopina mors & ipsam & *Cium* oppressit. *Siangus* *Cii* filius patri suffectus in regno, paratis utrinque jam armis pugnandi facultatem non omitte-
 tendam ratus, apertum bellum *Linis* infert. Contra quem *Liufanus*, supremus militum dux *Quoningum* legatum suum cum potenti exercitu mittit. Qui posteaquam audiit, *Siangum* non imperio, sed *Linis* infestum esse; cum eundem animo occultaret affectum, tum copiis omnibus ad *Siangum* defecit. Ea res *Linæ* familie fautores omnes ab illa distraxit. Iamque *Chimpingus* etiam ac *Pous* maximi Præfecti ad defectionem spectabant; nisi à *Linis* vi retinerentur. Quare ut à *Ci* rege gratiam inirent; ipse *Linam* familiam, quam adhuc foverant, occupato regis adventu perdere constituunt. Itaque, quam possunt ingenti collecto exercitu, tanquam *Siango* bellum moturi; omnes è *Linæ* familia ad communem hostem debellandum invitant. Adsunt illi sane quam frequentes; omnibus paratis ad pugnam, *Pous* ad milites versus, *Vestram*, inquit, o milites, fidem & animum prius explorari placet, quam cum hoste manus conferamus. Si omnino pro incolumitate *Linorum* pugnare decretum est vobis, dextrorsum abite; sin *Hanæ* familie partes mavultis defendere, sinistrorsum. Mirum dictu! ne unus quidem miles oram dexteram petiit. Tantum erat omnium in illam familiam odium ex insolentibus eorum superbisque

Explorata
 militum
 studia.

*Luiua fami-
lia extincta.*

bisque factis. Tum Pous immotos excitans, *Postquam ergo nulli vestrum placet, ait, malam causam sequi; agite, in Liuos irruite, necate omnes, & odia, quæ merito in eos exardeſcitis, illorum cruore exstinguite.* Ab extrema dicti parte ruunt milites, & quorquot à *Liuis* aderant, è vestigio necant. Deinde mares omnes ac feminae, pueri ac puellæ sanguinis ejusdem undique conquisiti sunt & morte multati. Pous ubi prima processere tam feliciter, legatum ad *Ci* regem, qui jam proxime ab erat, mittit *Liuorum* interitu doctum, monet, ut exercitum reducat. Quem enim alioqui crediturum, arma duntaxat eum contra *Liuos* summiſſe, ac non potius ambire imperium? istud autem non usque adeo infelix esse, quin fortibus etiamnum abundet fidisque Præfectis. Paruit bene monenti *Siangus*, & cum *Chango* domum revertitur. *Quoningo* quoque cum exercitu, quicum defecerat, in regiam regresso, Præfecti omnes, jam à *Lina* familiæ posteris nil metuentes, agunt de Imperatore eligendo. Quem cum leges nonnisi ex *Hana* arceſſerent; *Hium Lieupangi* filium, secundum *Tai* regem missis legatis invitant. *Venius* ei nomen erat; qui & familiæ jure Procerumque in se benevolentia libenter usus, ubi venit, omnium consensu Imperator est renunciatus.

IV. IMP. UENIUS.

Imperavit annis **xxii**.

*Cyclo 42. an.
59. ante
Christum
179.*

Pietas, aliarumque virtutum studium, & præcipue in parentes observantia imperium *Venio* dedit, exclusis aliis fratribus. Nam ob has maxime artes est electus à magistratibus. Nec minus bellica quoque virtute claruit; repressis, ut in loco referemus, *Tartaris*, imperium identidem ad prædas agendas involantibus. Ut primum habenas imperii tractare cœpit, summam *Chimpingi Paique* præfecturam denuo ratam esse jussit; *Quoningum* aulæ magistrum declarat. Post menses aliquot à magistratibus rogatus, ut *Kium* filium imperii successorem designaret; ita respondit. *Quantum filio meo defertis, eum destinando scepitis;*
tantum

tantum mihi detrudere de mea virtute, qualis eacunque est, videmini. Probi enim Imperatores ac sapientes non filius, sed sui similioribus, hoc est, sapientibus cedunt imperium. Tanta spes U & Hoaigan reges, fratres meos manet; his, si virtutem amaverint, imperium post me debetur. Urgent illi nihilominus, non ante desistentes, quam cederet consilio. Hinc epim pacem imperii pendere, hinc turbarum omnium extinctionem; nec ea nunc esse tempora, quæ olim, cum hominum simplicitas imperium sapientioribus ac virtutum sectatoribus deferret.

Altero potestatis anno *Teiam* conjugem legitimam imperatoria corona, solemni pompa insigniit. Memorant hanc modestissimam fuisse feminam, morum elegantia & comitate inclytam. Concubinis, quod mulieres non facile ferunt, eundem honorem, quem sibi haberi voluit; nulla obtrectatione, nulla invidia, ut fit, anxia. Nunquam etiam à marito imperatricis prærogativam ac titulum ambiit, liberum ei relinquens, quam vellet, extollere. Quin & Imperatricem jam renunciatam, Eunuchis ceremoniarum præfecto iratam fuisse scribunt, quod in convivio *Xinam* Imperatoris concubinatam iusserat humiliori loco accumbere. Verum perbelle se purgavit Eunuchus, hoc omnino convenire dicens, ut concubina sedeat humiliter, ne *Liuheue* Cæque renovetur exemplum. Tum *Xina* locum humiliorem ultro petiit, Imperatrice tandem consentiente. Cujus iram in Eunuchum magisne mirer an illius modestiam, quam nec Imperatricis urebat gratia, nec familiaris & sæpe vitiosa mulierum æmulatio, non facile statuerim.

*Modestia
Imperatri-
cis.*

Habebat Imperatrix fratres duos, *Quangyueum* & *Changkiunium*; quos Imperator tanquam consanguineos multis terris donare volebat. At illi maximam partem recusantes, solum quantum ad vitam honeste tolerandam sufficiebat, voluerunt admittere. Erant ambo Philosophi virtute ac scientia ævo suo inclyti; cumque summas etiam Colai dignitates promererentur, adduci tamen haud potuerunt, ut eas admitterent. Timebant, ne alii Præfecti criminerentur, idcirco

*Recusati ho-
norer.*

tantis honoribus auctos , quia fratres Imperatricis erant ; quæ ad instaurandum *Lina* familiæ exemplum facilis erat via.

*Imperatoris
benignitas.*

Vere primo , ut Imperator suum in populos ac subditos amore animique commiserationem ostenderet , convocatos magistratus omnes alloquens , *Nunc anni placidissimum est tempus* , inquit ; *nunc sol arbores , plantas , & quicquid vivit , latificat , ut cum calo hilarata esse omnia videantur . Sed in communi rerum omnium lætitia multos è subditis meis video , qui malis oppressi , consenescent . Senum præcipue me miseret , qui nisi sericis vestiuntur , algent ; nisi carne vescantur , esariunt . Ego igitur , quo subditi mei me non solum ut dominum timeant , sed etiam ament ut patrem ; illis non secus ac filiis providere cogito . Quare de meis tributis per totum imperium omnibus aetatem octoginta annorum superantibus carnis libram in singulos dies pendi volo ; præterea quotannis serici gossippique libras ternas . Adhæc , quæ patet imperium , tributorum dimidiam partem remitto ; captivos autem omnes libertate dono .*

*Ejusdem
frugalitas
rarum
equum recu-
sas accipere.*

Quo magis autem huius Imperatoris comitas ac simplicitas patefcat ; juvat hic adscribere , quod de eo traditum reperio . Memorant enim eodem tempore adductum esse generosissimum ac miræ velocitatis equum , qui viginti quatuor horarum spatio quiverit mille Sinica stadia conficere . Quem cum Imperatori obtulissent ; tunc ille , imperii vexilla & insignia , inquit , cum iter facio , me præcedunt ; currus & equites sequuntur . Iam si velocissimo infideam equo , famulitium utrumque vexem necesse est . Nam & illos superabo , qui præcedent ; quique sequentur , multo minus poterunt assequi . Solus autem si præcedam , quis non vider nec majestatis à me nec securitatis haberi rationem ? quæ igitur nec mihi necessaria sunt , & famulis meis insuper molesta , non accipio ; edicoque jam nunc , nequis in posterum ad me muneris loco quicquam afferat ejus , cui sola raritas pretium facit , usitatis contentum atque communibus . Multa alia de huius Imperatoris simplicitate ac frugalitate narrantur . Quale illud , quod omnia vasa testacea voluit esse in pa-

*In cultu &
suppellectili
modestia.*

in palatio; nec imperatrici neque concubinis discolors vestes vel acu pictas permittebat. In palatio præterea nil quicquam passus est, ut Præfecti volebant, aut innovari aut addi; suorum se parentum domo contentum esse dictitans. Nec enim ulla re meliorem se illis, ut habitaret, quam illi, magnificentius.

Eodem anno, qui fuit ante vulgarem Christi epocham supra centesimum octogesium octavus, visa est in Sinis memoranda solis defectio; quo mense, non est proditum.

Anno imperii tertio *Hoainan* rex *Changus* ad Imperatorem salutandum venit. Hic cum in urbe regia in *Xinxekium* ducem, cujus odio jam inde à puero imbutus erat, forte incideret, impotens animi, stricto eum ferro interfecit. Hujus odii causa paulo altius est repetenda. *Changum* Imperatoris fratrem *Lieupangus* è formosissima muliere suscepit; à *Chao* rege ob raram formæ pulchritudinem Imperatori missa. Hanc *Lieupangus* *Liubena* irritandæ metu servabat in occulto, furtivis indulgens amoribus. Non fallebat ea res *Xinxekium*; qui *Liubena*, cujus gratiam prenabat, quidquid ejus erat, aperuit. Illa; ut erat iræ, præsertim æmulationis accedente insania, impotens; nihil intentatum reliquit, quo mariti amasiam è medio tolleret. Sed hoc agebat, quam poterat occultissime, ne si quid resciret Imperator, illam alibi tutam servaret. At enim occulta licet; *Liubena* tamen insidiis patebat, ubique ad mortem quæsitæ. Demum ubi filium enixa, capsula clausum per certos homines ad Imperatorem misit; tum ferendis, quæ ab Imperatrice continuo vexabatur, molestiis impar, sua sibi manu vitam exhaustit. Imperator ut illius morte vehementer indoluit; sic filiolum semper amavit, & cum cura enutritum tandem *Hoainan* regem creavit. Hic est ergo *Changus*, qui matris mortem ulturus *Xinxekium* occidit. Post cædem in tutum fuga se recepit, insalutato Imperatore. Culpæ tamen aliquanto post facta gratia rediit ad regnum suum; ubi de obtinendo imperio consultare cœpit. Sibi enim debitum credebat, quia natu major è *Lieupangi*

*Cades ducis
ob invetera-
tum odium.*

filiis erat, præceps audaciæque projectæ. Vnde *Iuenyangum* Præfectum suum nunquam audit suadentem, nequid adversus Imperatorem moveret, suo contentus. Demum eo delapsus est, ut sumtis armis in Imperatorem fratrem insurgeret. Sed brevi victus & ab omnibus desertus aufugit è prælio. Postea vero, quam se nec regem vidit, qui volebat Imperator esse, fame voluntaria vitam misere finivit.

*Rex fame
voluntaria
mortuus.*

*Nanye regio
Sinarum
Imperatori
se subicit.*

*Virtus armis
potentior.*

Sub hæc tempora *Nanye* dicta, quæ *Quangtung* & *Quangsi* complectebatur, in leges Sinicas concessit; illæctæ Imperatoris virtute ac pietate, cui missis legatis ultro subiecit sese, fecitque tributariam, quicquid libri, doctrina & politia Sinica juberet, factura. Mirum dictu! gens illa, quæ nunquam ad id usque tempus arma Sinica tinnuerat, nunquam experta erat, virtuti non est ausa resistere. Arma inimica fortasse sprevisset ac repulisset etiam; uni virtuti manus dedit. Nimirum nihil tam barbarum ac ferum est, quod vera virtus non mitiget. Ac documento plus uno comperit habemus plus virtutem ad regna subjuganda valere, quam vim & arma. Et quoties id vitis amiserimus, quod armis fortiter obtinueramus; funesta exempla in hac decade narrata, opinor, abunde testantur.

*Pecunia ratio
apud Sinas.*

Nunc videamus, quæ sit apud Sinas ratio pecuniæ. Nunquam eorum regibus placuit vel argenteam cudi vel auream monetam; fraudes quibus ista gens assuevit, lucrique sagacissima, præcaventibus. Solo pondere argenti vel auri valorem expendunt; & quatenus quidque mistum purumve sit, accuratissime dignoscunt. Quanquam auro nunquam utuntur ad emendum; quippe quod non pecuniam, sed mercem esse dicunt. Hinc autem fit, ut argentum continuo quasi tormento subiaceat, & in minutissima frustra ferrea forcipe ad hoc apta diffringatur. Dein, ut cuique lubet, iterum in massas refunditur, ac velut reviviscit in unum collectum; donec pro emtoris necessitate iterum secantur in frustra. Res est haud exiguae molestiæ ac laboris; non tamen tot fraudibus obnoxia quam pecunia si foret apud Sinas in usu. Cupream vero monetam à multo jam tempore habuere; quam hic Imperator ad melio-

meliozem commodiozemque formam revocavit, ac concessit insuper, ut ubique, modo sine fraude, in toto imperio cuderetur. Nam ante hæc tempora fiebat hoc in sola regia, magno quidem Imperatorum quæstu, sed majori populorum incommodo, propter itinerum difficultates ac distantiam locorum. Monetæ formam rotundam esse voluit; & in medio quadratum foramen, quo facilius filum infereretur. Insignitur quatuor plerumque literis, nomen Imperatoris & impositum valorem significantibus. Liberum præterea fecit omnibus, undecunque salem colligere; potissimum in id intentus, ut populi provideret utilitatibus, non ut eo vexando, suo tantum serviret quæstui, quod est regum principumque personis oppido indignum.

*Sal publici
juris.*

Superiorum bellorum tempestas rem agrariam, in qua Sinis magnum ad reipubl. momentum, non parum afflixerat. Ad ejus artis refarcienda damna è

*Res agraria
restituta.*

Præfectorum consilio Imperator, animum applicuit. Rationem plantandi moros, & bombyces educendi ab Imperatrice ceteras mulieres ejus exemplo doceri voluit; arbores & bombyces item in palatio alendi peculiari cura ei mandata, cujus manu factas vestes sericas ad sacra tantum adhibuit. Exemplo, cujus vis per-

*Serici confi-
cendi ars
promota.*

magna semper fuit, cum à capite descendit in membra, commotæ totius imperii mulieres, etiam nobiliores, aggressæ sunt hoc artificium. Ipse quoque Imperator agriculturæ dabat operam, ut omnes ejus exemplo, etiam summi Præfecti, ad imitationem traherentur. Hinc rusticalia, festum Sinis diem, quem *Hinchun* vocant, originem fuisse crediderim. Rusticorum quidem proprius hic dies est; sed vere nobilissimus, quemque solemnem omnibus usus fecit. Primo enim vere, cum sol medium Aquarii signum ingreditur, etiamnum à Sinis ingenti per imperium universum pompa in qualibet civitate atque in ipsa regia urbe dies iste celebratur, in hunc ubique fere modum. Unus è primoribus Præfectis claro cum plausu symphonia gressibus præmoderante, collucentibus undique cereis & vexillis volitantibus, redimitus floribus ad portam

*Rustica apud
Sinis cele-
brata.*

Orienti obversam progreditur. Hunc virorum turba sequitur pompæ fercula vectibus portantium, quæ veterum historiarum de agricultura monumenta vel è papyro, vel è ligno ficta repræsentantur, sericis aureisque textilibus fulgentia. Variis in locis assurgunt arcus triumphales procedentibus. Plateæ omnes aulæis dependentibus superbiunt. In hunc igitur modum Præfectus ad urbis portam, de qua dictum, procedit, veri adventanti quasi obviam iturus. Inter simulacra cetera præcipue duo eminent. Alterum est vacca testacea tantæ nonnuquam magnitudinis, ut ab hominibus quadraginta portari vix queat. Alterum, sed vivum, est adolescens, quem diligentem ac laboriosum spiritum appellant; qui pedem unum nudum, alterum tibiali tectum habet, virga vaccam testaceam continuo percutiens. Sequuntur rustici, omnia ferentes artis instrumenta. Neque hic quidquam vacat mysterio. Continua vaccæ verberatione significare volunt, quantam curam rustici debeant agrorum culturæ impendere. Per pedem adolescentis nudum, & alterum male calceatum festinationem innunt, quam rusticos oporteat adhibere, cum se rus conferunt ad laborem, ut nec temporis satis ad se vestiendos sibi permittant. Pompa usque ad regis palatium, & in urbibus ad Præfectorum ædes deducta, vacca testacea omnibus ornamentis ac floribus exuitur; è cuius aperto ventre, velut ex equo Trojano parvas magno numero vaccas, ex testacea nimirum matre testaceas extrahunt, è quibus unam singulis Præfectis mittit Imperator, simul monens ut omnem operam in agris colendis à populo current adhiberi, seduloque invigilent, nulli nec agro nec homini liceat otiosum esse. Scribunt ipsum Imperatorem eo die terram aratro scindere ac sementem facere. Prorsus, ut sine aliarum gentium injuria vereque affirmare posse mihi videar, haud aliam in agricultura magis diligentem peritam & constantem esse, atque Sinicam. Vnde non mirum, si tantæ hominum multitudinî annonam terra sufficiat; cuius vix palmum unum in toto Sinico imperio, modo vel natura sit vel arte ferax, incultum aut sterilem invenias. Crebroque

*Ingens vacca
testacea.*

*Floret agri-
cultura apud
Sinas.*

broque sermone celebrant Sinæ, maximum ac præcipuum regni opus agriculturam esse; nec alii rei magis à regibus & magistratibus invigilandum.

Isdem temporibus rex *Leang* ab equo lapsus occubuit. Ob eam rem stabulo Præfectus sibi violentas manus attulit; reprehensus idcirco à Sinis, voluntariam mortem, ubi nulla virtutis vel honesti species apparet, improbantibus.

Anno imperii quarto decimo *Tartarorum* centum *Irruptio Tartarorum.* & quadraginta millia, equites omnes imperio infusi, ad prædas more gentis agendas ad *Pungyang* usque penetrarunt urbem; ubi *Pingking* hodie, urbs & ipsa, est sita. Contra quos Imperator ipse movere statuit; sed, postquam ingentem exercitum collegerat, mutavit consilium, importunis uxoris precibus retentus, & suo loco *Siangium* Præfectum misit, secundissimo eventu. Ille quippe *Tartaros* proelio fusos extra imperii limites eiecit, magna eorum edita strage, omnique præda erepta, quam egerant. Sed enim hand multo intermisso tempore maioribus copiis, itinere duplici ac bipartito exercitu denuo in imperium ingressi, duas simul *Xensi* *Xansique* provincias invadere, antiqua prædandi cupidine. Tum vero Imperator, tripartito exercitu præmisso contra eos egressus, copias suas peropportunitis locis ita disposuit, ut in provincias ulteriorem hosti progressum intercluserit. Primum exercitum ducebat *Afusus* Præfectus, egregius bello dux ex *Afui* familia, de quo sub *Lieupango* diximus. Erat militaris disciplinæ tenacissimus, qui levem quoque illius impatientiam gravi poena multabat; de cetero suos milites liberalissime tractabat & humaniter. Forte ad ejus castra Imperator appropinquabat; cum, qui eum antecedeabant equites, excubias monent adesse Imperatorem, aperirent proinde portas. Contra, qui stationem agebant, tesseram militarem exigunt. Quam cum illi reddere non possent; excubitores jubent eos recedere, alioquin hostiliter in eos invasuri, & *Apud nos*, inquit, *tessera militaris, non Imperatoris nomen valet.* Exclusus igitur Imperator coactusque recedere, cursorem cum literis imperii
figuo

Fides & constantia excubiarum.

signo munitis ad *Afium* mittit, quæis adfuturum se monet. Tum denique *Afius* edixit suis, ut Imperatorem admitterent. Adest ergo cum suis equitibus Imperator; at excubitores etiam tunc eum arcent ingressu, causantes, se quidem iussos Imperatorem admittere, non tamen equo vectum, multo minus ceteros equites. Interdixerat enim *Afius* severissime, ne ullum unquam equitem admitterent. Quod fortasse fecit eo consilio; ut, quia *Tartari* omnes equitant, & ob frequentem equitandi usum vix pedibus possunt incedere, stratagematis eorum anteverteret. Vtut est, Imperator una cum suis ex equo descendere coactus est; ille quidem sella gestatoria, ceteri pedites omnes ingressi. Mos erat, ut, cum Imperator veniret in castra, summus belli dux ad eum excipiendum procederet obviam. Sed hoc ante non licebat, quam ordinasset aciem. Cum igitur adeo improviso venisset Imperator, ut *Afius* tempus non haberet ad dispartiendos in totum ordines, ideo differebat obsequium. Vbi cognovit Imperatorem ad se jam ingressum; ita, ut erat armatus, ad eum excipiendum prodiit, stans ipsum veneratus, non flexo poplite. Sic enim ferebat mos Sinarum, hodieque fert, ut summus belli dux admissus ad Imperatorem, genua non flectat armatus; quo tamen obsequii genere reliqui omnes regem suum venerantur. Multi Præfectorum Imperatoris iram ab *Afuo* sumpturi perviciæ pœnam verebantur. Sed contra evenit. Is enim & hunc & milites colandavit, & talem tamque severam disciplinam ab omnibus servandam esse dixit. Deinde *Afium* omnium aliorum ducum supremum iussit, eumque contra *Tartaros* expeditionis comitem esse voluit. Quos non pugnando, sed vias tantum intercludendo, ad tantam rerum penuriam adegit, ut multis suorum extinctis fame, domum redire coacti sint, equis suis plerisque consumptis in cibum. Memoria traditum est, *Afui* ducis militarem disciplinam & exactam imperiorum obedientiam plus valuisse, quam fortitudinem. Recte quidem ac sapienter. Hæc enim sine aliera subinde magis ad latrocinia, quam ad victorias est accommodata.

Tertio

Tertio & vigesimo, quàm rerum potiri cœpit, anno decessit *Uenus*, optimus Imperator; quem triduo totum luxit imperium. Alba omnes veste amicti; qui color luctus apud Sinas est, ut apud nos pullus, index. Ejus rei rationem hanc afferunt, quod sit color naturalis, cum se reliqui fere omnes debeant arti fulloniæ; quo se significare dicunt, nullam in dolore ambitionem vel artificium adhibendum esse. Nam ubi dolor verus est, abunde à natura ipsa exprimitur.

*Albus color.
Sinis in lu-
ctu.*

Cur?

Ceterum hic Imperator nunquam se moriturum sibi penitus persuaserat; à quodam impostore deceptus, à quo pocillum magni pretii cum hac inscriptione accepit, *Homini domino vita sempiterna!* quo promittebat eum immortalem fore. Delirabat in hunc modum anno imperii decimo septimo; quem imperii sui primum numerari voluit, vitæ perennis initium auspicari se stultissime credens, epoto medicamento. Hac una re non sapuit. Neque adeo mirum est hoc in Sinis, vitæ proferendæ ad insaniam usque studentibus; cumque totam felicitatem in ea ponant, quia æternam ac meliorem ignorant, quidquid est huic indispiscendæ, omni studio sectantur. Et prorsus sibi persuadent ex *Laozui* doctrina medicamentis eo perveniri posse, ut immortales fiant. Quin multos esse fingunt in montibus errantes, qui nunquam moriantur, & avolent quasi spiritales, quocumque voluerint; imo in cælum usque, cum libuerit, ascendant. Quid si fabulis hujusmodi materiam ac principium præbuerit *Elia* atque *Enochi* historia? immortalitatis quidem hujus, multi sunt, qui toto passim imperio præcepta venditent; *Laozui* Philosophi juxta & sacrificuli sectatores in quæis præcipuus *Tauzus*. Hinc tam impense chymica delectantur arte. Quippe penitus persuasum habent eandem esse rationem, quaque unguentum, quaque vitæ paretur æterna. Sed nimirum non essent sola vitæ contenti nisi divitiis abundarent insuper ad voluptates. Quæ mira prorsus & insignis est hominum alioqui sagacissimorum stupiditas; quæ de plura dicemus infra.

*Impostor
promittit
immortalitatem
Imperator.*

Reflo-

*Studia re-
florescunt.*

*Papyrus in-
venta.*

*Sinarum a-
tramentum.*

Refflorere sub hoc Imperatore literarum studia; quique libri tenebris à Cina familia damnati larue-
rant, libere jam in lucem protrahi cœpti. Quin &
alii non minus eruditione, quam eloquentia pleni, nec
ii pauci sunt compositi. Etiam nunc Hanae familiae scri-
ptores magni æstimantur, ob dictionis ornatum ac
styli. Sub eodem est inventa papyri conficiendæ, cui
materiem sufficiunt arundines maceratae, non vulga-
ris ratio. Hinc varia sunt ejus genera; quæ ad omnes,
etiam vilissimos usus consulto accommodata diven-
dunt per totam Sinam. Nec minus variam habent ad
scribendum; albæ, quæ in Europa conficitur, nonnisi
firmitate cedentem. Ante hæc tempora, ut est supra
memoratum, arborum cortices adhibebant ac folia,
in quæ literas stylo ferreo sculpebant. Hodie pro ca-
lamo utuntur penicillo pulchre affabreque concinnato
ex animantium pilis. Atramentum solidum, non li-
quidum miro artificio temperant; quod super lapides
ad hoc paratos aqua molliunt, ut à nostris pictoribus
fit, cum colores terunt. Et in hunc modum omnia vel
mente concepta vel ore prompta mandant papyro. Por-
ro modus atramenti conficiendi non inter mechani-
cas artes, sed liberales ab eis reponitur; quidquid ad
literas quoquo modo spectat, è sua vilitate in majus,
illarum amore, tollentibus.

V. IMP. HIAOKINGUS.

Imperavit annis XVI.

*Cyclo 43. an-
no 22. ante
Christum
156.*

Hic Uenius imperium per manus tradidit; quem
morrens ita scribitur allocutus. Si mortem meam
excipient bella, quod est proclive metuere; Asuum ducem
præclarissimum adhibe in consilium. Huic tuto committes
omnia; nec dubitabis de illius fide, tot experimentis pro-
bata. Ejus vero peritiam militarem quid attinet laudare,
qua Sina neminem habet ei parem? Hiaokingo consilium
istud utilissimum fuisse rerum eventus docuit. Nam
per Asuum bella non pauca confecit felicissime.
Quaquam deinde nimius justique amor & con-
stantia, sed præcipue muliebris indignatio in odium
Impe-

Imperatoris eum adduxit, ac tandem misere mori coëgit, ut in loco docebimus.

Mos erat à multo jam tempore apud Sinas, ut criminibus convicti tot in frustra secarentur, quot vellet *Reorum carnificina.* judex. Quæ carnificina subinde ad decem usque milia procedebat. Prima sectio grassabatur in supercilia; quorum detracta pelle, tegebant oculos, quæ sita hinc etiam tribunalibus commendatione clementiæ, quod reum iudices dolorem sentire quidem, non & videre vellent. Quanquam Uenius Imperator hanc poenam mitigavit, si mitigata dici potest, quæ nihilo secius est acerbissima. Nam sectionis loco tot ictus, quot iudici placeret, excipiebatur reus, gracili virga salicis tantum dolorem infligente, ut ea verberatione multi sint enecti. Vnde hic Imperator illam plus deminuit, ictuum meritorum tertiam tantum partem imperans. Sed qui statutas à patre poenas minuit, tributum auxit. Ejus namque pensionem ad antiquum statum revocavit, ac dimidiam partem à patre remissam denuo exegit; causatus, rem agrariam restitutam, quæ obsoleta paternam tantisper indulgentiam sibi fecisset obnoxiam. In vectigalibus autem unum ex triginta solvendum imperavit.

Subinde totum imperium ebrietas miscuit. In palatio regulorum filii de more cum filiis Imperatoris educabantur. Inter hos erat U regis filius, Iungo Imperatoris filio ante alios charissimus. Sed hunc amorem vinum turbavit. Accidit enim, ut hi duo poculis sese invitantes, gravesque mero, primum de re non magna verbis contenderent. Mox vero surgentes è mensa, nec minus ira quam vino calidi, de digniore loco altercari cœperunt. Iungus potissimum U regis filio irascebatur, quod sibi debitum honorem non tribueret; eodemque loco, ubi potaverant, eum cultro trucidat. U rex audita filii cæde, vindictæ cupidus, contra Imperatorem hujuscemodi tragœdiam orditur. Solicitatis regulorum animis, alios præterea sex in partes trahit ac jubet una secum in Imperatorem consurgere; omnes Imperatoris aut fratres, aut patruos aut avunculos. Erant autem isti, Paus U rex conjura-

*Ebrietas
mala ingen-
tia & va-
ria.*

*Cades regis
filii arma-
rum causa.*

tionis

tionis author; *Kiungus Kiaof*, *Kimusque Kiaotung* reges fratres; *Hienus Zaochuen*, *Pieus Cnan*, *Faus Zu*, *Sinus* denique *Chao*, reges. Omnium potentissimi *Uus* & *Zuis* habebantur.

*Legio Sini-
ca.*

Imperator audita conjuratione, paterni consilii memor *Afuum* cum summa potestate bello præfecit, sex & triginta legionibus Sinicis, quas *Kim* vocant, ei datis. Duodecim millibus & quingentis militum constat una legio; ducem supremum unum habet, & quatuor tribunos, præter reliquos minorum ordinum duces. Ex quo intelligitur hunc exercitum plusquam quadringenta & quinquaginta militum millia complexum fuisse. *Afuus* quippe gnarus militiæ cumprimis, ut reges à se mutuo distractos compelleret ad sui quemque territorii custodiam; divisis copiis, Præfectisque *Liekio* duce ad invadenda *Chao*, *Luonpeo* autem ad *Ci*, regna missis, ipse cum robore exercitus contra fœderatorum copias tendens in *Zu* regnum impressio-nem facit, à terris Imperatori obnoxiiis bellum aver-surus. Omnium primo occupavit *Honan*, provinciam frugum fertilissimam, & alimentis abundantem. Spe-rabat enim, postquam ea potitus esset, suis militibus nil defuturum; hostem vero sola fame deleri posse. Non fefellit hoc stratagema fœderatos; qui proinde *Honan* ingressi, vel pugnam erant commissuri, vel il-lam sibi provinciam retenturi. Iamque ad vallem obscuram *Yen Sinis* appellatam, inter altissimos *Hiao Xingque* montes accumbentem pervenerant; cum *Afuus* cognito eorum consilio militibus edicit, ut recta per vallem tendant, servatis semper ordinibus. Erat ei deliberatum *Loyang* urbem antecapere, quo fa-cilius hosti viam intercluderet. Verum, ubi paullum processerat; *Chaoxui* ducis instinctu consilium mu-tavit, omisssaque valle per montes Orientem petens, superatis faucibus *Unquanis* per urbem *Lautien* bre-viori quidem, sed difficiliiori itinere ad *Yungyang* per-venit urbem. Ea quippe majoris erat quam *Loyang* ad victoriam momenti. Magnis difficultatibus ac la-boribus, quos exantlavit summa montium juga supe-rando & impervia penetrando, favit exitus haud pœni-

pœnitendus. Ingens periculum evasit, in quod omnino incidere debuisset ex insidiis, quas fœderati reges, qua impeditiora erant loca, in *Yeu* valle posuerant. Posteaquam *Tungyang* tenuit, cui obtinendæ, vix parum se credebat esse; perlatus, *Iam est*, exclamat, *in nostra manu victoria! miseros illos reges vincam sine armis*. Nec temere sic exultabat. Omnem enim comitatum rebelles per unam urbem *Tungyang* sperare poterant, de cetero asperissimis montibus interclusi. Urbis ab Imperatoris exercitu captæ fama non invenit apud reges primo fidem. Nec enim alas habere ac volare posse Imperatoris milites, per jocum dicebant. At ubi certior ea de re nuncius haud amplius dubitare sivit; tum enimvero actum esse de se conclamarunt, si *Afius* detrectaret pugnam, in qua una spem omnem posuerant. *Afius* interea de insidiis inter *Hiao* & *Xing* paratis per exploratores monitus, à tergo militem in eos mittit, & inopinantes magna ex parte cædit. Iamque regum exercitus terga dare coactus, recta & ipse *Tungyang* petebat pugnam initurus. *Afius* autem cum *Honan* provinciam interim ubique pronam haberet ad deditorem; regnum *Leang* amicum (ejus quippe rex non stabat à fœderatis) firmis præsidii munivit, interdicens, nequid annonæ ad rebelles inde transvehi permetterent. Ab hoc enim regno pauci montes arcebant rebellium exercitum. Ceterum perpetuis altissimisque montium jugis claudebatur. *Honan* provinciam à *Xensi* separantium. Itaque in medio clausi reges jam ad extrema sola fame venerant; tantum exercitum annona deficiente. Omnem proinde lapidem movebant, quo *Afium* ad prælium lacerent. At ille castris se continens, in rerum omnium abundantia securus irrisit hostes. Hoc consilium ubi frustra esse vident, ingressum in *Leang* regnum moliantur. Iam ad primam ejus urbem pervenerant; quam *Afius* permunierat undique, victoriam in eo positam esse dicens, si urbe non exeuntes, aliquantisper propugnarent mœnia. Interim penuria rerum necessariorum ingravescente reges soluta obsidione *Afii* castra statuunt invadere. Nam inve-

*Commentus
interclusus.*

nerant viam ante, quam hoc aggrediebantur, qua saltem aliquam annonam adveherent; quæ per *Hoi* fluvium usque ad amnem *Zu* in illum se exonerantis, parvis navigiis *Zu* adverso magna difficultate portabatur ad exercitum, utcunque felici hactenus successu. Sed *Afius* eâ de re certior factus ab exploratoribus, ad fauces amnis custodiendas levis armaturæ misit equites; qui, priusquam hoc resciscerent hostiles copiæ, regum inibi fuso præsidio intercludunt iter. Tum reges, ut *Afium* ad pugnam elicerent, circumire castra, instructis ordinibus eum laceessere, ac timiditatem exprobrantes ei proterve illudere. Ille contra nil moveri dictiteriis inanibus, castraque melius emunire. Præcisa itaque pugnæ spe omni, reque deplorata, in ipsa castra, quod ultimum supererat consilium; constituunt impetum facere. Nec prima procedebant male, nisi stratagemate, quod adornabant, felicior *Afui* virtus esset. Igitur intempesta nocte robur exercitus ad eam castrorum partem, qua Boream spectabant, silentio tendere jubet hostis; & militum manum non contemnendam panico tumultu partem Australem aggredi. Hoc fecit eo consilio; ut *Afui* militibus ad Austrum, ubi res maxime inclinata videbatur, averfis; ipsi à Borea, unde nihil hostile timeretur, irrumperent. Non latuit *Afium* ea fraus, ex incurfandi modo facile suspicantem, ad Austrum non agi serio. Ergo castra, quæ Boream tuebantur, non tantum non nudavit præsidio, sed quantis potuit viribus, eam partem auxit. Vbi reges audiunt, ad Austrum increpuisse panicum; à Borea vacuum, ut putabant, partem aggrediuntur. Sed magna suorum clade repressi, cum stratagema suboluisse animadverterent; effusa fuga retrocedunt à castris. Eodem modo milites Australes, qua data via, profugiant. *Afius* eruptione facta fingentes per saltus ac montes infecurus, pecudum more mactavit; memorabili victoria potitus, nec uno suorum desiderato, septem regum sine prælio victor. Faustus *Zu* rex, qua evaderet, non inveniens; ne in hostium veniret potestatem, mortem sibi concivit. Idem remedium eadem infania quæsiwere *Suius Kiumgius*que reges. U

rex

Septem reges una pugna victi.

rex ad *Yue* regem amicum profugit, qui hospitem in *Lesum jui*
 Imperatoris gratiam perfide necavit. Reges reliqui *hospitiis.*
 tres in *Afui* manus veneré vivi, adductique ad Imperatorem pœnas rebellionis dederunt, usque ad necem atrocissime verberati. Neque hîc ebrietatis damnum stetit; sed in ipsum etiam ebrium redundavit: Quippo filio iratus Imperator excedere palatio jussum atque in reguli *Linkiangi* humilitatem dejectum, successionis jure privavit. Ersi vero in præsens abstinuit ab hac ultima sententia, cedens Præfectorum precibus; postea tamen eum ob pravam indolem & quod semper in pejus rueret, rato priori decreto successionis exheredem fecit, ut infra dicam suo loco. Vere ut dici queat, una ebrietate non unum Imperatorem modo, sed septem insuper interiisse reges.

Anno imperii tertio decimo *Tartari* quoque Sinam ingressi sunt per fauces *Yen* dictas, qua longissime porrectus ille murus subeuntes admittit. His opposuit Imperator *Afium*; qui devictos ejecit ex imperio. *Liquangus*, unus ex *Afui* ducibus cum trecentum equitum ala missus ad explorandum longius progressus, in aliquot *Tartarorum* millia inciderat. Iamque fugam meditabantur sui, sine dubio ad unum omnes à *Tartaris*, velocissima gente, casuri, nisi prudentior *Liquangus* eos retineret. Quo vos, imbelles, ajebat, aufert *Stratagema.*
 inconsulta fuga? nonne videtis, quo nos in loco fortuna constituerit? ab exercitu nostro plusquam quadraginta stadiis distamus. Si terga præbemus hosti; non effugimus periculum, sed incurrimus. Certo enim nos prius assequentur, quam tantum spatium fugiendo emetiatur. Ego potius hoc faciendum putem, ut excitatis opere subitario castris nos sepiamus, multis vexillis undique ad panicum terrorem hostium in altum surrectis; quo fiet, ut nostra paucitate minime cognita plures esse credant, quam sumus. *Afui* præterea tantus est apud *Tartaros* timor, ut omnino mihi persuadeam non ausuros longius procedere. Factum, ut imperavit; elusisque *Tartaris* proximæ noctis silentio cum incolumi agmine ad *Afium* rediit.

Habebat in palatio apud se Imperatorem *Uum*, minorem quidem natu fratrem, sed uterinum, sibi quoque charissi-

*Nimia indulgentia
parentum in
liberos na-
xia.*

charissimum. *Tena* quoque mater eum, ut ultimo genitum amabat unice. Hunc & ipsius amore impulsus Imperator & matris gratia regem *Leang* creat, claris honorum titulis auctum, præquam ceteros reges solebat. Quin & insignia quædam imperii vexillaque impertiit ei; quibus, cum in publicum prodiret, uteretur ad splendorem. Præterea quoties vellet, in palatii penitissima quæque ingrediendi copiam fecit, quod nulli concessum apud Sinas, ne filiis quidem, ubi septimum ætatis annum exceßerint. Solis Eunuchis hoc licet, & iis, quæ sunt è gynæceo. Sed his honoribus abusus *Uus* efferre se insolentius, & magis magisque tumens ad maiora niti; demum ausus ab Imperatore petere, ut se nuncuparet heredem imperii. Quanquam non tam sua sponte processit eo arrogantia, quam *Xingi* & *Gueii* aulicorum impulsu. Cum igitur aliquando apud Imperatorem præsentem *Tena* epularetur; quod clam optaverat, denique palam petiit. Nec ad ejus vota difficilis Imperator, postponens jus amori, jamjam annuebat; cum *Iuenus* & alii quidam Præfecti, quos inter & *Asius*, sic eum alloquuntur. *Quoties in imperio, filiis præteritis, frater declaratus est heres; semper orta seditione varia calamitates rempubl. invasere. Quo æquius est, ut memineris, Imperator, te à maioribus tuis non imperium modo accepisse, sed una etiam, quæ sunt ab ipsis salubriter instituta. Lieupangus autem abavus tuus hanc inter reliquas leges imposuit, cum essent Imperatori filii, nunquam fratres eligerentur. Valuit apud Imperatorem hæc admonitio; atque ab incepto destitit. At *Uus* iræ impotens in consilii authores insurgit, eosque per *Xingum* ac *Gueium* jubet interfici; uno *Afio*, qui jam apud exercitum agebat, ad alias adhuc insidias reservato. *Iuenum* ergo aliosque præterea decem è Præfectis majoribus hi, quos dixi, è medio sustulere. Quod ubi nuntiatum est Imperatori; mitit, qui & *Uum* & duos illos aulicos comprehendant. Sed eos in præsens *Uus* subtraxerat vinculis, in ima palatii deductos, abditosque, qua nemini patebat ingressus. Ipse tamen captus, & jam capite plectendus erat, nisi *Tena* matris lacrymis flexus Imperator ferre sententiam*

etiam distulisset. Inter hæc *Gueius* & *Xingus* ubique quæsit, nusquam inveniebantur; donec uni demum à custodibus palatii res innotuit. Ille sibi suisque certum exitium metuens, quod in secretam speluncam per se patuisset hominibus ejusmodi descensus, *Uum* convenit, & quid facto opus, deliberans, in eum sic invehitur. Cur te ipsum, ô *Leange* rex, nosque tecum is perditum? nam certa mors utrosque manet, si locum relinquas perditorum hominum iniquis consiliis; quæ quo spectant, nisi ut imperu legibus fraudem facias? quod si resciscet Imperator, à te *Xingum* *Quein*que introductos in palatium; (quo quid est proclivius?) unius tua culpa invidia se provolvat in omnium nostrum exitium. An tibi jam effluxit ex animo, paucos abhinc dies vitam tuam maternis condonatum esse lacrymis? Adhibe, quaeso, remedium in tempore; ne irati Imperatoris dolorem nondum bene sanatum denuo haud paulo gravius accendas. Vera loqui custodem sentiebat *Uus*; ac partim amicorum, partim suo periculo utrinque evidentissimo commotus uberrime flere cœpit. Tandem nuncios ad eos mittit, qui monerent esse proditos, nec aliud præsto, quam in morte remedium; rogare proin, ut ipsi de se statuerent. Nuncios autem clam admonuit, ut, si cadere suapte manu timerent illi, vi vitam eis eriperent. Sed ipsimet, quanto in discrimine versarentur, edocti, postquam supplicium impendens voluntaria morte redemerant, summo silentio in palatii nemore sepulti sunt. Speraverant illi quidem, *Uo* Imperatore, magnos honores; quibus imminentes in malefactis etiam fidelem operam navabant. Sed extremo suo malo didicere verum esse, quod dicitur, Mala consilia consultoribus pessima.

Interim *Tema* mater nullum lacrymandi modum facere, de *Uo* filio sollicita, nec cibum nec somnum admittens. Quæ res quanquam Imperatori matris vicem miseranti maximo dolori fuit; plus tamen publici boni affectus apud eum valuit, *Uo* negantem veniam pervicaci severitate. Optabat interim tamen, ut Præfecti rationem inirent, qua *Uo* placaretur. Aderant tunc commodum, qui ad *Uum* & reliquos capiendos missi

*Maternus
in filium
amor.*

missi fuerant ; quippe ab Uo de Xingi Gueique morte docti. Quos ut Imperator sine præda venisse vider ; *Eccur Uum ac reliquos non adducitis , quos comprehendi iusseram ?* Ipsi. *jus , inquit , dixere jam perfidia sua voluntaria morte , qua vel suo judicio digni erant.* Xingus ac Gueius jam dedere pœnas. Rogamus igitur , *ut hac de re nil amplius inquiras.* Condona modo injurias tuas lacrymis matris tuae , qua se Uo causa excrucians , nullam nec tibi nec somni partem capit. Dissimulandum est , quidquid est , in quo peccavit Uus ; cuius crimen haud ab ipsius malitia , sed à perfidorum fraude profectum est , & venia tum hoc , tum illo præcipue nomine dignum , ne matrem teneas. Illo servato innoxio simul & matrem servabis , bis uno factio pius. Tunc Imperator , *Vtrinque premor , ait , hinc pietate , ne matrem perimam ; inde justitia , qua salva Uo reconciliari non possum.* Quare animi pendens ac plane nescius , *utram in partem me flectam , hoc negotium vestro arbitrio committo.* Ite , meamque matrem jubere bono esse animo ac vivere. Tienxius , qui huic quæstioni præpositus erat , ubi mentem Imperatoris intellexit ; senio ac mœrore confectam Imperatricem propere adiens , *Vive , ait , Imperatrix ! Uus filius tuus salvus & incolumis est ! Quæ obiecta sunt ei crimina , nefanda illa quidem , ipso tamen insciente facta sunt.* Nulli culpa obnoxium deprehendi ; unde innocens ab Imperatore promittitur est. Hic deum ad lætitiâ à mœrore traduci passa se Tena , lacrymas siccavit , cibumque sumit , alacris utcunque. Deinde tamen Imperator Uum non eadem , qua prius , comitate tractabat ; turbulentum hominis ingenium fastumque formidans. Denique penitus à se removit eum , & nec mensam nec currum amplius cum ipso habuit. Uus autem videns , se illis molitionibus , quæ imminere imperio , Imperatoris gratia excidisse , ineluctabili tristitia oppressus non multo post fatis concessit , ingenti matris mœrore. Quam ut quoquo modo consolaretur Imperator , in Uo filios Loang regnum partitus , regulos creat ; filiabus vero magnas donat opes , non leve luctuum , quæ Imperatrix tantum non succumbebat , temperamentum.

Quanta

Quanta in hoc imperio, quotque mala nata sint è polygamia unus viri multiplici malo, vel maritis unam ante ceteras amantibus, vel feminis vagum sui amorem inter se invidentibus; supra sapius est à nobis dictum. Sub hoc Imperatore quanquam & principatum & torum caste habente non defuit exemplum similis infamiae. Cum pater ejus adhuc rerum potiebatur, *Zangula* *Yenis* regis neptis duas filias & filium *Sinum* è nobilissimo apud *Yenem* Praefecto, cui *Vamhungo* nomen, genuit. Hoc vita functo *Zangula* juvenis adhuc, *Tieno* nupsit, apud Imperatorem gratiofo, & unam è majoribus praefecturam administranti. Hic *Zangula* majorem ex *Vamhungo* filiam *Kinuango*, & ipsi Praefecto, nuptum dedit. Quibus cum nata esset filia, emicuit, ut solet, astrologorum & hariolorum ingenium, post magnae felicitatis experimenta futuram denique Imperatricem divinantium. *Zangula*, mulier ambitiosa, credidit hac avidissime; neptemque magna cura educatam, non plus annos quinque natam, in regiam ad Imperatricis ministerium dimisit. Erat insigni forma praedita, qua ceteras omnes è toto imperio puellas facile superabat. Tertium ac decimum attigerat ætatis annum, cum *Iungus* Imperatoris filius natu major ex *Lienæ* matre, legitima uxore, illam sibi sponfam depoposcit. Quod ut facilius impetraret *Piaua* ex *Uangia* concubina sororem suam adhibuit, uti se apud *Lienam* adjutum vellet. At illa tantum abest, ut assentiretur; ut acriter filiam objurgatam de hac petitione, juberet à se facessere. Quam tamen longe proniorem votis suis habuit *Cheus* alter Imperatoris ex *Vangia* filius, eandem exoptans conjugem sibi. Nihil enim cunctata *Lienæ*, imo læta, quod ipsius nuptias ambiret, protinus eam tradit. Id matrimonium *Cheo* viam ad imperium stravit. Nam *Piaua* *Chei* soror uterina, cognito puellam fratri sponfam provenisse; adversus *Lienam* & *Iungum* vehementer excanduit. Hinc apud Imperatorem identidem eorum obtrectare famam; contra, ubi se cunque dabat occasio, *Vangiam* *Cheum*que dilaudare. Quibus artibus adeo in

Polygamia regnis molesta.

Tragica ambitiosa mulieris machinatio.

Imperatoris animum irrepfit, ut tandem *Iungum* filium exheredaret, ebrietatis illius, in qua tot malorum causa constiterat, memoria suspensam aliquantisper iram fortius urgente. Quod ut commodius ac sine turbis ageretur, *Vangia* secundæ uxori diadema imposuit spreta *Lia*; *Cheum*que illius filium imperiî heredem declaravit. *Lia* tantæ injuriæ impatiens, &, si fato cessisset Imperator, atrociora timens mala, quæ ut plurimum à successoris matre reliquæ uxores & concubinæ affligerentur; cum iram & dolorem in æmulos effundere non posset, magnitudine mali oppressa moritur.

Neque hic invenit exitum hæc tragedia. Multi enim è Præfectis indignitate rei commoti, cum obstarent Imperatori, neve primam uxorem ejusque filium aspernaretur, authores essent; propterea intereunti fuere. *Asius* etiam ipse, tantus alioqui vir, cuique tantum debebat Imperator, eandem ob causam mulierum insidiis appetitus, atque in vincula conjectus, voluntaria inedia sibi vitam exhaustit. Nec vero jam solum Imperatori restiterat; sed etiam, cum *Zinum* *Zangula* filium reguli vellet ornare potestate. Quæ libertas cum mulierum odio exposuit; quod non nisi extincto *Asuo* quievit. Tantum possunt ambitionis mulieres, ubi pronas aures, animosque maritorum vel amicorum sibi obnoxios habent.

Post hos & *Hiaokingus* diem suum obiit; undique laudandus, nisi quod in eo summa levitas esset & inconstantia. Nunquam in ulla causa suscepta, præterquam in *Vangia* electione constanter permanisse memoris proditum reperio. Sed inter ejus laudes eminet obsequium & reverentia erga parentes, quæ, ut sæpius dictum, apud Sinas maxima primaque virtus habetur. *Cheus* ei filius successit. Nam *Iungum* *Linkiang* regem creaverat, exutum jure successionis, eoque in regno velut in carcere conclusum neque situm regia urbe exire, ne, si vires suppetere audaciæ, turbas daret. Quoad vixit, magnæ semper ei curæ fuit agricultura, & bombycum educatio. Immensis opibus, quas collegerat, parce utebatur. Quo factum, ut
succes-

successori affatim pecuniæ, quæ in hīs etiam terris nervus, suppeditaret ad illa sumtuosa bella, quæ ante ipsum aggredi ausus est nemo. Nam & *Tartaros*, qui colebant veterem *Tartariam*, armis invadens, ad interneccionem fere delevit, & in *Indiam* usque terrore sui prolato, *Bengalam* etiam penetravit, de quibus infra.

VI. IMP. HIAOUUS.

Imperavit annis L I V.

CHeus itaque partim fortuna, partim arte, quod naturæ jus negabat, imperium obtinuit; & Astrologorum de ejus uxore prædictionem eventus probavit, felici Sinarum sorte. Vere enim egregius Imperator fuit. *Hiaouus* dici voluit, quod obedientem Belligerum sonat. Diuturnum habuit imperium, hoc est, annorum quinquaginta & quatuor, ingenti vel sapientiæ vel felicitatis fama. Sapientes ac literatos amabat mirifice; nec minus senes prudentia canisque simul venerandos. Vtriusque generis homines undique convocatos vel ad doctrinam interiorum vel ad publica consilia adhibebat. Revixere quodammodo ac postliminio ad se rediere sub docto principe & doctorem amatore literæ. Libros, quotquot potuit, undique collegit & acquisivit. Nec bellica virtute minus, quam literis insignis fuit. Vtramque nimirum *Palladem* amicam habuit, armatam ac togatam. Omnium primo *Tartaros* subegit ac domuit, eorumque terras ingressus, omnia longe lateque vastavit. Sinico etiam imperio vicinam *Indiam*, eam præcipue, quæ ad *Libycum* vergit, à *Gange* clausam, ad *Bengalam* usque regnum occupavit. Nulli sane Imperatorum rebus gestis & hinc efflorescente nominis gloria cessisset, nisi egregias naturæ dotes ac virtutes, humanæ conditionis oblitus, longioris vitæ cupidine fœdasset. Prorogandæ namque vitæ præcepta ad insaniam usque sectabatur; ridiculaque multa ea de causa fecit, deceptus ab impostoribus. Adeo verum est, Nihil esse in humanis omni ex parte perfectum. Sed de his omnibus exponam suo loco.

Cyclo 43 anno 38. ante Christum 140.

Primus Tartaros subegit.

Amor proroganda vita.

Vix patri iusta persolverat, cum indicto sapientium conventu laudatas quasque leges & instituta optimorum Imperatorum ex iis audire voluit; quod diceret sibi nihil optatius vel antiquius esse, quam subditorum bonum, & orbis totius cum Sinica politia conformationem. Aderat inter alios Philosophos *Tum-chungus*, à *Kingcheu* oriundus. Huic omnes consensu deferebant, ut Imperatori primus responderet. Quod ille pro ea dignitate ac sapientia, qua pollebat, tam egregie præstitit, ut me non pigeat concionem illius hic apponere, servata Sinica phrasi, quantum potero. Ea namque dixit, quæ audisse nec Sinis indecorum fuit, nec Europæis erit fortasse inutile. Ego, aiebat, cum considero, quanta cælum inter & hominem debeat esse consensio; rem timore plenam invenio. Nunc quidem cælum non iniqua nobis promittit tempora; quin imo, quæ est erga nos pietate, mortales omnes pace vult ac quiete donare. Neque aliud jam desideratur, nisi ut obedientes cælo, nobis vim inferamus. Primum, in quo laborandum, est verarum virtutum studium. Illud aures, illud oculos nostros diriget ac perficiet; ex hoc augetur & clarescit prudentia. Deinde vis nobis est adhibenda, ut nunquam non in rectæ rationis stadio curramus. Sic enim virtus continuo magnis exsurget incrementis ac merita augebit. Est autem recta ratio, per quam tanquam per planam iter procedere debet bona orbis gubernatio. Illa pietatem, justitiam, politiam, optimas leges & pulchram inter reges subditosque consensionem complectitur; ex qua bene constituta emanat continua illa multorum malorum series, & in orbis imperio ex patre in filios nepotesque derivata successio. Hinc denique orbis totius ad veram doctrinam existit; vitæque sanctitatem conversio. Regibus ante omnia si quidem vera pietas eis est reliqua ratio cordi; simul cordi debet esse perfectio sui nunquam nisi quod rectum est intuentium. Inde palatii totius aulicorumque boni pendent mores; indidem porro magistratuum & præsectorum virtus ac sinceritas. populorum fides & orbis totius optima constructio. Tali rege nemo erit vel ex vicinis vel ex remotis, quem non tangat regis ad exemplum cura sui perficiendi sequendique recti. Regis virtus instar venti, subditi sunt instar

*Sapiens oratio
Tumchun-
gi.*

Similitudo.

star segetum, qua omnes in illam inclinant partem, in quam impelluntur à vento. Nulla quidem res homines agit longius in transversum, quam avaritia lucrique fames; verum sicut aqua deorsum ruens castigari sistique potest, ita hominum cupiditas legibus ac bona doctrina frenari debet. Eam ob causam antiqui reges primum illud ac praeipuum in principatu ducebant, uti scholas & academias constituerent, in quibus subditi ad doctrinam, ad pietatem; ad justitiam, ad humanitatem ac politiam informarentur. Ita puerilis aetas ad pulcherrimorum morum elegantiam adolescens, in parentes inque majores obedientiam & obsequium induebat. Optimi autem ac pii reges, qui malis in imperio successerunt, impressa vitiatorum ab antecedentibus vestigia, ac pessimos inductos mores abolebant omnino, quo pulchrius ipsi deinceps suas in administranda republica partes implerent. Et quemadmodum musci, cum instrumentum sibi metipsi discors acceperunt, prius illud explorant, chordas vel tendendo vel laxando, donec iusta proveniat harmonia; sic boni reges malorum regum discrepantiam spernebant, & malas leges in bonas permutabant. Hæc dixi, ô Imperator, ut illos imitari te non pudeat. Iam imperialis Hæta familia tua imperium totum pacificum habet. Adhuc ob bella ac turbas omnia in meliorem statum ab antecessoribus tuis redigi non potuerunt; tibi, optime Imperator, hoc calum concessit, prudentia super omnes pollenti, & quid agere conveniat, probe intelligenti. Sed memento illius dicti, quod in proverbium abiit; Melius est rete accipere ac pisces capere, quam illos tantum natantes videre ac laudare. Manus ad opus applicanda sunt, non solum ingenium ad intelligendum.

Alia.

Alia.

Proverbium.

Inexpectata erant hæc Imperatori, futurum speranti, ut ad ardua se atque ad bella suscipienda Philosophus animaret & hortaretur. Magno enim atque excelso erat animo, & orbem totum suis victoriis destinante. Quam ob causam ante jam exquisierat rationem totius orbis ad Sinicam politiam conformandi. Sed negabat Philosophus ex eorum secta bella digna esse, quæ ab Imperatore tractarentur; & plus virtute, quam armis effici posse credebatur. Verum, ut erat prudens

Similitudo.

prudens Imperator, id dissimulare, laudare Philosophum, & ut plura doceat, mandare. Tunc *Tum-chungus* opinionis suæ tenax & pacis opus urgens, ea super re porro sic disseruit. Qui doctos, inquit, ac sapientes ad se vocat ac consulit, nec deinde salutaria docentes audit; eum similem dixerim illi, qui lapidibus gaudet pretiosis, quos ubi plures adhuc riuales collegerit, nullum tamen unquam expoliri curat, unde illorum pulchritudinem non videt. Magna Confutii doctrina est, quam omnes sequi amplectique debent, eamque aliis tradere. Ille pacis artes ac belli docet optime; queis, ô Imperator, si animum imbueris tuum, homines vere sapientes te amplectentur, ab eis necessaria recta orbis gubernationi atque optima præcepta disces. E doctrina Confutii vera existet sapientia. Meminisse quoque te velim præmiis virtutem acui, pœnis vero timorem injici. Illis bonos ornare, his malos coercere, si qui sint, debemus quidem; at bona piaque gubernatione id efficiendum est, ut mali non sint, nec adeo pœna necessaria, solisque præmiis utamur. Ita demum bella cessabunt. Regum munus, quod eis calum imposuit, in pietate ac virtute consistit. Virtutem debent reipublica; pœnarum aut suppliciorum terrorem procul habeant. Hac enim præter celi voluntatem adhibentur, neminem volentis esse malum, sed omnes bonos. Fungantur reges bene suum munus, celi sequantur nutum, pietatis perfectæque virtutis curam habeant. Sic vitia, sic pœna, sic bella demum ex orbe pellentur.

Similitudo.

Hæc postquam Imperator audivit; ut in eam rem plura disputaret, imperat, mirifice delectatus ejus facundia. Et ille sui similis ac constans, quamvis nosset Imperatoris ingenium, dicta jam exemplis confirmare cœpit. Hiaa, inquit, prima imperialis familia quo tempore rerum potiebatur, plurimum fidem atque integritatem amabat. Xanga vero ab illa proxima simplicitatem morum ac comitatem; Cheua denique familia tertia ornatum & urbanitatem. Ne pigeat sequentes Imperatores antiquorum insistere vestigiis, optima ex quavis familia eligendo. Nemo quidem inficias ierit, recti rationem & quicquid huic consentaneum est, originem è calo trahere; sed quemadmodum calum
unum

unum semper fuit & immutabile, ac perseverat, ita recti ratio ac consentaneum idem, quo antea fuit, etiam nunc esse debet. Nihil virtus amat humile, nihil vile; quod si caderet in virtutem, jam virtus non esset, quippe vitii commista. Sed alta solum ac magna aeternumque mansura continet; in solo pulchro & bono consistit, quibus, quicquid est in orbe nobile, continetur. Iam quia bella nihil habent pulchri, nihil boni; à virtute aliena sunt & vitiosa. Yaum regem secutus est Xunus, Xunum luus. His omnibus una recti ac consentanei fuit eademque ratio, quam alter ab altero quasi cum imperio per manus accepit. Qui bene sancteque volet orbem regere, hanc rationem sequatur necesse est. Quam quicumque deseruerunt olim, mali reges fuere; mali autem ideo fuere, quia illam quæ unica est, bene gubernandi rationem deseruerunt. Hanc quippe familia nostra post multa bella reique publicæ perturbationes, pacatum tandem imperium tenet. Hoc ut quietum conserves, necesse est, atque pacatum. Oportet quidem in præsens de urbanitate atque ornatu Cheux familia nonnulla detrachere; sed & multa integritatis ac fidei ex Hiaa gente assumere. Non sunt omnia omnino innovanda. Quemadmodum enim curvus easdem habet rotas quas habebant antiqui, & flumina eundem alveum, calum denique motus eosdem; ita homines iidem sunt, eademque constantes voluntate. Quare ad eos regendos eadem debent esse statuta, leges eadem; ne peregrinis ac novis inventis monstra potius invexamus. Sufficiant nobis regum antiquorum exempla, à quibus facile bona eligentes, mala, si qua fuere, vitabimus.

Similitudo.

Imperator itaque tunc quidem abstinuit, & pacis artibus totum se dedit, leges ac statuta ritusque imperii ordinavit. Rem etiam agrariam, magni, ut sæpius dictum, in imperio Sinico momenti, temporum injuriis iterum labefactatam restituit.

Vna res tamen eum anxium habebat, & à consilio belli exteris inferendi avocabat. Luus enim Yangcheu rex, Imperatoris frater natu major, licet ex alta concubina, vir audax & insolens, imperium ætatis prærogativa sibi debitum; ab Hiaono occupatum indigne ferebat, & multorum animos in partes sollicitabat.

Impe-

Imperator ergo, priusquam res erumperet in arma; obstinatum ac ferocem fratris animum emollire tentat, & perspecta *Tumchungi* virtute ac persuadendi gloria & quantopere à bellis omnes abstergeret, eum ad *Yuum* fratrem legat, quam ob rem mitteretur, bene instructum. Per hunc igitur ad fratrem plenas humanitatis atque officii literas dat, rogatque, ut tantum hominem eo in honore apud se habeat, quem illius virtus ac sapientia merebantur. Mira itaque *Tumchungi* in agendo dexteritas cum virtutis opinione conjuncta, ferocem *Iui* animum sibi conciliavit. Quo factum est, ut sæpe ad colloquendum invitatus, paulatim optimis monitis atque consiliis eum ita placarit, ut plane *Iuum* in alium mutarit virum, effeceritque, ut fratri non amplius invideret fastigium. Tantam vim habet vel apud malos virtus, quæ vere in res omnes imperium habet.

*Agendi
dexteritas.*

*Amor vitæ
privatæ.*

Memorant deinde, *Tumchungum* post multa alia præclare acta turbas aulæ præfecturæque pertaxum, domum, unde pauper emerferat, pauperem rediisse. Ibi ludo aperto magister factus, undecunque advenientes, publice Philosophiam Sinicam docebat. At non eo perinde carere poterat Imperator; qui nullam magni momenti rem aggrediebatur, nec implicatum aliquod negotium absolvebat, quin prius *Tumchungum* per literas consularet. Ajunt autem authores Sinici, adeo prudenter eum ad omnia respondisse semper, ut, quod ipse suassisset, illud omnino esset optimum; quippe quo in rebus ac negotiis conficiendis nemo erat clarius, nemo justior.

*E venatione
periculum.*

Hiaonius, ut dixi, bellorum erat ac militum amans. Vnde cum ab armis temperaret sibi, Præfectis pacis studia suadentibus; venationi se addixit impense, robustæ voluptatis gratiam securus. Aliquando tamen in illa nimis fuit. Juvenis namque ac viribus pollens gaudebat maxime, omni spreto periculo, & apros & urfos ipse solus invadere, solus ferire. Forte autem accidit, ut hujusmodi feras insequens ab aulicis ac famulis longius discederet, aberraretque illactenus, ut inveniri non posset. Ibi solus à latronibus captus pro-

xime

xime aberat ab ultimo discrimine. Nemo enim ex iis Imperatorem eum esse suspicabatur; aliud proinde nihil quam ipsius necem ac spolia cogitantibus. Sed in hoc rerum articulo quædam anus ei salutis fuit, latronum famula; quæ ex corporis habitu facieque imperio digna minime vilem conjectans hominis fortunam, periturum insuper miserata, modum, quo præsens periculum evitaret, ostendit. Ex hac occasione *Siangus*, supremus militum Præfectus, ut Imperatorem à nimia venandi voluptate averteret, in admonentis auctoritatem assurgens, *Gaudium est tuum, inquit, in via, devia, & periculosissima quaque montium loca subire, ut feras sagittis figas. At enim timeo non perfunctorie, quod modo tantum non contigisse vidimus, ne tandem illam feram habeas obviam, qua te adducat in pericula nunquam provisæ. Fortasse spernet arma & inimicorum vim virtus ac fortitudo tua, sed hæc, ubi cum bestiis venit in certamen parum valent. Perspicax es & multum in posterum prospiciens. Viere natura tua, queso; & ante periculum obviam ito periculo. Nec illud tacuerim æquum non videri, dum capis feras, interim abs te tuorum subditorum vastari agros, & agricolarum duros labores ab equis tuis pessumdari. Audiit hæc patienter Imperator; quoque in posterum essent à venatione indemnes agri, amplum & in multas leucas patens ferarum septum excitare totumque montem *Nanxan* muro cingere meditabatur. Verum ubi necesse fore comperit, eo opere magnam agrorum partem includi, destitit ab incepto, seipsum potius vincens, & quamlibet gratiam venationem sibi negans, quam ut induceret in animum subditis damnum facere. Tantus semper fuit apud Sinicos Imperatores, quæ probitas cordi suorum amor, & in imperando cautio, ex æquo & justo agentes omnia, nihil ex libidine. Res sane digna, quam omnes imitentur reges, & præcipue Christiani. Itaque antiquorum regum septis contentus, in eis venabatur ac militare robur exercebat.*

Antio imperii quinto cum jam multos apud se haberet sapientes ac liberaliter tractaret; mandavit, ut quinque libros, quos *Uking* Sinæ vocant, à patre suo jam

Oratio Præfecti à venatione dehortantis.

Audita ab Imperatore publico bene.

Sinarum disciplina quinque libris comprehensa.

jam inventos in lucem darent. Singulis doctores præposuit, ut eorum doctrinam aliis explicando traderet. Primus est *Ieking* sive mutationis liber, qui per figuras ac symbola doctrinam suam proponit, ut initio hujus epitomes explicatum. Secundus *Xiking* dicitur, hoc est, librorum doctrina, sive liber librorum. Est antiquarum trium imperialium familiarum ad compendium redacta historia, non omnes quidem omnium familiarum Imperatores, sed aliquos tantum, & præcipue probos, ab eis vel dicta prudenter vel præclare facta enumerando. Initium ejus libri est *Yaus* Imperator; narrantis deinceps & explicantis gubernationis modum, quo veteres Imperatores usi fuerant; multa quoque tractantis de statutis, legibus ac cæremoniis, quas primi Sinarum Imperatores adinvenerant. Tertius est carminum liber, *Xiking* appellatus, qui Poëticæ inventioni jure suo indulgens, non prosa, sed versa oratione rerum naturam commode explicat, ab Imperatoribus bene secusque facta denarrat. Quartus est *Liking* urbanitatis ac morum liber; hic continet ritus, mores & quidquid ad civilitatis partes spectat. Nulla fere est humana actio quamvis minima, cui modum non præscribat. Stoica severitate non absimilis iis, qui se magistros morum profitentur; nisi quod minutius quibusdam scrupulose persequendis non effugiat legentium fastidium. Agit etiam de divino cultu bene ac graviter. Quintus liber est *Chuncien*, *Confutii* partus; quem ver possis & autumnum dicere. Varios in eo reges proponit, bonos juxta malosque, neutrorum famæ obnoxius, fugienda, sequenda, pro cuiusque meritis, aut damnans aut commendans in posteritatis exemplum. Propositum erat *Confutio*, bellicosos avi sui reges à rixis aliisque malis avertere, vitiis sceditatem, pulchritudinemque virtutum, nã supra dictum fuit, ostendenti. Hos ergo quinque libros Imperator primo nitenti restituit, publicique juris fecit una cum *Confutii* Mentiique Philosophia. Horum doctrinam omnino callere debent, quicunque ad litteratorum honores adspirant. E reliquis vero unum necesse est eligere, cujus scita tueantur, qui doctoris ambiunt

ambiunt insignia. Porro manu scripti erant hi libri omnes, quod iis temporibus nondum apud Sinas esset inventa typographia; quæ, ut ex Sinica constat historia, sumsit originem anno post Christum natum circiter quinquagesimo.

Cum septem annorum spatio rempublicam optime ordinasset nec præfidiis militaribus minus, quam legibus firmasset; tum *Tartaris* bellum movere cœpit, perfide pacem cum eis factam frangens. Ad hoc eum *Queius* unus è Præfectis ultro propensum & currentem facile compulit. Sed author belli *Queius* haud multo post mali consilii pœnas dedit, ut mox referam. *Præfecti consilio ruptum factum.*

Hoc itaque bellum Imperator contra *Tartaros* suscepit, quam potuit occultissime. In causam belli magnus ille murus prætexebatur, cujus tuendi munien-
dique specie duos misit cum summa potestate duces, *Liquangum* & *Puxem*, utrumque iusto exercitu instructum. Hos dein Imperator ipse cum trecentis militum millibus subsequitur. Quem exercitum ad vallem accumbentem ad *Maye* seduxit, excitatis inibi, quoad ejus fieri potuit, clam hoste castris. Animus erat, collectis copiis omnibus, inopinantes *Tartaros* invadere; idque tanto silentio successurum sperabat, ut nihil ejus *Tartari* adverterent. Sed hos non sefellere tanti motus; accedente præsertim securitate *Queii*, cujus famulus ab illis cum literis interceptus est. Ergo *Tartari* ad vim repellendam se parant. Imperator ubi sua consilia detecta videt; sive ut è *Tartarorum* animis suspicionem evelleret, eosve placaret, sive ut *Queium* puniret, tradidit eum carceri. Vbi perfidiæ pœnas dedit, sibi ipsi carnifex factus; &, unde gratiam Imperatoris sperabat, mortem invenit. *Tartari* tamen *Queii* morte non contenti, bellum suscipiunt, perfidia Imperatoris altius in eorum animos descendente, quam ut eam concoquerent. At viribus suis diffisi, donec è terris suis majores copias advocarent, murum, quotquot ibi in præsidio erant, ingrediuntur, ac prædas agunt. Sic Imperator, qui aliena vexatum ibat, sua defendere coactus est. Quare cum videret in apertum jam bellum rem evasisse; rerum suarum
Z satagens,

Consilii mali author pœnas dat.

fatagens, quatuor duces in varias partes ad illos reprimendos diuinit, traditis unicuique decem armatorum millibus. Omnes tamen à *Tartaris* fortiter excepti sunt atque reiecti. Vnus *Chingus* victoriam de *Tartaris* reportauit, quorum septingentos cum totidem equis captos ad Imperatorem deduxit. Eum, quo reliquis ducibus adderet animum Imperator, in illis *Tartarorum* confinibus, qua ipsos devicerat, dynastiam creauit, attributo illo territorio. Iam hiems imminuebat, in his locis asperissima. Quare Imperator in regiam regrediens, *Liquangum* ei bello cum ampla potestate præfecit. Iamque *Tartari* quoque aduenerant, nec viribus nec numero imperialibus impares. At postquam audire *Liquangum* esse summum ducem; pugnam inire non sunt ausi, nec, quam diu illic stetit, murum transgredi. *Liquangi* namque fortitudinem ac felicitatem à multo jam tempore perspectam habebant, nec eum alio nomine quam *Volantis Ducis* vocabant. Sæpe nimirum conficit sola fama bellum. Sed nec Imperator suos extra Sinam abire sivit. Terrebat eum regnorum quorundam nimia potentia; formidantem, ne sparsis alio viribus, aliorum in Imperio vires experiretur. Et certe reguli nonnulli jam nimium creuerant; in quibus unus mille stadia terrarum quadrata habebat, cum Imperii leges ad summum centum stadia regulis concederent. Itaque timens, ne facerent, quod sub Patre suo fecerant, milites non emisit. Interea tamen huic malo prudenter iuit obviam novis quibusdam inventis Legibus. Decreuit enim, ut in posterum Reguli acceptas jure beneficii terras inter omnes legitimos filios æqualiter partirentur. Nec enim jus & fas esse, ut uno omnia accipiente reliqui fratres in paupertate essent. Hinc illud existere, ut mortui parentes iustis honoribus careant, quibus eos filii omnes afficere non possint pro eo ac dignitas eorum postulat, obstante paupertate. Magnam vero vim habet apud Sinas ea ratio, quæ à parentum obsequio petitur. Quam ob causam etiam nunc mos est, ut filii omnes æqualiter inter se parentum dividant bona, solum imperium integrum atque indivisum uni cedat.

Deinde

*Volans Dux.**Novis legibus quieti Imperii consilium.**Hereditas æqualiter divisæ.*

Deinde statuit etiam ut beneficiarii terræ, ubi forte legitimus successor deesset, ad Imperium devoluerentur unde avulsæ fuerant; nisi ipse Imperator pro Regulorum meritis aliud statueret. Hæc duo decreta statim vim habere voluit. Quo factum est, ut regna beneficiaria secundo ac tertio genitis latantibus in varia distraherentur dominia. Quæ res etiam primogenitorum amorem in Imperatorem conciliavit, nec minorem à Regulis securitatem; id quod prætendebatur.

Decretum insuper, ut impostorum Imperatoris esset, Regulis omnibus summum Præfectum dare, nec sine illius consensu liceret his eum electo alio respuere. Hoc decretum *Ci* Regi mortem attulit. *Ienius* namque apud Imperatorem graciosus, summusque *Cio* Præfectus datus, incestus ei crimen intulit, quasi cum sorore consueisset; ad quod experiendum ipsum gynæcenm ingressus est. Non ferens tantam Præfecti audaciam, tantumque dedecus *Ci* Rex, mortem sibi concivit. Quo audito Imperator *Ienium* cepit, & cum tota consanguinitate tanquam reguli interfectorem delevit. Sed præcipue illius occidendi causa fuit, quod hic casus Regulos quam plurimos ira & indignatione accenderit; quiritantes nimiam summorum Præfectorum audaciam & insolentiam esse. Quos ut placaret Imperator atq; ostenderet hoc se minime volente factum; eapropter *Ienium* morte multavit. Odii porro, quod *Ienius* in *Cium* conceperat, causa fuit, quod Rex filiam ejus uxorem accipere noluit, quam optabat ei nuptum locare.

Punita nimia audacia.

Interim tamen Imperator ab impostoribus deceptus, in terris æternæ vitæ præcepta sectabatur. Illi namque chimica pergebant arte se non modo aurum atque argentum facturos polliceri, sed & medicinam illam, qua sumta viveret æternum & in *Xinsien*, ut vocant, mutaretur. Amabat impense res raras & exquisitas; quæque curiosa pascunt ingenia, iis plerumque delectabatur. Vnde illis impostoribus aures dedit, maxime cum id promitterent, quod unum ad felicitatis apicem Imperatores Sinici sibi deesse credebant. Hinc titulus ille, quo præcipue gaudent & ab omnibus vocantur, *Van Van Sui*, quod decem annorum millia

Chimici Sinenfes immortalitatem sperant.

*Palatium
odoriferum.*

*Turris cuprea
& ejus usus.*

*Error circa
immortalitatem hujus
vita Imperatoris
astu exemptus.*

significat. Hoc titulo perpetuo cum inter loquendum, tum scripto appellatur. Immortalitatis igitur adipiscendæ causa curavit exstrui palatium ex meris lignis odoriferis, ex cedro, inquam, cypresso, camphura & id genus aliis, cujus odor ad viginti stadiorum distantiam profusus facile percipiebatur, ut Historici scribunt. In eo Palatio cupream turrim viginti perticarum, stupendum sane opus, exstrui jussit; intus ad summum usque patente per cochleam ascensu. Ingens ibi erat cuprea pelvis ad modum humanæ manus fusa, quæ ros purissimus in singulos dies colligebatur; in quo rore uniones æternæ vitæ medicinam macerabat, quibus ex impostorum fraude sperabat se immortalem fore. Præterea mire Palatium exornavit atque in tantum, ut tradant, omnia Sinensium Imperatorum ad hoc usque tempus palatia illi magnitudine ac splendore celsisse. Vnum, quod in hoc Imperatore plane mirandum, non omiserim. Nam licet his nugis operam daret, nunquam tamen officio suo defuit; quin alia ex aliis negotia majora semper & altiora meditabatur. Istud quoque circa immortalitatis præcepta de hoc Imperatore narratur. Quem cum Impostor quidam poculum miscere docuisset, quo exhaurito fieret immortalis; poculum paravit, & urgentibus quibusdam Præfectis supra mensam posuit. Tum unus è Præfectis majoribus ei exquisitis argumentis suadere cœpit, ne fidem impostoribus adhiberet, neve poculum ebiberet; sed omnia incassum. Hic repente Præfectus in poculum involat & exhaurit. Excanduit scilicet Imperator; & quoniam ereptam immortalitatem sibi credebat, qua morte tantam audaciam vindicaret, deliberationem habuit. At Præfectus Imperatorem placide alloquens, *Occidere me non potes, inquit; nam æterna vita tibi medicinam. Si autem mori possum, nullum hic est crimen meum; qui non medicinam veram, sed impostorum tibi mendacia. Ex his, quid tecum agant, intelliges.* Imperator his dictis statim acquievit, & Præfectum suum de prudentia collaudavit. Nec tamen omnino destitit æternam vitam querere, ut infra videbimus. Vix enim, semel ab hac infania correptus, unquam curatur; qui artis chymicæ potissimus esse solet effectus;

Post

Post hæc itaque, cum per ea, quæ diximus, decreta
 factis providisset Imperio; tandem per Præfectos suos
 extra Sinicum Imperium missos multa occupavit Re-
 gna, Sinæ occidentali ad Libycum objacentia. Vnde
 reversus *Chankiengus Yuepi*, *Tavon*, *Takiam*que regna
 sub Imperium esse subjuncta, Imperatorem edocuit. In
Takia regno mons est, quem *Kiung* vocant. Ex eo
 monte *Changiengus* attulit arundinum genus quoddam
 intus solidarum, quarum nodi multum inter se dista-
 bant, ceterum sustentandis senibus in baculi vicem
 aptissime servientium. Hæc vero Sinici sunt Autoris
 verba; quibus clarissime describit genus illud canna-
 rum, quod in India *Bambu Macho* dicitur à Lusitanis,
 quod marem arundinem sonat; in Sinis autem similes
 non est reperire. Vnde hoc Regnum prope *Bengalam*
 fuisse crediderim, *Taum* vero regnum commemora-
 vit optimorum equorum esse plurimorumque ferax;
 montes item inibi permultos continuis nivibus rige-
 re. Hinc Sinica Tabula geographica recte docet,
Tibet regnum ad radices *Amasai* montis esse; imo in
 ipsis montibus situm. Hinc etiam *Suchuen* Sinica Pro-
 vincia cum eo regno confinia habet communia; quæ
 similiter optimis equis abundat. *Yuepi* vero tunc erat,
 ubi modo *Tungking* est & *Laos*: de quibus Atlas no-
 ster adeundus, ubi omnia clarius explicantur. Multa
 insuper alia rara sunt allata, Sinis nondum visa, quæ
 Historicus generatim tantum attingit, non singula
 explicando.

His lætus Imperator animum ad majora, quam quæ
 jam meditabatur, adjecit; nec modo ad easdem par-
 tes militum submisit auxilia, sed etiam Orientis plagas
 classibus suis pervestigandi consilium cepit. De qui-
 bus primo agam, dum missa auxilia Occidentem pe-
 tant. Ergo per mare Sinicum, quod Sinæ *Sang* vocant,
 Orientem versus suas classes emisit. Sed quia de exteris
 vix aliquid Sinæ scribere dignantur vel scire, idcirco de
 hac expeditione particulatim nihil habeo dicere. Nec
 nomina Regionum, è quibus quique oriundi, repêrio.
 Nam Sinica exteris imposita omnia fere contumeliosa
 sunt, quippe quæ vel barbaros vel putidos, vel manci-

Imperator
 Regnum
 amplificat.

pia & quæ sunt generis ejusdem, significant. Vix aliquando propriis exterorum nominibus utuntur. Ita Iapones per contemptum *Vocu*, *Tartaros Nucieu* vocant. Quare decernere non possum num in *Iaponiam*, *Insulas Lusonas*, *Ceilanum*, *Iavam*, *Camboyam*, & similia retenderint loca. Pntem ultra *Coream* fretum *Armani* classes etiam penetrasse; quaque Occidenti est maxime obversa, *Americam* à *Sinis* frequentatam. Et hinc fortasse originem illa gens habuit. Nam color, capillorum modus ac faciei faciunt id mihi verisimile; nihil tamen certi reperio. *Siones* autem, *Camboyenses*, ac vicinas circum regiones à *Sinis* originem traxisse constat. Vnde litteris quoque *Sinice* utuntur; imo & numerorum nomina ut *Sinæ*, explicant. Nec dubito, quin olim, ut hodie, mercatores *Sinæ* navigaverint, etiam usque ad rubrum mare. Nam nunc quoque maximæ naves *Pan Gum Da China* vocantur. *Pan Cum* autem dicunt quod *Sinice* ligneum sonat *Palatium*. Nec hujus rei parva sunt in *India* monumenta passim, de quibus alibi plura dixi.

*Tartari bello
periti.*

Præterea Imperator copiis ad murum magnum agentibus edixerat, ut *Tartarorum* terras invaderent. Quod ut facerent alacris, ampla & firmissima castra forma quadrata ultra murum magnum excitavit, in quæ si quæ necessitas urgeret, seque ac res suas recipere possent exercitus. Accidit hæc res populo non parum molesta, cui erat imperatum, ut ad tantam fabricam necessaria undique conveherent. At vero quia publicæ securitatis intererat, cceptum opus ad exitum adduci; nemo Præfectorum ausus est Imperatorem de populi querelis admonere. Vnus è Præfectis *Sunhungus* cum ficta virtute ac pietate pari magni nominis famam & dignitates aucuparetur; ut à plebe gratiam iniret, non hanc modo fabricam, sed & maritimam *Indicamve* expeditionem impedire volebat, & Imperatorem ad *Sinicas* terras omnes aperiendas & quoquo-versum colonias deducendas hortabatur. Imperator ne illi contravenire videretur vel ejus consilium aspernari; astute in aliam opinionem eum traxit. Missos namque Præfectos aliquot *Sunhungum* convenire jubet,

bet, ac cum eo de munimentorum expeditionumque reliquarum utilitate colloqui. Qui cum ex eorum dictis Imperatoris voluntatem intelligeret, ne illius gratia excideret, sine mora suam opinionem damnavit. Neque hoc tantum; sed ad urgenda cœpta Imperatorem animabat, ad eumque adiens, *Ne, ô Imperator, ajebat, mihi, vili homini (Xantung enim regnum mihi natale solum est) irascere. Ut plerumque sunt homines ex eâ provincia; sic & ego rudis sum ac parum perspicax. Non intellegebam adhuc, tantas ex iis, quæ moliris, quæque agis, utilitates efflorescere.* De hoc eodem Sunhango scribunt, ut Imperatorem servaret amicum sibi, licet satis opima Præfectura fungeretur; amictu tamen ac cibo solitum uti vilissimo. Sciebat enim *Hiaouum* simplicitatem ac modestiam plurimum in suis amare. Alius quidam Philosophus majori autoritate de hoc cum Imperatore agens, *Non est, inquit, hæc vera Virtus, ô Imperator, quæ gradum ac dignitatem non tenet suam. Profecto simulator Sunhungus est, & aliud ore promissum, aliud pectore clausum gerit. Neque desunt alia, quibus germanam virtutem explorare possis.* Tunc Imperator illum advocat, & num vero ac ficto animo hæc ageret, interrogat. Ille qui sciret Imperatorem in suis animi submissionem maxime suspicere, neve majori Præfecto contradiceret; *Confitentem, inquit, habes reum, ô Imperator; ita est, ut Præfectus tuus tibi dixit. Nam vera illa germanaq; virtute non sum præditus, quæ tibi me servire consentaneum esset; amor tamen ac prompta voluntas tibi serviendi faciunt, ut virtutem fingam, meque ipso melior esse studeam, dummodo adesse liceat obsequio tuo.* Imperator hæc audiens hominini non modo non irasci, sed etiam de animi candore ac modestia collaudatum, in dies plutis facere, atque ad majores dignitates efferre. Demum anno Imperii decimo ad supremam Colai præfecturam evexit. Hic honos ingenium ejus prodidit, quod adhuc utcumque malis artibus occultaverat, fallendi peritissimus. Namque paulatim insurgens optimam quamq; dignitatem vexare, Præfectos recti tenaces averfari, amicos multos ad honores admittere; magnum denique malum reip. machinabatur, vel turbaturus, vel, si potuisset, sibi occupa-

Vulpes aulica.

*Tartari do-
muit.*

parurus imperium. Sed Imperatoris felicitas & hoc malum superavit. *Sunhuhus* enim non diu stetit in eo fastigio; morte præventus, quam destinata exsequeretur. Inter hæc ingentis illius munitionis fabrica continuabatur; quæ bellum inter Imperatorem ac *Tartaros* tandem accendit. Quippe *Tartari*, quo fabricam impedirent, crebram irruptionem faciebant operasque fugabant. Imperator submissis majoribus copiis per *Gueicingum*, quem summæ rerum præfecit, eidem mandat, ut aperte jam *Tartaris* bellum moveat. Pugnatum igitur est in regno *Tangu* ingenti *Tartarorum* strage. Multi etiam vivi venerunt in victoris potestatem; quos ad Imperatorem misit. Ea victoria magna per totum Imperium lætitia celebrabatur. Subinde Imperator *Gueicingum* cunctis reliquis Ducibus suprema cum potestate præposuit; omnes uni parere iussit. Præterea dat in mandatis, ut victoriam delendis *Tartaris*, qui semper fuissent Sinarum hostes, persequatur; parcat nemini, ut eis penitus profligatis, illorum in Sinas irruptiones ac prædæ impediuntur. Ipse etiam Imperator ad Victorem exercitum oculis subjiendum profectus, ubi *Tangu Tartarorum* regnum ingressus est, altissimos illius montes animi gratia ascendit. Est *Tangu* regnum ad Boream *Xensi Xansique* provinciis confine, ac paullulum in occasum excurrit; ad ortum, aliqua ex parte *Peking* Provinciam attingit, inter sitientis arenæ deserta murumque magnum, clausum. *Craesus* fluvius medium fere secat; ab Austro tamen in Boream, & inde rursus in Austrum circumvagus, ut in Atlante nostro videre est. Illac Imperator venatus, animal quoddam rarum cepit, quod ungulas quinque-partitas habebat, unicum vero cornu. Fortasse unicornis vel rhinoceros fuit. Ut ut est, ejus capturâ in latissimum omen accepit, eumque annum, quo captum est animal, Imperii sui primum dici voluit; hanc epocham, primam venationem vocans, ita ut anni postea reliqui à prima venatione appellationem traherent. Fuit hic annus Cycli Sinici quadregesimi tertii sextus & quinquagesimus, ante vulgarem Christi epocham centesimus vigesimus secundus, hujus Imperatoris decimus.

Sub

*Anni à pri-
ma venatio-
ne nominati.*

Sub hoc tempus *Hoainan* & *Heancxan* reguli rebellionem in Imperatorem meditabantur. Verum eorum famuli rem ad Imperatorem detulere, priusquam parata essent omnia. Ita mature oppressi sunt ambo caprique. Ne vero cogerentur supplicia subire in rebelles parata, laqueo voluntariam mortem occupavêre.

Eodem tempore cum *Tartaris* iterum pugnatum est, iterum à Sinis stante victoria. Qui veteri *Tartaria* usque ad *Yenchium* ac *Kilienum* montes vastata, pervenerunt usque ad mare, quod nigrum Sinæ vocant, de quo in nostro Atlante plura. Montes autem isti ad Boream *Xensi* provinciæ surgentes, in Occasum excurrunt. Distant à muro magno plusquam octingenta stadia Sinica, hoc est, quinquaginta circiter leucas. His malis victus *Hoensienus*; unus è *Tartarorum* Regibus, ut victoris clementiam experiretur, ad Imperatorem à reliquis defecit. Imperator, ut ostentaret vires suas, equitum viginti millia mittit ad eum excipiendum. Deinde, ut illius potentiam distraheret, quinque *Tartarorum* Duces tributarios dynastas creat; facta cuique potestate ultra murum magnum urbem more Sinico exstruendi, sic rashen, ne alter alteri subessent; sed Sinicum Imperatorem dominum omnes agnoscerent. Tum, ut *Tartarorum* terras omnes, ipsosque *Tartaros* deleret, triplici cum exercitu illas invadit. Primum exercitum fortissimus *Gueicingus* ducebat; secundum *Kiupingus*; tertium *Liquangus*, optimi Duces: singulis Imperator equitum quinquaginta millia, peditum vero multo plura assignavit, permittens quorsum vellent contra *Tartaros* & quacunque tendere; quique rem eos delendo præclarius egissent, illis maxima promisit præmia.

Gueicingus igitur cum suis *Tartaros* insequitur. Ad *Barolibycum* progressus, ac duo fere stadiorum millia emensus ad montem usque *Tienquen* victor penetravit. Hunc montem Historicus Sinensis in *Tata* Regno ponit (*Tartaria* vult dicere, sed ob R literæ defectum *Tata* dicit) & in medio *Tartariae* esse scribit. Sæpe autem Sinæ in suis etiam antiquioribus scriptis *Tata Tartarorum* Regnum vocant.

Tartaris iterum illatum bellum.

Tres exercitus in Tartariam missi.

Successus primi exercitus.

Ex quo intelligitur *Tartaria*, nomen antiquissimum apud Sinas esse; illius nimirum, *Tartaria* quæ extra *Imaos* seu *Amasæos* montes ad fretum usque *Anian* extenditur, quam veterem dicimus, quod nomen reliquæ Asiaticæ *Tartariæ* commune factum. Ultra hos montes progredi non est ausus, arenosis campis obstantibus, de quibus infra. Multos in hac expeditione *Tartaros* devicit, & reges omnes usque ad mare, quod obversum *Boreæ*, delevit; omnes eorum cohortes, quas *Hordas* vocant, dissipavit. Inde victoriis inclytus domum ad Imperatorem rediit.

Secundi.

Kinpingus vero Dux alter per veteris *Tartariæ* ad *Boream* vergentis planitiem, *Barrapheliotem* versus progressus eodem modo insignes à *Tartariis* victorias reportavit. Emensus ultra quatuor stadiorum millia, montem etiam *Lankiusum* superavit. Quin & ingenti ausu campum arenosum transiit ex ea parte, qua se ad *Boream* Sinæ diffundit. *Tartariis* infestus & ibidem vastitatem efficiens. Hunc arenosum campum sive desertum Sinæ *Xamo* vocant, quod tractum arenosum significat. Est autem ingens ac longissimus arenæ sitientis ille tractus; qui Sinam quasi ambit ad occasum. Incipit ad Australes radices *Imai* montis circa trigessimum septimum altitudinis gradum; ubi etiam *Xacheu* Civitas sita, quasi dicas, arenosa. Inde ad quinquaginta tres fere gradus usque protenditur, per lencas circiter trecentas partim in *Boream*, partim, & hoc magis, in ortum excurrens continua ptope serie. Ad occasum vero in partes duas diffunditur; unde desertum majus ac minus nominatur. Ibi *Sumahan* & *Casar* à *Tartaria* vetere dividit. Sinæ *Samahan* & *Hoei* regiones vocant; quæ nomina novane sunt an etiam antiquioribus *Sinis* cognita ignoro, in Sinarum libris ac tabulis geographicis reperiuntur. Hic arenæ tractus in occidentali parte rarior est aliquot leucarum spatio, seu minus arenosus; ubi olim Sinæ duas urbes *Lungya* & *Lienyung* condidere, quas adhuc est in Sinicis tabulis reperire. Adhucne existant, ignotum. Hæ namque regiones à *Sinis* hodie non frequentantur. Qui hæc melius intelligere voluerit, *Atlantem* nostrum extremæ *Asiæ* consulat; ubi

ubi etiam reliquarum regionum, fluviorum ac montium nomina reperiet, antiqua & nova, de quibus in hac Epitome mentionem facimus.

Kinpingus ergo ad finem hujus arenosi tractus, qua spectat Orientem, pervenit. Vnde Boream versus processit ad *Hanhai*, hoc est ad magnum mare. *Han* enim magnum, *Hai* vero mare significat. Quanquam *Sinæ* non mare, sed lacum in tabulis suis pingunt. Etsi vero tractus hic arenosus effundit se longissime; latitudo tamen ejus, quæ maxima est, vix triginta leucarum spatium complectitur. Ab his ergo Ducibus duobus *Tartari* illi qui toties ad hoc usque tempus *Sinam* vexaverant, debellati sunt ac ferme deleti; præsertim illi, qui deserta camporum inter ac *Sinicum* mare claudabantur. Nec mitiore fortuna sunt usi, qui colebant intra *Lankiusios* montes. Hi continuo tractu cum *Imao* monte usque ad mare Boreum excurrunt, & prope arenosos campos in duas series se findunt; quarum altera Orientem, altera Occidentem versus, utraque tamen in Boream deflectens immensam aperit planitiem.

Dux tertius non perinde rem prospere gessit, ob viarum ignorantiam magnis circumventus difficultatibus. In montibus, quæ *Niuche* & *Niulhan* nomen, hærenti nulla materies egregii facinoris suppeditavit. Vbi, cum socios suos alibi multa præclare fecisse comperisset, dedecoris impatiens guttur sibi præscidit, magno totius Imperii luctu. Et hunc exitum habuit *Liquangus* magnus alioqui dux, & militum animis gratissimus, quippe qui cum illis tanquam gregarius miles arma semper haberet communia, nec eos ut sibi subjectos; sed ut commilitones tractaret. Tam porro liberalem ac profusum in alios fuisse scribunt, ut nihil unquam vel de stipendiis vel prædiis reservaret sibi; distribuens omnia militibus suis.

Tertii.

Mors ultionis.

His bellis confectis Imperator duobus ducibus ac reliquis bene de Imperio meritis omnem illam *Tartariam*, quam arenæ *Sinicusque* mænis complectitur, montesque præterea *Lankiusios* dono dedit; militibus urbes militares ac castra extruxit; duos duces insuper reges creavit. Hinc *Caro Casy* nomen ad externos manasse

nasse credo. *Catay* namque terram nigram sonat; & ut M. P. Venerus scribit, ita desertum vocatur, quia *Catay* regni populis est habitatum. *Catayum* autem Sinicum Imperium esse luce meridiana clarius in nostro Atlante ostendimus. Hinc etiam urbes ac mœnibus munita loca visuntur etiam nunc in veteri *Tartaria*, quamvis alioquin *Tartari* nullas ædificent urbes, vagis tentoriis contenti. Sinenſes autem isti ab Imperatore ibi relictī, paulatim Sinicos obliti mores & *Tartarorum* commercio assueti atque degenerantes in *Tartaros*, etsi multo post tempore, Sinas tamen infestare cœperunt. Inter hæc magus quidam nequissimus à regno *Cy* oriundus, cui *Xaukungo* nomen, ad Imperatorem venit; quem præstigiis multum sibi devinxit, etsi postmodum earum pœnas morte velut impostor dedit. Inter alia, quæ dæmonum artibus fecit, illud fuit quod, quoties Imperator optaret, concubinam ei carissimam, *Changoam* dictam, sed jam mortuam advocabat. Immo nimis credulo Imperatori persuasit, illam non esse mortuam, sed in luna habitare immortalem, quia medicinam, quam Imperator sibi pararat ad immortalitatem consequendam, hauserit; sibi vero tanquam spirituum domino licere, quoties vellet, eam è luna deductam Imperatori sistere. Autor ei præterea fuit, ut altissimam turrim ædificaret in hunc unicum usum, ut quoties vellet, cum *Changoa* versaretur; sed cum adesse illam optabat, monuit, ut prius spiritibus faceret. Aliquamdiu tenuit hæc consuetudo; cum vel Deo vero abnuente, vel dæmone præstigiis non amplius se subjiciente, magia vim suam amisit. Nam Imperatoris amasia magno ejus dolore nusquam apparebat. Tum veterator, ne detegeretur & ignominiam vitaret, alias fingit præstigias. In serico panno canſas, cur non veniret amplius, scribit nomine *Changoa* increpantis Imperatorem, quod non rite atque ut decebat, se coleret, & hanc scripturam vaccæ comedendam tradit. Simulans deinde se præ timore vix loqui posse, Imperatorem adit; & Nescio, quod scelus, inquit, vel ego vel tu, ô Imperator admiseris. Mira in hac vacca video; eam, quæso aperiri jube. Videbis & tu plane quod mireris

Magus impostor mire
Imperatorem ludit.

Luna habitari credita.

Et cur ad se venire desinat immortalis mulier, intelliges.
 Factum, quod petebatur; occiditur vacca, pannus literis exaratus apparet, mira in eo signa leguntur. Imperator id quod erat suspicatus, ut in conjectando inprimis erat perspicax, diligentius scripturam considerat, & ex forma & modo literarum facile deprehendit, impostoris esse. Quem proinde detecta fraude vera confitentem pœnas meritas dare jubet; morte multatur. Alia multa super hac historia circumferuntur à Siniis, præsertim in comœdiis, quibus argumentum ea præbuit. Sed à Sinenfibus historicis non notantur, nisi ea, quæ supra narravi, & ut vera refert Sinica historia. Quæ hoc etiam loco ponere placuit, ut Europæi videant, nec Sinis Sinones aut Tyanæos defuisse, ac dæmonem ubique miseros mortales decipere, cum potest. Vnum non omiserim, quod pro vero notatur. Imperator cum videret amasiam è luna non descendere, cogitavit exstruere turrim, per quam ipse ad lunam eniteretur. Obstitere Præfecti omnes insanis consiliis, sed nequicquam; exsequi se posse credente, quod meditabatur. Vnus architectus; cui turris cœlæ mandata erat, eum ab hac sententia deduxit, evidentissime demonstrans id fieri nullo modo posse. Dicebat enim se turrim quidem ædificaturum; sed ingenti fundamento opus esse, ad quod ponendum totam, quæ patet, Sinam vix imò ne vix quidem suffecturam; terras etiam extra Sinam necessarias esse. Itaque ne Sinam & Imperium perderet, à stultissimo conatu destitit. Sic quandoque magna etiam ingenia delirant; & adeo videmus non solos Noachi nepotes delirasse.

*Deprensus
morte suis.*

Stultus conatus.

*Ingeniosa
clausus.*

Dum hæc fierent, Tartarorum multi, qui Sinarum manus effugerant, Imaum transgressi montem, per Sizan sive Pret-Ioannis regnum, Tibet ac Laos regiones ad Austrum petebant, Changkiengus, cui mandata erat Indica expeditio, Imperatorem ea de re docet ac rogat, ut missis muneribus, & concessis aliquot honoris insignibus reges earum regionum admoneret, ne Tartaros admitterent: imò tanquam hostes Imperii uocarent. Sed à regibus neglecta est hæc petitio, fugientes ad se Tartaros libenter excipientibus. Sperabant enim

Tartari iterum vexati.

enim se ab illis adjutos posse Sinicum jugum excutere. Quare Imperator *Gueicingo* fortissimo duci mandat, ut illos fugientes in Austrum sequatur per eandem, qua ipsi penetrabant, viam. Quod ille postquam egregie præstitit, ægritudine oppressus diem suum obiit. Cui subrogatus *Chanus*, ut se virtute non inferiorem ostenderet, audacissime *Tartaros* insecutus ingenti clade affecit, & continuo in Austrum illos persequens, longa terrarum emensus spatia, usque ad *V* & *Sum* reges venit, & his etiam duobus regnis poritus in provinciam ea redegit. Parent hodieque Sinico Imperio; jacentque, qua *Suchuen* provincia Occidentem respicit, ubi modo *Vsa* urbs est militaris sita.

Vini fons.

Lætus Imperator successu rerum; ne populus esset expers lætitiæ, vini fontem adornavit, qui ex palatio fluebat publicæ hilaritati totum diem. Placuit deinde terras illas omnes, de quibus dictum, Occidentales Australesque coram invisere. Magnis igitur copiis instructus, ad *Chau* ducem primo tetendit, & incredibili celeritate *Xensi* *Suchuen*que transiens *Iunan* pervenit. Inde *Pegu* descendit; ubi ad Austrum jacentis vidit mare. Mox per *Laos* penetrans *Cumboyam* occupavit & *Cochiniam*. Dein litus maris per *Tungking* legens, *Quantung* pervenit, & cognita insulæ *Hainana* fertilitate, mari trajecto, illam occupavit, & in novem regiones partitus est. Ex illo mari piscatus ei multos uniones tulit. Eaque propter, primam regionem, quæ modo *Kingcheu* dicitur *Chuyai* vocavit; quod unionum littus significat. Nec immerito. Nam nunc etiam illud Sinae inter *Hainan* & *Sinas* unionum multorum est ferax mare. Hinc orientem petens, *Fokien* provinciam penetravit. Qua se difficiliora obiciebant loca ea navibus superabat, quæ pedestri itinere non facile potuisset. In hoc itinere confecisse eum scribunt Sinae stadiorum Sinicorum viginti milia, quæ fere mille & quingentas leucas nostrates conficiunt.

*Tartarus
stabula Im-
peratoris
magister.*

Inter *Tartaros* reges, qui clementiam Sinici Imperatoris experiri maluerit, quam iram, nisi se subicerent;

rent; unus erat *Hientu* nomine. Is filium suum *Geli* dictum ad Imperatorem misit ut in urbe regia Sinicos mores, literas ac politiam addisceret. Erat hic juvenis equorum amans; & more *Tartarorum* optimos aliquot alebat domi, quos pares non habebat regia. Sæpe etiam eques transibat palatium, unde conspici posset ab Imperatore; cujus in se amorem facile traherat. Erat enim statura procerus, corpore robusto, spectanda prorsus membrorum habitudine; & quod magis est, amabilem quandam, gravitatem præferbat. Ob has dotes Imperator in aulam ac invitatum stabuli præfectum creat; addens illi Sinica nominatione *Kin* cognomen, ac si ex Sinica esset familia. *Tartari* vero sola habent prænomena, pro quibus patris nomine utuntur, ut in sacris literis in usu fuisse apud Hebræos legimus. At longe pluris eum fecit in dies, postquam optimam ejus indolem, virtutem ac prudentiam cognovit. Ex quo, ut suo loco docebimus, ad summos in Imperio honores pervenit, adeo, ut non equorum modo, sed & hominum fieret magister. Hic mihi videtur primus fuisse, qui familiam *Tartarorum* condidit; *Chinchi* M. P. Veneto dictam, *Chin* Italorum more perinde ut *Kin* scribenti. Hæc familia deinde Sinicum Imperium totum occupavit, ut fusius suo loco, hoc est, cum ad *Iuenam* familiam nos deducet historia, favente Deo demonstrabimus. Eodem tempore, quia Imperator maxime gaudebat equis, & his abundat *Van* regnum; inde iussit adduci plurimos eorundemque optimos, quos *Kino* stabuli præfecto tradidit alendos.

Supra diximus, quemadmodum quam plurimi à *Tangu* regno *Tartari* salutem in montibus invenerint. Ibi ergo latitantes viribus crevere paulatim, iterumque in planitiem descendere sunt ausi, non quidem Sinam versus, sed ultra montes, qua respiciunt Boreum mare. His motibus auditis Imperator tres Legatos (ii *Susu Xingus* & *Hoeius* fuere) misit ad eorum regem, qui pacem illis ac quietem promitterent, si se vellent Imperatorem agnoscere. Rex *Tartarius*, cui *Sini* virtus animique magnitudo perspecta, optabat eum

Legati fides. eum ad suas partes sequendas transire. Id negotium Guelio Sinico duci datum, qui jam ante ab Imperatore ad Tartaros defecerat. Suum itaque convenit Guelius, & magnos honores opesque sui regis nomine illi promittit. Sed is ut Imperatori fidissimus, non modo

Guelium non audit, verum acriter atque increpans: Tu vero perfide, inquit, postquam acceptorum ab Imperatore tuo beneficiorum oblitus, rebellionis adversus dominum ac patriam tuam reus, parentibus tuis aque ac civibus inimicus factus es; adeo tibi frons periiit, ut alios insuper audeas in consortium impietatis allicere? Ne id calum sinat, ut tantum admittam piaculum! mihi quidem nil magis dolet, quam quod hominis tam perfidi aspectu mihi oculos incestare contigerit. De his ubi Guelius regem Tangu docuit, seque operam perdere; vehementer iratus, captis contra jus gentium legatis, suum in subterraneam specum detrusit, à cibo & potione abstinendum. Scribunt eum aliquot diebus ibi famem pellibus ac pilis, sitim vero nive depulisse. Pellibus autem animalium abundat ea regio; quibus ad vestes, ocreas, ephippiaque conficienda utuntur Tartari. Qui proinde, unde inedia sitimque toleraret, iguari ac velut rarum aut divinum suspicientes eum extrahunt, & ad Boreum mare, quod Han Hai Sinæ indigetant, dimittunt, oviumque & caprarum, quæ ad sacrificandum utebantur, pastorem faciunt. Ibi novemdecim ipsos annos vixit; quibus exactis in Sinam, unde venerat, rediit. Ait historicus Sinenſis eum à Tartaris supra mare positum fuisse. Qui loquendi modus insulam aliquam in mari deocat, vel in lacu illo magno, quem in suis tabulis etiam Hanhai Sinæ vocant. Fortassis est illa insula, quæ Plinio Tarata dicitur. Ex his præterea, quæ cum hic tum supra de Kiupingo dixi, ad Boreum usque mare pervenisse; facile fortasse solvatur dubium illud, Undenam fuerit

Navis Indica olim in Germaniam appulsa. navis illa Indica, quæ in Germaniam appulsa, consule in Gallia Metello, & collega Afranio. De cujus adventu Rex Suecia, missis etiam aliquot captivis Indis Metellum admonuit, ut refert Cornelius Nepos. Fortasse per Anian fretum Hiaonius Imperator supple-
menta

menta idque genus alia suis submittebat ; unde credi possit , aliquam navim vi ventorum abreptam fretum , quod Nassavium vocant hodie Geographi , præterisse , atque inde Samoedæ ac Russiæ littus prætervectam in Sueciam appulisse. Pro certo tamen nihil affirmare sustineam , sitne fretum *Anian* in rerum natura , an secus. Sed ad nostram redeamus historiam.

Imperator de captivitate legatorum certior factus , maxiinis viribus in *Tartaros* inover. Undecim fortissimis exercitibus constabat hæc expeditio. *Tartari* tantam vim non ferentes ad montes iterum se proripiunt. Tunc Imperator terris eorum vastatis omnibus , dimissis libellis *Tartaros* ad pugnam provocat in hæc verba : Ipse ego Imperator adsum ; pugnate mecum ; si viri estis ; me victo Imperium , quod adhuc toties vexastis , feretis præmium. At enim cum videret , *Tartaros* cavernis suis se montibusque tenere ; domum rediit , ad reliquias belli relicto *Lao* duce *Liquangi* nepote. Re referebat *Laus* usquequaque suum avum , militum amans eosque tractans liberaliter. Equitandi ac sagittas emitendi peritia nemo par ei reperiebatur. Quibus ex artibus Imperator eum etiam fortitudine credebat avo æqualem fore. Ac primo quidem illius insigne specimen edidit , feliciter contra *Tartaros* pugnando ; à quibus tamen denique captus est. In monte igitur *Siunkio* illos adortus tanta clade affecit , ut Rex *Tangu* jam de suis rebus desperaret. Sed nimius ejus ardor ac vis inconsulta , qua premebat hostem , victoriæ cursum inhibuit. Illum namque per montes , qua impedimenta progredi non poterant , infecutus , sagittis tandem atque annona laborare cœpit. Quodque pejus fuit , nihil horum subvehi poterat , quo *Tartari* viarum peritissimi montes à tergo custodiis clausierant. Ea penuria primo *Quoncanium* Sinicum ducem , qui ad *Tartaros* transfugerat , advertit. Vnde collectis copiis suis omnia intercludunt montium itinera , Sinicumque exercitum in valle quadam coarctant ; in quem ex alto sagittarum imbrem , immunes periculi effundunt & victores modo milites difficili loco deprehenso

Undecim exercitus in unum hostem.

Sinarum clades.

trucidant, invitantes interim eos, ut sese dederent. Multi ducum elegere potius fortiter pugnando mori, quam se Tartaris permittere. *Laus* tamen suos allocutus, *Ad Imperatorem*, inquit, *victus redire non audeo; & hic, ubi defensionis non est locus, misere perire velut oves non convenit. Brevis fortassis affulgebit occasio, quia de Tartaris, inter eos agens vindictam sumam. Ita se cum suis, qui supererant, deditit.*

Hæc clades Imperatorem jam senem fregit, abstantem Tartaros ultra montes persequi. Terris tantum intra montes Sinicumque murum optime providit, ut ab illorum incursionibus tutum saltem servaret Imperium. Sub hæc *Cienus* suminus tribunorum militarium præfectus, *Lai* amicus, documentum dedit, quam periculosum iratos Principes alloqui. Nam cum rumor de *Lai* ad Tartaros defectione, ad Imperatorem allatus esset; ipse forte adstans & amico favens *Novi*, ait, adhuc *Laum* parentibus suis semper obsequentissimum fuisse. Non raro etiam pro Imperatore fortiter egit, vitamque suam magnis periculis exposuit. Qui talis est, perduellis esse non potest. Nec ejus ego malitia, sed necessitati factum istud impuso. Quin illud fortasse meditatur, ut delusis specie dedititionis Tartaris, suum dedecus illorum cade aboleat. Hæc loquentem Imperator iratus duci in carcerem jubet, multarique poena, quam *Fuhing* appellant, abscissis illis corporis partibus, quas natura velavit.

Excusatio
amici gra-
viter casti-
gata.

Dum hæc agerentur, Imperium frequentibus latrociniis infestum esse coepit in iis maxime oris, qua Sina Orientem spectat. Plebs enim ab iis, qui reditus ac tributa exigebant, opprimi se quæsta, secessione arma induerat. Sed hæc pestis in quibusdam locis brevi suppressa est. Cum enim sine duce essent & armorum tractandorum imperiti, facile victi sunt rebelles. Tantus autem deletus eorum est numerus, ut ipsum etiam Imperatorem severitatis poeniteret, dolentem de obrepta victoria, in qua sibi victo similior videbatur, quam victori. Verum ut in posterum his populi malis mederetur; optimas ac severissimas leges tulit, quibus exactorum sævitiam reprimebat. Et quia multi adhuc

Rebelles
deleti.

rebelles

rebelles supererant in aliis locis; edixit, ne quem milites vel Præfecti necarent, nisi ubi plures quam duomillia in armis essent. Deinde omnibus ad se redeuntibus culpam condonabat. Quo factum, ut omnes à se mutuo distraherentur tum metu, tum remissæ poenæ spe allekti, ac domum redirent. Hac arte & Imperium à latronibus perpergavit, & populum Imperio servavit.

Anno ante vulgarem Christi Epocham octogesimo quarto è concubina *Filingum* filium alterum suscepit Imperator, postquam priorem *Guejum* appellatum è legitima conjugē suscepisset, & alios è concubinis. Hunc *Filingum* natum scribunt post decimum quartum à conceptione mensem, quod Imperator in optimum omen accepit, & hanc ob causam illum semper unice dilexit. *Iaum* enim alterum futurum sperabat; quem antiquissimum juxta & sanctissimum Imperatorem post totidem à conceptu menses in lucem editum scripsimus suo loco. Sed omen illud sinistrum fuisse Imperatori eventus ostendit. Hic enim ejus amor, quo in *Iaum*, & *Chiungi* Præfecti cujusdam odium, quo *Guejum* principem prosequabatur, turbas in Imperio excitavit. Nam ab his duobus initiis profecta calamitas *Guejum* Principem Imperatoremque vexavit.

Accidit enim, ut in urbe regia multi ac præcipue mulieres maleficis artibus carminibusque plurimum se dederint; quibus virorum præsertim animos excantabant, seque venustiores quam erant mentiebantur. Ex his nonnullæ in *Gueji* Principis irrepsere palatium, sed ignorantis; quippe quem bona indole ac pium scribunt fuisse. Sed cum jam ad virilem ætatem pervenisset, his præstigiis fascinarus totum se voluptatibus dedit. Inter reliqua memoriæ proditum est, inventam hîc medicinam fuisse, *Kuam* Sinis dictam, quam si quis forte propinatam sumeret, ita mulieris propinantis amore capiebatur, ut sine illa esse non posset. Varias etiam ægritudines imo & mortem efficere, quæis vellent, poterant. Hac medicina *Lium* Imperatoris filium è concubina genitum ei novemdecim non amplius annos nato, cum uxore, filiis ac filiabus, salvo duntaxat uno nepote, interiisse reperio. Causam tot funerum refe-

*proles nata
post 14. mens.
sem à con-
ceptu.*

*Præstigia ad
philtia apud
Sinæ.*

runt in similitudines, quæ *Lium* inter & *Guejum* erant, & præcipue in mulierum æmulationes; inde *Lium* à fau-
trixibus *Gueii* toxico sublatum, *Gueio* tamen, si fas
est credere, insciente. Ajunt præterea ligneas quasdam
statuas ab his magis esse defossas, quibus supra terram,
ubi latebant, sacrificantes, præferim mulieres melio-
rem locum ac sortem petebant. Inde tamen inter ipsas
veneficas nata est discordia, cum quæque alteri invi-
deret, quod ipsa non posset obtinere. Hinc rixæ, hinc
æmulationes, hinc mutux denum accusationes. Quæ
res postquam ad aures Imperatoris pervenit; cum
eam primo nullius esse momenti putaret, nec fidem
nec remedium adhibuit. At subinde cum secundum
quietem ligneas inagno numero statuas baculos mani-
bus tenentes videret, à quibus vapulabat; expergi-
scens tanto affectus est horrore, ut ægritudinem inde
conceperit, ex qua nunquam postea bene convaluit.

Chungus Gueii capitalis adversarius, hanc illius perden-
di occasionem nactus, Imperatorem conveniens, *Nul-
lum mihi dubium est*, inquit, *quin tibi, ô Imperator, pro-
pinata sit pestilens medicina. Suadeo proin, ut his tam per-
niciosis artibus obviam eas, ne majoribus in dies augeamur
damnis.* Hoc audito Imperator ei dat negotium, ut
secretissime inquirat, in conscios animadvertat, & tan-
dem, qui quævecunque noxias artes sequerentur, ex-
stinguat & funditus deleat. *Chungus* nulli operæ par-
cens, denique palatium *Gueii* Principis ingreditur; ubi
multas & statuas & sagas reperit. Vnde ad Imperato-
rem rediens. *Nusquam, ait, plures statuae inveniuntur &
sage, quam in Principis palatio.* Addidit inibi *Kue* quo-
que medicinæ se reperiisse officinam. Se autem ad eam
rem conferre non audere majorem diligentiam, ne in
Principem malum redundaret, in quem nihil juris ha-
beret. Interea tamen Principem arctissima tenet cu-
stodia, omnesque vias intercludit ei, ne qua elapsus ad
Patrem, tuta fide rem aperiret. Non sefellit Principem
ea machinatio. Quare non mediocriter verens *Ghungi*
nequitiam, pessimum accipit ab ira consilium; illum-
que ad se vocatum cum Præfectis ei faventibus, quibus
hujus inquisitionis cura demandata erat, omnes per fa-
mulos

*Odium cau-
sas accusandi
subministrat.*

*Malum in
auctorem
redundat.*

mulos suos necat. *Chungum* vero sua ipse manu obruncat, ita prius increpans. *Perfide! non satis tibi erat hucusque in Imperio contra patrem meum multa nequissime machinatum fuisse, nisi etiam discordias illum inter & me feres? Morere, perfide, morere! à multo jam tempore vivis, indignus vita, morte dignissimus.* *Suuenius* unus è Præfectis solus evaluit incolumis, & Imperatori rem omnem exposuit. Princeps interea, quo patris vizaret iram, primum profugit è palatio. Imperator multos miserat, qui eum ad se vocarent. Sed, ut erant à *Suuenio* edocti, omissa legatione, ad Imperatorem redeunt, nunciantes *Gueium* rebellem copias cogere, quæ regiam urbem capiat. Imperator misso iusto exercitu ex urbe regia; imperat ut filium capiant vivum, si possint; sin, eum una cum suis necent. Facile illis militibus fuit, paucos Principis servos & inermes in fugam dare; sed ab iis captus est nemo, nec ipse Princeps.

*Confictum
scelus.*

Tres interea senes Philosophi ac Præfecti ad Imperatorem schedium dant, in quo tota hujus tragediæ luculenter exponebatur historia. *Chiungi* nequitiam ac malas artes detestantur; Principis vero factum, ut erat, explicant. Negant ab eo militem ullum colligi aut collectum esse; rebellionis crimen ei nunquam in mentem venisse, nec alieno unquam à patre fuisse animo; quicquid fecerit, necessitatis crimen esse, non voluntatis; nec aliud spectasse, quam, ut odia *Chiungi* vizaret ac fraudes, qui falsis Principem circumveniebat criminibus, nulla purgandi sui relicta facultate, ne ad patrem adiret, impediens; seque à multo tempore scire liquido, *Chungum* ac Principem simultates & odia exercuisse; quæ vero per magos agebantur, illo nesciente acta, & mulierum, non Principum esse crimen.

*Pugnatur à
Philosophis.*

His utcunque placatus Imperator desit filium persequi; non tamen ad se vocavit, nec indubitanter innocentem data venia pronunciavit; quod eum illa caritate, qua debebat, haud diligeret, in *Filiungum* omni affectu translato. *Guejus* videns, se non admitti nec revocari, sibi guttur ipse præscidit ut verior est opinio; licet alii scribant ad *Tartaros* profugum salutem suam in tuto posuisse. Quippe mortuo Imperatore quidam è *Tartaria*

*Mors ultra-
nea filii.*

*Et Matris
ab filium.*

taria venit, qui se *Guejum* ferebat, ut in subsequenti Imperatore narrabo. Imperatrix audita filii morte, suspendio vitam finiit, dolori succumbens, & amisso filio superesse uolens, ne alteri ex concubinis, cujus filius imperium obtineret, subicere se cogeretur. Interea de magis seuera instituitur inquisitio; reperiuntque præfecti, *Guejum* carere crimine, atque à *Chungo* in multis falso accusatum & nequissime læsum fuisse. Quam ob causam Imperator cognita ejus nequitia, quod in illum jam mortuum animadvertere non licuit, totam ipsius stirpem deleuit; *Suenium* vero consciuum vivum exuri jussit. Deinde, ut *Guejum* filium flecteret, in quodam palatii lacu domum exstruxit, in qua eodem fere modo, quo *David* filium *Absoionem*, questu defunctum prosequabatur. Ex quo desiderii & expectationis domus est nominata. Imperium quoque universum, nunciata *Guei* Principis sorte, luxit.

*Domus deside-
rii.*

*Agricultura
ab Impera-
tore exculta.*

Post hæc Imperator etsi valetudinarius, anno ante obitum tertio, abjectis aliis curis, agriculturæ se dedit. Ibi terram ipsemet ferro subigere, glebas frangere, jactare semen ad Imperii totius exemplum. Tum agri colendi peritiores undique conquirens, per totum Imperium ire jubet, ac reliquis vera agriculturæ præcepta tradere. Illi opportuniora instrumenta habitoraque ad rem agrariam repperunt, multaque alia præclara, quæ ad agriculturam spectant, sub Imperatore agricola, inventa sunt. Ut jam mirari desinam, ab aratro quondam sordidatos aliquos ad Imperium ascendisse, cum videam Imperatores ab Imperio ad aratra descendere, imo cum ipso Imperio aratrum etiam gubernare.

*Studium
audiendi ve-
ritatem.*

Fuit, cum convocatos magistratus ac Præfectos omnes alloqueretur in hunc modum. *Nihil non expertus sum*, inquit, *eorum, quæ vitæ mortalium evenire solent. Bella multa confeci, regna obtinui; sed sine dubio cives interim meos in multis offendi vexaviqve. Vix enim fieri potest, ut bella reges gerant, quin suos vexent, etiamsi occupent aliena. De me quidem fateor, in multis me delirasse. Verum quæ facta sunt, quæ revocentur & infecta fiant, via nulla retro est. De his modo loquendum non est, sed dolendum. Cur vos adesse velim, illud est, ut plane atque ex animi*

animi sententia, procul assentandi obsequio dicatis, num quid adhuc fiat in Imperio, unde populus opprimi se, jure queri possit. Hoc, inquam, libere mihi dicatis velim; ut, si quid est, quod emendatione indigeat, id quam primum aboleam. Hic unus è primis Præfectis Cincineus nomine, Multos non modo audis, inquit, verum etiam alie, qui de proganda vita præceptis disputant. Hoc, ô Imperator, probare non possum. Quantum in hoc laboravisti? quantos sumtus fecisti? Minimo tamen minus adhuc effectum est; quin imo mendaces & impostores fuisse vel ipse nunc agnoscis. Ætas te tua, jam decrepita, jam morti vicina moneat, ut his tandem finem facias. Hoc nihil gratius nobis potes facere, nihil quod optemus magis. Tunc Imperator, Sic est, ut ais, subjicit; adhuc ab istis impostoribus deceptus fui, sed mea culpa nimium illis credentis. Nunc experimento plus uno fraudes eorum ac mendacia deprehendo. Iam proxime absum à morte, quam vitare posse sperabam. Multum in hoc deliravi; maximos sumtus feci; quibus hoc unum consecutus sum, ut à canis meis agritudinem hucusque arcuerim. Et in hoc valere hanc artem non dubito; ad immortalitatem vero comparandam minime. Quanquam ne sic quidem culpa careo, qui, cum unus artis magister suffecisset ad tuendam valetudinem, magnis impensis eorum greges aluerim. Sed nunc, ut suades, hos impostores missos faciam; neve alii me decipiant, eorum arti per Imperium nec locus nec usus esto. Itaque interdixit omnibus, ne illa usquam uterentur; sed penitus delere non potuit. Nam hodieq; fidem apud Sinas habet.

Inter hæc Tanus Yenis regni regulus Imperatoris frater, videns eum esse jam summa senectute, nullumque habere filium id ætatis, quæ ad gerendam remp. maturuisset; missa legatione petiit, uti se ad mitteret in palatium, quod idem erat atque imperii successiorem expetere. Imperator petitionis insolentiam indignatus, fratris legatos necari jubet. In ipsum porro nihil molitus est; sed ut omnem fastigii spem ei præscinderet, Filium septennem, Successorem declarat. Nam hunc, uti dictum, amabat impense, & quia in eo ætatis flore jam robusto erat corpore, firma membrorum constitutione, optimoque ingenio, ab

Legati ambitiosi fratris necati.

omnibus amabatur. Rei cardo in eo versabatur, ut bonum ac fidelem tutorem illi reperiret; & quoniam à multo jam tempore *Quangum* noverat *Kiupingi* fratrem, fide ac prudentia insignem, hanc ei tutelam decrevit. Quod ut fieret rectius, totam *Cheucungi* qui sub *Cheua* familia, ut diximus, optimus Imperatoris *Chungi*, tutor fuerat, historiam in cubiculo, in quo somnum capiebat, depingi curat. *Kenyam* deinde *Filingi* matrem de multis criminibus fictis verisque increpitam addixit morti, quam ipsa sibi concisceret. Admirantibus qui aderant, insolentiam hujus judicii, quo filius imperare, mater mori juberetur; Imperator ita respondit: *Quod modo ago, post intelligetur. Usque ad hoc tempus, ut nostra narrant historia, saepe turbatum est à matre pueri Imperatoris, imperium. Tales femina plerumque insolenter efferentes sese puero contempto, sibi arrogans imperium, voluptatibus serviunt, omnia pro libidine agunt. Nemo est, qui eas coercere possit. An Liuhenz, qua atavi mei conjunx fuit, historiam ignoras? Morietur igitur hac, ne turbet imperium. Adeo nec proximi sanguinis commiseratio barbaros movet.*

Ceterum ingravescente jam morbo, *Quangus* ad Imperatorem visendum ingressus, & animo commotus acerbissime flevit. Tum inter lacrymas eum affatus, *Nihil, ut video, jam est, inquit, quod speres. Ad eum namque rerum tuarum articulum venisti, quem nec tua virtute, nec totius Imperii potentia mutare potes, ineluctabili reip. malo. Hoc unum superest, ut nobis dignum te, dignum imperio successorem relinquas. Tunc Imperator in ipsa morte sui similis decretique constans. An hic denovo depictam historiam contemplatus es?* inquit; ecce *Filingum* filium imperii heredem esse jubeo, tu tutor esto; quod omen Calo placeat! alterum *Chougungum* futurum credo. Cujus verba *Quangus* excipiens, *Meliorum, ait, me quare; neque hunc erit operosum invenire. Kin Gelius est ille; huic munus istud debetur, qui virtute superior est omnibus. Forte Gelius adstabat, & ad sui commendationem præfractus, Id ego vero nullo pacto, inquit; admittam. An ignoras me non Sinam sed exulem esse Tartarum? Cujus rei fiducia Sinis me præferri patiar sapien-*

Filius regnum obtinet, mater mori jubetur.

sapientibus ? Imperator amborum modestia latus, innox *Filingum* imperii successorem pronunciat, qui modo ætatis octavum explebat annum. *Quangum* vero summa donatum præfectura, dat filio tutorem; *Gelium* supremum militum ducem creat. Ita duobus his Præfectis optimis filio contraditis satis cautum credebatur; ipsi posterus dies supremus fuit. Erat *Hiaon-us* Imperator nulli sane secundus in *Sinis*; sed in sectandis longioris vitæ præceptis plusquam aniliter superstitiosus. Cujus adipiscendæ causa illis hominibus qui æternum victuri dicebantur, sumtuosissima templa non modo intra fines imperii, sed foris etiam construxit. In quibus *Camboyanum* illud eminet, sexies mille constans columnis lapideis, ab hoc, nisi me conjectura fallit, etiam Imperatore exstructum. Scribunt enim *Sinæ*, ad *Libycum* ab eo structam esse magnificam ædem, pro qua singuli Præfecti singulas columnas miserint ex eodem saxo, eademque magnitudine, ornatas croceo serico, quo magis Imperatori arriderent. Hinc Imperator iste nulla sua injuria idololatricæ apud *Sinas* autor dici queat; licet ea secta, quæ apud *Sinas* etiam nunc hæret ac metempsychosim, sive animarum ex uno in aliud corpus transitionem admittit, post Christum natum in *Sinam* infusa sit. Sed de hac in secunda Decade, Deo favente, plura. Ante hunc autem Imperatorem apud *Sinas* erat una omnium communis religio, quam literatorum seu Philosophorum vocant. Non quod à *Confutio* sit inventa, quia multo ante hunc Philosophum existit; sed ab illo composita. Nulla idola agnoscebat ea secta; unum & solum numen venerabatur. *Xanti* nominatum, ut jam docuimus. Exin paullatim in errores lapsi *Sinæ* multos homines colere cœperunt, ut *Heroas*. Præterea montium fluviorumque ac rerum aliarum spiritus tutelares venerabantur. Ac primum quidem homines non è vulgo, sed facinore aliquo inclytos exstructis fanis proponebant in exemplum, ut etiam nunc faciunt; non tamen instar Numinum eos adorabant. Et si postmodum aliquid numinis antiquis statuis inesse credens posteritas, eis Numinum honorem habuit. Parentibus etiam atque

*Templum
mira magni-
tudinis.*

*Parentibus
mortuis ha-
biti honores,
sed non divi-
ni.*

cognatis ab hujus gentis incunabulis hucusque templa semper extruxere, *Sutang* dicta; nulla tamen imposita statua vel figura. Ideo fiebat, ut ex obsequio, quod vita functis impenditur, discerent filii; quo modo parentibus vivis esset obsequendum. Nullus ibi Numinis cultus, sed tantum civiles ceremoniæ. Id adeo patet vel ex ipso Confutio; qui pluribus locis boni regiminis formam ex his cerimoniis pendere docet; ex ordine autem, qui in illis servatur, ordinem inter principes, Præfectos ac subditos colligit; è ritibus ritus, quibus regnum gubernandum; ex obsequio obsequium, quo parentes, ac majores nostros afficere Principesque debemus. Affert id genus alia multa; ex quibus satis constat, Sinas non adeo hebetes esse, ut paullo ante mortuum avum vel patrem matremve, filium, fratrem aut sororem vel denique alium quemcumque consanguineum, ut Numen venerentur. In aula vero illa (sic Sinæ nominant) omnium sunt scripta nomina totidem tabellis, quot sunt mortui ex una quapiam familia; non unius tantum aut alterius. Vnde potius grati animi memoriam his ceremoniis se referre docent. Neque vero est simile, omnes suos ab illis Numinis loco coli; cum istæ jam aulae fuerint, quo tempore nulla dum admittebant idola, quæ nec jam secta Philosophorum admittit.

SINICÆ HISTORIÆ LIBER NONVS.

VII. IMP. HIAOCHAUS.

Imperavit annis xxi.

Cyclo 44 anno 32 ante Christum 86.



Hujus Imperatoris etiamnum pueri miræ indoles ac præcipue supra ætatem prudentia ac perspicacitas fuisse scribitur ab historicis Sinenſibus; adeo ut dicere audeant vix aliquem ex Imperatoribus superioris memoriæ parem his dotibus habuisse.

Habuisse. Sed ut plerumque fit, magna non senescunt, & præcòcia non durant. Id expertus est hic Imperator; qui anno imperii duodecimo fatis concessit, toti Imperio magnum sui desiderium relinquens. Nonum attingerat ætatis annum, cum ad clavum accederet reipublicæ, licet in tutela *Guangi* esset. Initium principatus, matris honores fuere; quam vita functam Imperatricis titulo statim ceremoniis ornavit. Mox capitalibus causis *Payum* præfecit, aptissimum ad hoc munus virum. Quo munere ita functus est, ut ab omnibus laudaretur. Iustitiæ tenax fuit in primis, severus, at non crudelis. Multum ad hoc ei mater profuit; quæ quotidie interrogans domum redeuntem, quot homines vivos emisisset de carcere, quo plures audiebat, eo lætior filium amplectebatur. At ubi secus factum comperit, & aliquos affectos supplicio; cibum ei negabat, *Iudices oportet, inquit, hominum servare vitam, quoad ejus fieri potest, nec reum morti addicere; qua tum demum erit pro supplicio, cum reliqua remedia improbitas vicerit. Facile namque hominem mori; at nasci difficile, difficilius crescere.*

Matris Imperatoris clementia.

Primo Imperii anno quidam adfuit vestitu & insignibus *Gueii* Principis superbus; qui se *Guejum* ipsum Imperii heredem jactabat. In confinibus *Tartarorum* primum visus, inde *Sinas* ingreditur. Nemo tamen eum, Imperatoris metu, excipere audebat vel admittere; sed nec omnino spernebatur. Re ad *Puyum* tandem delata, *Gueius* sive fictus sive verus capitur. Nec mora; fert sententiam in eum *Puyus*, ut medius secetur. Sententiæ causam mandavit verbis hujusmodi. *Profugiens filius patrem maximo mœrore affecit utique non ob aliud, quam quia illum offenderat. Nam cur clam ausugit? cur tristissimo ipsius causa parenti nullum de se indicium fecit? Credatne quisquam eum vivere, de quo tot annis nihil unquam auditum? quem Imperator, quem Imperium universum luxit, ut mortuum? sed vixerit adhuc sane; si vere mortuus non est, mortis tamen jam reus est, quod tam tarde rediit, patremque justo solatio privavit. Quam ob rem necandum censeo pronuncioque; verus an fictus sit, scelere non vacat.*

Quidam pro Imperatoris filio reduce se vendens,

Morti adjudicatur ut impostor.

Anni ejusdem mense nono diem obiit supremum *Gelius*

Gelius summus militum Præfectus magno cum Imperatoris dolore; qui duos ejus filios ob patris merita insigni præfectura ornavit. Vnus *Xangus*, *Kienus* alter appellabatur. Eodem vero mense probis ac doctis aliquot viris summo silentio totum Imperium lustrandum commisit, diligenter jussis inquirere, si quid uspiam esset correctione dignum; præcipue si quid noxium populo vel grave judicaretur. Anno secundo *Quangum* fidelissimum tutorem suum, *Regulum* sibi tributarium creavit *Poloum* dictum.

Magna Imperatoris in
agenses cura.

Tertio ejusdem anni mense, quod annonæ sterilitas inceserat Imperio, edixit, ut quibus res lauta domi alimentaque plura, quam quæ habebant necessaria, suppetere, egentibus mutuam oryzam darent; quantum victui sementique satis foret; hac lege tamen, ut messis tempore, quæ acceperant, cum fide restituerent. Quod ut melius fieret, prohibuit, ne quis venderet oryzam aut emeret, sed mutuam tantum darent & acciperent. Vbi autem messis tempus advenit, quis acceptam oryzam redderet, edixit; se namque solutionis loco tributa omnia ex agris pendenda omnibus remittere. Ita præclare pauperum necessitati per divites providit, ea tamen moderatione, ut nec isti conqueri possent sibi aliquid ademptum, & illi nihilominus se accepisse gauderent.

Supra de *Suuu* à *Tartaris* ad *Boreum* mare vel lacum *Han* transinisso docuimus. Ibi multum ab iis vexabatur, ut vel sic fidelem illius animum expugnant, & ad sua signa sequenda traducerent. *Tanyu* præterea rex *Loum* ducem, quem ad *Tartaros* defecisse diximus, ad *Suuum* misit, ut eum verbis exemploque suo ad defectionem sollicitaret. Ad quem ubi pervenit *Lau*, sic eum alloquitur. Nemo miser odit solatium; & facile, quasi ros matutinus, excitatur, qui jacet, ut vîgere velit ac felix esse. Tu vere, dux optime, cur te ipsum sic affligis? cur tam indigna pateris? cur virtutem tuam tenebris damnas, per quam apud *Tartaros* in luce versari licet, opesque ac magnos honores consequi? Cui *Suuus* summa fide, pari constantia, Ego, ait, non secus semper in *Sinicum* Imperatorem pius fui, quam filius in patrem esse

esse debet. Atqui filio in patris causa non modo pati aspera; sed vel mori est dulce; non dolet, nec conqueritur. Motus hac constantia Laus, ab imo suspirans, O fidelem, inquit, & recti tenacem virum! nunc mea perfidia crimen quantum fuerit agnosco; cuius insignis & manifesta improbitas coelestem iram in me ulsionemque lacescit.

Inter hæc Imperator legatos iterum ad Tartaros misit, qui *Suum* reducerent ac reliquos novem *Sinas*, simulque de pace cum *Tartarorum* rege tractarent. *Tanyus* rex remissis reliquis ne *Suum* etiam redere cogeretur, mortuum perhibuit. At unus ex adstantibus secreto legatos monuit de loco, in quo *Suum* attineretur. Tunc acutissime legatus ita regem affatur. Imperator noster nuperrime silvestrem anserem in venatione occidit, sub cuius alis est inventa schedula *Sui* manu scripta, in qua Imperatorem docebat se in *Hanhai* pastorem esse. Obstupuit ad hæc verba rex *Tartarus*; cumque *Suum* occultare non posset amplius, illum quoque legatis tradidit. Ita *Sinas* inter ac *Tartaros* pax convenit; qua fruens Imperium ad studia literarum ceteraque pacis ornamenta reffloruit. Imperator redeuntes legatos lætus excepit. Cognita vero *Sui* fide atque constantia, veneranda canitie conspicuum amplexus, quo præmium tantæ virtuti debitum tribueret, Regulum fecit. & tanquam Heroi ad aliorum exemplum summos honores habuit, vacca solitis cerimoniis ante illum occisa.

*Argentum
commen-
tum.*

*Vacca hono-
ri causa oc-
cisa.*

*Invidia &
amulatio in-
ter propin-
quos.*

Quangus autem etsi omnes fidelissimi tutoris partes impleret, magna prudentia & æquitate rebus Imperii providens, puerumque Imperatorem ad omnia solertissime instruens; tamen, ut fit in magna fortuna, efficere non potuit, quin multorum & maxime sibi sanguine junctorum odia incurreret. Nam cum dignitates & honores ambirent, nec eum votis suis obsequentem haberent: quippe munera non ex sanguine aut gratia, sed ex meritis cuiusque dispensantem; iræ impotentes de *Quango* simul & Imperatore interficiendo quam possunt secretissime cum *Tano* tractant consilia. *Ten* rex is erat, qui sibi debitum Imperium credens, cogitationem illius turbandi nunquam deposuit,

fuit. Primo igitur *Quangum* apud Imperatorem in perfidiæ suspicionem vocare per ipsum *Yenem* regulum aggrediuntur. Illius enim nomine litteras ad Imperatorem dant, inferentes *Quango* multa crimina, super summum illud, quod in Imperatorem nescio, quæ mala machinaretur. Non latebat *Quangum*, hanc epistolam Imperatori traditam fuisse. Quare postero die palatium ex more ingressus Imperatorem non convenit, ut debebat; sed foris in prothyro quodam manet.

Imperatoris
prudentia.

Imperator notata ejus absentia, & ubi sit *Quangus*, adstantes interrogat. Aderat forte *Ganus* inter cæteros, *Guangi* gener quidem, aut unus è conjuratis. Hic ergo, *Quia* scit, inquit, *sua crimina tibi à Tano rege detecta; idcirco apparere non audet, sed foris rei exitum expectat.* Imperator confestim mittit, qui *Quangum* introduceret. Ille non aliter ac reus, sine pileo, positisque præfecturæ insignibus ingreditur. Quod ubi notavit Imperator; *Vestes tuas*, inquit, *ac pileum resume.* *Hanc ad me datam epistolam supposititiam esse falsamque jam cognovi.* Tu innocens es & mihi fidelis. Ficta vero esse, quæ hac epistola continentur, luce meridiana magis liquet. Quo enim pacto in *Yen* regnum hæc ad *Tanum* pervenire potuerunt, cum hic nonnulla legam, quæ nondum decem ab hinc dies contigerunt? Erat tunc Imperator annos quatuordecim natus, & hoc sagaci responso admirationem omnibus movit. Aulicos deinde simul omnes allocutus, Nemo ait, in posterum audeat fidissimum mihi Præfectum à patre meo mihi tutorem datum accusare. Qui enim fidelem accusat, is eadem opera se prodit infidelem. Nunc quidem in istius criminis reos & autores non inquiram; ut in posterum quisque sibi caveat, ne præ vero sit invidia.

Detecta
conjuratio.

Postquam æmulis *Guangi* hoc stratagemata non successit; aliud ordiuntur. Id erat hujusmodi. *Quangus* ab Imperatoris sorore invitatus ad epulum per occultos ibi sicarios erat necandus; eodem dein impetu dejiciendus Imperator è folio, substituendusque *Tanus*. Sed tantum scelus ac perfidiam famulus, cujus opera propudiosa mulier volebat uti, detexit; *Quangumque*

gumque de periculo commonuit. Quare conjurati capti sunt omnes, commeritoque supplicio affecti. Soror Imperatoris de se ipsa statuit, & *Tanus* laqueo sibi spiritum exhaustit. In hunc modum est extincta simul cum conjuratis omnibus hæc conjuratio. Nimirum sæpe sibi ipsi nocuit improbitas. Subscripsit autem huic conjurationi etiam Imperatoris soror, quia cum uno ex conjuratis impudice vivebat; à quo rogata convivium instruxerat, turpissimo amasio quam fratri fidelior. Ut intelligamus nihil esse tam foedum, ad quod impudicam mulierem effrenata libido non deducat.

Secundum hæc, portenta quædam nunciata sunt, quæ mortem Imperatori ex vaticinantium ingeniis minabantur. In maximo illo monte, qui *Tuixan* dictus *Xantung* provinciam nobilem facit, ingens repente lapis emicuit, erectusque sua sponte stetit. E salicum præterea foliis vermiculi ad modum cicadarum volatiles enati sunt, qui Sinicam vocem emittere videbantur. Ejus autem vocis hic erat sensus, *Pingus* regnat! qua *Pingum* imperatorem futurum demonstrabant. *Hiaochaus* quidem imperator juvenis moritur, cum imperandi deberet initium facere. Nullum filium heredemve reliquit Imperio, sed magnum sui ob egregias naturæ dotes omnibus desiderium.

Omina mortis.

Vermes loquentes.

VIII. IMP. HOU S.

Imperavit menses VII.

Postquam igitur *Hiaochaus* genito ex se successore caruit; omnium ordinum consensu ad patrum ejus devolutum est imperium. *Hous* is fuit; qui vix principatum adierat, cum eo se indignissimum ostendit. Nulla boni regiminis ei, nulla publicæ felicitatis cura; solis voluptatibus ac libidini servire, computationibus totos dies insumere. Dixisses ideo regendum imperium suscepisse, ut depravaret, sceleribus flagitiisque usque adeo contaminatus, ut nec adesset, non sine summo omnium dolore ac sensu, cum *Hiaochao* iusta persolverentur. Sero poenituit *Quangum* cere-

*Cyclo 44. an.
44. ante
Chr. 74.*

*Imperator
indignus im-
perio.*

caterosque Præfectos talem elegisse; maxime dolentes & incertos, quid in tam inclinata republica caperent consilii. Tandem Quangus ex intimo animi sensu Tienyenem, amicum suum salutans consulit; quam ratione sit eundem obviam huic malo. Cui Tienienus, Tu, inquit, in Imperio primas tenes; tu sulcrum Sinarum es & columna. Si se facit indignum Hous imperio; quemadmodum eum elegisti, sic rejice ac meliorem ex Hana familia substitue. Recordare, quid olim Lynus Taikiao Imperatore fecerit. Et tamen tantum abest, ut aliquis factum reprehendat, ut potius fidelitatem omnes laudent. Hunc imitare si Imperii, si Hanæ familiae felicitas, si denique tui nominis gloria cordi est tibi. Sic enim Hanæ familiae Yyus es futurus. Tum Quangus nobiliores Præfectos convivio excipiens, & è re nata eos alloquens, Omnia, inquit, iniquissime agit Hous ac perturbate. Quid fiet Imperio? profecto & illud perturbabit, & nostram imperatricem familiam funditus exstirpabit. In hoc discrimine quid agendum putatis, postquam salutaria non admittit monita? Dirigere omnes ad hæc verba; & nemine loqui aucto, Tienyenus è mensa denique se proripiens, gladium, quo cinctus erat, stringit, & ad Quangum versus, Hiaovus Imperator Hiaochao te, inquit, tutorem dedit, ut Imperio provideres, illudque tua fide ac virtute pacatum conservares. Quibus artibus si unquam alias, nunc certe opus est maxime. Vides enim totum Imperium periclitari; nec ab alio magis quam abs te remedium expectat. Si non mederis his malis; quâ fronte moriens Hiaovum imperatorem sub terra convenies? Hujus diei consilium dilationem non patitur; nunc est constituendum, quid fieri placeat, ne majores turbas cieamus. Quisquis huic meæ petitioni, juste sane, non reliquit locum, quæ unum spectat Imperii bonum; sciat ille se hoc gladio periturum. His dictis animati, simul omnes Kingum summum Palatii magistrum adeunt, exponentes consilium. Hæsit ille primum attonitus; at unus omnibus resistere non ausus, in eorum sententiam concedit. Mox Imperatoris sigillum ac cetera, quorum curam gerebat, illis tradit. Quo facto una omnes interius palatium ingressi, Hous imperatorem amiculo

Conjuratio
procerum.

atriculo comprehendunt, nulla tamen affectum injuria molestiave; sed honorifice palatio eductum, ad proprium *Chamyæ* regnum deducunt, hoc omnes uno ore professi, ad hoc faciendum sibi necessitatem impositam, quia tantum dedecus ferre non posset Imperium. Omnium autem erga malum Imperatorem odiuin effecit, ut nullus omnino motus existerit; nemine illum auso defendere. In hunc modum ex Imperatore regulus iterum tributarius factus est.

IMP. IX. SIUENIUS.

Imperavit annis x xv.

Fuit *Siuenius Hiaoni* Imperatoris nepos, *Pingus* dictus; cujus patrem, matrem ac sorores pestilenti illa medicina extinctos esse diximus. Infans adhuc cum matre, quæ magiæ quoque arcessebatur, conditus in carcerem est. *Hiaonius* enim cum ægro corpore esset, iratissimus magis non illos modo, qui eam artem exercebant, sed & affines morti addixit; nec Imperatoris filiis aut nepotibus parcens.

Cyclo 44. anno 45. ante Christ. 73.

*Imperatoris in infantia varium di-
scrimen.*

Dum in carcere cubaret *Pingus*; mors ei matrem abstulit, quippe jam infectam toxico. Ibi sine dubio moriendum infanti fuisset, nisi *Kiesinius* carceri præfectus cognovisset *Lium Pingi* patrem perinde ac matrem vacasse culpa. Quare illius commiseratione motus, infantis curam suscipit; & quia non licebat sine consensu Imperatoris eum emittere ex carcere, mulierem intromisit, quæ alimenta lactis ei daret. Neque hic infantis seu periculum seu felicitas stetit. Nam regii mathematici Imperatorem admonuere, visa sibi supra carcerem signa regia & vapores ejusmodi, qui prænunciarent intus aliquem esse, potiturum olim imperio. Fidem invenit apud Imperatorem prædictio; nec dubitans ex his aliquem ibi esse, cui cælum ac sidera destinarent culmen, subito impetu omnes attentos in carcere mactari jubet. Adfunt carnifices; quos tamen *Kiesinius* ingressu prohibuit, cautus multos infantes intus esse, quos occidere nefas, impium atque injustum. Satellites Imperatorem de repulsa mo-

*Prudens factum Kies-
sinii.*

nent; qui tum collecto ex præcipiti furore animo impium mandatum rescindit, ac rem penitus considerans, *Si Calum*, ait, *alteri scepsra destinavit; quicquid agam frustra ero, nec unquam fata mutare potero. Ita Pingus* jam secundo servatus, ac postea tandem emissus è carcere, literis ac philosophiæ Sinicæ egregie studuit. Erat, cum *Hous* exueretur imperio, natus annos octodecim.

Itaque cognita illius doctrina & virtutis amore, omnium ordinum suffragiis adeptus est imperium. Erat suavissimis moribus, quieta placidaque indole; ac talis, qui misericordiam adhibere posset suis. Quippe variis fortunæ casibus jactatus, subditorum calamitates miserari sciebat, quia præsenferat. Hic est ergo, quem in salicum foliis vermiculi prædicebant, ut *Sinensis* scribit historicus.

*Imperator
suffriones
non audit.*

Ut primum accessit ad gubernacula, non desuere, qui *Guangi* laudibus apud eum obtrecentarent. *Hous* ab illo dejectum fastigio contra leges, contra obsequium, quod Imperatori subditus debeat. Tali viro parum fidentum, qui tanta esset potentia, tantaque audacia. Proinde caveret sibi *Quangum*que reprimeret, magnopere suadebant. Pronis quidem auribus hæc accipit Imperator, probe intelligens illud Principatus arcanum, Neminem aliquem magnum facere vel pari, cujus fortunam in potestate non habeas; verum, licet ei *Quangus* esset in metu, noluit tamen quidquam adversus eum agere, multo minus ab officio depellere. Noverat illius virtutem ac fidem jam inde ab avo suo *Hiaou* ubique celebratam; exemplum in amoro antecessore viderat, quod cum illis artibus pugnare videbatur. Itaque spem inter ac metum distractus elegit sapientissime, timere potius, ut sancte honesteque viveret. quam ut à *Quango* securus bonos dedisceret mores. Cujus tamen ingenium ut periclitaretur; noluit ejus filiam in uxorem, sed tantum in concubinam accipere. *Hiam* vero aliam adolescentulam matrimonio sibi conjunxit uxorem. Hanc filiæ repulsam æquo animo tulit *Quangus*, seque totum ad Imperatoris voluntatem conformavit. Erat enim vir vere bonus,

*Sapientissimum
ejus
consilium.*

bonus, & Imperatori ante omnes fidissimus, qui nihil in Imperatoribus non amabat præter vitia. Vxor autem ejus nequissima & ambitiosa mulier marito usquequaque impar, filiamque sprete indigne ferens multas turbas concitavit, ut in loco memorabimus.

Addunt Scriptores Sinici; quoties Imperator avorum aulam ingrederetur, comitante *Quango*, & ut mos est, manibus syrma colligente, tam insolito affectum horrore, ac si à tergo instaret aliquis, qui ferrum ei minaretur; alio vero id muneris obeunte Præfecto, metus omnis expertem incessisse. Prælagire videbatur animus, quanta calamitas eum à cognatis *Quangi* merneret. Nec fallebat ipsum hæc Imperatoris ex timore nata titubatio. Vnde summo se magistratu abdicandi domumque redeundi copiam petiit; quam tamen haud impetravit. Ut mirari sane subeat, quo præsentè paveret, esse sine ipso tamen noluisse.

*Stum Præfectum metu-
it & resti-
net.*

Ex quo, ut diximus, illa contra *Hiaocharum* Imperatorem & *Quangum* orta seditio, severissime hucusque in conscios ac rebelles inquirebatur. Multi specie Imperatori serviendi privatas ulciscabantur injurias. Quo factum, ut æque innocentes ac criminum conscii necarentur. *Siuenius* ubi regnare cœpit, inquisitionem continuo sustulit, omnibus concessa præteritorum venia, ne quis in posterum officio deesset suo; exhortans omnes ad concordiam & fidem. Præterea judices non paucos mutavit; eos dico, quos justo severiores cognoverat. Comperto autem *Hoangpum* *Honana* provinciæ præfectum mitem esse ac misericordem, qui populum sibi subjectum sola virtute imperandique suavitate perbelle regeret, procul terrore pœnarum; in regiam advocatum summum tribunalis ejus, in quo capitales aguntur causæ, Præfectum creavit, etiam atque etiam monitum, ut, quantam posset cunque subditorum misericordiam caperet. Nam & ego, ajebat, inter meos subditos jam subditus fui, carceremque ab incunabulis expertus, scio, quantis malis vexentur subditi; quorum proinde convenit maxime misereri. Multa alia decrevit bono publico; non ignarus, quid sit

Ejus clemencia.

parere dicto, quid imperare. Ac sane optandum esset; ut omnes Principes, qui aliis imperant, quid sit obedire, dignoscerent. Si enim calamitosam sæpe subditorum sortem intelligerent aut experirentur ipsi; vel ego fallor, vel illi suos magis amarent, quid enim dicam, minus vexarent aut opprimerent?

*Avaritia
punita ab
ipso reo.*

Anno imperii secundo fortissimi cetera vir animi *Tienyenus* seipsum, & auri cupidinem vincere non potuit. Cum enim, regionum sepulcrorum exstruendi atque ornandi esset ei mandata cura; multa numorum millia subjectis expensarum falsis rationibus surripuit. Criminis erat manifestus; cumque id apud Sinas esset capitale, missus in carcerem, carnificem expectabat. Adjunctus tamen à duobus amicis, ut de Imperatore legendo benemeritis, vitæ gratiam obtinuerat. Quippe Sinicæ leges hoc præclaris olim in rempubl. meritis dabant, ut admissum postea forte crimen esset impune. Duo igitur amici culpæ gratiam nunciaturi tendunt ad carcerem. At *Tienyenus* eorum aspectum non sustinuit; neve illos videns, pudore confunderetur, laqueo sibi ipsi jus dixit, bis mori dignus, qui se quoque judice indignus erat vivere.

*Ambitio a-
liena Impe-
ratriæ mor-
tem acerfit.*

De *Quangi* virtute ac fide multa diximus; sed uxorem habuit *Hienam* nomine, fastu nequitiaque nulli secundam. Hæc, ut dictum, filix repulsam non ferens, ut illam diademata videret, *Hiam* Imperatricem parabat è medio tollere. Occasio erat ex difficultate partus, quo *Hiam* tertio istius Imperatoris anno filium *Hieum* enitebatur. Omnes quotquot erant in regia medici, pro salute Imperatricis vocantur in consilium. In his erat *Ienus*, unus è *Quangi* domesticis atque intimis familiaribus. Hunc igitur *Hiena* sollicitat magnis promissis præmiis, ut Imperatrici venenum cum pharmaco propinet. Ille spe felicitatis, quæ offerebatur, victus, Imperatrici medicatum miscuit poculum ejusmodi, ex quo in morerem lapsa, denique moreretur. Idque tali arte fecit, ut ne suspicio quidem esset, illam veneno periisse. *Quangus* autem id medicis haud impune volebat esse, tanquam in paranda medicina peccassent. Iamque in eo erat, ut hac de re quæstio-

*Scelus ux-
oris ignaro
marito.*

quæstionem haberet; cum illius uxor veniam eis & impunitatem deposcit ac rogat, ut saltem in *Ienum* nihil triste statuat. Suboluit *Quango* fraus uxoris ex importuna petitione deprehensa; nec multum aberat, quin eam quæstioni subjiceret. Verum quia tale crimen totius familiæ interitum merebatur; sibi suisque rebus timens, ultra suspicionem non processit. Sed quia nihil adeo est occultum, quod ætas non in apertum proferat, præcipue si est à muliere profectum crimen; post *Quangi* mortem fraus detecta, totaque illius est extincta familia.

*Excidio facta
familia puni-
tum.*

Interim, quod nequissimis artibus quærebat, *Hiena* vidit. Nam Imperator filiam ejus uxorem accepit, ornavitque diademate. Atque ut totum Imperium exhilararet, è carceribus captivos omnes more gentis emisit.

Scribunt historici *Sinenfes*, anno quarto hujus Imperatoris (fuit is ante Christum septuagesimus) mense quarto, tantos terræ motus in *Sinis* factos esse, ut montes aliquot evulsi sua mole corruerint, majori tamen hominum terrore, quam damno. Quod sane mirum est, quia *Sinicam* terram raro nec nisi leviter movisse constat. *Sinæ*, ut sunt pronis ad superstitionem animis, ex hujusmodi prodigiis interitum ominantur Imperio; quia irati cæli ac minacis ea signa esse autumant.

*In Sinis ter-
ra motus.*

Paullo post *Quangus* fato concessit eximia in Imperatorem fide memorandus; subductus terris autem, quam suæ cognationis interitum videret. Ad ægrum ipse Imperator humanissime invisit. Cujus ut in se Imperiumque universum merita grata memoria prosequeretur, *Iuum* ejus filium summum dextro cornu ducem præfecit, pateruum quondam munus. *Xangum* vero filius ex fratre nepotem *Regulum* creavit. Multos insuper è *Quangi* familia extulit ad honores, sed valde caducos ut videbimus.

*Quangus
moritur Im-
peratoris fi-
disimus.*

Mortuo *Quango* Imperator ipsemet omnem regiminis curam suscepit; novum Præfectum instituit, quem admonitorem Imperatoris vocabat, enimque libere, si alicubi peccaret, admonere licebat. Quod

*Monitor Im-
peratoris
eligitur.*

Omnia scripto aguntur apud Sinas.

exemplum reliqui deinceps Imperatores secuti sunt. Illud in hoc Imperatore eximium fuit, quod severissime Præfectis invigilabat, de moribus eorum agendique modo inquirens. Populi vero gubernandi perquam liberalis ac snavis ratio. Quinto quoque die publice sui copiam faciebat; quo die omnibus & præcipue viduis, pupillis ac pauperibus patebat aditus. Præfectis autem edixit, ut in posterum omnibus & præcipue viduis, pupillis ac pauperibus patebat aditus. Præfectis autem edixit, ut imposterum omnes causas scripto traderent, ut melius consideratis omnibus etiam scripto responderet ipse. Non raro enim contingere dicebat, ut loquaciores fucis verborum ac lenociniis extorquerent omnia quæ concessisse, frustra deinde poeniteat. Hic mos etiam nunc apud Sinas viget; quo fit, ut, licet Reges Sinarum raro se publice videndos indulgeant populo, continuo tamen revera cum eo versentur. Et plane magis ita cum suis agunt secreta negotiorum omnium cognitione, quam illi, qui assiduo suorum colloquiis ac familiaritate utuntur, negligentes interim eorum negotia. Non enim regum facies à populo quæritur, sed favor, neque pedes, ut agebat ille, sed caput imperat.

Machinatio feminea ambitionis.

Susceperat jam duos filios Imperator; quorum primus *Hieus*, de quo supra dictum, hoc anno declaratus est heres Imperii atque Successor. Alter *Kinus* è concubina fuit; quem hoc eodem anno *Honigan* regem esse iussit. Ea res vehementer ulsit *Hienam* Imperatricis matrem. Hoc enim pacto, si pareret nepotem filia, non Imperatorem, sed regulum tantum fore videbat. Quam ob rem fit autor Imperatrici, *Hieum* veneno tollat. Nec inobsequentem filiam habuit scelerosa mater. Namque Imperatrix in omnem exin occasionem intenta; qua privigno propinaret venenum, eum sæpe simulato matris affectu ad convivium invitare, nec quidquam eorum omittere, quæ ad ipsius interitum spectare videbantur. Sed incassum omnia. Nam nec puer Princeps, in recenti adhuc magorum memoria quidquam comedebat, nisi à ministris prægustatum; & nescio quo modo in regia increbuerat,

crebuerat, *Hiena* scelere *Hiuam* Imperatricem veneno sublatam esse, Ac licet Imperator huic suspicioni prorsus abrogaret fidem; severissime tamen edixerat Principem custodientibus, ut cibum potumve, priusquam porrigerent, cum cura explorarent. Gliscente tamen interea rumore, propinatum esse manu medici, venenum ab *Hiena* Imperatrici; paullatim Imperator omnes à *Quangi* familia præfecturis maioribus privavit. Advertebatur id à *Xango*, *Iuo* ac reliquis; qui proinde cum *Hiena* de ipsius etiam Imperatoris nece consilium agitabant. Sed detecto prius, quam perfecto scelere, capti omnes conjurati cum tota stirpe deleti sunt. Hic etiam *Hiena* commeritas pridem pœnas dedit. Imperatrici soli facta vitæ gratia; sed ab Imperatore repudiata, quod reliquum illius erat, vidua & ærumnis deformata traduxit. Tot malorum causa fuit unius mulieris ambitio. Sed quæ malis artibus honores familiæ quærebat, optimi *Quangi* familiam simul ac se perdidit.

Postmodum Imperator ad Imperii leges & jura ordinanda animum applicavit. Variæ quippe leges à variis Imperatoribus latæ in immensum excreverant; quibus, non dico, intelligendis, sed vix legendis unius hominis vita sufficeret. Quare qui aliquam ante ceteros earum cognitionem ceperant, alios fraudes ex fraudibus texendo facile decipiebant; unde multa tribunalibus negotia, multa iniqua lucra provenire. Itaque illas ad pauca capita redegit, non omnes, sed meliores duntaxat, antiquatis reliquis, Iustiniano nostro non absimilis. Quanta vero moderatione ab iudicibus essent homines addicendi morti, hac lege monstravit. *Volumus, ut iudices potius in leges peccent, quam ut causa non probe liquideque cognita quemquam morte multent. Est enim hominis vita rerum omnium in terrarum orbe maxima. Magna proinde adhibenda est cautio, ne vel unus homo temere occidatur.*

Legum multitudo

restricta.

Vita hominis quanti facienda.

Et si vero *Siuenius* in hunc modum utilitatem reipubl. sibi proposuit; efficere tamen haud potuit, quin existeret alicunde rebellio. Provincia *Xantung* ea ca-

*Sapiens di-
ctum ac si-
militudo.*

*Prudentia
ducis in
compescenda
rebellione.*

lamine potissimum infamis fuit; initio ab annonæ penuria orto. Plebs enim fame stimulante furens undique prædari cœpit, emissasque ab Imperatore copias magna clade affecit. Imperator, ut huic malo, antequam corroboraretur ac maneret longius, iret obviam; *Cum suum hominem probum rectique amantem cum novo milite contra furentes emisit. Qui cum abundi veniam ab Imperatore peteret; interrogatus ab eo; ecquo modo illos cogitaret reprimere, respondit, eo modo se repressurum eos, quo intricatum funem solvimus, qui quo magis adstringitur, eo magis implicatur. Laxandus est, inquit, ut solvatur. Exercens latrocinia, quia penuria laborant, & à Præfectis tributa strictius quam par est, exigentibus vexantur. Contra tuos etiam milites arma sumere, vim repellendo. Illam ego non adhibebo, sperans eos bonis verbis ac rationibus, comitate denique pacari posse. Non viribus agam, sed arte.* Quæ locutus, in provinciam suam abiit. Iam ad principem urbem rebellatricem pervenerat; cum rebellium exercitum audit obviam in pugnam procedere. Quare, ne vim inferre velle videretur, prædum cum suis reduxit. Missis dein diplomatis ubique cavit, ne quis latronem aut rebellem caperet nisi armatum. Si quis caperetur, eum volebat inviolatum & incolumem ad se adduci. Vulgavit præterea Imperatoris nomine, se omnibus præteritæ culpæ gratiam facere, si quieti redirent ad sua; imo & alimenta de publicis horreis promittebat. Dimissis igitur quoquo-versum literis, ipse cum vectus ad eam, de qua dictum est, urbem solus tendit; in quam admissus omnibus quietem ac pacem suavit, non armis, sed verbis eos domans. Cumque sua cuique liceret arma vendere vel cum instrumentis ad agriculturam necessariis commutare; de armatis annonam regiam divisit. & sementi faciendæ, quantum cuique satis attribuit. Ita sine sanguine confedit hæc seditio. Cujus generis calamitates semper Sinicis Imperatoribus formidolosæ fuere; quod hinc plerumque vastitas Imperii consecuta sit atque mutatio. Quippe latronum duces paullatim vires colligunt ex perditis hominibus, nisi mature retundantur; eisque

eisque crescit animus ad ipsum etiam Imperium occupandum. Attulimus hujus rei exempla nonnulla supra; neque pauca infra afferemus.

Sub hæc tempora *Chuyens* Philosophus diem suum obiit, vir summa virtute præditus, divitiarum contemtor, adeo justus, ut nec amicorum precibus, nec parentum unquam affectu motus, vel unguem latum à recti tramite discederet. Ad magnas Præfecturas eum extulerant mores sui; & tamen in tanta paupertate decessit, ut sumtus, quæis terræ mandaretur, hand reliquerit. Quo audito Imperator, illius filio centum auri libras donavit, ut ex eo & patri justa perfolveret, & ipse de reliquo vitam toleraret.

Chuyei Philosophi moderatio.

Neque hujus tantum, sed etiam *Kiesinii* virtus clara fuit, illius, qui hunc Imperatorem aluit in carcere, summoque in discrimine salutem ei dedit. Ingens hoc beneficium vel ignorabat Imperator, vel non meminerat. Neque *Kiesinius* illius unquam memoriam usurpavit, nec Imperatorem, etiam cum res ac tempus ferret, admonuit; contentus præfectura sua. Iam aliquot annis imperium tenuerat *Sivenius*; cum mulier una ex iis, quæ in palatio serviebant, Imperatorem accepti beneficii commonefecit. Obstupuit ille cognita *Kiesinii* modestia; maximique post eum faciens, collaudatum Reguli dignitate ornavit. Non tamen passus eum abire, velut patrem nutricium apud se detinuit; & virtutem illis ex usu quotidiano magis magisque suspiciens, adjutorem Imperii fecit ac Præfectum ab Imperatore proximum.

Duo Philosophi Principi præceptores erant dati, qui bonis moribus eum ac Philosophiæ præceptis imbuerent. Alteri *Suquangus*, alteri *Xeus* nomen erat. Inter hos forte requietis & otii intentio versabatur; cum *Suquangus*, *Auditione*, inquit, accepi, quietis amantem tuto & procul humana vita casibus vivere; nec infamia periculis obnoxium, qui sciat cupiditatibus & habendi desiderio modum ponere. Iam uterque rem fecimus; nec minus honoribus, quam divitiis abundamus. Ex doctrina noti clarique, bonam famam conservavimus. Hæc si nobis non sufficiant; timeo, ne postea perdamus omnia, pœnitæque

Kiesinius beneficium in Imperatorem a se collatum tacet.

Philosophorum sapiens dictum & factum.

non secutos honestum otium. Sub hæc dicta conveniunt inter se, seniumque & ægritudinem excusantes, ab Imperatore abeundi veniam petunt. Quam is, licet invitatus, dedit tamen, singulosque duobus aureorum millibus douavit. Princeps quoque singulis aureos quingentos numerari iussit, curribus & famulis additis, qui eos domum deducerent. Quo postquam redire; maximam pecuniæ partem famulis à quibus erant deducti, partiuntur. Quicquid reliquum erat, infumfere struendis conviviis, ad quæ suos cives invitabant, nil reservantes sibi. Aderat unus è *Sunquangi* affinis, qui eum admonuit, ut illa pecunia emeret agros filiis ac nepotibus relinquendos. Cui Philosophus, *Habeo, inquit, ab antecessoribus meis fundum mihi relictum; qui, nisi filii ac nepotes mei desides erunt & marcebut otio, in victum vestitumque facile sufficiet. Arent ipsi & serant. Opes nimis sapientum etiam animos depravant, malorum hominum vitia augent impelluntque ad peiora. Sin a me nolent virtutem discere; saltem id non relinquam eis, per quod peiores fiant.*

Bellum in externos prudenter diffusum.

Anno ante vulgarem Christi epocham sexagesimo decreverat Imperator *Tartaris* bellum inferre. Namque in futurum sollicitus, cum eos accepisset iterum viribus pollere ac robore, plurimaque loca sub *Hiaono* intra montes amissa recuperasse; volebat illos armis antevertere, ne, si ad pristinam potentiam excrevisent, Sinicum Imperium denuo vexarent. Sed à summo Præfecto, quod arma cogitaret, reprehensus ab incepto destitit. Eum porro sic locutum ferunt. *Quid, ô Imperator, de exteris invadendis cogitas cum domi multa non desint, qua correctione indigent? Hoc anno, quod adhuc inauditum, filius patri; & minores nati fratres septem, fratribus majoribus omnino viginti quinque mortem insulere. Sunt hæc insignia non ferenda pro servitutiis argumenta, morumque nocentissimam in Imperio mutationem portendunt. De hoc est dolendum; his vitiis applicandum præsentissimum remedium; quibus si non sit in Imperio locus, non erit quod Tartaros timeamus. At nisi à te quam primum præcautum & provisum erit; timeo, ne non modo in Imperium, sed in ipsum quoque penetrent*

metrent palatium. Has igitur ob causas dilatum est bellum Tartaricum.

Ceterum Indiæ regna quædam ab Hiaou in dedicationem redacta rebellauerunt. Imperatorem de pœna deliberantem cum alii, tum etiam Præfecti retinuerent, dicentes: incongruens esse, suos perdere, ut alienos subicias. Multa quidem occupata fuerunt Imperatore ataruo suo regna; sed maiore damno nostro quam emolumento. Infinitus est enim Sinarum bellatorum numerus, qui perire. Solum à Sinicis Imperatoribus exigitur, ut sua iuste & legisime imperent; sin animus est Imperii amplissimi proferre fines, sine vi, sine armis alliciant ad obsequium sola virtutum fama aliena regna. Qua si nolint Imperatorem nostrum dominum agnoscere, nostra nobis Sina sufficiet.

Haud multo post Hieus Princeps patrem offendit. Nam in convivio, multis Præfectorum accumbentibus, Imperatorem ausus est arguere, quod indoctis etiam hominibus præfecturas committeret. Imbiberat Hieus cum Sinica Philosophia scitum illud: nec probum nec iustum esse posse, qui Philosophiam non didicisset. Vnde Sinis idem est amare literas ac bonum esse. Iratus Imperator filio respondet, severissime paternum ultus supercilium; &c, Ex quo, inquit, Hana familia nostra rerum potitur, fatale semper ei fuit, à successore filio molestias experiri. Sed ubinam sunt modo tot Philosophi, qui totius Imperii præfecturis sufficiant? An ignoras literarum studia paullo ante nos postliminio ad nos rediisse? Ista sapienti dico; imo vero ne plus te sapere credas, quam sapias, cupio. Post hac Imperatoris erga filium usque adeo exolevit favor, ut parum abesset, quin exheredato illo, Kinum Hoaigam regem successorem declararet. At continuit se tamen; cum quia sciebat Præfectos id non permissuros, tum inprimis, ut levitatis notam effugeret. Nam eum nunc rejicere, quem paullo antea successorem designaverat, probrosum videbatur. Hæsit tamen alto pectore fixa vulneris illius cicatrix; cujus vindicandæ quærebatur undique occasio. Postea vero, quam Hieus filium de conjugate suscepit, odium repente in amorem vertit. Tanta enim

*Sinarum
axioma de
Philosophia.*

enim læticia perfusus est *Siuenius*, ubi nepotem vidit, ut jam nullum nisi *Hicium* vellet successorem. Quin etiam tradunt Imperatorem suis sæpe manibus nepotem excepisse, cum eodemque lusitasse posita interim maiestate.

Legatio Tartarorum ad Sinas.

Anno ante vulgarem Christi epocham octavo & quinquagesimo *Tartarus Tangu* rex legatos ad Imperatorem misit, per quos eum dominum suum agnoscebat tributarium ultro se faciens, ac promittens successores suos deinceps in Sinici Imperatoris semper clientela fore. Variæ fuerunt hac de legatione Præfectorum opiniones. Alii dicebant hoc *Tartaros* agere, ne à Sinis invaderentur, utque in tuto collocati antiquas vires reciperent. Alii contra suspicabantur eos hoc prætextu Sinam explorare, quidque agatur, scire velle. Fuere, qui legatos ne audiendos quidem putarent. Vicit demum illa sententia, ut admitterentur, & tanquam amici regis legati tractarentur. Hac occasione sæpe deinceps irreflere Sinicum in Imperium ficta legatione uti commercia sua tuto exercerent. Afferebant *Ginssem* radicem illam, quæ una Sinis plurimi æstimata quantovis emitur pretio. Afferebant præterea pelles pretiosissimas martium, castorum, & Zibelinas quas vocant, quarum in *Tartaria* magna copia et usus. E Sinis invicem res alias in *Tartariam* avehebant. Huiusmodi legationes nunc in *Mogoria* Turcæ subornant, faciuntque cum Sinis commercia, ut fusius in Atlante meo narro. Erit hac de legatione inferius agendi locus. Namque *Tartari* vere quondam Sinicum Imperatorem suum agnoverunt.

Hand multo post hanc legationem *Siuenius* est mortuus; cuius imperium satis felix & pacatum fuit. Nam quod ab eo nonnulla regna defecerint, illa velut externa sui que animi magnitudine indigna tam facile quam animose sprevit. Præfectos habuit ac Philosophos non paucos, homines præclaros, quorum egregia usus est opera. Successorem reliquit *Hicium* filium, quem nunc dicere aggredior.

SINICÆ HISTORIÆ

LIBER DECIMUS.

I. IMP. IUENUS.

Imperavit annis xvi.



Iuenus dictus est, cum gubernare cœpit; Imperator philosophus; doctorum hominum amator & ipse doctrinæ avidus. Sed in administranda republ. non perinde prudens, documento fuit, non semper,

Cyclo 45. anno 10. ante Christum 48.

Imperator philosophus non item prudens.

qui doctiores sint, eosque & prudentiores esse. Præter frugalitatem & sumtum moderationem multæ aliæ virtutes egregiæ in eo laudabantur; sed quas exigua in discernendis ac cognoscendis rebus prudentia scœdabat. Loquaciores, à quibus verborum specie ac fucis decipiebatur facillime, ad honores evehebat, ejusque modi homines idcirco reliquis credebatur meliores, quia sublimius de virtute dissererent. Horum itaque multi phaleratis dictis amplos dignitatum gradus adepti, cum deinde scœdissima quæque facinora facerent; mox ob eorum contentiones & æmulationes Imperii status in pejus ruere cœpit. Nec illud tacuerim, hunc Imperatorem tardum & parum efficacem fuisse; animi præterea insigni mollicie ac lenitate minime laudanda. Vnde nullum unquam opportunum remedium negotiis adhibuit. Certe Sinici scriptores etsi animi moderationem in eo laudant, ac multas alias virtutes; ab illo tamen *Hana* familiæ perniciem ortam affirmare non dubitant. Sic illa familia, cujus parens & conditor excellebat maxime hominum cognitione, ab illo est affligi cœpta, qui eos minime cognoscebat.

Primo imperii mense postquam paternis manibus parentavit, *Cieyuan* uxorem ingenti pompa Imperatricem declaravit. E cujus amicis atque cognatis in Imperio multæ postea perturbationes & rixæ sunt ortæ, ut in proximo Imperatore docebimus. Eodem die

Ejus moderatio in tributis & æceremiis.

Gauin

Gaum filium, quem ex Cieyua susceperat, heredem ad successorem regni pronuntiavit.

Tum Præfectos suos allocutus, Scio, inquit, Imperium uni præ reliquis à Cælo dari, ut provideat omnibus; non ut suis tantum rebus studeat, suas utilitates voluptatesque venetur, sed ut cunctorum subditorum commodis utilitatique pareat, unus omnibus prosit. Quare ut munus mihi à Cælo impositum expleam, ex antiquorum optimorumque Imperatorum decretis, eorum sequens vestigia, omnia tributa remitto, præter illud, in quo è decem unum solvitur. Palatii sumtus, equorum famulorumque numerum imminui volo. Frugalis mensa sufficiet, misso splendore; nec ad pompam vel fastum equos & famulos aliam, sed hæc in re solam necessitatem spectabo. Sic & populum mea benignitate laetum servabo; nec mihi paucis contento quidquam deeris.

Invidia malum aulicæ familiaris.

Siaouangus erat Imperatoris carissimus præceptor, jam sexagenarius philosophus. Huic cum summæ præfecturæ munus mandare decreffet; inter competitores & æmulos invidiæ continuo flamma exarsit. Multi ergo in eum conjurant, oblatoque Imperatori libello multa optimo seni crimina objiciunt ea arte, ut pro veris quidem non affirmarent, sed tamen inquirendum esse dicerent. Mos erat, ut, cum Imperator accusationem admitteret, illico comprehenderetur accusatus. Iustus ejus moris insciens, de capite boni senis inquirei permisit, non dubitans, quin posset eum dimittere. Carceri præfectus, unus ex conjuratis; quam primum Siaouangum capit, & male habet in vinculis. Ille hausto sua voluntate veneno seipsum necat, indignum esse dicens sexagenario semel capto, licet innocens esset, pro vita disputare aut pro ea multum agere, cui natura jam fere finem imposuisset. Imperator audita philosophi morte maxime indoluit; non tamen adeo sagax fuit, ut rem cognosceret, vel suorum calumnias deprehenderet. Ex quo Præfectorum astutiores eum parvi facere, in factiones divisi suis rebus ac partibus studere, æmulos aulicis artibus infectari; quæ res Imperium ubique turbavit. Hæ factiones in Sinica gubernatione sunt maxi-

Vitronæa mors philosophi.

maxime pestiferæ, ubi omnia Imperator agit ex majorum Præfectorum consiliis; qui cum suis favere volunt, bonum publicum omittunt, & pro affectu vel muneribus responsa venditant.

Sub hoc Imperatore *Quangtung* provincia *Quangsi*, & *Hainan* insula defecerant, & immittas ab eo copias repulerant. Quare quantas potuit maximas vires contra rebelles parabat; quæis animus erat *Kiasunum* philosophum potius quam militem præficere. Ille arcessitis è Sinica philosophia rationibus Imperatorem ab hoc bello deterruit; Et olim, inquit, *Sinicum Imperium* ad Orientem mari, ad Occidentem vero campis arenosis montibusque terminabatur; in Australi parte *Kiang maris* filius limes erat. Sed hos fines paullatim extendis non magis armis, quam virtute. Hac Imperatores optimi allectos & ultro advenientes humaniter excipiebant; nec pauci fuere, qui comitate victi advenirent. Vi nemo subiciebatur. Hac igitur est summa consilii mei, ut à bello abstineas, & probos Imperatores secutus, gubernandi modum, quem illi, teneas. Nam rebelles populos virtutum splendor, non strepitus armorum subiciet. Itaque fecit, ut suavis erat, Imperator, damna- toque bello, eas regiones deferuit, quæ in defectione occalluere.

Interim factiosi Præfecti acerrimis inter se studiis certare pergebant, magno Imperii malo. Vnus inventus est *Lienus*, recti bonique communis amans; qui, quid ageretur, Imperatorem oblato libello monuit, æmulationis factionumque damna demonstrans & concordie bonum. Hic ergo à sociis, quæis recti amor ante pravos affectus erat, animatus, posthabito vitæ periculo Imperatorem, alloquitur in hunc modum: Bonis, ô Imperator, integrisque magistratibus uti, sicut est optimi regiminis fundamentum; ita contentionum fons est & initium mala gubernationis, eos expellere. Si in ipsa regia urbe omnes Imperatori fideles sint, ac multi amoris conspiratione consentiant; in provinciis vigente obsequio, recte atque ordine cuncta procedent. Qua ingenii perspicacia præditus es, ô Imperator, opto ut rectum iter; fidis ac probis hominibus aperiatur, non faciles aures fallacibus ali-

Oratio Lien
adversus fa-
ctiones.

quorum

quorum dictis prabeas. Ut facta cuiusque discutias, rogo; quo mali è collegio summi magistratus ejiciantur, & viri probi meritos honores totius Imperii bono adipiscantur. Ut inter se tui congruant, unaque mente vivant, da operam; in eos, qui factiones ac partium studia sectantur, inquire, atque ut merentur, tracta. Id facies cum Hanæ familie tua summâ salute in multos annos conservatione. His auditis exhorruere scilicet factiosi Præfecti; &c, quamvis nullum nominaret. *Lienus*, Imperatorem tamen plura super his rebus rogaturum haud ambigebant. Quare *Lienum*, quique cum eo stabant omnes omaino perditum ire decernunt, antequam exerceretur hæc ab Imperatore quæstio. *Hienus* ergo factionis unius dux *Kimnuum* *Liei* amicum, quia coram Imperatore de se quoque male locutum sciebat, hac necavit arte. Quippe cum *Hienus* maxima præfectura gauderet, ab Imperatore non difficulter obtinuit, ut *Kimnuum* extra regiam Præfectum juberet esse talem hominem tali provinciæ necessarium esse dicens. Quamquam hoc consilium instar imperii fuit. *Hienus* namque sua dexteritate, dicam, an loquacitate? Colai summam dignitatem indeptus, quos vellet, in præfecturas inferiores mittebat. Itaque *Kimnuus* assignatam sibi provinciam adiit. Vix in ea mensem exegerat, cum in eam, ut æmulum, apud Imperatorem tradito libello multa crimina, vera an ficta, parum referebat, *Hienus* intendit. Omnes quidem actiones illius diligenter per coricæos notârat; quas sinistre interpretatus, etsi forte quædam in provincia male ab eo acta non deessent, munere simul eum ac vita privavit.

At non multo post unus è Præfectis etiam *Hieno* apud Imperatorem multa maximaque crimina scripto intulit. Sed incallidus Imperator *Hieni* artibus infatuatus nullam adhibet libello fidem; imo stultissime *Hieno* illum ostendit. Is, ut erat astutissimus, hac occasione in rem suam usus, hujusmodi verbis in illius animum irrepit. *Adhuc, ô Imperator, nihil antiquius mihi fuit, quam ut bona fide tibi servirem. Sed enim, quia me licet immerentem ante ceteros in hoc amplissimo statu collocasti; superior tamen est invidia,*

Fraude sub-
latus inno-
centi.

Imprudens
factum Im-
peratoris.

qua sola armati hostes mei me apud te accusant, in perniciem meam intenti. Nec vident, cum obrectant mihi, à se accusari beneficium tuum, quo me minimum affecisti. Quid faciam? invidia usquequaque ardeo; nec tuorum subditorum illi facient ullum criminandi finem. Sed bene se res habet, quod undique deserto mihi spes est omnis reposita in iudicis mei gratia & favore. Quare unice te rogo, ne committas, ut plus apud te malevolorum possit invidia, quam calamitas mea. Meum erit, fidei erga te & obsequii constantia, me tibi ante ceteros probare. Quas artes in me ut semper expertum esse te confido; sic iterum atque iterum rogo, ne des faciles aures amulus, & honorem, quo me profectus es, invidentibus.

Facile fuit, Imperatorem, plus fidei dictis quam factis habentem fallere. Vnde jam Hiemi potentia Præfectis erat omnibus formidabilis; Imperatore non modo nullam accusationem contra ipsum admittente, sed ipsos etiam accusatores ei palam monstrante. Qui proinde quam plurimos atrociter ultus, variis artibus perdidit; alios raso capite velut mancipia struendis mœnibus onera comportare cogebat; suos suarumque partium affeclas elevabat. Hinc tantus omnes illius pavor cepit, ut jam plus, quam Imperator timeretur.

Inter hæc Imperatoris duces, quibus erat commissa muri magni custodia, commoditatem rei secuti, amicitiae jure perfide violato, Tartaros reges duos, qui in montibus vicinis animi gratia venabantur, captos plectunt capite. Deinde tanquam magnum quid pro Imperio fecissent, impudenter ab Imperatore petunt præmia. Cumque is ex Præfectorum sententia poenas potius debuisset ab illis experere; ad Regulorum dignitatem eos extulit. Duorum vero regum capira iussit ad Tartarorum terrorem in regni confinibus suffigi. Nec puduit Imperatorem varias habere conciones, quibus ostendebat reges mortem meruisse, atque à se mandatum esse, ut caperentur. Hiensus vero, qui alterum ex illis ducibus, ut alienum à sua factione, odio prosequabatur, Imperatori suadebat, ut eorum perfidiam puniret; alioqui timendum esse, ne

Tartari persequentes injuriam, Imperium invadant. Sed non paruit Imperator ejus consilio; necem *Tartarorum* tem levem esse dictitans, nec fidem barbaris illis servandam, nisi cum prodesset Sinis. Adeo Sinæ alias nationes præ se spernunt. Postea vero quam *Hahanfienus* novus *Tartarorum* rex bellum ultionis petendæ causa Sinis intulit; tum primum intellexit Imperator, quantum peccavisset. Itaque ut pacem impetraret, è regio sanguine uxorem ac magnas opes ei dedit. Quibus *Tartarus* pacatus, à bello abstinuit.

Porro factiones Præfectorum adeo intumuerant, ut jam in apertas seditiones erumperent. Verum Imperatoris mors magno Imperii commodo interveniens illam tempestatem sedavit. Cui cum filius natus major succederet, omnesque sub novo Principe meliora sperarent; à vi temperatum est.

IMP. XI. CHINGUS.

Imperavit annis xxvi.

Cyclo 45. anno
26. ante
Christi. 32.

IN vinum veneremque penitus immersum hunc scribunt Imperatorem fuisse, gubernationis curâ maternis consanguineis permessa. È *Vanga* familia, ex qua *Cieyua* mater oriunda, permultos ad amplissimos honores provexit; nesciens, quantum sibi suisque malum compararet. Regulos primæ dignitatis creavit avunculos quinque; regem unum. Is *Mangus* erat, ex eadem ortus familia; regnum *Simsu* dictum, erat in ea *Suchuena* provinciæ parte, ubi modo *Chingtu* est urbs princeps. *Hienus* hæc videns, nec ignarus, quam potentes haberet æmulos & hostes, abeundi copiam petiit, facile factam ab Imperatore. Verum vix urbe regia domum petiturus exierat; cum in sicarium incidit imminentem ejus jugulo, nec sine Imperatoris consensu, quod omnes suspicabantur. Tum extincta cum autore suo factione primaria, etiam reliquæ evanuerunt. Vignit una *Vangi* familia; quæ rurbas tamen ingentes excitavit, ut videbimus.

Densa nebula.

Quarto primi anni mense in Majum nostrum incidit uda densaque nebula, quæ magno cum omnium terrore

terrore Sinam omnem intexuit. Interrogati astrologi, quid ea res portenderet? negarunt ex artis suæ secretis quidquam certi affirmare se posse. Admonitor autem regius ita rem explicavit, ut hoc prodigium ideo prædicaret ostentatum à Cælo, quod Imperator contra Imperii leges ac statuta majorum avunculos nil tale meritos ad Regulorum dignitates extulerat. Vera loquebatur; sed Imperator maternis precibus retentus noluit *Vangam* familiam offendere, vel non intellexit, quanta mala possent hinc existere. Sdorum quidem parentum & antecessorum exemplis non sapuit; vel in tantum vitiis se dedit, ut & hæc nesciret. Unde non mirum, si turbis deinceps excitis, postmodum tertium ab hoc Imperatorem interfecerint, & maximam Sinarum partem occupaverint. Quæ hîc attigisse sufficiat; nam ad secundam decadem, quæ res post Christum natum in Sinis gestas prosequetur, hæc spectant.

Anno imperii secundo postquam *Chingus Hiuam* Nix rara a-
pud Sinas. conjugem suam imperiali corona redimiverat; quarto ejusdem anni mense nix ingens cum in Regia, tum in circumjectis regionibus cecidit. Rara utique ac Sinis invisa res. Astrologi ariolique interrogati, quid hæc novitas sibi vellet, varii varia finxerunt. Imperator à philosophis etiam exquirat, ab illis præsertim, quibus figurarum liber, *Yeking* dictus, quo de libri primi principio egimus, legendo intelligendoque familiarior, ut scripto, quid inusitatum prodigium moneret, exponerent. Aliqui ob *Fungi*, qui erat ex *Vanga* familia, nimiam potentiam iratum dixere Cælum; nec dubitabant Imperio secuturas calamitates minari. Vera dicebant; quamvis hoc ex nive non conjicerent, sed ex *Vanga* familiz fastu ac potentia, quæ omnino, cum nimia est, in seditiones facile erumpit. Quo audito *Fungus* ipse summa, quam gerebat, præfectura cupiebat abdicare se; cuius tamen votis haud assensus est Imperator. Unus inventus est *Soyungus*, qui *Fungo* adulatus, quippe à quo multa sperare poterat, in eam partem explicavit portentum, ut bonum esse omen prædicaret. Nec abrogavit ei fidem Imperator; amplexus repudiata vera falsam unius sententiam. Id quod

sæpe contingit, ut nos ipsos nimium amantes, nec, quod bonum est, intelligentes prosequamur materiam nostri mali; ex quo necesse est summam denique perniciem existere.

*Obeſt nimia
unius fami-
lia potentia.*

Sed ut istius Imperatoris in hac re magis error appareat; narrandum est, quod *Lienchiangus* non infirmæ sortis Præfectus egit. Librum composuit undecim capita complexum optimo stylo & exquisitis rationibus explicata; quibus, quantum efficere posset nimia unius familiæ potentia, demonstrabat. Ac licet familiam dissimularet; minime tamen Imperatorem fefellit, eo libro familiam *Vangam* peti. Laudavit auctoris ingenium, eruditionem, fidelitatem, simplicitatem, omnia. Nec immerito. Namque prorsus erant à majoris nominis virtutisque philosophis deprompta; non tamen ad flectendum Imperatorem, ut optima suadenti pareret, efficacia.

Hæc autem istius philosophi sinceritas fecit, ut *Hingus* ejus filius etsi literis inclitus, nunquam præfecturam adeptus sit, quamvis à Præfectis bene multis destinaretur. Namque delapsus huc erat Imperator, ut inconsulto *Fungo* nihil ageret. Ab hoc enim uno ac privato homine totius Imperii pendebant negotia, cujus unicus nutus pluris erat nimium lento Imperatori, quam multorum Præfectorum consensus.

*Ingens im-
bris inun-
datio.*

Anno imperii tertio *Xensi* provinciam, in qua ceteroqui raro pluit, imbres in Autumno continui sic inundavere, ut speciem diluvii præberent. Loca plurima simul & homines aquarum moles involuit. Ipsa etiam urbe regia usquequaque pluviismersa incolæ micenibus altis vitam tuebantur; Imperator sibi suisque in palatio commorantibus salutem consensu navibus invenit.

*Vangi Colai
proceris ac
regi formi-
dabili.*

Anno octavo *Tanyu* rex *Tartarus* ad amicum Imperatorem invensum adfuit. Eo tempore summo Colai munereungebatur *Xangus* quidam ex *Vangia* familia vir procerus, robusto ac præpingui corpore, vultuque ac capite tam grandi, ut gigantem esse crederes. Ad hunc, ut mos est, etiam *Tanyu* rex invisit; cujus forma sic exhorruit, ut pedem referret præ stupore. Admonitus ea de re Imperator gaudebat;

&c.

&c, Tales, oportet esse, quibus Imperii Sinici summa committitur; ut sola forma Barbaris terrorem incutiant. Hinc illum apud Sinas morem invaluisse putem, ut primum militarem ductorem, cujus erat in trium annorum examine primum nomen, depingant armatum, excelsa vegrandique statura, & ad vicinas circum nationes exterarum dimittant, existimantes ejusmodi pictura terrorem exteris ab se inferendum; utique si viderint talem in Sinis militiæ ducem seu spectrum potius esse.

Exstincto sub hæc Fango in summa militum præfectura successit Imus ex eadem Vanga familia. Matris precibus id Imperator dedit, cui nihil unquam negavit, in omnibus obsequentissimus.

Rarum hic narrant historici Sinenses modestiæ muliebris exemplum. Habebat Imperator inter alias concubinas unam ante ceteras carissimam sibi, Panam nomine; omnibus & corporis & animi dotibus insignem. Sunt autem intra Imperiale palatium non Imperatrici tantum, sed singulis etiam concubinis apud Imperatorem magis gratiosis attributa singula palatia, in quibus separatim habitant. Igitur Panam Imperator in palatio minore, in quo vivebat illa, non contentus invisere, jam volebat in suo secum palatio commorari. At eum honorem recusavit Pana, & modestia, in muliere præsertim, rara & memoranda, Ex antiquæ picturis nostris, inquit, etsi literas nesciam, didici tamen nonnisi fide ac prudentia claros bonis Imperatoribus adstare Præfectos; malis vero mulieres appingi, à quibus ad pessima quaque facinora instigantur. Tu nunc, posthabita Imperatrice, me vis tibi consuescere. Vide, quaeso, ne hinc malorum Imperatorum insidendi vestigiis initium facias. Ego quidem, qua te plurimum amo, favoeque laudibus tuis, nihil optans impensius, quam ut virtute magis ac magis excellas, hoc piaculum admittere non possum; ne & tu pessimorum Imperatorum, & ego malarum mulierum numerum augeamus. Imperatricem habes germanam primamque conjugem tuam; cum hac est habitandum tibi. Ego tantum utriusque sum famula. Sapientem hanc repulsam Imperator laudavit plu-

Rarum modestiæ muliebris exemplum.

Et prudens admonitio.

*Damna co-
mediarum.*

rimum, & multo magis Imperatrix; quæ, re cognita, maximas *Pana* gratias egit. Verum venerens Imperator in majora postmodum scelera delapsus est. Cum enim musica delectaretur ac theatri; inter cantatrices, quæ placebant in comœdiis, venustissimam puellam sæpe audiens, ac tandem ejus amore captus victusque advenit illuc, ut ipsam cum fratre simul adhuc puero in suum reciperet palatium. Ibi puellam gynæceo præposuit, totumque amoribus se tradidit. Imperatrix perægre ferens, ignobilem puellam apud Imperatorem tanta esse caritate; cum forte res ac tempus ferret, eum hujus facti graviter increpuit. Imperator, qui scdissimo puellæ amore inflammatus ferebatur, impatiens probri, vehementer excanduit, & ex amantium ingenio, cæco impetu abreptus, *Hiam* Imperatricem à se repudiavit. Ita cui primum velut primæ conjugii debebatur palatium, ei ne locus quidem in palatio fuit. Spem tamen in *Pana* modestia & bonitate collocans ad eam venit; à qua benigne accipitur & humanissime.

*Ex romano
regulus.*

At non hic quievit Imperatoris in saltatricem amor dicam, an furor. Adeo namque illius amore provehebatur paulatim, ut tandem veram suam uxorem eandemque Imperatricem nominarit. Et primo quidem illius patrem levem comædum regulum creat; credo, ut hac dignitate insignis & suam vilitatem tegeret, nec ille diceretur comædi filiam in uxorem accepisse. Non tulere Præfectorum aliqui hanc Imperatoris sui nequitiam; sed oblati libellis acriter arguunt. Fidelitatis pretium mors fuit; Imperatoris jussu mactatis omnibus. Quotquot enim erant ex *Vanga* familia, assentandi scæda libidine, Imperatori quidvis licere persuaferant. Hinc spes eis ostendebatur, in Imperio turbas futuras, è quarum occasione rei, quam machinabantur, exitus pendebat. Mirum dictu! vilis cantatrix Imperii Siuici, quin & ipsius Imperatoris se dominam videt; tanto securius, quanto magis Imperatoris animum amor occæcarat.

*Imperatoris
pravitas.*

Imperator itaque cum fautores ex *Vanga* familia Præfectos haberet; penitus veneri se ac vino dare, totas noctes

noctes comessationibus, conviviis, comcediis transigere. Picturas etiam obscœnissimas per palatium undique appendi jubet, ac præsertim *Takie* cum *Cheno* scœdissime acta. Non defuere quidem è Præfectis, rei turpitudinem scripto damnantibus; sed nihil effectum. Laudabat salubria monita, sed non sequebatur; agnoscebat errores, sed non emendabat; tanto alienior à recto, quanto ejus scientior.

Annum imperii decimum octavum, qui fuit ante Christum decimus quintus, secundo mense, qui fere in Martium nostrum incidit, solis defectio in Sinis visa nobilitavit. Addit auctor Sinicus, multas tenues stellas de cælo cecidisse, quasi præteret ignibus. Anno præterea vigesimo primo, quam *Chingus* imperare cœpit, ante Christum duodecimo, cometa visus est octavo mense, id est, sub Octobrem nostrum, quem observaverunt in loco sideris, quod *Cing* vocant, qui locus hodie Cancræ totum signum occupat. Sollicitus Imperator, quid hæc monstra portentave (nam talia credebatur esse) sibi vellent; omnibus copiam fecit, quid super iis sentirent, explicandi. *Soyungus* doctissimus philosophus idemque amans reipubl. coram Imperatore recitavit hæc è libello. *Quod omnes boni optamus, est illud Imperator, ut iis maxime rebus operam navet intendasque animum, qua ad optimi Imperatoris munus probe implendum conducunt. Id vero facies, si juste tuos populos regas, si bene illis provideas, si regiam præcis moribus renoves & ornes, antiquando, quicquid vitiosa consuetudo quondam invexit. Calamitates, quas Calum minitatur, effugiendi, ne dubita, facillima hæc est via, si vitis extricari virtuti demus operam; illa sunt inevitabiles, quas vitis ipsi nobis facimus. Insolita sunt hæc monstra, fateor, & sine dubio magnum aliquid portendentia, neque ad intelligendum humanis ingenii promta; si tamen est hominis fas de cælestibus conjicere, crediderim Hanzæ familiæ, nisi respiciat, exitum ab irato Cælo pronunciari. Fulminatus est Imperator hæc audiens, nec ullum locutus verbum, confestim ex aula se proripuit in palatium. Ad frugem tamen animum haud applicuit.*

Celebre tunc erat *Changyis* philosophi nomen,

Stella de Cælo lapsa.

Cometæ visus.

quem Imperator ut præceptorem non vulgari caritate diligebat. Cum hoc; à quo Sinicam Philosophiam didicisset, de plerisque negotiis conferebat consilia. Sed erat nomine magis quam reapse philosophus. Nam licet ex doctrina nobilis esset & clarus, virtute tamen carebat; aulicisque imbutus artibus Imperatori adulans, *Vanga* familiae gratiam venabatur. Igitur è re nata quidam, qui cometam studiosius observarant, Imperatori libellum obtulere suppressis nominibus, in quo planis ac Sinicis verbis iratum *Hana* familiae Cælum asserebant & in illius perniciem intentum ob nimiam *Vanga* familiae potentiam, à qua Imperium quoque perdendum ominabantur. Multa in eo libello à *Vanga* familiae Præfectis perpetrata scelera narrabant. Eapropter Imperatorem à se admoneri, ut rebus suis prospiceret. Imperator jam de *Vanga* familia, quam tot omina devoverent, addubitare coeperat. Sed hunc timorem temperavit habita cum *Changyuo* consultatio. Qui cum legisset libellum; veritus offensam & Imperatoris ejusque matris & multo magis *Vanga* familiae, quam timebat; ita de hac re cum Imperatore tractavit, ut ostenderet esse difficillimum cælestia prænoscere. Illos adhuc siderum studiosos altius æquo de se sentire, si futurorum intelligentiam sibi arrogarent. In his enim errare proclive admodum esse; imo fortasse hæc illos finxisse, quia singulari odio *Vangos* persequebantur, cumque alia via non possent ex iis ultionem petere, voluisse fidos Imperatori Præfectos infames invisosque facere; quæ propterea nil temere quidquam credendum.

Imperator, qui nihil non matris causa faceret, *Vanga* familiae cæco amore captus, eum tanquam sapientem ac fidelem laudat; & quam forte suspicionem periculi traxerat è familiae *Vanga* potentia, deponit. Hanc proinde reprimere & coercere neglexit; Præfectis, quibus constabat adhuc fides, non parum indignantibus. Ex his unus *Chuyunius* rarum dedit ac vix auditum constantiæ exemplum. Præfectus idemque philosophus erat hand ignobilis; sed à vera germanaque virtute nobilissimus. Hic tantam *Changyui* assentationem

Rarum constantiæ exemplum.

tionem ac perfidiam non ferens, contempto vitæ discrimine, quod vel ab Imperatore vel *Vanga* familia impendebat, fortî constanter animo audientiam apud illum sibi fieri volens; habere se professus, quæ afferret in bonum Imperii. Vbi colloquendi potestas fuit; in Præfectorum omnium corona Imperatorem strictim affatus, *Omnium primo peto*, inquit, *ut mihi gladium concedas, quo hic, coram te loquacis & ostentatoris huius caput amputem.* Imperatore, quisnam esset ille, interrogante; *Chuyunus est impostor ac perfidus ille*, subiecit *Chuyunius*, *quem dignum putem, cuius, te presente; caput cervicibus abscondam.* Imperator audito sui præceptoris nomine nimium quantum ira efferbuit; eaque mox in rabiem versa imperat, ut *Chuyunium* ad supplicium abripiant. Ad sunt apparitores è vestigio, simul & è palatio eiekturi. At is aulæ podia cratesque manibus adeo fortiter tenuit, ut, cum divelli non posset inde, nec illi quidquam in eo abstrahendo remitterent, podia rumperentur. Interim ita *Chuyunius* vociferabatur. *Quam bene mecum agis, ô Imperator? quod optabam concedis. Nunc moriar demum, & quidem libens moriar. Malo enim ad fidos Imperatorum Præfectos iniquissime à te tuique similibus tyrannis contrucidatos moriens ire, quam vivus apud te turpem servitutem servire, qui assentatores amore, fidos autem ac sapientes odio prosequeris. Hoc unum dolet mihi, te adeo hebetem esse, ut non intelligas, quantum te, quantum Hanam familiam maneat malum; te vero imprimis, quando saluberrima tuorum consilia respuis, solos assentatores auscultas. Dixi, quæ dicenda putabam; tu modo de me age, quod lubet; & quodcunque necis genus tibi furor suggesserit, occide. Obstupuere Præfecti, qui permulti aderant, hac constantia; & flexis de more genibus Imperatorem rogant, ut ei vitam daret. Si enim, ajebant, in publicum consuluit, hoc est, tibi; puniendus non est, sed laudandus. Sin aliquid erravit, tanquam phreniide laboranti ignosce. Talia namque nemo loquitur tanta constantia, nisi vel fidiissimus, vel prorsus amens. His auditis Imperator, ira consenescente *Chuyunium* dimitti iussit; ac*

*Sinatum in
monendis Im-
peratoribus
libertas.*

præterea, postquam ad se rediit; ut fractas crates nemo reficeret, monumento futuras, ex quo nosceret posteritas, ipsum etiam vera loquentes ac fidos habuisse Præfectos. Felix respublica, in qua Principes volentes volentes coguntur audire, quæ minime volunt; at multo felicior, ubi posito metu Præfecti suos Principes libere culpant, haud ferentes, cum suos dominos à recto virtutis tramite aberrare vident. Vtrum impensius mirer constantiam Præfectorum, an Regum plurimorum patientiam, nescio. Præfecti quidem inter fidelitatis arcana in Sinica Philosophia recondita, sed in cælum usque tollenda laudibus, illud non infimo loco ponunt, ut Principes suos omni abjecto metu, salutaribus monitis ad virtutis tramitem reducant. At Imperatores ex adverso meliores, iique non pauci talium Philosophorum constantiam amavere. Quod magis in hac, qua de loquimur, familia elucet. Nam hic quidem Imperator, ut reliquos Præfectos admonitioque licentia prohiberet, admonitorem Præfectum induxit unum. At non ideo tamen reliqui tacebant Præfecti, si viderent admonitorem officio suo deesse.

Licet autem *Chingus* plurimas amasset mulieres, immersus libidinibus; nullum tamen suscepit filium. Quo factum, ut *Hingum* nepotem ex fratre *Tingiao* Rege in successorem declarari vellet; quem apud se in palatio non secus ac filium habuit.

In hoc statu res erant, cum fato concedit Imperator, eo anno, quo Martem in loco stellæ; quam *Sin* vocant, observarunt Mathematici; qui locus, ut jam dictum, nostris temporibus à gradu secundo ad vigesimum usque sagittarii extenditur. Hæc autem Martis conjunctio cum tali sidere Sinis semper formidolosa fuit.

*Mors subita
Imperatoris.*

Decessit autem morte repentina, nulla ægritudine præveniente, cum pridie læte cœnatus, summo mane ad multa negotia pertractanda decrevisset surgere. Ac luce quidem postera surrexit è lecto; sed dum induit se vestibus, repente mortuus concidit. Regina mater *Chaum* quemdam venenum ei miscuisse credidit; *Mango* consanguineo in eum jussu inquirere. Quo *Chaus* au-
dito

dito mortem sibi concivit, noxius, an secus, ignotum. Tribunali saltem se non sine sceleris relicta suspicione subduxit. Ceterum Imperator, ut initio dictum, veneri vinoque plus nimio deditus fuit; ex quo perperam & iniuste facta sceleraque consecuta sunt multa. Matrem nimium amavit; à qua vitæ licentia permittebatur ei, quo suos interim consanguineos elevaret. Quod huic mulieri perquam promptum fuit, cum, quidquid optabat, hac arte ab Imperatore obtineret, & ad turpissima quæque facinora facem ei præferret.

XII. IMP. NGAYUS.

Imperavit annis VI.

VT diximus, *Ngayus* antecedentis ex fratre nepos fuit. Accessit ad gubernacula juvenis admodum, rexitque satis bene; moderatus sumtumque parvus. Sed quod esset ætate tantis rebus nondum par—(quippe natus annos non plus unde viginti) omnino, quod optabat, efficere non potuit. Multos Præfectorum mutavit, & *Mangum* familiæ *Vanga* principem summa præfectura spoliavit. Sic illius familiæ insolentiam aliquo modo repressit, & fortasse, si diutius imperare contingeret, extinxisset omnino. Sed prosperis conatibus immatura mors intercessit, ad implendam sequentis proxime Imperatoris tragediam familia superstitē.

Cyclo 45 anno 52. ante Christum 6.

Anno imperii primo vitæ discrimen ingens adiit. Cum enim animi gratia, solis mulieribus, quæ de more servinnt Imperatori, comitatus, descendisset in caveam, in qua tigrides, ursi, feræque alebantur aliæ; forte ursus per podii crates nixus in ambulacrum evasit. Ibi ceteris evidenti periculo perterritis & fuga salutem quærentibus; una stetit *Funga*, quæ plusquam virili animo, solis armata vestibus ursum excipiens atque strangulans, ab Imperatore imminens atque adeo præsens periculum avertit. Hanc deinde mulierem summa semper caritate dilexit; sed ut sæpe fit, summa invidia comite: quam, quæ ursum domare potuit, superare non potuit. Namque ab Imperatrice vexata propte-

Rex morti ereptus a femula,

Audaci facinore.

propterea, quod à marito præ se amaretur; qua manu servarar Imperatorem, eadem sibi vitam exhaustit.

Vox animosa. Annum imperii quintum, qui fuit ante vulgarem Christi epocham secundus, anni Sinici mense dieque primo solis defectio insignem fecit. Sub idem tempore audita vox est in palatio prorsus insolita, pulsari tympani sonum referens, adeo vehementem, ut ad extremam usque palatii portam se diffunderit. His portentis anxius Imperator, quid significaret, è Mathematicis quaesivit. Illi magnam in Imperio rerum conversionem atque rebellionem adeo fore respondent; id enim voce, quæ audiat sine figura loquentis ac specie portendi.

Hoc eodem anno *Tangu* rex *Tartarus* legationem misit ad Imperatorem, ejus salutandi copiam peti- tum. Fuere, qui non admittendum dicerent, quo sumtibus parceretur. In hujusmodi namque legationibus magni semper à Sinis fiunt sumtus, non modo cum exteri reges adsunt, sed etiam, cum eorum legati. Qui advenientes ex Imperii finibus ad regiam usque publicis sumtibus magno cum splendore deducti, eodem modo vivunt inibi, de publico item, palatio visendo, Præfectoque uno è præcipuis, cui mandata exterorum cura, iis attributo. Legatione gesta, reducuntur ad usque regni confinia eadem pompa, qua excepti erant. *Ianghiungus* tamen haud infimæ autoritatis Præfectus, ut admitteretur *Tartarorum* rex, Imperatori suavit; &c, Nihil optabilius, inquit, Imperio Sinico potest accidere, nihil opportunius, quam illos amicos admitti, quos hucusque semper pro hostibus habuimus. Ecquid aliud optarunt Imperatores priores, quam ut tot bellis ac sumtibus Tartari vel subigerentur, vel volentes nolentes in amicitia jura concederent? Nunc ubi pacem expetunt amicitiamque nostram ultro hostes nostri; sumtus cur timemus? quid si repulsam passi bellum moveant? an non plures nobis erunt necessarii sumtus, ut vim repellamus? ut taceam nostra contumacia magnis difficultatibus atque periculis Imperium involutum iri. Motus his dictis Imperator *Tartarium* regem superbo apparatu excepit. In hunc modum inter acerrimos tot

Tartarorum
rex magnif-
co à Sinis
exceptus.

audis

annis hostes pax coaluit authore Deo, paullo post homine futuro, &, ut Angelorum habet carmen, in terra pacem hominibus allaturo.

Anno sequenti post *Tartarorum* adventum, firmatamque pacem Imperator diem obiit supremum, nulla re memorabilis, nisi quod ejus mors in illum annum inciderit, quo Decembri mense, vitæ parens & humani generis vindex Deus *IESVS CHRISTVS* ex *MARIA* Virgine natus est, cum totum Sinicum Imperium altæ pacis gaudio frueretur. Est & hoc ad memoriam illustre, quod Imperator non *Ngayus* dici voluit, sed *Pingus*; quod *Pacificum* sonat. Mirabili Dei providentia, ut, quo tempore Christus Rex vere *Pacificus* in terras venit, etiam Sinicus Imperator *Pacificus* cognominetur.

Rex Pacificus.

Tungyenus erat Præfectus apud *Ngayum* graciosus imprimis. Elegans in eo forma, corporisque dignitas; comitas affabilitasque sermonis magna; sed multiplex ingenium & tortuosum. Quibus rebus ad Imperatoris gratiam sic adrepserat, ut præ omnibus amaretur. Verum calliditate avaritiæque cum esset insignis, abutens Imperatoris gratia, plurimos vexavit. Audita igitur ejus morte, suorum sibi criminum conscius, ne secuturo Imperatori meritas daret pœnas, eodem die, quo ille mortuus est, ipse de se statuit.

Atque hæc est prima Decas, quam promiseram. Hanc si lectoribus meis gratam intellexero, ad reliquas absolvendas ex molestissimis Sinicis characteribus, mihi animus erit.

Ad Majorem Dei ac Matris
Virginis Gloriam.

INDEX

propterea, quod à marito præ se amaretur; qua manu servarat Imperatorem, eadem sibi vitam exhaustit.

Vox ominosa. Annum imperii quintum, qui fuit ante vulgarem Christi epocham secundus, anni Sinici mense dieque primo solis defectio insignem fecit. Sub idem tempore audita vox est in palatio prorsus insolita, pulsati tympani sonum referens, adeo vehementem, ut ad extremitatem usque palatii portam se diffunderit. His portentis anxius Imperator, quid significaret, è Mathematicis quæsit. Illi magnam in Imperio rerum conversionem atque rebellionem adeo fore respondent; id enim voce, quæ audiat sine figura loquentis ac specie portendi.

Hoc eodem anno *Tangu* rex *Tartarus* legationem misit ad Imperatorem, ejus salutandi copiam peti- tum. Fuere, qui non admittendum dicerent, quo sumtibus parceretur. In hujusmodi namque legationibus magni semper à Sinis fiunt sumtus, non modo cum exteri reges adsunt, sed etiam, cum eorum legati. Qui advenientes ex Imperii finibus ad regiam usque publicis sumtibus magno cum splendore deducti, eodem modo vivunt inibi, de publico item, palatio visendo, Præfectoque uno è præcipuis, cui mandata exterorum cura, iis attributo. Legatione gesta, reducuntur ad usque regni confinia eadem pompa, qua excepti erant. *Ianghiungus* tamen haud infimæ autoritatis Præfectus, ut admitteretur *Tartarorum* rex, Imperatori suavit; &c, Nihil optabilius, inquit, Imperio Sinico potest accidere, nihil opportunius, quam illos amicos admitti, quos hucusque semper pro hostibus habuimus. Ecquid aliud optarunt Imperatores priores, quam ut tot bellis ac sumtibus Tartari vel subigerentur, vel volentes nolentes in amicitie jura concederent? Nunc ubi pacem expetunt amicitiamque nostram ultro hostes nostri; sumtus cur timemus? quid si repulsam passi bellum moveant? an non plures nobis erunt necessarij sumtus, ut vim repellamus? ut taceam nostra contumacia magnis difficultatibus atque periculis Imperium involutum iri. Motus his dictis Imperator *Tartarum* regem superbo apparatu excepit. In hunc modum inter acerrimos tot

annis

Tartarorum
rex magnifi-
ce à Sinis
exceptus.

annis hostes pax coaluit authore Deo, paullo post homine futuro, &, ut Angelorum habet camen, in terra pacem hominibus allaturo.

Anno sequenti post *Tartarorum* adventum, firmatamque pacem Imperator diem obiit supremum; nulla re memorabilis, nisi quod ejus mors in illum annum inciderit, quo Decembri mense, vitæ parens & humani generis vindex Deus *IESVS CHRISTVS* ex *MARIA* Virgine natus est, cum totum Sinicum Imperium altæ pacis gaudio frueretur. Est & hoc ad memoriam illustre, quod Imperator non *Ngayus* dici voluit, sed *Pingus*; quod *Pacificum* sonat. Mirabili Dei providentia, ut, quo tempore Christus Rex vere *Pacificus* in terras venit, etiam Sinicus Imperator *Pacificus* cognominetur. *Rex Pacificus.*

Tungyenus erat Præfectus apud *Ngayum* graciosus inprimis. Elegans in eo forma, corporisque dignitas; comitas affabilitasque sermonis magna; sed multiplex ingenium & tortuosum. Quibus rebus ad Imperatoris gratiam sic adreperat, ut præ omnibus amaretur. Verum calliditate avaritiæque cum esset insignis, abutens Imperatoris gratia, plurimos vexavit. Audita igitur ejus morte, suorum sibi criminum conscius, ne secuturo Imperatori meritas daret pœnas, eodem die, quo ille mortuus est, ipse de se statuit.

Atque hæc est prima Decas, quam promiseram. Hanc si lectoribus meis gratam intellexero, ad reliquas absolvendas ex molestissimis Sinicis characteribus, mihi animus erit.

Ad Majorem Dei ac Matris
Virginis Gloriam.

INDEX

I N D E X

Rerum, quæ hoc libro continentur.

A.

- A** *Bjectio magna villi Imperatoris.* [263.](#) *Acus nautica vetus Sinarum inventum.* [106](#)
Aditus ad Imperatorem praelusus. [255.](#) [260](#)
Admonitiones olim à Sinarum Imperatoribus & regibus flexis genibus exceptæ. [208](#)
Admonitio prudens concubina Imperatori facta. [405](#)
Adulatores dominati. [67.](#) [84.](#) *Probum Regem decipiunt.* [110.](#) *Adulatio vana.* [322.](#) [359.](#) *Adulator philosophus.* [408](#)
Adulteri vocantur à Sini, qui Dominos mutant. [164](#)
Æmulorum artes. [167.](#) *successus.* [168](#)
Æmulus mirâ humanitate factus amicus. [203](#)
Æmulatio propinquorum. [380](#)
Agricola fit Imperator. [42](#)
Agricultura octo terra partes assignata. [18.](#) *aratri inventio.* [24.](#) *Agricultura restituta.* [329.](#) *ab Imperatore excolta.* [374.](#) *Agricultura magna apud Sinas peritia.* [49.](#) *studium.* [107.](#) [108.](#) [139](#)
Agricolarum vindicta in Imperatorem venationi nimis addictum. [108](#)
Agrorum pari nona Imperatoris. [139.](#) *communi opera excolitur.* *ibid.*
Albus color Sini in luctu. [44.](#) [333](#)
Alba gallina mûnus regum. [106](#)
Ambitio insana. [239.](#) *Ejus tragica machinatio.* [343](#)
Ambitio aliena Imperatrici mortem accersit. [388.](#) *ambitionis seminea machinatio.* [390](#)
Amici fides. [116.](#) [211.](#) *Amicus usque ad aras.* [141](#)
Amicitia lapidea. [203.](#) *Amicitia jus violatum.* [401](#)
Amici vera & sincera objurgatio. [203.](#) *objurgatum facit villiorem.* [204](#)
Amor in ingratam patriam. [205](#)
Angelos bonos & malos credunt Sina. [11.](#) *etiam Tutelares.* *ibid.* *cur?* *ibid.* *Ei templa dicant.* [12](#)
Animal rarum captum. [360](#)
Animalia non nisi adulta occidunt Sina. [178](#)
Animi generosi putavit esse Chinyus. *stragemate non uti.* [283](#)
Annus, quæ moritur Imperator ex eadem familia, totus ei attribuitur. [49](#)
Anni Bellorum. [159](#)
Annus à venatione nominatus. [360](#)
Apostolorum numerus a Confutio Philosopho adumbratus. [140](#)
Aqua Mercurio subiecta. [20](#)
Aquarum deductiones in Sinu. [39.](#) [46](#)
Cur in Aquario Sini anni exordium. [34](#)
Arbores in agri non ferenda. [178](#)
Arca aurea divinationes continens. [105](#)
Arithmetica Sinensum. [27](#)
Arma nulla licet in Aulam Imperatoris inferre. [226](#)
Armis virtus potentior. [328](#)
Astutia in explorandis hominum judiciis. [261](#)
Atramentum Sinarum. [334](#)
Avaritia causa tyrannidis. [113.](#) *ab ipso reo punita.* [388](#)
Audacia legati. [216.](#) *Audax femina facinus.* [411](#)
Aves

Aves civilium magistratuum insignia.
32. cur. *ibid.*
Avis solis, boni ominis. ibid. quam
illa sit. ibid.
Aves novem unâ jaculatione confixa.

60

Aulici probi faciunt probum regem.

110

Aulam male moratam philosophi fu-
giunt. 144. idcirco objurgantur. 145

Aureum seculum. 18

Aurifodina à Tango Imp. populo con-
cessa. 74

Aures tres hominis. 193

B.

B *Acillis in mensa utendi ratio*
quando capta. 91

Bellum primum. 25. dissuasum. 110

Belli causa equorum immodicus amor.

109

Bellum in venationem mutatum. 110

Bella inter fratres. 123. cum patre.

157

Bellorum anni. 159

Belli bene gesti primum regnum pro-
mittitur. 257

Beneficia & injuria beneficiis compen-
sata. 302

Beneficium collatum à conferente dissi-
mulatum. 393

Benignitas Imperatoris in senes. 326

Blasi ducis diserta fides. 310

Bombycum serici usus ab Imperatoris
conjugis doctus. 38, 108. à Sinis in
Europas propagatus. 38

C.

C *Adaver regis vindicta studio*
concisum. 142

Cades dissuasa. 124

Cade uxoris quasita dignitas. 166

Cades regis insontis suavis semina. 312.

cadis causa superbia. 335

Calum quando creatum. 13. Cali nume-

rus impar. 16

Calumniæ ab amico propulsata. 211.
in auctores redit. ibid.

Calumniæ ab hoste in ducem belli cusa.
225

Camentarius ad præcipuam Sinarum
præfecturam assumitur. 85

Canis aut draco à Sinis creditur in
Eclipsi solem aut lunam devorare
velle. 58

Cantu galli fuga adjuncta. 192

Captivi liberati, cur? 108

Carceri inclusus juvenis Imperator, sis
melior. 76

Carnea silva. 68

Castus Imperator. 155

Cervus Imperatori oblatas pro equo.
261

Changi reguli virtus. 81. regimen fe-
lix ibid.

Changleangi peritia militaris in tribus
constitit. 253. ejus modestia. 266

Chaoaus Colaus Imperatorem destruit.

305. fraude persuadet ei, ut publi-
cum vitet. 255. socium scelus per-
dere laborat. 256. Imperatorem à
medito tollit. 260. scelorum pœnas
dat. 261. memorabilis illius nequi-
tia occasione cervi. 252

Chaocungi mira in Imperatorem fides.
114. 115

Chaos origo rerum. 13

Characterum Sinensium initium & fi-
gura. 22. sex in iis observanda. ibid.

Charitas ducis in milites. 204. 363.
fugitivi in patriam. 205

Chaus Imp. a rusticis occisus ob agros
venatu destructos. 108. 109

Cheungi Colai in Imperatorem agrum
pietas. 103. studium instituendi Im-
peratoris. ibid. premitur invidia.

104. restituitur. 105

Cheus Imp. venationis amans inermis
manu feras cepit. 91. eburnea vasa
usurpat primus. ibid. bacillis inter
cedendum primus utitur. ibid. uxo-
rius est. ibid. gentem tributis one-
rat.

I N D E X

Rerum, quæ hoc libro continentur.

A.

- A** Bjellio magna villi Imperatorii. [263](#). Acus nautica vetus Sinarum inventum. [106](#)
 Aditus ad Imperatorem praelusus. [255](#). [260](#)
 Admonitiones olim à Sinarum Imperatoribus & regibus flexu genibus exceptæ. [208](#)
 Admonitio prudens concubina Imperatori facta. [405](#)
 Adulatores dominati. [67](#). [84](#). Probum Regem decipiunt. [110](#). Adulatio vana. [322](#). [359](#). Adulator philosophus. [408](#)
 Adulteri vocantur à Sini, qui Dominos mutant. [164](#)
 Emulorum artes. [167](#). successus. [168](#)
 Emulus mirâ humanitate factus amicus. [203](#)
 Emulatio propinquorum. [380](#)
 Agricola fit Imperator. [42](#)
 Agricultura octo terra partes assignata. [18](#). aratri inventio. [24](#). Agricultura restituta. [329](#). ab Imperatore excolta [374](#). Agricultura magna apud Sinas peritua. [49](#). studium. [107](#). [108](#). [139](#)
 Agricolarum vindicta in Imperatorem venationi nimis addictum. [108](#)
 Agorum pars nona Imperatorii. [139](#). communi opera excolitur. [ibid.](#)
 Albus color Sini in luctu. [44](#). [333](#)
 Alba gallina mûnus regium. [106](#)
 Ambitio insana. [239](#). Ejus tragica machinatio. [343](#)
 Ambitio aliena Imperatrici mortem accersit. [388](#). ambitionis seminea machinatio. [390](#)
 Amici fides. [116](#). [211](#). Amicus usque ad aras. [141](#)
 Amicitia lapidea. [203](#). Amicitia jure violatum. [401](#)
 Amici vera & sincera objurgatio. [203](#). objurgatum facit victorem. [204](#)
 Amor in ingratam patriam. [205](#)
 Angelos bonos & malos credunt Sina. [11](#). etiam Tutelares. [ibid.](#) cur? [12](#)
 ibid. Eû [templa](#) dicant. [12](#)
 Animal rarum captum. [360](#)
 Animalia non nisi adulta occidunt Sina. [178](#)
 Animi generosi putavit esse Chinyus. strategemate non uti. [283](#)
 Annus, quæ moritur Imperator ex eadem familia. totus ei attribuitur. [49](#)
 Anni Bellorum. [159](#)
 Annus à venatione nominatus. [360](#)
 Apostolorum numerus a Consuetio Philosopho adumbratus. [140](#)
 Aqua Mercurio subjecta. [20](#)
 Aquarum deductiones in Sini. [39](#). [46](#)
 Cur in Aquario Sini anni exordium. [34](#)
 Arbores in agris non ferenda. [178](#)
 Arca aurea divinationes continens. [105](#)
 Arithmetica Sinensum. [27](#)
 Arma nulla licet in Aulam Imperatorii inferre. [226](#)
 Armis virtus potentior. [328](#)
 Astutia in explorandis hominum judiciis. [261](#)
 Atramentum Sinarum. [334](#)
 Avaritia [causa](#) tyrannidi. [113](#). ab ipso reo punita. [388](#)
 Audacia legati. [216](#). Audax femina facinus. [411](#)
 Aves

Aves civilium magistratum insignia.
 32. cur, *ibid.*
Avis solis, boni ominis. ibid. quam
illa sit. ibid.
Aves novem unâ jaculatione confixa.
 60
Aulici probi faciunt probum regem.
 110
Aulam male moratam philosophi fu-
giunt. 144. idcirco objurgantur. 145
Aureum seculum. 18
Aurifodina à Tango Imp. populo con-
cessa. 74
Aures tres hominis. 193

B.

B*acillis in mensa utendi ratio*
quando capta. 91
Bellum primum. 25. dissuasum. 110
Belli causa equorum immodicus amor.
 109
Bellum in venationem mutatum. 110
Bella inter fratres. 123. cum patre.
 157
Bellorum anni. 159
Belli bene gesti primum regnum pro-
mittitur. 257
Beneficia & injuria beneficiis compen-
sata. 302
Beneficium collatum à conferente dissi-
mulatum. 393
Benignitas Imperatoris in senes. 326
Blasi ducis diserta fides. 310
Bombycum serici usus ab Imperatoris
conjugis doctus. 38, 108. à Sinis in
Europa propagatus. 38

C.

C*adaver regis vindicta studio*
concisum. 142
Cades dissuasa. 124
Cade uxoris quasita dignitas. 166
Cades regis infantis suasu femina. 312.
cadis causa superbia. 335
Calum quando creatum. 13. Calî nume-

rus impar. 16
Calumnia ab amico propulsata. 211.
in authores redit. ibid.
Calumnia ab hoste in ducem belli cusa.
 225
Camentarius ad præcipuam Sinarum
præfecturam assumitur. 85
Canis aut draco à Sinis creditur in
Eclipsi solem aut lunam devorare
velle. 58
Cantu galli fuga adjuncta. 192
Captivi liberati, cur? 108
Carceri inclusus juvenis Imperator, sis
melior. 76
Carnea silva. 68
Castus Imperator. 155
Cervus Imperatori oblatas pro equo.
 261
Changi reguli virtus. 82. regimen se-
lix ibid.
Changleangi peritia militaris in tribus
constitit. 253. ejus modestia. 266
Chacancus Colaus Imperatorem destruit.
 305. fraude persuadet ei, ut publi-
 cum vitet. 255. socium sceleris per-
 dere laborat. 256. Imperatorem à
 medio tollit. 260. scelerum penitas
 dat. 261. memorabilis illius nequi-
 tia occasione cervi. 252
Chaocungi mira in Imperatorem fides.
 114. 115
Chaos origo rerum. 13
Characterum Sinenfium initium & fi-
gura. 22. sex in iis observanda. ibid.
Charitas ducis in milites. 204. 363.
fugitivi in patriam. 205
Chaus Imp. à rusticis occisus ob agros
venatu destructos. 108. 109
Cheungi Colai in Imperatorem agrum
pietas. 103. studium instituendi Im-
peratoris. ibid. premittitur invidia.
 104. restituitur. 105
Chcus Imp. venationis amans inermis
manu feras cepit. 91. eburnea vasa
usurpat primus. ibid. bacillis inter
edendum primus utitur. ibid. uxo-
rius est. ibid. gentem tribus on-
 rat.

- rat. *ibid.* turrim ingentem adificat. *ibid.* convivium centum viginti dierum dat. **92.** ejus crudelitas. *ibid.* bene monentem occidit. **94.** & puellam stuprum recusantem. **92.** pragnantes occidit. **94.** ejus crudelis curiositas. *ibid.* seipsum occidit. **100**
- Chimici Sineses immortalitatem sperant. **355**
- CHRISTVS à Confutio futurus homo agnitus. **149**
- CHRISTO Nato Sinarum Rex Pingus, id est, Pacificus dictus. **413**
- Chumkingi Imp. prudentia. **57**
- Chungius philosophus omnia ait timenda. **180.** ejus philosophia à matre, *explosa.* *ibid.* & a Mentio philosopho. **181**
- Civilium magistratum insignia sunt aves. **32.** Clades ingens. **100.** **191.** **194.** **211.** **227.** **228.** **286**
- Clementia mira matris Imperatoris. **379.** Imperatoris Siuennii. **387.** Iueni. **397**
- Cochinchina legatos mittit ad Imper. Sinesem. **106.** curi *ibid.* ejus regni felicitas unde? *ibid.*
- Cohabitatio turpis. **68**
- Colai dignitas qua. **40**
- Color caruleus & luteus Imperatoribus Sinesibus familiaris **29.** color candidus Sinis in luctu consuetus. **44.** color pro venere sumitur à Sinis. **267**
- Cometa visus. **407**
- Commeatus interclusus. **337**
- Communia omnia esse voluit Hiuhingus philosophus. **181.** Comæda puella fraude in reginam assumpta. **230**
- Comædiarum damna. **406.** ex comædo regulus. *ibid.* Concha cum pelagiâ ave certamen. **224.** Concubina mortua à mago representata Imperatori. **364**
- Confessio cogitati sceleris. **309**
- Confucius philosophus natus. **137.** uxorem dimittit: cur. **139.** quot discipulos habuerit. **140.** ejus magistrum & labores. **142.** honesta fuga. **143.** philosophia contenta. **144.** ejus doctrina. **147.** mors. *ibid.* dogma vere Christianum. **148.** Deum videtur agnovisse. **149.** & Christum futurum hominem prævidisse. *ib.* ejus existimatio. **150.** honor posthumus. **151.** discipulorum de eo iudicium. **152.** librorum ejus æstimatio. **241**
- Conjunctio planetarum memorabilis. **33**
- Conjugia à Fohio Imp. introducta. **23.** Conjux ad frugem revocat maritum Imper. **116**
- Consilium prudens. **161.** **201.** **204.** **213.** **243.** **253.** **264.** **288.** **305.** **314.** **346.** **347.** **348.** **386.** **394.** **399.** **412.** consilium malum. **165.** **246.** **272.** **277.** consilium anceps. **171.** consilium consulenti pessimum. **173.** **353.** **372.** consilium cautum male neglectum. **227**
- Conspiratio. **162.** detecta. **382.** alia in ignarum Imperatorem. **384**
- Constantia in fide. **195.** rarum ejus exemplum. **408**
- Constellaciones apud Sinas viginti octo. **50**
- Contemptus opum. **320.** **393**
- Convivium diuturnum. **92**
- Coquus Imperator. **61**
- Cordu septem meatus ingenii nota & laws apud Sinas. **94.** Cor evulsum. *ibid.*
- Cranium hostium pro poculo. **163**
- Croceus fluvius unde dictus. **64.** ejus cursus. *ibid.* ab eo natum proverbium. *ibid.*
- Crudelitas ingens. **92.** **94.** **113.** **117.** **254.** **269**
- Crudelitas in regiam familiam. **226.** **229.** Imperatricis in concubinam. **318.** regni abdicatione à filio damnatur. **319**
- Crudelitas in reos. **335**
- Cungkia Imperator luxui vacat. **66.** adulatores fovet. **67**
- Cuprea vasa novem omnia imperii. **50**
- Cuprea

Caprea turris, & ejus usus. **356**
 Curiositas crudelis. **94**
 Curribus in bello usi Sina. **174**
 Cyclius spatium sexaginta annorum
 quando Sinu inchoatus. **26, 39**

D.

DAnna Comadiarum. **406**
 Dedecus facit meliorem. **274**
 Delatio iniqua. **169.** graviter punita.
170
 Delicia militibus perniciofa. **280**
 Dei nomen Sina non habent. **11**
 Deum tamen agnoscunt. **ibid.**
 Devotio sui pro agro Imperatore. **103**
 Diligentia mira Tui aquas in Sina coer-
 centis. **46.** cur tanta. **ibid.**
 Diligentia filii natu minoris regnum ob-
 tinet. **160**
 Diluvio mentio apud Sinas. **12, 39**
 Dignitas cade uxori quasita. **166**
 Discipulo peccante praeceptor punitur.
104, 172
 Discipulorum **CHRISTI** numerus
 a Confutio adumbratus. **140.** Disci-
 pulorum de Confutio existimatio. **152**
 Disciplina militaria. **174. restituta. 166**
 Discordia fratrum regnum periclitat-
 ur. **129**
 Divites ignavi contemti. **172**
 Dolus in bello neglectus nocuit. **130**
 Dominum non mutare, apud Sinas ma-
 gnus honor. **164**
 Domus desiderii. **374**
 Draconis dorsum causa mysticarum li-
 nearum apud Sinas. **22**
 Draco Sinu felicitatis omen. **ibid.** insi-
 gne imperis Sinici. **ibid.**
 Draco in Imperatoris insignibus quin-
 que habet pedum digitos, ceterorum
 quatuor tantum, idque sub capitis
 penna. **22**
 Draco in veneratione Sinu. **118**
 Draco vel canis in eclipsi a Sinu credit-
 tur velle Solem ac Lunam devorare.
58
 Draconis spuma sacra. **118.** secunda.
ibid.

Duci bellici in milites charitas. **204.**
 usurpata. **363**
 Dux volans. **354.** Dux fit pastor. **168**

E.

EBrietatis mala ingentia & varia. **335**
 Eburnea vasa quando primitus in Sina
 usurpata. **91**
 Eclipsis solis memorabilis. **58.** eam quod
 Mathematici non praedixerint, oc-
 cisi. **58.** superstitio Sinensium circa
 illas. **ibid.**
 Electio Imperatoris apud Sinas transit
 in successionem. **48**
 Elementa quinque apud Sinas. **19.** cur.
ibid. Planetis applicata. **ibid.**
 Epicuri secta ante Epicurum in Sinis.
133
 Equorum nimis amor belli causa. **109.**
 equorum amor. **112.** ossa eorum ma-
 gno pretio emta. **190**
 Equis factus dynasta. **112**
 Equus cervus. **261**
 Equum velocem cur Venius Imperator
 recusavit. **326**
 Excubiarum fides & constantia. **331**
 Exempli vi mira. **97**
 Exilio multatur potius Sinici inventor.
54
 Exilii tria genera a Xuno statuta. **45**
 Exercitus undecim contra unum ho-
 stem. **369**
 Exercitus ingens. **222, 227**
 Explorata ministrorum fides. **169**

F.

Fabrilis & figlina ars inventa. **39**
 Fabri cementarii fortuna & sa-
 pientia. **86, 87.** ad Praefecturam af-
 sumitur. **ibid.**
 Fabula de origine Laotani philosophi.
134
 Fama apud posteros studium. **137**
 Famula regem a morte eripit. **411**
 Fancii legati eloquentia remunerata.
206. invidiam ei parit. **ibid.** publi-
 co ma-

co malo. 207. ejus fuga. ibid. constitutum. 208. fit Colau. 209. ejus dissimulatio. 210. veste donatur ignotus. ibid. vindictam petit. ibid.	Filiorum indoles explorata. 159. diligens regnum obtinet. 160
Fastus regis repressus. 160	Filius à patre studio pacis occisus, nullo fructu. 226
Faus Imperator adito imperio nomen mutat. 161	Filii apud Sinas, ne sint patre majores, honores suos ei etiam mortuo adscribunt. 243
Femina ab hoste per speciem amicitia donata Imperatorem & regnum perdit. 68. femina male regno consulit. 211. Sinis imperat. 322	Filiorum hereditas virtus patris. 320
Ficta legationes. 65. fictus Imperatoris filius. 379. morti adjudicatur. ibid.	Fimi ad stercorendos agros apud Sinas varii. 49
Fides Chaochungi mira in regem. 114. 115	Flavius croceus unde sic dictus. 64. ejus cursus. ibid. ab eo natum proverbium. ibid.
Fides amici. 116. legati. 368. Ducis 379	Fœdera epoto galli sanguine ista. 216. fœdus violatum. 353
Fides præfecti in regem. 142	Folius I. Imperator post diluvium sine patre natus. 21. quomodo fuerit conceptus. ibid. astrologia peritus. 22. leges & mœnia condidit. ibid. vestium inter viros & feminas discrimen invenit. 23. conjugia instituit. ibid. musicum instrumentum invenit. ibid.
Fides hosti servanda. 126	Folius incisa stylo ferreo historia prima Sinarum. 40
Fides matrona in regem rem restituit. 195. innocentis exulis in regem. 205. excubiarum. 331	Fons vini. 366
Fides & mors ducis Imperatorem servat. 290	Fortitudo duplex. 179. militaris. 300. sorte facinus famula. 411
Fides ab hoste premio donata. 304	Fortuna faventis fuga. 154. fortuna favitities. ibid.
Fides in defunctum Regem. 312. Imperatori invisa. 313. ob libertatem animi ab eodem remuneratur. ibid.	Fratres & parentes, Xuni humanitate revocati ad frugem. 47
Figuli habitu fortunam fugiens. 154	Fratrum inter se bella. 123. 156
Filium laus vetat in imperio sibi succedere. 41	Fratrum duorum lis laude digna, uter imperet. 97. 136
Filiorum post mortem. parentum triennals luctus. 43. eotempore magistratu se abdicant. ibid.	Fraus legati. 188. amuli. 196. Imperatricis. 321. magi. 364
Filios non habere, ingens apud Sinas malum. 44	Frâude sublatas innocens. 400
Filii à Xuno in successione imperii præteriti. 46	Frugalitas Imperatoris. 326
Filia patri pro cibo apposita. 92	Fuga Imperatricis prudens & regno salubris. 116
Filiis insignis in patrem pietas, ac fides in Imperatorem. 98	Fuga suasa. 171. sero persuasa. ibid.
Filius, patris hostis. 131. vincitur & necatur. ibid.	Fuga galli cantu promota. 192
Filius aut uxor non luunt crimen patris vel mariti. 139	Fuga causa præmii oblatio. 217. fuga honoris. 376. Fuga subdultus navibus a duce prohibita. 259. Furor victoris. 269
Filius in patrem rebellis. 138. 140. 157	G. Galli.

G.

Gallina alba munus regium. 106
 Gallina, si galli munus & vocem
 occupet; ruina domui imminet. Pro-
 verbium Sinicum est. 100
 Galli cantus porta urbis aperienda si-
 gnum. 192. fugam iuvat. ibid.
 Galli jugulati sanguis in fœdere adhi-
 bitus. 216
 Gemma sunt boni regum ministri. 174
 Gentibus flexis à Sinarum regibus ad-
 monitiones audita. 208
 Geometria initia. 18. eam callet Tuus
 Imperator. 50
 Grando ingens. 112
 Gratitude Imperatorum in Confutium. 151
 Gratitude filiorum in parentes. 43. 99.
 243
 Gratitude discipulorum in magistros. 104

H.

Habitationi è novem terra parti-
 bus una concessa. 18
 Hanjinii fortissimi ducis ortus. 273.
 inertia dedecore excussa. ibid. fit
 mortis reus. 274. evadit, emergit,
 otium fugit. ibid. militia proficitur.
 276. prudens ejus consilium. 277.
 Guei regem vincit & capit. 282.
 hostem servat, ejusque consilio uti-
 tur. 286. propter musicam urbi par-
 ci. 301. beneficia & injurias remun-
 neratur. ibid. capitur. 304. absol-
 vitur. 305. ejus labefactatur felici-
 citas. 307. ejus gloria perfidia cor-
 rupta. 311. obtruncatur. 312
 Hançous duos imperatores necat, 59.
 occiditur & ipse. 62
 Herbarum vires ab ipso Imperatore
 explorata. 24
 Herba in aula Imperatoris nata malo-
 rum hominum index. 29
 Hereditas filiorum, virtus. 320
 Heres suppositivus ab Imperatore occi-
 ditur. 322

Hereditas aequaliter divisa. 354
 Hiangius pra animi stupore nec literam
 addiscit. 251
 Hiubingus philosophus laboriosam phi-
 losophiam tradidit. 181. voluit om-
 nia esse communia. ibid. refutatur
 à Mentio. ibid.
 Historia Sinenfis quanta diligentia con-
 tinuata. 20
 Historicus ob veritatem necatus. 137
 Historia Sinenfis primo foliis incisa. 40
 Hoaius Imp. luxui deditus. 63
 Holoferici laceratio Imperatrici in deli-
 tiis. 119
 Homo apud Sinas primus, qui. 13. un-
 de natus. ibid.
 Homo quando conditus. ibid.
 Honor tristis ultronea mortis. 155
 Honoris fuga. 376
 Hora Sinarum fabulosa. 13
 Hora mundi nona rerum in orbe per-
 turbatio. 14
 Hora nostri avi quamam juxta Sinas.
 ibid.
 Horarum apud Sinas ratio. 17
 Hostitii jus asum. 339
 Hosti vita servata. 124. servanti pro-
 fuit. ibid.
 Hosti servanda fides. 126
 Hou dux belli creatus in Chai regis ex-
 ercitu disciplinam restituit. 166. oc-
 ciditur. ibid.
 Humanitas mira Xuni de vita pericli-
 tantis. 47

I.

Iapones à Sinis orti. 237
 Iaponia rex è naucero quo astu fa-
 ctus. ibid.
 Idololatria in Sinas quando inuenta. 11
 Ignis è ligno. 19. Marti subiectus. ibid.
 Imber maximus. 404
 Igni loquens. 59
 Immortales aliqui Sinenfium opinione. 30
 Immortalitas hujus vita ab Impositore
 Imperatori promissa. 356
 Dd 2 Ejus

<i>Lapis sua sponte erectus mortis omen.</i>	383	<i>libertas.</i> 69. 93. 94. 97. 110. 114. 203. 233. 235.
<i>Latro fit Imperator.</i>	317	<i>Punita.</i> 70. 93. 94
<i>Legationes ficta apud Sinas. 65. legati apud eos liberaliter habentur.</i>	ibid.	<i>Magister docilem discipulum non omnia docet.</i> 169
<i>Legati fraud. 188. audacia.</i>	215	<i>Magus Sinas nefanda sacrificia docet.</i> 32. <i>Magus pro Deo habitus. 88. occisus.</i> 89
<i>Legatio dissuasa.</i>	218	<i>Magus Imperatorem mire ludit.</i> 364
<i>Legatus occisus. 294. 375. Legati fides.</i>	368	<i>Maoci philosophi in monendo Imperatore libertas. 233. inconcussa post mortis minas. ibid. tandem vincit.</i> 234
<i>Legatio Tartarorum ad Sinas</i>	396	<i>Mariti crimen uxores non luunt.</i> 139
<i>Leges, musica nomine appellata.</i>	138	<i>Martius fidus in gratiam regis retrocedens. 157. igni ei subiectus.</i> 20
<i>Legum multitudo restricta.</i>	391	<i>Mater sine patre, a vestigio hominis concepit.</i> 21
<i>Legio Sinica quot milibus constet.</i>	335	<i>Matris crudelitas à filio modeste reprehensa, regni abdicatione. 319. Matris pro filio captiva audax facinus.</i> 278
<i>Lenitas Imperatoris. 25. subditos devincit.</i>	ibid.	<i>Maternus amor in filium.</i> 341
<i>Liberi carere, miserum apud Sinas.</i>	44	<i>Matris Imperatoris mira clementia.</i> 379
<i>Liberalitas offus Imperatori. 306. liberalitas ducis.</i>	363	<i>Matrimonia quando Sini capta. 23. nefas apud eos, nominis ejusdem puellam ducere.</i> ibid.
<i>Libertatis pretium puella.</i>	118	<i>Matrona in regem fides rem restituit.</i> 195
<i>Libido excidii causa.</i>	69. 111	<i>Mathesis apud Sinas antiquissima. 13. & prima.</i> 17
<i>Libri Sinici exusti. 239. 241. quidam ingenio servati.</i>	240	<i>Mathematicam Taus Imp. calluit.</i> 38
<i>Librorum Confutii honor.</i>	241	<i>Mathematici occisi, quod futuram eclipsin non pradixerint. 58. solent etiam hodie.</i> ibid.
<i>Libri, prada gratissima.</i>	264	<i>Memoria ultionis inculcata.</i> 146
<i>Lignum apud Sinas elementum. 19. ex eo eliciunt ignem.</i>	ibid.	<i>Mendici valentes ad laborem damnati.</i> 172
<i>Lignei capuli Sinarum, quos vivi magno pretio comparant.</i>	177	<i>Mentii philosophi dicta. 176. 177. tria principia. 179. dogmata. 180. alios refutat.</i> 181
<i>Lis Imperatorii tyrannii. 113. loqui inter se subditos vetat.</i>	ibid.	<i>Mensis intercalaris, inventum Sinarum.</i> 30
<i>Linearum vario ductu varia Sinarum arcana significantur.</i>	15, 16	<i>Mercurio aqua subiecta.</i> 20
<i>Literæ. Vide Characteres.</i>		<i>Metallum apud Sinas elementum. 19. veneri subiectum.</i> 20
<i>Literi Imperatorii honor habitus.</i>	128	<i>Metus armorum fecit oblivisci.</i> 226
<i>Litera sagitta ex urbe emissa.</i>	251	
<i>Literam unam addiscere Hiangyuu nequivit.</i>	ibid.	
<i>Lucrum justitia comes.</i>	177	
<i>Luctus fratrum.</i>	56	
<i>Luna habitari credita.</i>	364	
<i>Lusus regum seriui.</i>	106	

M.

Magistratum civilium insignia sunt aves, militarium dracones & feroces bestia. 32
Magistratum in monendo Imperatore

- Metempsychosis* apud Sinas author Xaca. 109
Militum modestia, 72
Militum iudicatio Imperatrici grata, ibid
 119. *Imperatorem perdit*. 167
Militis sapiens dictum. 174
Militaris disciplina. 274
Milites generosi non occidendi. 280
Militibus delicia perniciofa. 323
Militum studia explorata. 165
*Miniftrorum in electione quid obfer-
 vandum*. 169
Miniftri ab Imperatore explorati. 174
Miniftri boni gemma funt. 204
Miniftri gloria in regem arte derivata. 259. 260
*Miniftri fraudulenta cunctatione defe-
 ctio procurata*. 302
*Miniftrorum ingenii recte ufus Impe-
 rator*. 139
Miferorum major habenda cura. 36. 37.
Moderatio Tai Imperatoris. 202. *Modestia Impe-
 ratricis*. 325
*Monendi Sinarum Imperatores quin-
 que modi*. 52
Monendi Imperatoris sublata libertas.
 232. fed non adempta 233. 410. vi-
 ginti quinque bene monentes occifi.
 233. alterius calamitas. 307. Mo-
 nitor occifus. 258. Monitor Impera-
 toris conftituitur. 389. 410.
Moi Imperatoris gnome. 110
Montes ponte juncti. 280
Mores Sinarum aquales. 34
Mors ultronea. 132, 175, 195, 131,
 301, 303, 310, 328, 331, 338, 341,
 355, 361, 363, 373, 398, 410, 413.
Mors ultronea oblata honoris ergo. 155
*Morus intra feptem dies enata in Im-
 peratoris palatio*. 78
*Mos abijciendi infignia officii, fi moni-
 tores a regibus non audiantur*. 235
Mulieris ambitiofa tragica machinatio.
 343. *Muliebri modestia rarum ex-
 emplum*. 405. & commotio. ibid.
Mulier regem mortis eripit. 411
Mundus unde conditus. 13. quo ordine.
 ibid. quando. ibid. ejus finis & in-
 teritus. 14
Munera regia pariunt invidiam. 207
Munera recufata. 305. 325
Murus ingens Tartarorum extructus.
 298. ejus opera. ibid. fundamenta.
 ibid. cuftodes. ibid. quando abfolu-
 tus. 239
Murum Sinicum Tartari superant. 307
*Muficum primum instrumentum a Fo-
 bio inventum*. 23
Mufica inventa. 28. per Muficam le-
 ges intellecta. 138
*Mufica, dum pluvia cadit, boni omi-
 nis*. 164
Mufica indicium bene morata urbi.
 301. urbem fervat. ibid
 N.
N *Auclerus aftu rex Iaponia factus*. 237
Naves primo facta. 29
*Navis per continentem ab uno homine
 tracta*. 60
Navis mala fide compacta. 108
*Naves fubducta ad cavendam militum
 fugam*. 259
*Naves ab hominibus adverfo flumine,
 non a jamenti apud Sinas trahun-
 tur*. 281
*Navis Indica olim in Germaniam ap-
 pulfa*. 368
Nebula denfa ominofa. 402. 403
Niger color Tuol Imperatori familiaris. 49
Nix rara apud Sina. 403
*Nomen initio imperii a Fao Imperatore
 mutatum*. 101
Noverca odia. 357. tolerantia superata.
 ibid
 O.
O *Bediendum fibi & aliis quando
 Xunus Imp. dixeris*. 45
 Objur-

Objurgatio proficua.	217	Pax inconsulto emta.	206
Observatio stellarum prima.	34	Pacii victima filius, nullo tamen successu.	226
Odia orta inter sceleris ministros.	231	Pax obtrusa capto avo & uxore.	295
Odia noverca. 157. tolerantia superata.	ibid	Pax violata.	298
Odoriferum palatium.	356	Pecunia ratio apud Sinas.	328
Omina virtuti non obstant.	79	Pedes Sinenfium seminarum parvus unde 95. eorum decus ibid. quam parvi sint.	ibid
Omen bonum piscis. 99. à vasis trementibus, malum. 159. bonum à pluvia, qua inter epulas aut musicam cadit. 164. omina moriu.	383	Pentateuchus Sinarum.	351
Orbitas apud Sinas ingens malum.	44	Perduellu perduellem decipit.	59
Origo mundi, juxta Sinas, qua hara & ordine.	13	Perfidia 194. punita.	304
Offa equi magno emta.	190	Periculum vita industria declinatum.	133
Otiosi exagitati.	172	Periculum à fratre ingenio aversum.	319
Oti fuga in Hansiniò belli duce.	275	Peritia sagittandi.	60
Ovum hominu origo. 13. & mundi ibid		Peritia militaris Chanleangi in tribus constit.	253
Ova duo à mihite, rustico ablata, ingens quondam apud Sinas piaculum.	174	Phasiana alba munus regium.	106
		Philosophi aulam male moratam fugiunt. 144. objurgantur idcirco.	146
		Philosophorum prudens dictum ac factum.	394
P.		Philosophos Venheus Imp. amat. cum illis epulatur.	164. ibid
Pacificus dictus rex Sinarum Christo nato.	413	Philosophia laboriosa.	181
Palatium ingens. 241. 242. palatium odoriferum.	356	Philosophus & bonus apud Sinas idem.	395
Paosua Imperatrix nunquam ridet. 119. discepto holoserico delectatur.	ibid.	Philtia Sinu usitata.	371
ibid. & militum ad pugnam evocatorum ludificatione.	ibid	Physiognomia imperii prasagium.	249
Papyrus quando apud Sinas inventa.	334	Pietas Sinenfium quid.	96. 130
Parentum indulgentia noxia. 340. mortui habitus honores, sed non divini.	377. 378	Pietas regu in plebem.	156
Paries pagellu obductus.	240	Piscis prope navem evertit.	53
Partus post quatuordecim menses editus.	371	Piscu bonum omen. 99. Piscatio publici juri.	139
Pastor è duce.	368	Planetu elementa subiecta.	20
Patri crimen filii non tuunt.	139	Planetarum memorabilis conjunctio.	33
Patri bellum cum filio. 157. Patri honor habetur à filiis post mortem. 243		Planeta gemmù competentibus expressi.	44
Pauperes laboriosi in honore sunt Sinu.	172	Planetarum quinque concursus novum Imperatorem portendit.	273
Pauperum cura Imperatoru ingemosa.	380	Pluvia pietate Imperatoru procurata. 75. boni omniu inter epulas aut musicam cadens.	164
		Poculum ex hostis cranio.	163

- Pæna culpa respondens.* 60
Pœstæ Sinarum. 111
Polygamia, à Sinu capta. 35. *Regni*
molesta. 343
Ponte montes juncti. 280
Posterius meritis Confutii gaudet. 151
Potentia nimia unius familia obest.
 404
Potus Sinicus primo inventus. 54. *ejus*
author in exilium missus. ibid.
Præceptor peccante discipulo punitur,
cur. 104
Præceptores mire à Sinu observantur.
 104
Præda sunt libri. 264
Præfectorum diversorum diversa insi-
gnia. 32
Pregnans mater octoginta annis & uno.
 134
Premia laboris contempta. 217. *fuga*
sunt causa. ibid.
Premium belli bene gesti regnum pro-
mittitur. 257
Præstigia magica Imperatori perniciosa.
 371
Privigni tolerantia noverca amor con-
ciliatus. 157. *de noverca privigni*
argumentum dictum. 158
Proceritas Colai regi formidabilis. 404
Proditio in Imperatorem. 225. *quo præ-*
textu. ibid. & 356
Proverbia Sinarum. De re nunquam
futura. 64
De imperiosa uxore. 100
De causis periculi declinandis. 162
De amantibus doctorem hominum.
 165
De bonis Principum ministris. 174
De re, quæ fieri non potest. 193
De magno rei alicujus pretio. 200
De oppressione duorum inter se pu-
gnantium. 224
De occasione non negligenda. 347
Proscriptio reguli prima apud Sinas.
 152
Providentia divina eludi non potest.
 385. 386
Prudentia Imperatoris in tuendo inno-
cente. 382
Prudentia. 57. *in reprimenda seditione*
 392
Puella stuprum recusans ab Imperatore
concisa, patri comedenda apponitur,
qui filiam ante ad stuprum obtulit. 92
Puella dono oblata Imperatorem pla-
cat. 93
Puella libertatis pretium. 118. *belli*
occasio. 135. *exitiale donum.* 143
Puella comæda in reginam assumpta.
 230
Pueri prudens oratio urbem servat. 292
Pulvis singulis mensibus evanescens. 28.
Lapsu lapidis excitatur. ibid. *ejus*
impositura & superstitio. ibid.
Pupilla duplex in oculis Xuni Imper.
44. boni ominis habetur. ibid. *alius*
quoque habuit. ibid.
Putei ad summum exundantes. 78
- Q.
- Q. Vantungus ob monendi libertatem*
occisus. 69
Quæri imperii legibus consultum. 354
Quotidiana sui renovatio. 74
- R.
- R. Ebellio.* 247. *oratione domita.* 133.
regiam familiam delet. 155
Rebelles domiti. 370
Reges septem una pugna victi. 338
Regnum scelere partium bene admini-
stratum. 16
Regni fuga. 97
Regnum bene administrati belli præ-
mium. 257
Reguli ab Imperatore geniti abrogati.
 243
Regulus ex comado. 406
Renovatio sui quotidiana. 74
Reverentia literum Imperatoris exhibi-
ta. 118
Risus provocatus serici & regni dam-
no. 119
Ritus Sinarum duplici generis. 140
Robur

Robur ingens corporis. 60. 68
Ruditās morum & cultus initio apud Sinas. 18. 19
Rustica apud Sinas quotannis celebrata & jucunda. 329

S.

S Acci rubro liquore pleni, sagittis periti ad ostendendam potentiam. 89
Sagitta in calum jacta. ibid.
Sagitta litera ex urbe emissa. 251
Sagittandi peritia. 60
Sal publici juri apud Sinas. 319
Salix pro tribunali usurpatur. 108
Sanguis oblatum impertum respuit. 41
Sanguis galli epotus in fadere. 216
Sapiens dictum militis. 167. ducit. 305
Saturno terra subiecta. 20
Scholarum cura. 178. Schola juxta sepulcrum. 103
Scientia triplex apud Sinas. 148
Scripto apud Sinas omnia geruntur. 63
 390
Secta Epicuri in Sinis ante Epicurum 133. Deum agnovit. ibid.
Secta tres precipua apud Sinas. 134
Seditiones quomodo prudenter reprimenda. 277
Serici usus & officium à conjugē Imperatoris doctum. 38. 329
Seculum aureum. 18
Securitas regnorum in quo consistat. 167
Senum miseria Imperatrix. 326
Septem reges simul victi. 338
Serpens occisus regni prasagium. 250
Siccitas septem annorum. 75
Sicinius philosophi fastus. 182. repulsa. ibid. vindicta, consilium. ibid. Legatio. 183. interitus. 184
Sidus Martis in gratiam regis retrocedens. 157
Sigillum Imperatoris occasio stratagemati. 219. & fraudis. 244
Sigilli usus famulo concessus malo evenit. 232
Silentium Imperatoris diuturnum. 84
 cur. 85

Silentium triste subditis impositum. 113
Situa carnea. 68
Similitudo de prudenti ministrorum delectu. 173. 174
Errorē etsi parvum, esse tamen errorem. 179
Consilium mutare prudentis esse. 206
Sapientiam in usum publicum proferendam. 215
Virtutem regum populos ad imitandum trahere. 347
Rationem debere sibi semper esse similem. 348. 349
De modo facili coercendi seditiones 392
Simulatione doloris paratum clementia nomen. 279
Simulatio adulatoris detecta. 359
Sina nomen non habent in suā lingua, quod Deum significet. 11. Deum tamen agnoscunt. ibid. & 48. Angelos bonos & malos admittunt. 11. etiam Tutelares, cur. ibid. *templa eis dedicant.* 12. Diluvii meminere. 12. 39. Numeris arcana tribuunt. 16. Hora Sinarum. 17. ruditās morum & cultus. 18. 19. quinque elementa. 19. Sinenfium historia quam diligentia continuata. 20. Sinarum terra ante diluvium habitata 21. Sinarum insigne Draco. 22. 117. & felix omen. 22. Sinenfium characterrum initia. 22. quid in eis observandum. ibid. Sinici imperii antiqui fines. 26. Sinenfium arithmetica. 27. Sina aliquot homines immortales credunt. 30. à mago nefanda sacrificia docentur. 32. Sinarum Imperator simul Sacerdos. 33. 48. Mores Sinarum & cultus equalis. 35. Polygamia capta. 35. luctus triennalis in morte parentum 43. 44. in Sinarum luctu color candidus. ibid. cur triennium lugeant. 44. orbis filiorum ingens apud Sinas malum, cur. 44. 220. sublecta electione Sinarum Imperator succedit jure hereditario. D d 5

rio. 48. Sinarum error circa eclipses.	Strategema. 175. 197. 212. 219. 218.
58. Sinarum Imp. deliciis vacant. 63.	262. 282. 284. 289. 290. 296. 339.
agunt negotia per libellos. 63. 390.	Strategemate nunquam usus Chinyus.
Rarò è gynaceo prodeunt. 63. Sinen-	83
sum antiqua navigationes quousque	Stultitia simulata regula vitam servat.
ibid. Ad Sinas fida legationes. 65.	94. Philosopho bonam mentem. 144
Sina longos unguis pro signo nobili-	Stupiditas mira. 251
tatis habent. 75. Sina quid per ju-	Subditorum mira charitas. 96
stitam & pietatem intelligant. 96.	Succesio ex electione facta. 48
testudine ad auspicia utuntur. 100.	Succesio longa in Imperio. 101
Sinarum in preceptores mira obser-	Superbia cadis causa. 335
vantia. 104. Sinarum Poësis. 111.	Supercilia instar Iridis in Tao Impera-
Ritus duplicis generis. 140. Sina	tore. 39
adulteros vocant, qui dominos mu-	Superstitione amissa victoria. 127
tant. 164. feretra vivi sibi procu-	Supplex Imperator victori. 220
rant magno pretio 177. Et hac in	Suppliciorum quinque genera à Xuno
vivù sibi procurare, magna felicitati	constituta. 45
habetur. ibid. Animalia tantum	Susurronei Imperator non audit. 386
adultæ occidunt. 178. Sinarum ap-	
pellatio unde. 223. Sinarum nemo	T.
audet arma in aulam Imperatoris	Tabula scelera Imperatoris exhibens. 70
inferre. 226. Sina magni se ac sua	Taikangus venando imperium amittit. 55
faciunt. 237. coloris nomine vene-	Taikieus Imp. in carcere sit melior. 76
rem significant. 267. Sina subditi	Præfetto in carcerem conjicienti non
viliter ab Imp. habentur. 315. Pec-	succenset. ibid.
unia ratio. 328. Sal publici apud	Taiuu Imp. Xenedochium senibus ad-
Sinas juru 329. Rustica apud Sinas	ificat. 78. justitia observans est. ibid
annua solennitas. ibid. Sina immor-	Takia Imperatrix crudelis 92. parvos
talitatis studiosi. 333. eorum attra-	pedes prima fecit esse in pretio. 95.
mentum & papyrus. 334. Sinica le-	occiditur. 101
git quot militibus constet. 336. Si-	Tangi reguli moderatio eximia. 70. Im-
narum disciplina quinque libris com-	perium ei defertur. 72. mire ab om-
prehensa. 351. 352. Axioma circa	nibus amatur. ibid. vult se regno
Philosophia studium. 395	abdicare. 73. sed prohibetur. 74.
Sinlungus philosophus ait tres homini	aurisodinas populo utendas relinquit.
aures esse. 193	ibid. in vasis utensilibus gnomas de
Solu avis boni ominis. 32. quam illa	moribus curat inscribi. ibid. ejus in
fit. ibid.	cives pietas. 75. sui devotio ad im-
Sol decem diebus non occidit. 37	petrandam pluviam. ibid.
Sphæra calestis a Xuno Imp. è gemmis	Tartarorum prima in Sinas irruptio.
facta. 44	46. repressa. ibid.
Spuma draconis sacra in aureâ arca	Tartari bello petiti. 358. tres exercitus
reponitur. 118. facunda est. ibid.	in Tartariam à Sinu immisit. 361.
Stellarum prima observatio. 34. stella	quo successu. 361. 362
de calo lapsa. 407	Templa Sinarum Angelis tutelaribus di-
Stersitas ingens malum apud Sinas.	
219	

<i>dicata.</i> 12. <i>sine idolo.</i>	<i>ibid.</i>	<i>Vestis donata vitam donanti servat.</i> 210
<i>Templum mira magnitudinis.</i>	377	<i>Vestigio hominis conceptus Fohius Imp.</i>
<i>Terra quando creata.</i>	13	
<i>Terra numerus par.</i>	16	<i>Vetula ab interitu servavit Simicos li-</i>
<i>Terra Saturno subiecta.</i>	20	<i>bro raro invento.</i> 240
<i>Terra motus in Sinu prater morem in-</i>		<i>Vexilla strategematis occasio.</i> 262
<i>gens.</i> 389		<i>Via occulta.</i> 242
<i>Testudo Simi auspicata.</i>	100	<i>Via subterranea.</i> 281
<i>Timere omnia Chungius philosophus ju-</i>		<i>Victori supplex Imperator.</i> 281. <i>Victo-</i>
<i>bet.</i> 180		<i>ris furor.</i> 269
<i>Tres aures homini.</i> 193		<i>Victoria superstitione amissa.</i> 127
<i>Tribunalia sex ab Iao instituta.</i> 40		<i>Vihia uxor Kseo Imp. fraude obtrusa.</i>
<i>Tribunal in salice.</i> 108		<i>68, 69. Imperatorem depravat.</i> 69.
<i>Triticum septem dierum spatium in pa-</i>		<i>humanas carnes & medullas edis.</i> 68
<i>latis enatum.</i> 78		<i>Vindicta studium.</i> 142, 163. <i>eius in-</i>
<i>Turris ingens a cervu dicta.</i> 91		<i>culcata memoria.</i> 146. <i>in authorem</i>
<i>Turri cuprea & ejus usus.</i> 356		<i>redit.</i> 164
<i>Turris adificanda stultorum consilium</i>		<i>Vini usus, laus, damna.</i> 107. <i>Vini fons</i>
<i>elusum.</i> 365		366
<i>Tyrannus.</i> 113		<i>Virtus sit ubique.</i> 179. <i>armis potentior.</i>
		328. <i>parit invidiam.</i> 411
V.		<i>Vita hosti servata.</i> 124. <i>servanti pro-</i>
<i>Vacca ad strategema adhibita.</i> 198		<i>suit.</i> <i>ibid.</i>
<i>Vacca testacea ingens.</i> 330		<i>Vita propaganda studium.</i> 345. <i>vita</i>
<i>Vacca fraudis magica ministra.</i> 364		<i>privata amor.</i> 350
<i>Vasa cuprea pro numero mensium.</i> 28.		<i>Vita homini quanti facienda.</i> 391
<i>tremencia.</i> 159		<i>Ultronea mors. Vide Mors ultronea.</i>
<i>Vasa cuprea novem Geographica, omina</i>		<i>Ulxius Imp. voluptatis mancipium.</i>
<i>imperii.</i> 50, 133. 200		246. <i>eius oscitantia supina.</i> 248. <i>a-</i>
<i>Vasa utensilia gnomis seu sententiis or-</i>		<i>strologia delectatur.</i> 249
<i>nata.</i> 74		<i>Vngues longi signum nobilitati.</i> 75
<i>Venando imperium amissum.</i> 55. 60.		<i>Volani dux.</i> 354
<i>Venandi studium in Cheo Imperatore.</i>		<i>Vuyeus Imp. scelestus magum pro Deo</i>
91. <i>e venatione periculum.</i> 350		<i>vult coli.</i> 88, 89. <i>eum dein jubet oc-</i>
<i>Venatio qua Principem deceat.</i> 98. <i>dis-</i>		<i>cidi.</i> <i>ibid.</i> <i>calo iratus in illud sagit-</i>
<i>suasa.</i> 317		<i>ta jacit.</i> <i>ibid.</i> <i>fulmine perit.</i> <i>ibid.</i>
<i>Venationis mala.</i> 108. <i>Venatio post bel-</i>		<i>cur superis tam fuerit insensus.</i> <i>ibid.</i>
<i>lum.</i> 110. <i>Venatio nomen dedit.</i> 360		<i>Vutings Imp. in patrem pietas.</i> 84. <i>si-</i>
<i>Veneri subiectum metallum.</i> 20		<i>lentium diuturnum.</i> <i>ibid.</i> <i>a proce-</i>
<i>Venus coloris nomine Sinis explicatur.</i>		<i>ribus reprehensum.</i> 85. <i>ab Impera-</i>
267		<i>tore defensum.</i> <i>ibid.</i> <i>eius de Praefecto</i>
<i>Ventus omnia erigens.</i> 105		<i>deligendo somnium.</i> <i>ibid.</i> <i>metu ma-</i>
<i>Veritas historico necem parit.</i> 137		<i>li omnis seipsum examinat.</i> 87. <i>re-</i>
<i>Veritatis audienda studium.</i> 374		<i>bellem devictumque regulum moni-</i>
<i>Vermiculi loquentes.</i> 383		<i>tii emendat.</i> <i>ibid</i>
<i>Vestes a Fohio feminis & viris diversa</i>		<i>Vxores non luunt crimen mariti.</i> 139
<i>prescripta.</i> 23		<i>Vxoris cade quaesita dignitas.</i> 166
		Vxoribus

Vxoris scelus ignaro marito commissum.
excidio totius familia punitur. 388.
 389

X.

Xaca Philosophus & Iaponum postea Deus quando natus. 109.
 author *metempsychosis* apud Sinas. ibid.
Xaokangus a matre cadi subtrahitur.
 61. latet inter pastores. ibid. fit co-
 gnus dynasta. ibid. agnoscitur Im-
 peratoris Siangi soboles. ibid. par-
 ricidam vincit & necat. 62. impe-
 rium occupat. ibid.
Xangti, quid significet. 49
Xenodochium a Tarvo Imp. pro senibus
exstructum. 78
Xunus agricola ad imperium attolli-
tur. 42. ejus parentes & fratres.
 ibid. ex omnibus studet virtutem
 addiscere. ibid. minori prius magi-
 stratu Taus Imp. ejus experimentum
 capit. ibid. toto triennio abdicato
 imperio Tai defuncti Imp. ceu patris
 mortem luget. 43. spharam planeta-
 rum fecit e gemmis. 44. duplices o-
 culorum pupillas habuit. ibid. in
 duodecim provincias regnum divi-
 dit. 45. agriculturam fovet. ibid.
 quinque suppliciorum genera decer-
 nit, tria exilii. ibid. vult tantum
 in bonis obediri sibi. ibid. aquas de-
 ducit. 46. neglectis filiis, Ivum so-
 cium regni facit ac postea successo-
 rem. ibid. ejus adhuc privati peri-
 culum. ibid. humanitas. 47. paren-
 tes & fratres ad frugem revocat. ib.

172. odium unde. 173. fatalis
 exitus. ibid.
Taus insignis Imperator. 36. suis civi-
 bus charus, veneras cantilenas odit.
 37. Mathematicus fuit. 38. habuit
 supercilia varis coloris instar iridis.
 39. sex tribunalia instituit. 40. a-
 dulationem respuit. 41. filium male
 meratum succedere in Imp. vetat.
 ibid. successorem agricolam nominat.
 42. putatur idem cum Iano imo Noë
 fuisse. 40. vivus cedit alteri impe-
 rium. 41
Teking liber arcanorum. 16
Taus faber camentarius fit primarius
præfectus. 85, 86
Tn & Tang quid sit apud Sinas. 15
Ts perduellis. 59. versipellis. ibid. ne-
 catus a tyrannidis socio. ibid. sagit-
 tandi peritus. 60. venationi dedi-
 tus. ibid.
Taus imperium fugit. 47. arguitur ceu
 nepotum & filiorum plus aquo a-
 mans, sed male. ibid. gaudet colore
 nigro. 49. Est Geometra & Astrolo-
 gus. 50. vasa novem ex are cyprio
 fundit Geographica. ibid. qua qui
 deinceps habuit. Imp. habebatur. ibi.
 reprehendi ac moneri vult. 51, 52.
 quomodo. ibid. ejus impatientia se-
 mel in admittenda commotione ab
 uxore aptè castigata. ibid. commi-
 seratione insignis est. 52. sibi aliena
 delicta imputat. 53. bene conscius
 periculum non timet. ibid. ejus axio-
 mata. 53, 54. sub eo potius Sinicus
 inventus. 54

Y.

Yangi Imp. docilitas. 170. pericu-
 lum, fortuna, functiones. 171.
 magna sub eo gentis felicitas.

Z.

Zus rex a subdito occiditur, quem
 promoverat. 279
 Zu regis sortitudo. 300

